



বিদেশে-পথে-প্রান্তরে

[আমেরিকা এবং ক্যান্সাস-জঙ্গল বৃত্তান্ত]

বিভাসাগর প্রকাশন

২৩/১ কলেজ রো

কলকাতা-৯

● প্রকাশক : এম. দত্ত

১৪৮ বি. এম. ব্যানার্জী রোড

কলকাতা-৫৬

● প্রচ্ছদ ও অলংকরণ শিল্পী : সুনির্মল পুরকায়স্থ

● প্রথম প্রকাশ : ২৯শে বৈশাখ

বুদ্ধ পূর্ণিমা ১৩৪৯

● সূত্রাকর : শ্রী হুকড়ি দাস

গোপীনাথ আর্ট প্রেস

১১, প্রেমচাঁদ বড়াল স্ট্রীট

কলকাতা-১২



শ্রীমা

মুখবন্ধ

না-না, বিশ্বাস করুন,—কারো মুখ আমি বন্ধ করতে চাই না। বাক স্বাধীনতাই শু আমাদের একমাত্র স্বাধীনতা। আমার লেখনীর মুখ বন্ধ করার এটা একটা ভূমিকা মাত্র।

ভ্রমণ কাহিনী লেখার ইচ্ছা থেকে নয়,—পশ্চিমবঙ্গের আশ্রম নিবাসী আমার শ্রদ্ধা মুরারি মোহন ভট্টাচার্য্যকে একটি দীর্ঘ পত্র লেখার সঙ্কল্প থেকেই এর আরম্ভ। তাছাড়া এটা বহু সমাস নয়,—বহুভাষ্য পুরুষ সমাস মাত্র,—ভ্রমণ ও কাহিনী কদাপি নয়—ভ্রমণের কাহিনী মাত্র। যেখানে যেখানে গিয়েছি তার ইতিহাস, কিম্বদন্তী ইত্যাদি এবং বিভিন্ন মিউজিয়ামে দেখা বিখ্যাত শিল্পী ও ভাস্করদের শিল্পকলার খানিকটা পরিচয় বন্ধুবরের আনন্দবর্দ্ধনের জন্য অন্ত্যস্ত জ্ঞাতব্য তথ্যাদির সঙ্গে পরিবেশন করেছি। বর্তমান পুস্তকটি সেই পাত্রেরই বন্ধুবরের নির্দেশে করা কিঞ্চিৎ পরিবর্তিত রূপ।

বাংলার আগ্রহ ছাড়া এ ভ্রমণ ও ভ্রমণ বৃত্তান্ত আদৌ সম্ভব ছিলনা—বিশেষতঃ যে দুইজন স্নেহভাজন-অধ্যাপক ডঃ মিলন দত্ত ও অধ্যাপিকা বাসন্তী চাকী-বারা পুস্তক প্রকাশনের ব্যাপারে কঠিন পরিশ্রম স্বীকার করেছেন—ভাদের নিকট আমার অপরিশোধ্য ঋণ সঙ্কতস্তচিত্তে স্বীকার করছি। গ্রন্থে বেশ কিছু মুদ্রণ ভ্রমাদ রয়ে গেল বলে ক্ষমাপ্রার্থী। পরবর্তী সংস্করণে এগুলি সংশোধন করা হবে।

সর্বশেষে এই ক্ষুদ্র প্রচেষ্টার ফলাফল শ্রীঅরবিন্দ ও শ্রীমার চরণে সমর্পণ করে তার মুক্ত হলাম।

শ্রীনির্মল পুরকায়স্থ

৮/১০ পোলক এ্যাভিনিউ,

দমদম, কলকাতা-৮০,

[আমেরিকার পথে—কোলকাতা—বোম্বাই—দুবাই—লণ্ডন।

মিনিয়াপোলিস,

বন্ধুবরেষু,

আজ থেকে যুগ পাঁচেক আগে নিমন্ত্রণ বাড়ীতে পোলাও কালিয়া দধি সন্দেশের অটেল ব্যবস্থা থাকলেও শুরু করা হত মুক্তো দিয়ে। প্রাচীনপন্থীদের মত আমিও প্রাক্তন পদ্ধতি অনুসরণ করে আটচল্লিশ ঘণ্টার বিরস বিমান বিহার থেকেই শুরু করছি, —যদিও দধি সন্দেশ দিয়ে শেষ রক্ষা করতে পারব কিনা জানি না।

এয়ার ইণ্ডিয়ার বিমানে ভাগ্যক্রমে খুব ভাল জায়গাই জুটে গেল। গবাক্ষে গৃহিণী; পাশে স্ত্রীমারের পেছনে গাটা বোটের মত আমি, সামনে পা ছুটো অবোধ সটান করার অটেল জায়গা। মুখ নিজার অসুবিধা ছিল না, তবুও—

‘রাত কাটে গিনগিনকে শারে’।

তবে গুলবার মত হারাই বা কোথায়। তারা ত মেঘ সমুদ্রে হারা। ঘণ্টা দুই বৃথা চেষ্টা কব' গেল। ইতিমধ্যে বোম্বাই বিমান বন্দরে বিনান অবতরণ করল।

গৃহিণী বল্লেন—“চল, নেমে একটু পায়চারি করে নিই”।

কী আর দেখব। দোকান পাট আর নিজালু নরনারী। কিছুটা পদচারণে, কিছুটা গালগল্পে ঘণ্টা আড়াই কাটিয়ে আবার এয়ার ইণ্ডিয়ার বিমানে উঠে বসা গেল।

অপ্রসন্ন আকাশের মুখ ভার, ভোরের আলো ফুটতে তখনো ঢের দেবী। তা হলে ভারতের মাটি ছেড়ে এবার সত্যই চল্লাম। আরব সাগরের জলরাশি এখনো আঁধারে অদৃশ্য। আমাদের বিমান থামবে আরব সাগর পার হয়ে আরবের মরু প্রান্তে, দুবাই বিমান বন্দরে। এর আদরের নাম “পারস্য উপসাগরের মুক্তা”।

আমরা যখন দুবাই এর কাছাকাছি এলাম তখন ভোরের আলো
সবে ফুটে উঠেছে। প্রভাতের নরম আলোয় চোখের সামনে ভেসে
উঠল—আরবের বালুকা সমুদ্রের স্থির তরঙ্গ। এখানে ওখানে ছ’চারটি
সাদা গম্বুজওয়ালা বাড়ী আর চতুর্দিকে ঢেউ খেলান প্রান্তরে কণ্টক
সর্বস্ব তৃণের কঠিন জীবন সংগ্রাম। এই রুক্ষ নিঃসঙ্গ নিষ্কর্ষ
তৃণশূন্যহীন দিগন্ত প্রসারিত বালুকাময় প্রান্তরেরও একটা নিজস্ব বিশেষ
রূপ রয়েছে। সে সৌন্দর্য অতি প্রকট নয়; তাকে দরদ দিয়ে
আবিষ্কার করতে হয়।

“সোনার তরুয়া বন্ধু! একবার পেখ,
আমার নয়ন নিয়া তুমি তারে দেখ”।

আর মরুর দুই প্রান্তের দুই শহর—করাচী ও যোধপুরে প্রথম
যৌবনের অনেকটা সময় কাটিয়েছি বলে এ দৃশ্য আমার কাছে পুরানো
বন্ধুর মত পরিচিত ও প্রিয়।

দুবাইএ বিমান অবতরণের সঙ্গে সঙ্গেই যাত্রীরা নামবার জন্ত
অস্থির। তা বলে ভেবো না এটাই তাদের গম্ভব্য স্থল। শুধু নেই বলে
স্বল্প মূল্যে জিনিষপত্র কেনাকাটার ঝোঁকেই এদের দ্রুতাবতরণ। বিমান
সেবিকা (এয়ার হোস্টেস) স্মরণ করিয়ে দিলেন যেন ‘পাসপোর্ট’
লগ্নে নিয়ে নামি এবং বিশ মিনিটের মধ্যেই ফিরে আসি; কারণ হাওয়াই
জাহাজ এখানে খুব অল্প সময়ের জন্যই থামে।

গৃহিণী বলেন, ‘সুযোগ যখন পেলামই তখন চলনা আরবদেশের
ঘাটি—থুড়ি—বালুকা স্পর্শ করেই আসি’।

বল্লম, ‘তথাস্তু, চল দেখেই আসা যাক’।

বিমান বন্দর হোক না ছোট—তবুও ছিমছাম, সুন্দর। স্থানীয়
স্থাপত্যে সঙ্গ পশ্চিমা ঢংএর মিতালী। বহুশ্রম ও অর্থের বিনিয়োগে
ছোট ছোট ফুলের বাগান, গাছ, লতাপাতা,—অন্যত্র অসামান্য না
হলেও এখানে সত্যি সার্থক ও অসামান্য বিমানবন্দরের কর্মীদের মধ্যে
এই গারতীয় বলে মনে হল। মহিলা কর্মীর সংখ্যাও

খুব নগণ্য নয়। তবে তাঁরা সবাই কৃষ্ণাঙ্গিনী ও মনে হয় প্রাস্তবর্তী মহাদেশিনী।

প্রশ্ন আমাদের কেনার নয়—চেনার। সেটা সামান্য বিশ মিনিটে কদাপি সম্ভব নয়। অতৃপ্ত অন্তরে অচিরে অপেক্ষমান বিমান গর্ভে পুনঃ প্রবিষ্ট হলাম। কিছুক্ষণের মধ্যেই সগর্জনে বিমান ছাড়ার প্রস্তুতি শুরু হয়ে গেল। এবার সুপার (Super) হনুমানের মত এক বিরাট উচ্চ তথা দীর্ঘ লক্ষ্যে বিমানটি লগুন বিমান বন্দরে উপনীত হবে। ‘পিপাসিত’ আঁখি বিমান গবাক্ষে নিবদ্ধ রইল।

আরবের আকাশ ছিল নির্মেষ,—রৌদ্রস্নাত। আমরা যাচ্ছিলাম প্রায় তেত্রিশ হাজার ফিট উপর দিয়ে। আরব ভূখণ্ড পার হতে না হতেই নিম্নে আকাশে আবার মেঘের ভিড়, যদিও তা নিচ্ছিন্ন নয়। মেঘের ফাঁকে ফাঁকে দেখা যাচ্ছিল—একদিকে প্রসারিত নীল সমুদ্র,—অন্যদিকে অসমতল বালুকাময় প্রান্তরের প্রান্তে প্রান্তে রুক্ষ বাদামী পাহাড়ের শ্রেণী। মনে মনে পশ্চিম এশিয়া এবং দক্ষিণ ইয়োরোপের মানচিত্রটা অনুধাবনের চেষ্টায় ছিলাম। আল্পস পর্বত দর্শনের একটা গোপন বাসনা মনে মনে পোষণ করছিলাম, কিন্তু সেটা হল কি হল না—

“সে কি এল! সে কি এল না!” বোঝাই গেলনা।

মেঘের কবাচি যেন আমার ভাগ্যেরই মত, খুলতেই চায়না। কখনো অল্পস্বল্প খুললে দেখতে পাচ্ছিলাম—নীচে পাহাড়ের শ্রেণী,—যেন কিছুটা মণ্ডলাকৃতি, ঘরোয়া ধরনের। সে ত ছবিতে দেখা ‘আল্পস্’ এর মত নয়। যেন কৃষ্ণাভনীল অরন্যানীর কস্মল জড়িয়ে ঘুমাচ্ছে। ম্যথায় তার বরফের ‘আইস ব্যাগ্’ যেন জ্বর জজ্জ্বর দেহে অচেতন। আর ছিল কাল বায়ুনের গলায় শুভ্র উপবীতের মত কৃষ্ণনীল পর্বত শ্রেণীর বুকে শুভ্রশ্রোতস্বিনীর রজতধারা। কিন্তু দেখলাম কাকে! ইউরালের উপর দিয়ে উড়াল দিয়ে যাচ্ছি—না দেখছি আল্পসের অল্প-স্বল্প।

মেঘের ফাঁকে ফাঁকে নিয়ন্ত্রেণ চল্ কিছুক্ষণ । আবার শুরু হয়ে গেল দৃষ্টি প্রতিহতকারী পুঞ্জ পুঞ্জ মেঘের মেলা । অতুলপ্রসাদের গান শুনেছিলাম ছেলেবেলায় ৩স্রসাগর হিমাংশু দত্তের মুখে—
“মেঘেরা দল বেঁধে যায় কোনখানে—

ও আকাশ বল আমারে ।”

অভিসারিণী মেঘকন্যাদের দেখে সেই ছেলেবেলার গান মনে পড়ে গেল—যদিও কাঁবি এদের দেখেছিলেন ভূপৃষ্ঠ থেকে, আর আমার এ দেখ মেঘলোকের উর্ধে বিহার করতে করতে ।

মেঘেঢাকা ইউরোপের মুখের চকিত দর্শন মাঝে মাঝে যে হচ্ছিল না তা নয় । তবে তাতে কি আর সুখ মেটে ! তবে এটাও ঠিক, তেত্রিশ হাজার ফিট উপর থেকে মেঘগড়া মায়া রাজ্য অবলোকনও একটা ফেলনা অভিজ্ঞতা নয় । মেঘ দিয়ে গড়া আস্ত একটা রাজ্য যেন ! তাতে বরফের পাহাড় ফাঁকে ফাঁকে বরপাবত প্রাস্তর ভেদ করে নীল আকাশের নীল নদী । যেন সত্যই স্বপ্নে দেখ, এক নিঃসঙ্গ মেরু অঞ্চল চাঁদের আলো গায়ে জড়িয়ে স্বপ্নমগ্ন !

আরসু দর্শন হল কিনা হলফ করে বলতে পাবব না না । তবে যা দেখা হল তাও নিশ্চয়ই নগণ্য নয় ।

ছপুরের কাছাকাছি বিমান লগুনের নিকটবর্তী হল । এবার মেঘরাশি ভেদ করে ধীরে ধীরে বিমান নামছে । মেঘের ফাঁকে ফাঁকে নীচের জনপদ মাঠঘাট, পরিষ্কৃত হয়ে উঠছে । সবুজ মাঠ, ক্ষেত, খামার, লাল লাল বাড়ীঘর, ঠিক যেন ছবি দেখছি । এ দৃশ্য ছবির মারফৎ ঢের দেখছি বলেই হয়ত এত পরিচিত মনে হচ্ছে ।

বিমান অবতরণ করলে আমরাও অবতরণের জন্ত তৈরী হলাম । বিলাত দেশটা সত্যি ‘সোনার না মাটির’ সেটাও ত পরম করে দেখা দরকার ।

নামবার আগেই পাইলট ((Pilot) মাইক্রোফোনে জানিয়ে দিলেন—“একটু আগে সামান্য বৃষ্টি হয়েছে, তাপাঙ্ক পঞ্চাশ ডিগ্রি

ফ্লোরেনসাইট” ইত্যাদি ইত্যাদি। বৃষ্টির জন্য কোথাও বা সামান্য জল দাঁড়িয়েছে। ঘাস পাতা সব ভিজে ভিজে। একটা স্যাঁতসোঁতে ঠাণ্ডা ভাব,—অনেকটা শিলং এর মত। সহযাত্রীদের দিকে তাকিয়ে দেখলাম,—ভারতীয়ই বেশী। আমাদের মত বৃদ্ধবৃদ্ধার সংখ্যাও নেহাৎ কম নয়। তাঁদের অনেকেই আমেরিকাবাসী পুত্র কন্যা সন্দর্শনে যাচ্ছেন, আমাদেরই মত। আলাপ জমাতে বিলম্ব হল না।

এই বিমান বন্দরেব বিশ্রামাগার (ট্রান্জিট্‌ লাইউজ) যেন আমাদের দেশের এক মেলা বিশেষ। কত লোক জন, কত রকমারী দোকান পাট, পান ভোজনের আয়োজনই বা কত। কর্মরতদের মধ্যে ভারতীয়ও রয়েছেন,—তবে খুব একটা সম্মানের কাজে নিযুক্ত নয়। ‘নিঙারি নিঙারি’ না হলেও ‘পরি নীল শাড়ী’ এক পঞ্চদ ছহিতাকে দেখলাম। নীল দস্তানা পরে রুজরক্তিম গণ্ডে এক বিদেশী সম্মার্জ্জনী হস্তে ভ্রাম্যমাণ। একাধিক পানাপারে কর্মব্যস্ততা। তারই একটাতে দেখলাম—পাগড়ী মাথায় এক সর্দারজী শূন্যপাত্র সংগ্রহে ব্যস্ত। অন্যত্র দেখলাম—একটি পণ্যবাহী চক্রযুক্ত ঠেলা ঠেলছেন দুই ব্যক্তি, তার একজন ভারতীয়,—বয়স চব্বিশ পঁচিশ অনভ্যস্ত হাতে ঠেলাটা সামনে থেকে টানছেন আর অপর ব্যক্তি পেছন থেকে ঠেলছেন। ঠিক মত হয় নি—ঠেলাটা তার গোড়ালির উপর দিয়ে চলে গেল। ঝাং চাতে ন্যাংচাতে চেষ্টায়ে উঠল ছেলাটা—“ইয়ে কা কিয়া ইয়ার!”

শুনেছিলাম খটে—অর্থাত্বে অনেক ভদ্রসন্তানকে বিদেশে বিভূঁইয়ে যেতে হয়। এবার প্রত্যক্ষ করা গেল।

বিদ্রক্ত মন বলে উঠল—“ঢের হয়েছে, আর দেখে কাজ নেই।” অতএব বিমানে পুনঃ প্রবেশের প্রতীক্ষায় রইলাম।

— :: —

[লণ্ডন-নিউইয়র্ক-মিনিয়াপোলিস্]

বিরস বদনে বেশীক্ষণ অপেক্ষা করতে হল না। কিছুক্ষণ পরেই ইলেকট্রনিক বোর্ড (Electronic board) এর গায়ে এয়ার ইঞ্জিনের বিমানে ফিরে যাবার সংকেত ফুটে উঠল। যাত্রীরা সবাই ছুঁড়ে ছুঁড়ে উঠে পড়ল। গোলকধাঁধার মত নানা জায়গায় চক্কর কেটে কেটে নিরাপত্তার অনুরোধে কৃত নানাবিধ পরীক্ষায় (Security check) উত্তীর্ণ হয়ে অবশেষে এক সময় বিমান গর্ভে পুনঃ প্রত্যাবর্তন করা গেল। নীচের মাঠ, ঘাট, ঘর বাড়ী, নদ নদী ক্রমে বড় থেকে ছোট হতে হতে জরিপ করা মানচিত্রে পরিণত হল। পাতলা মেঘের ফাঁক দিয়ে আবছা দেখা ইংলণ্ডের মাটি, পাহাড়, গাছপালা, বরদোর ক্রমেই বাস্তব থেকে ছবি, ছবি থেকে স্বপ্ন, এবং স্বপ্ন থেকে যেন সুস্বপ্নের পূর্ণাবলুপ্তিতে পর্যাবসিত হল।

আটলান্টিকের মেঘের ওড়না ঢাকা মুখ দেখতে পাচ্ছি না। যদিও নিকুন্তিল। যজ্ঞে পূর্ণাঙ্কতি দিয়ে মেঘনাথ মেঘনাদ আমরা কেউ হইনি, তবুও অপরের অলক্ষ্য থেকে অবলীলাক্রমে মেঘলোকে বিহার করে চলেছি। এবার আমরা অতীত আটলান্টিক পার হয়ে সোজা নিউইয়র্কে নামব! চক্ষু গবাক্ষনিবন্ধ এই হীন আশায় যদি দৈবাৎ আটলান্টিকের ক্ষীণভাস ক্ষণিকের জগৎ দেখতে পাই।

এতক্ষণে এয়ারইঞ্জিনের বিমান সেবিকারা যাত্রীদের রাজকীয় ভোজে আপ্যায়িত করার জগৎ সক্রিয় হয়ে উঠেছেন।

একে পেটরোগা বাজালী—তায় বুদ্ধবুদ্ধ। সুতরাং ‘কিঞ্চিৎ না হই বক্ষিৎ’—এর উপর দিয়েই এপর্ব সমাধান করা হল।

এবার খাওয়ার পাঠ চুকলে বিমান কর্মীর বাতি নিবিয়ে জানালা বন্ধ করে যাত্রীদের সুখনিদ্রার ব্যবস্থা করে দিলেন। কিছুক্ষণ বুঝা চেষ্টা করা

গেল। কি একটা ব্যাপার নিয়ে পার্শ্ববর্তিনী এক ইংরেজ মহিলার সঙ্গে কিঞ্চিৎ বাক্যালাপ হল। জানালেন—তিনি দর্শনের অধ্যাপিকা। তাঁর গুরু একজন ভারতীয়। বিশেষ করে তাঁর আশ্রমেই তিনি এসেছিলেন শুনে ভাল লাগল। কথায় কথায় পণ্ডিচেরী ও শ্রীঅরবিন্দ প্রসঙ্গ এসে গেল। তিনি বল্লেন—তিনি নাম শুনেছেন মাত্র—এখনো তাঁর বই পড়ার সুযোগ হয়নি। আমার কাছ থেকে কয়েকটা বইএর নাম টুকে নিলেন। কিন্তু ঠিক বুঝতে পারলাম না; এটা তার ক্ষেত্রে “থ্যাক্সইউ” পর্যায়ের মৌখিক ভদ্রতা কিনা। তবে এ ক্ষেত্রে হয়ত তা নাও হতে পারে; কারণ তিনি যে দর্শনের অধ্যাপিকা। কেন জানিনা—সাম্প্রদায়িক লোক ত বটেই—যারা নিজেদের বুদ্ধজীবী বলে দাবী করেন, তাঁরাও শ্রীঅরবিন্দের বই হাতে নিতে ভরসাপান না। কে জানে কেন এই অনীহা!

ঘুমের বিকল সাধনার ফাঁকে ফাঁকে জানাল খুলে উকিঝুঁকি মারছিলাম, কিন্তু বৃথা। মেঘাবরণাবৃত আটলাণ্টিকের ওড়না ঢাকা মুখ শুধু মনকে উন্মুখ করেছিল, নয়ন থেকে যাচ্ছিল বেনামী বৃষ্টিস্রাব।

নিউইয়র্ক চারটা নাগাদ পৌছাবার কথা। ভাবছি মারাত্মক পথই কি এমনি যাবে। কা সৌভাগ্য আমার। তা হল না। বেশ কিছুক্ষণ আগে থেকেই মেঘাবরণ পাতলা হয়ে ফাঁকে ফাঁকে নীলাকাশ দেখতে পাচ্ছিলাম যেন। মেঘের ফাঁকে ফাঁকে নীলাকাশ না হওয়া কিছু? ভাল করে দেখে সন্দেহ ঘনাল। ছেলেবেলায় পড়েছিলাম—নিউফাউন্ডল্যান্ডের উপকূলে গরমের দিনেও উত্তর মহাসাগর থেকে ভেসে আসা দক্ষিণমার্গী বরফের চাঁই হামেসাই নয়নগোচর হয়ে থাকে। উত্তর মেরু থেকে আগত বরফের চাঁইবাহী এই শীতল জলপ্রোতই উত্তর আমেরিকার পূর্ব উপকূলকে এত শীতল করে রেখেছে। এই প্রসঙ্গে ভাসমান বরফের পাহাড়ে খাকা লেগে টাইটানিকএর ডুবে যাওয়ার কথাও মনে পড়ল।

এটা সাদা মেঘ আর নীল আকাশ—না সত্যি সত্যি নীল সমুদ্রে ভাসমান সাদা বরফের চাঁই? অনেকক্ষণ পর্যবেক্ষণের পর স্থির বিশ্বাস

হল—বইএ পড়া ভূগোলের বিবরণ আজ চোখের সামনে উদ্ঘাটিত হচ্ছে। আমাদের গুরুত্বপূর্ণ দৃষ্টান্তে দেখে আরও অনেক যাত্রী গবাক্ষবর্তী হয়ে নিঃশব্দে দাঁড়াতে লাগলেন। বিমান কি একটু নীচু দিয়ে যাচ্ছিল! তা না হলে কী করে এত স্পষ্টভাবে দেখতে পাচ্ছিলাম কুণ্ডিত চামড়ার মত জলের ঢেউ, অসংখ্য কালচে বাদামী দ্বীপপুঞ্জ—চার পাশে বরফ জমে আছে, যেন চোখের নীচে অঙ্কন লেখা। আর মেঘের ফাঁকে ফাঁকে দেখতে পাচ্ছিলাম নীল আকাশে ভাসমান শুভ্র মেঘপুঞ্জের মত নীল সমুদ্রে ভাসমান শুভ্র বরফমেখলা, পুঞ্জ পুঞ্জ কৃষ্ণভবাদামী দ্বীপ পুঞ্জ আর নানা আকারের ভেসে বেড়ানো নিরুদ্দেশযাত্রী বিবাগী বরফের চাঁই। ডান্স বা সমুদ্রবক্ষ থেকে ভাসমান বরফের চাঁই দেখা আর পাতলা মেঘের অবশেষের ভিতর দিয়ে বহুনিয়ের এই নীলাঙ্কন স্নিগ্ধ স্বপ্নময় দৃষ্টাবলোকন—সম্পূর্ণ আলাদা ব্যাপার। আমার দৃঢ় বিশ্বাস, এ আমার চোখের ভুল বা স্বকপোলকল্পিত দৃষ্ট ছিল না; আমারই মত বহু যাত্রী সেদিন এই বিরল দৃষ্ট উপভোগ করে ধন্য হয়ে ছিলেন।

ধীরে ধীরে আটলান্টিক মিলিয়ে গেল। আমরা এখন ডান্সার উপর দিয়ে উড়ে যাচ্ছি। কিন্তু মেঘাবরণ যেন ছিল না হয়ে আরও ঘনীভূত হল। নিউইয়র্কের কাছে এসে ত ধারাবর্ষণই শুরু হল। তবে এ ধারাপাত বালনিজাহরণ সে ‘ধারাপাত’ নয়; নয় সে আসাম বা পূর্ববঙ্গের অষ্টপ্রহরব্যাপী ঘনবর্ষণ। সাধুর ক্রোধের মতই এ নিতান্তই ক্ষণস্থায়ী। অচিরে মেঘের প্রাচীরে ফাটল ধরল,—তার ফাঁক দিয়ে কেনেডি বিমান বন্দর দেখা যাচ্ছে। তার এক পাশে সমুদ্রের একটা ফাঁড়ি হাত বাড়িয়ে—যেন সিদ্ধোজননী স্তম্ভ অপত্যের গায়ে হাত রেখে শুয়ে রয়েছেন—সমুদ্রের ঢেউ যেন নিঃশ্বাস প্রশ্বাস জনিত বুকের উঠা নামা।

এক সময় বিমান ধীরে ধীরে ভূমিস্পর্শ করল।

—“ওঠ মুসাফির খতম তেরি

আব দানা হো গয়া”।

এতক্ষণে যাত্রা শেষ। যাত্রীরা এবার নেমে যাবার উদ্যোগ করতে লাগলেন। আমরাও একসময় ব্যাগ কাঁধে নিয়ে নেমে এলাম এবং ধীরে ধীরে বহিরাগতদের পরীক্ষা নিরীক্ষার জন্ত নির্ধারিত বিশেষ স্থান—‘ইমিগ্রেশান কাউন্টার’এ লাইন দিয়ে দাঁড়ালাম। নামবার আগেই কাস্টমস সংক্রান্ত কাগজপত্র ঠিকঠাক করে রেখেছিলাম। কত মূল্যের জিনিষপত্র সঙ্গে রয়েছে সেই অনুসারে লাল, সবুজ নানা রং এর লাইনএ দাঁড়াবার ব্যবস্থা রয়েছে। বয়সে ‘সবুজ’ কিনা—তাই আমরা সবুজ লাইনে গিয়ে দাঁড়ালাম। ক্রীমার কুপায় ইমিগ্রেশান অফিসার খুব ভদ্র ব্যবহার করলেন এবং পাঁচ মিনিটের মধ্যেই ছুটি দিয়ে দিলেন। বাকী রইল ‘কাস্টমস্’ এর শক্ত পাল্লা। ঝামেলা ত হলই না; বরং ভদ্রলোক নিজে থেকেই সব ব্যবস্থা করে দিলেন যাতে এখানে মালপত্র আমাদের বইতে না হয়;—সোজা মিনিয়াপোলিসে নেমে মাল খালাস করলেই চলে।

অতঃপর চিন্তাবিযুক্ত বুদ্ধ বুদ্ধা ব্যাগ কাঁধে গেটের বাইরে এসেই দেখি অদূরে কত্যা মিতার ভান্সর মিটুও শ্যালিকা মঞ্জু তার স্বামী পাবর্বতীকুমার সহ সহাস্ত্র বদনে দণ্ডায়মান। এবার সত্যি সত্যি সর্ববশঙ্কাবিমুক্ত গৃহিনীর মুখমণ্ডল আনন্দে উদ্ভাসিত হয়ে উঠল। সাত সমুদ্র তের নদী পেরিয়ে স্বজন দর্শনে অনাবিল আনন্দ হবারই কথা,—হাসি ঠাট্টা প্রভৃতির মধ্যেই তার বহিঃপ্রকাশ কিঞ্চিৎ হল। এক ফাঁকে কন্যাকে ফোন করে আমাদের আগমন বার্তাও জানান হল। অতঃপর কি করা যায়। হাতে প্রচুর সময়। কেননা মিনিয়াপোলিসের বিমান ছাড়ার এখনো ঢের দেয়ী।

পাবর্বতী প্রস্তাব করল—“চলুন দাদা! চা কফি কিছু পান করা যাক। অতি উত্তম প্রস্তাব। কনিষ্ঠা শ্যালিকা মঞ্জুকে বললাম—“হে সুভাগে! প্রাচীন কালের মাধবীর জন্ত দীর্ঘনিঃশ্বাস না ফেলে ঠিক করেছি তোমার সঙ্গে এক পাত্র চা’ই পান করব।” সে বলে উঠল—“না দাদা! আর চা চাপাবেন না; দিদি আর আমি এই বেলা একটু ঠাণ্ডা খেয়ে ঠাণ্ডা হই।”

কনিষ্ঠা শ্যালিকা আবার যেমন বিদূষী তেমনি নৃত্য পটিয়সী। বল্লম—“ঠিকই বলেছ। চা চাই না, না চা’ই চাই। তা হলে শোন এই প্রসঙ্গে ক্ষিতিবাবুর এক বিখ্যাত রসিকতা। একদা তিনি তাঁর এক নাতনীকে চা খেতে আহ্বান করাতে সে বলেছিল—“না না, চা চাই না।” শুনে ক্ষিতিবাবু বলে উঠলেন—“তা ত ঠিকই; আমি চা’র দলে আর তুমি না-চার দলে।” অপ্রতিভ নাতনী শুধরে নিয়ে বল্লম—“না না—না চা’র নয়; আমি No tea-র দলে।” ক্ষিতিবাবু অমনি বলে উঠলেন—“তাই বুঝ ? আমি Tea-র দলে আর তুমি ন’টার দলে।” হাসতে হাসতে শ্যালিকা তার দিকিকে সঙ্গে নিয়ে আইসক্রিম ও ইয়োগার্ট অর্থাৎ দধির আমেরিকান সংস্করণ আশ্বাদন করতে চলে গেল। পেছনে পড়ে রইলাম প্রেবিতার্কিঙ্গিণী আমরা দুজন। পাকব’তীকে বল্লম—“না চা’র দলের ওঁরা যখন আমাদের নাচার করে চলেই গেলেন—তখন অপয়া চা তে আর কাজ নেই। চল এক এক পাত্র কফিই পান করা যাক—কফিই ‘কফি’।”

অতঃপর রেস্টোর’াতে পাকব’তীর কিছু রেস্ট খসিয়ে বেড়িয়ে পড়লাম। এবার আমাদের কেনেডি বিমান বন্দরের অন্তর্দেশীয় অঞ্চলে (Domestic Wing) যেতে হবে। ‘অচল মাল’ এর ব্যবস্থা কাস্টমস্ অফিসারই করে দিয়েছেন। বাকী ছিল সচল মাল—আমরা দু’জন। সে ভার নিয়েছে মিটু ও মঞ্জু পাকব’তী। পায়ে হেঁটে অনায়াসেই যাওয়া যেত। কিন্তু সবাই মিলে এয়ারওয়েজের মুফতের বাসেই যাওয়া ঠিক হল। অচিরেই অন্তর্দেশীয় বিভাগে পৌঁছে গেলাম।

আমাদের মেয়েরা যেমন বাইরে গেলে প্রসাধিতা, ঘরের বেলায় সাদাসিধা—কেনেডি এয়ারপোর্টও দেখছি ঠিক তাই। আন্তর্জাতিক অঞ্চলের জাঁকজমক এখানে অনুপস্থিত। যদিও প্রয়োজনীয় সব কিছুই এখানে বিদ্যমান। আড়চোখে এসব নিরীক্ষণ করছি আর উপভোগ করছি। সবাই মিলে নিউ নিউ ইয়র্কি উদ্ভাবন করে কি করে নিউইয়র্ককে নিউ ক্যালকাটা বানিয়ে ছাড়ছেন। সময় যেন পাখা মেলে উড়ে গেল!

মিটু আবার নিউজাসি যাবে,—অনেকটা পথ। তাই তাকে আটকে না রেখে মিনিয়াপোলিসের বিমানে উঠিয়ে দেবার ভার মঞ্জুরা

নিজেরা নিয়ে তাকে বাড়ী পাঠিয়ে দিল। ঠিক হল আমাদের বিমানে উঠিয়ে ওরা নিউপলজ্ ফিরে যাবে।

স্বাস্থ্যসমন্বয়ে ‘নর্থ ওয়েস্ট ওরিয়েন্ট’ এর বিমানে আমাদের উঠিয়ে দিয়ে ওরা বিদায় নিল। বল্লাম—“পুনর্মিলনায় চ; কিছুদিনের মধ্যেই ত আবার ক্যানেনডাতে দেখা হবে।”

সন্ধ্যা ঘনিয়ে আসছে এবার। বিমান মাটি ছেড়ে গগণ বিহার শুরু করল। বিরাত বিমান—কিন্তু প্রায় শূণ্যগর্ভ;—অনেকটা আমার ঘটে বুদ্ধির মত। কী-ব্যাপার! পরে শুনেছিলাম—বিশেষ বিশেষ দিনে এই বিমানে যাত্রী কমই হয়। আধারে অবলুপ্ত মাঠ ঘাট ও বহু নিয়ের দ্বীপাধিতা শহর দেখতে দেখতে ডেট্রোয়েট স্পর্শ করে মিনিয়া পোলিসে যখন শেষ পর্যন্ত পৌঁছালাম—তখন রাত বারটা। তা আমাদেরও প্রায় বারটা বেজে যাওয়ার অবস্থা। পথশ্রমক্লান্ত দেহে বিমান থেকে নেমে দেখলাম কত জামাতা ও দৌহিত্রি দাঁড়িয়ে আছে। একক্ষণে গৃহিণী এবং আমি সর্বশঙ্কার হাত থেকে মুক্তি পেয়ে বিমলানন্দে পথশ্রমের সব ক্লেশ যেন ভুলেই গেলাম। জামাতা পিণ্টু ক্ষিপ্তহস্তে মাল টাল খালাস করে নিল। এদেশে মুটে মোটেই সুলভ নয়। শশুর জামাতা মিলে ঠেলা গাড়ীতে মাল চাপিয়ে গাড়ীতে মাল উঠান হল। মধ্যরাত্রের নিস্তন্ধ মিনিয়াপোলিসের শহরতলির মাইল বিশেক চক্কর কেটে যখন মিতাদের বাড়ী পৌঁছান গেল—তখন রাত প্রায় একটা। এতরাত্রে খাবার হাজ্যামায় কে যায়! প্রায় দু দিন দু রাত্রি অনিদ্রার পর চিৎ হয়ে শুয়ে পড়া ঢের বেশী কাম্য। অতএব তাই করা হল।

দীর্ঘভ্রমণের ধকল কাটাতে কয়েকদিন অতিপাতিত হল। আমরা একটু ধাতস্থ হয়েছি দেখে পিণ্টু জানাল, উত্তর আমেরিকা ও ক্যানেনডা দর্শনের জন্য দীর্ঘ ভ্রমণসূচী প্রস্তুত এবং অচিরেই যাত্রা শুরু হবে।

অতঃপর সেই কাহিনীতেই আসছি। ভ্রমণ দীর্ঘ—বিবরণও দীর্ঘ হতে বাধ্য। অতএব তোমার ধৈর্যের প্রকৃষ্ট বুদ্ধির জন্য ত্রীমার কাছে প্রার্থনা করছি।

[জমজন্মগরী (Twin cities) মিনিয়াপোলিস ও সেটাস্তার্ব
মিনিসিপি নদী উইস্কনসিনডেল (Wisconsin Dell)]

লেক ডেলটন মোটেল,

উটসকলসিনডেল,

আমেরিকার যুক্তরাষ্ট্রে বিচিত্র ভূপ্রকৃতি ও আবহাওয়া সম্পন্ন বহু রাজ্য রয়েছে। তাদের কোনটা বা শীতপ্রধান,—শীতে তুষার সমাহিত, কোনটা বা মরু অঞ্চল,—কোনটা বা প্রায় মেরু অঞ্চল; —কোথাও গ্রীষ্মের আধিক্য—কোথাও শস্তাশ্রামল সমতল প্রান্তর, কোথাও দিগন্তপ্রসারী পুষ্পাকীর্ণ ভূগভূমি, আবার কোথাও বা তুষারধবল গিরিশৃঙ্গ আবার কোথাও অপূৰ্ব নগনদ অরণ্যানী ও হৃদ সমৃদ্ধ স্বপ্নের দেশ।

কত্যা ও জামাতা প্রাকৃতিক দৃশ্য সম্বন্ধে আমার হৃবলতার বিষয়ে সম্যক অবহিত ছিল। তাই তারা ঠিক করেছে আমাদের প্রাকৃতিক দৃশ্য-সমৃদ্ধ পঞ্চহৃদ পরিক্রমা করাবে। উত্তর আমেরিকার মিনেসোটা, উইস্কনসিন্, ইলিনয়েস্, ইণ্ডিয়ানা, ওহাইও, পেনসিলভেনিয়া, নিউজার্সি, ওয়াশিংটন, নিউইয়র্ক, মেছাচুসেটস্, নিউহেম্পশায়ার এবং সেইন হয়ে ক্যানডার ক্যাবেক (Quebec) ও অন্টারিওতে গিয়ে কিঞ্চিৎ বিশ্রাম করা হবে। টরেন্টোতে আমার কনিষ্ঠ শ্যালক নীলাজি ওরফে চাঁদুর বাড়ীতে কিছু দিন থেকে নায়েগ্রা প্রপাত এবং টরেন্টোর আশেপাশের দর্শনীয় স্থান দেখে পঞ্চহৃদের ক্যানডার তীরবর্তী ঊনকুল ধরে ধরে স্যামুয়েরী (sault ste Marie) হয়ে আবার আমেরিকার মিশিগান হয়ে উইস্কনসিনে ঢুকব এবং উইস্কনসিন্ পার হয়ে মিনেসোটাতে এবং সেখান থেকে মিনিয়াপোলিসে মেয়ের বাড়ীতে পুনঃ প্রত্যাবর্তন করা হবে।

অতিদীর্ঘ এই মোটর ভ্রমণের পরিকল্পক, পরিচালক এবং চালক জামাতা অরিজিৎ ওরফে-পিটু। বালবুদ্ধবদিতা সমন্বিত যাত্রীদের মধ্যে রয়েছে কলত্র কন্যা ও দৌহিত্রসহ এই বৃদ্ধ। দৌহিত্রটি আবার নিতান্তই শিশু ; ছ’বছর পোরেনি এখনও।

পিটুর ইচ্ছা পাথে সেনডাঙ্কিতে তার বহুদিনের বন্ধু ও সহপাঠী মধু চাটার্জির বাড়ীতে ছ’রাতি কাটিয়ে যাওয়া ;—খড়গপুর আই, আই, টি তে দার্ঘ পাঁচ বৎসর এক সঙ্গে পড়েছে এবং ভাগ্যান্বেষণে একই সঙ্গে অ-টলটিক পেরিয়ে ৫ দেশে এসেছে। শুনে সবাই এক বাক্যে রাজা হয়ে গেলাম। মধুময় এমন প্রস্তাব না-মঞ্জুর করার মত হৃদয়হীন কেউ বা আছে। সবাই চায় তার মধুমিলন স্বার্থ মধুময় হোক।

মধু থাকে ইরিসহদের (Lake Erie) তীরবর্তী সেনডাঙ্কিতে, এখান থেকে প্রায় ছ’শ মাইল দূরে। এক দিনে ছ’শ মাইল গাড়ী চালান কষ্টসাধ্য; বিশেষতঃ ছ’বছরের কচি বাচ্চা সঙ্গে নিয়ে। তাই ঠিক হল আটাই মের পরিবর্তে সাওই মে পিকলে বেরিয়ে ছ’ তিনশ মাইল দূরের উইসকন্সিন্‌ডেলের একটা মোটেলে অর্থাৎ গ্যারেজ সম্বলিত একটা হোটেলে রাত্রিবাস করে পরের দিন চাঙ্গা হয়ে নিয়ে সেনডাঙ্কি যাত্রা করা হবে।

কচি বাচ্চা নিয়ে সাতের আঠার দিনের সফর,—তার জন্ত অনেক প্রস্তুতির প্রয়োজন। কন্যা মিতার ইচ্ছা—পারলে গোটা সংসারই সঙ্গে নিয়ে যায়। মনে পড়েছে—দিল্লীতে একদা অল্পরূপ এক দৃশ্য দেখেছিলাম বটে,—এক সর্দারজীর বাড়ী বদল করার দৃশ্য। তিনি সাইকেল চালিয়ে যাচ্ছেন, মাথায় খাটিয়া, সামনের হ্যাণ্ডেলে একটি বাচ্চা বসে, আর পেছনের কেরিয়ারে তার গৃহিণী বসে আছেন। তার মাথায় একটি বড়সড় পুঁটলি আর কোলের কচি বাচ্চাটি পরমানন্দে মায়ের দুধ খাচ্ছে। আমাদের অবস্থাও প্রায় সেই রকম। ছ’দিন আগে পিটু গাড়ীর মাথায় রাখার জন্ত একটি প্লাস্টিকের সিন্দুক জাতীয় দ্রব্য কিনে আনল। তার গর্ভে বহু বাস্তু পেটরা অবলীলাক্রমে ঢুকে

যাবে। স্থলিতকচ্ছ গলিতধর্ম স্বপ্তর জামাতার যুগ্মপ্রচেষ্টায় শেষ পর্যন্ত সে বস্তুটিকে পূর্ববর্ণিত সদ্‌দাঁরজীর পাগড়ির মতই গাড়ীর মাথায় জমিয়ে বসান হল। তাতেই সর্ব সমস্তার সুসমাধান হয়ে গেল, মিটাও নিশ্চিত।

যাত্রার দিন এসে গেল,—মাতা ও কন্যার গোহুগাহ করা নিয়ে কর্তব্যব্যস্ততার শেষ নেই। পিণ্টু একটু সকাল সকাল অফিস থেকে ফিরে এলেই মালপত্র গাড়ীস্থ করার কাজটা সবাই মিলে সুসম্পন্ন করা হল। শ্রীমার নাম নিয়ে বিকেল ঠিক চারটা পনের মিনিটে আমাদের যাত্রা শুরু হল।

এদিকে মিনিয়াপোলিসের আকাশের মুখভার,—তা আমাদের মত সন্ত পূরিচিত নবাগতদের আসন্ন বিরহে নিশ্চয়ই নয়। কিছুক্ষণ পরেই শুরু হল—“রিম কিম বাদরোয়া বরবে”।

তবে ঘনবর্ষণ মোটেই নয়। জানালার কাঁচের ভিতর দিয়ে মিনিয়া পোলিসের রাস্তাঘাট পরিষ্কার দেখতে পাচ্ছিলাম। রাস্তার দু'ধারে সযত্নে লাগান নানা জাতীয় পাইন, সিডার, ওক, কটনউডের গাছ। উঁচু নীচু ডেড খেলান মাঠ বাট, মাঝে মাঝে ছোট ছোট কাঠের বাড়ী,—ছবির মত সুন্দর। নানা আয়তনের হৃদ রাস্তার দু'পাশে ছড়িয়ে ছিটিয়ে রয়েছে। দু'পাশে বন্য ঘাসের ফুল—সাদা, হলদে, লাল, বেগুনী—অজস্র অগণ্য। কী পরিষ্কার ঝকঝকে তকতকে রাস্তা ঘাট। উজান ভাটি দু'দিকে যাবার জন্য আলাদা আলাদা রাস্তা। তাতে একাধিক লেন (lane)। মাঝখানে একফালি সবুজ জমি। এক রাস্তা থেকে অন্য রাস্তায় যাবার জন্য বর্হিগমনের নানা গলি (Exit)। অসংখ্য উডাল পুল (Flyover) আর রাস্তার এ পাশ থেকে ও পাশ পর্যন্ত বিস্তৃত পথনিয়ন্ত্রণের নানা লিখিত ও আলোকিত নির্দেশ।

রাস্তা ঘাট ঝকঝকে তকতকে। কেন জান ? “ঠেলার নাম বাবাজী”। —যেখানে সেখানে নোংরা ফেললে কড়কড়ে দু'শ ডলার জরিমানা। তার জন্য একটু দূরে দূরে রাস্তার ধারে ধারে ঢাকনা দেওয়া পিপে

(Drum) নোংরা ফেলার জন্ত রাখা আছে । বেশ ভাল লাগছিল হিম্মাহাম সদাপ্রসাদিতা এই নগরীকে দেখে ।

মিসিসিপির দুই তীরে দুই শহর,—মিনিয়াপোলিস আর সেন্টপল ।

আদরের নাম—জমজমগরী (TwinCities) । পিণ্টু জানিয়ে দিল সামনেই মিসিসিপি নদী । মনের মধ্যে উত্তেজনা । ছেলেবেলায় মুখস্থ করেছি মিসিসিপি, মিসৌরী, আমাজান, নীল, ইয়াংসিকিয়াং, হোয়াংহো । নামগুলো উচ্চারণ করলেই মনে জাগত শিহরণ । কল্পনায় যেন পৃথিবীর দীর্ঘতম নদীদের দেখতে পেতাম ।

কিন্তু একি সেই মিসিসিপি ! এ যে কোলকাতার গঙ্গার আধখানাও নয় । একটু আশাহত হলাম বৌক । কিন্তু মিসিসিপির কোন দোষ নেই,—এ তার নিতান্তই শৈশবাবস্থা । তার উৎপত্তিস্থল ত এখান থেকে বেশী দূরে নয় । গোমুখীতে ডায়মণ্ডহারবারের গঙ্গা দেখবার প্রত্যাশা নিশ্চয়ই আদুরে আকার—আদিখ্যেতা ।

একটু পরেই মিসিসিপির পুল পেরিয়ে সেন্টপল শহরে ঢাকা গেল । বড় বড় দোকানপাট, রাস্তা ঘাট, অট্টালিকা, প্রাসাদ, পার হয়ে এক সময় শহরতলিতে ঢুকলাম । ‘দশ হাজার হৃদের রাজ্য’ মিনেসোটাকে নিয়ে এরাজ্যের লোকদের গর্বের অন্ত নেই । তার পাশের রাজ্য উইস্‌কন্সিনেও কিন্তু ছোট বড় মিলিয়ে প্রায় সম সংখ্যক হৃদ রয়েছে । কিংবদন্তী এক ‘পল বুনিয়ান’ এর নীল ষাঁড়ের পায়ের ক্ষুরের চিহ্নই নাকি এই সব হৃদ । যদি তুবার যুগের হিমবাহকে নীল ষাঁড় বল—তবে এ গল্প মেনে নিতে আপত্তি নেই । অন্ততঃ বৈজ্ঞানিকরা ত তাই বলে থাকেন । যত দক্ষিণে যাবে এই হৃদগুলি ততই অগভীর, আর যত উত্তরে যাবে ততই গভীর আর প্রস্তর সঙ্কুল । ভূমি এখানে নাতি-সমতল; চেটে খেলান, তাতে পাইন সিডার ও অন্যান্য এতদেশীয় বন-বৃক্ষের ভিড় । এই উর্বর রাজ্য একদা ছিল মিনোমিনী ইণ্ডিয়ানদের দ্বারা অধুষিত অঞ্চল ।

দশ মাইল যেতে না যেতেই এসে গেল ক্রয় নদী (Croix)। এটা মিসিসিপির একটা উপনদী। ছ'ধারে পাইন, এ্যাস, সিডারের ঠাস বুননি, কঁকে কঁকে ঢেউ খেলান দিগন্তবিস্তৃত মাঠ, কদাচকবিত্ত, বেশীর ভাগই অযত্ন বর্ধিত বহু কুসুমাস্তীর্ণ তৃণভূমি। মাঝে মাঝে ছ'একটা নিঃসঙ্গ কাঠের বাড়ী ঘন চিত্রাঙ্গিত।

আমরা এবার এগিয়ে চললাম ৯৪ নম্বরের রাজপথ (Highway 94) ধরে। আকাশ মেঘমেছর—চারিদিকে নরম যুহু আলো। সূর্যাস্ত এখানে হবে রাত ১০ টায়। যে দেশ বিষুব রেখার যত বেশী উত্তরে বা দক্ষিণে সেখানে প্রাদোষ ততই প্রলম্বিত। সূর্য্য ডুবতে ডুবতেও ডুবতে চাননা যেন।

“যাশ্বিন দেশে বদাচার।” —আমাদের দেশে অবসর গ্রহণ করে থাকি আটান্নতে। আর এখানে পয়ষটিতে। এদেশে সূর্য্যদেবও তেমনি দেশাচার মেনে একটু গয়ং গচ্ছ ভাবেই অবসর গ্রহণ করে থাকেন।

যাক্গে,—নরম আলোয় চোখ মেলে বসে আছি। গাড়ী দ্রুত ধাবমান। হাড্‌সন, বন্ডউইন, উডভিলে—একের পর এক জনপদ পেছনে ফেলে এগিয়ে যাচ্ছি। একটু পদ আমরা মিনোমোনি পার হয়ে চললাম। এক একটা ছোট শহর বা গ্রাম গঞ্জ অসংখ্য আর রাস্তার পাশে সাইন বোর্ডে সগর্বে জ্ঞানিয়ে দেওয়া হচ্ছে—তার জন সংখ্যা কত। লোক বসতি এখানে যেমন কম তেমনি অটেল রয়েছে জমি,—আমাদের দেশের ঠিক বিপরীত। প্রায় প্রত্যেক বাড়ীতেই মোটর গাড়ী আছে। মোটরে ভ্রমণের রেয়াজ এত বেশী যে আমেরিকা ও ক্যানডাতে রেলগাড়ী কায্যতঃ মালগাড়ী হয়ে দাঁড়িয়েছে। রাস্তা ঘাটের সুরক্ষণাবেক্ষণ, প্রতি দশ পনের মাইল অন্তর পেট্রোলপাম্প, রেস্টোরা, বিশ্রামাগার (RestRoom) জায়গায় জায়গায় রাস্তার পাশে টেলিফোন। গাড়ীতে কোন যান্ত্রিক গোলযোগ হলে টেলিফোন করে সহজেই মিস্ত্রীকে খবর দেওয়া যেতে পারে।—সবরকম সুব্যবস্থা এখানে।

রাস্তার পাশে পাশে সর্বত্র। রসদ সজেই ছিল বলে যাত্রা অব্যাহত রেখেই গাড়ীতে বসে বসে মাঝে মাঝে চা কফি ইত্যাদি পান করা চলছিল। বাইরে মৃদু আলো,—মাঝে মাঝে মৃদু বর্ষণ চলছে।

প্রায় ৭৫ মাইল গাড়ী চালিয়ে আমরা চিপ্লেওয়া নদী পার হলাম। দুই তীরের বৃক্ষরাজি যেন জল ছুঁয়ে আছে। ক্ষীণাঙ্গী এই প্রবাহমানা কলম্বিনীর শান্ত ঘরোয়া রূপটি বড় ভাল লাগল। এ যেন ‘রাজর্ষি’ খ্যাত আমার কৈশোরের সাথী বর্ষার গোনতৌ নদী। ক্রমে ক্রমে ‘ব্র্যাকট’, ‘নর্থফিল্ড’, ‘হিস্ট্রটন’, ‘ব্রেকরিভার ফলস’, ‘টমা’, ‘নিউ লিবসন,’ প্রভৃতি জনপদ পেছনে ফেলে গাড়ী অগ্রসর হতে থাকল।

সামনে উইস্কনসিন্ নদী:—এ রাজ্যের নামও তাই। নান্টিবুগ এই প্রোভিন্সনী পেরিয়ে আমরা এগিয়ে চলেছি। এই উইস্কনসিন্ রাজ্যকে এখানকার লোকেরা বলে “আমেরিকার রুটির ভাণ্ডার”। বৃক্ষলতাদিপূর্ণ এ রাজ্য ক্ষেতখামারের প্রাচুর্য্য রয়েছে। লোকবসতি বেশী নয়,—যদিও পাশের রাজ্য মিনেসোটার তুলনায় অনেক বেশী। তৃণপুষ্পসমর্ষিত ‘প্রেইরি’ (Prairie) অর্থাৎ দীর্ঘ তৃণাকীর্ণ চেউ খেলান দিগন্তপ্রসারিত প্রান্তর:—কোথাও চবামাঠ, কোথাও বা মাঠের মাঝখানে উচ্চ উচ্চ ছ’একচ’ কাঠের বাড়ী! চারপাশে গাছপালা,—মাঠে গরু চরছে; আর থেকে থেকে আকাশ ফুঁড়ে উঠেছে বিরাট বিরাট সাইলো (silo) অর্থাৎ এখানকার এক বিশেষ ধরনের শস্যভাণ্ডার। একটা খুব উঁচুমিনারের মাথাটা কেটে তারপর একটা বাটি উল্টে রেখে দিলেই হয়ে গেল ‘সাইলো’,। চাষীর তুলনায় জমি এত বেশী যে যন্ত্র ছাড়া চাষ করা এক মহাযন্ত্রণা এবং তা কেউ করেও না। প্রত্যেক চাষীর বাড়ীতেই একাধিক গাড়ী রয়েছে।

আজ আমাদের রাত্রি যাপন করতে হবে একটা মোটলে (Motel)। মোটেল ঠিক হোটেল নয়—তার বিশেষত্ব রয়েছে। হোটলে যেখানে মানুষের সাদর নিমন্ত্রণ, মোটলে সেখানে নিমন্ত্রণ রয়েছে মানুষ ও তার যানবাহন—উভয়ের জন্য। কী নেই এই মোটেল গুলিতে!—তাপ

নিয়ন্ত্রিত শোবার ঘর, সাজানগোছান টেবিল, চেয়ার, সোফা, টেলিভিশন সেট, ফ্রিজ, ঠাণ্ডা ও গরম জলের ব্যবস্থা সম্বলিত স্নানাগার, শৌচাগার ইত্যাদি সবই রয়েছে। কোনো কোনো মোটেলে রান্নার জন্য আলাদা ব্যবস্থা, বিদ্যুত চালিত উত্থুন, রান্নার ও খাবার বাসন পত্রাদিও আছে। তবে রান্নাকরা খাবারের ব্যবস্থা কোনো মোটেলেই থাকে না। তাই বলে চিন্তারও কিছু নেই; নিকটেই রেস্তোরাঁ, পেট্রোলপাম্প, দোকানপাট সবই থাকে।

আগে থেকেই পিন্টু উইসকন্সিনডেলের পাশে লেক ডেলটন মোটেলের একটি কামরা অগ্রিম ভাড়া করে রেখেছিল। আমরা যখন লেক ডেলটন মোটেলে পৌঁছালাম—তখনো সূর্য অস্ত যায়নি, পশ্চিম দিগন্তে তখনো রঙবাহার।

আজ প্রায় ২৫০ মাইল মোটর ভ্রমণ করা হল। মোটেলে পৌঁছে সবাই মিলে গাড়ী থেকে প্রয়োজনীয় জিনিষপত্র নামিয়ে নিলাম। তারপর একে একে গরম জলে স্নান করে চটপট হিটারে চা তৈরী করে খেয়ে নিলাম সবাই।

রাত্রের খাবার মিতা সঙ্গেই এনেছে। হিটারে গরম করে কাগজের প্লেটে করে দাঁড়িয়ে দাঁড়িয়ে নৈশভোজন শেষ করা হল। দৌহিত্রটিকেও অনেক ভুলিয়ে ভালিয়ে কিছুটা খাওয়ান হল। এবার বাকী কন্বলের তলায় সুখনিদ্রা। সদ্যবর্ষণিক্ত বাতাসে কিঞ্চিৎ শৈত্য থাকতে ঘুমের আবেশ আসার সুবিধাই হল। আজ ত কিছুটা ঘুমিয়ে নেই; কালের কথা কাল সকালের জন্য তোলা থাক।

[লেক ডেলটন-শিকাগো-সেনডাঙ্ক-ইরিহুদের তীরে তীরে]

সেনডাঙ্ক

৯ই মে, ১৯৮৪ ইং

প্রত্যুষে শয্যা ত্যাগ করে স্নানাदि সেরে প্রাতরাশ পর্ব চটপট চুকিয়ে যাত্রার জন্ত সবাই প্রস্তুত হলাম। কিন্তু তাড়া দিলেই ত আর ঘরা হয় না, গাড়ী ছাড়তে ছাড়তে সেট নীটা। মেঘ কেটে রৌদ্র তখন ভিজ়ে পাতায় বলমল করছে আর ঘাসের ডগায় মুক্তার মত বলমলে শিশিরকণা।

আমরা এখন ৯৭ নম্বরের রাজপথ ধরে যাচ্ছি। মাঝে মাঝেই দেখছি উইস্কনসিন্ নদীটি ছোট্ট মেয়ের মত আমাদের সঙ্গে লুকোচুরি খেলে চলেছে,—চট করে উঁকি মেরে এক বলক মুক্তা ছড়িয়ে অমনি দ্রুত পলায়ন। ‘পোরটেজ’ পার হয়ে শেষবারের মত পার হলাম উইস্কনসিন্ নদী। ২০/১৫ মাইল যেতে না যেতেই পার হতে হল আর একটি ছোট নদী। কিছুদূর গিয়ে এটি পড়বে লেক-মেনডোটাতে।

আমাদের গাড়ী ‘মেডিসন,’ নামক জনপদ পেছনে ফেলে ‘বেলওয়েল’ হয়ে এবার ঢুকল ‘ইলিনয়িস্’ রাজ্যে। যাবার পথে পড়ল ‘বেলভিভিয়ার’ ‘ডাণ্ডি’ প্রভৃতি জনপদ। এবার আমরা চলেছি ‘শিকাগো’ শহরের দিকে। ‘শিকাগো’ নাম শুনেই শিহরিত না হয়ে পারি! — এ যে বিবেকনন্দের পুণ্য স্মৃতি-বিজড়িত সেই শিকাগো।

এখানেই বাংলার এক অখ্যাত অজ্ঞাত তরুণ সন্ন্যাসী একদিনেই বিশ্ববিখ্যাত মহাপুরুষ বলে গণ্য হয়েছিলেন। এই আকস্মিক আবির্ভাবের যোগ্য বিবরণ মেলে একমাত্র রবীন্দ্রনাথের ‘শিবাজী’ কবিতায় :—

“অখ্যাত অজ্ঞাত রহি দীর্ঘকাল হে রাজ বৈরাগী

গিরিদরী তলে,

বর্ষার নিৰ্ঝর যথা শৈল বিদারিয়া উঠে জাগি

পরিপূর্ণ বলে,

সেই মত বাহিরিলে—বিশ্বলোক ভাবিল বিষ্ময়ে—

যাহার পতাকা

অস্থর আচ্ছন্ন করে, এত কাল এত ক্ষুদ্র হয়ে

কোথা ছিল ঢাকা।”

আমার ত মনে হয় বিবেকানন্দের এই আবির্ভাব আরও বেশী আকস্মিক ও চমকপ্রদ। শিবাজীর বিজয়পতাকা শুধু ভারতের এক প্রান্তের গগনকে আচ্ছন্ন করেছিল, কিন্তু বিবেকানন্দের বিজয়পতাকা সমগ্র উত্তর আমেরিকা, ইয়োরোপের কিয়দংশ এবং সমগ্র ভারতে উড়ীয়মান হয়েছিল।

১৮৯৩ খ্রীস্টাব্দের ১১ই সেপ্টেম্বরের এক অবিস্মরণীয় মুহূর্তে এই-খানে পরাধীন ভারতের এক অখ্যাত অজ্ঞাত সন্ন্যাসীর কর্তে ধ্বনিত হয়ে উঠেছিল ভারতের সনাতনধর্মের এক সম্পূর্ণ অসাম্প্রদায়িক উদ্যোগী—যা আমেরিকার ওদানীন্তন শিক্ষিত সমাজের হৃদয় পলকে জ্বল করে নিয়েছিল। লুপ্ত গৌরব পরাধীন ভারতের পক্ষে সে এক অবিস্মরণীয় আশ্রয় দিগ্বিজয়।

সত্য বটে দ্বিসহস্রাব্দিক বৎসর পূর্বে ভারতীয় বৌদ্ধধর্মও জগতে অমুরূপ আলোড়ন সৃষ্টি করেছিল। তবে তার পশ্চাতে ছিল সম্রাট অশোকের রাজশক্তি। এই কপর্দকহীন অজ্ঞাত পরিচয় তরুণ সন্ন্যাসীর একমাত্র সম্বল ছিল—তার গুরুর কৃপা এবং নিজের আত্মবিশ্বাস ও অদম্য সাহস। শিকাগোর হৃদ্যন্ত শীতে অভুক্ত গেরুয়াসম্বল সেই সন্ন্যাসী রাত্রি যাপনের স্থান কোথাও না পেয়ে অবশেষে স্টেশানের একটা খালি প্যাকিংবাক্সের মধ্যে শুয়ে রাত কাটালেন। সম্মুখে অলঙ্ঘ্য বাধা, কিন্তু বুকে অলঙ্ঘ্য ভগবৎ বিশ্বাস নিয়ে তিনি অসম্ভবের সঙ্গে

শুধু করে চলেন। কখনো বোস্টন কখনো শিকাগো ঘুরতে ঘুরতে যখন নৈরাশ্যের প্রাস্তদেশে এসে পৌঁছেছেন, তখনই নিদাঘের খরতাপের পর প্রবল বর্ষণের মত নেমে এলো ভগবানের অসীম কৃপার স্বর্গীয় ধারা— মিস্টার এবং মিসেস হেল (Mr and Mrs Hell) এর মাধ্যমে।

সে দিন সোমবার, ১১ই সেপ্টেম্বর, ১৮৯৩ খ্রীস্টাব্দ। বেলা ১০টায় শুরু হল বিখ্যাত শিকাগো ধর্ম মহাসম্মেলন। পৃথিবীর বিভিন্ন প্রান্ত থেকে বিভিন্ন ধর্মের প্রতিনিধিরা স্ব স্ব ধর্মের শ্রেষ্ঠত্ব প্রতিপাদনের জন্য সেখানে সমবেশ। বহু যত্নে বহু পরিশ্রম করে তাঁরা তাঁদের বক্তৃতাবলী পূর্ব থেকে প্রস্তুত করে এনেছেন। বিবেকানন্দই এঁদের মধ্যে তরুণতম-বয়স ত্রিশের কোঠায়। বক্তৃতায় যে পূর্ব থেকে তৈরী করে আনতে হয় এটা তাঁর জানাই ছিল না। বলতে গেলে সম্পূর্ণরূপে প্রস্তুত বক্তাদের মধ্যে তিনিই ছিলেন সম্পূর্ণরূপে প্রস্তুতবিহীন। পূর্ববর্তী বক্তারা সদৃশ্যে যে যার ধর্মের মহিমা ও শ্রেষ্ঠত্ব কীর্তন করে গেলেন। এবার বিবেকানন্দের ডাক পড়ল। তিনি প্রস্তুত হয়ে আসেন নি, বল্লেন, পরে বলবেন। যখন শেষবারের মত তাঁকে সুযোগ দেওয়া হল—তখন তাঁর গুরুদেব জীৱামকৃষ্ণকে স্মরণ করে তাঁকে উঠে দাঁড়াতেই হল। সন্মুখে আমেরিকার বিদ্বৎকূলের বিরাট সমাবেশ। মুহূর্তে মনে পড়ল—তিনি বলার কে? যিনি তাঁকে এত বাধা বিপত্তি উত্তীর্ণ করে এখানে এনেছেন যা বলবার তিনিই বলাবেন। গুরুস্মরণ করে এক মুহূর্ত স্থির হয়ে দাঁড়িয়ে রইলেন। সহসা তাঁর মুখ থেকে এক উদাত্ত গম্ভীৰবানী ধ্বনিত হয়ে উঠল :—

“আমেরিকাবাসী ভাইবোনেরা!”

আন্তরিক ভাৱে ভরা সামান্য একটি সম্ভাষণ; তাতেই শ্রোতাদের হৃদয়ে যে বিস্ফোরণ ঘটল তা অবর্ণনীয়। শ্রোতারা আর কারো মুখে এমন আত্মীয়তার স্মর শোনেন নি। মুহূর্তে তাদের হৃদয় আবেগে উদ্বেল হয়ে উঠল। এই ছোট একটি সম্বোধন—যা শ্রোতাদের হৃদয় এমন গভীরভাবে নাড়া দিয়েছিল—তার মধ্যে যে শক্তি নিহিত ছিল তা হচ্ছে শ্রোতাদের সঙ্গে তাঁর সত্যকার একাত্মবোধ—যা আসে ব্রহ্মোপলব্ধির কলে; আর ছিল তাঁর গুরুর শক্তি।

পৃথিবীর সর্বাপেক্ষা পুরাতন সন্ন্যাসী সমাজের পক্ষ থেকে—সনাতন হিন্দুসমাজের পক্ষ থেকে—তিনি সকলকে সাদর সম্ভাষণ জানিয়ে বলেন :—

“এই সনাতন ধর্ম সকল মানুষকে সমানভাবে দেখে এবং সকল ধর্মকে সত্য বলে বিশ্বাস করে। ভারত তাই বারবার জগতের উৎপীড়িত বিভিন্ন সম্প্রদায়কে নিজের বুকে নিরাপদ আশ্রয় জুগিয়েছে।”

ছ’টি সংস্কৃত শ্লোক ব্যাখ্যা করে বলেন—

“রুচীনাং বৈচিত্র্যাদ্ভু কুটিল নানা পথযুগং ॥

নৃণামেকো গম্যন্তমসি পরসামর্ঘ্য ইব ॥

“বিভিন্ন নদীর উৎস বিভিন্নস্থানে, কিন্তু তারা সকলেই যেমন এক সমুদ্রে তাদের জলরাশি ঢেলে মিলিয়ে দেয়, তেমনি হে ভগবান! নিজ নিজ রুচির বৈচিত্র্যবশতঃ সরল ও কুটিল নানা পথে যাবা চলছে, তুই ইহাদের সকলের লক্ষ্য”। শ্রী রামকৃষ্ণের ভাষায়—“যত মত তত পথ।” “যে যে ভাবে অমাকে চায়—আমি সেইভাবেই তাকে কৃপা করি। সকলে নিজ নিজ পথে চলছে ও তা আমারই নির্দিষ্ট পথ।” অপরাপর বক্তাদের আপন আপন ধর্মের শ্রেষ্ঠত্ব সংক্ষেপে প্রবল ঢকানিদের মধ্যে এমন উপমাভার কথা শুনে শ্রোতারা চ বিস্ময়বিমুক্ত। তারপর থেকে আমেরিকান পত্র পত্রিকায় শুধু বিনোদনন্দের স্তম্ভগান—জয় জয়কার।

যাক—স্মৃতিভারাক্রান্ত মনকে বর্তমানে ফিরিয়ে আনাই শ্রেয়। বর্তমান তা সে যতই অকিঞ্চিৎকর হোক—তার উদগ্র দাবীকে উপেক্ষা করা চলে না। অনিচ্ছুক নয়ন মনকে পথের প্রবাহে শেষ পর্যাস্ত ফিলিয়ে আনতেই হল।

এদিকে বেলা বাড়ছে:—তার সঙ্গে পালা দিয়ে বেড়ে চলেছে রাস্তার যানবাহনের ভিড়। শিকাগোর শহরতলিতে এসে পড়েছি। ইচ্ছা করলেই শহরের ভিতর দিয়ে গিয়ে শিকাগো শহরটাকে একচোখে দেখে নেওয়া যেত। কিন্তু এখন যে আবার অফিসের সময়। ট্র্যাফিক

জ্যামের শিকার হবার ইচ্ছা পিটুর নেই। আজ সন্ধ্যার পূর্বেই তাকে সেনডাঙ্কিতে পৌঁছাতে হবে। আমরা অগত্যা বিবেকানন্দের স্পর্শপূতঃ শিকাগোর উদ্দেশে প্রণাম জানিয়ে সেনডাঙ্কির পথ ধরে চললাম।

আমরা এবার চলেছি ইলিনয়িস রাজ্যের ভিতর দিয়ে। এই রাজ্য শিল্পে ও বানিজ্যে রীতিমত সমৃদ্ধ। শিকাগো তার তার আশপাশের অঞ্চল বহু কলকারখানা আর বানিজ্য প্রতিষ্ঠানে জমজমাট। বহুদিন থেকেই মিশিগান হ্রদের তীরবর্তী এই শহর সারা বিশ্ব সুপরিচিত। শিকাগো ছাড়াও কিছুক্ষণ চলার পরই আরম্ভ হল আর এক নতুন রাজ্য--ইণ্ডিয়ানা।

আমাদের ২০ নম্বরের রাজপথ চলছে এখন ইণ্ডিয়ানা আর মিশিগানের সীমানা বেঁধে। দু'পাশের জমির বন্ধুরা কমে গিয়ে এখন সমতল। গাছপালা ক্ষেতখামার যেমন প্রচুর কলকারখানাও তেমনি অটেল। ২০ বিরাট বিরাট ইস্পাত কারখানা এষ্ট রাজ্যে।

এই রাজপথ পড়ার তবার পর ২০ নম্বর ২০০ নম্বর রাস্তা খুব কমদূরে মিটে 'দ্রিবেলী সড়ক' হল। এ রাস্তায় আরও ২০ মাইল দিও হবে আমরা 'সেনডাঙ্কি' রাজ্যে প্রবেশ করলাম। ক্রমে 'ওকশায়িন' ও 'মৌমি' পার হবার 'ওকশায়িন' জনপদ এসে পড়লাম। এ রাজ্যের ভূমিও প্রায় সমতল। পোকাও বা সামান্য ঢালু। জল উৎসর ক্ষেত খামারও তাই খুব বেশী। তেমনি হাঁস, মুগী ও পশুপালনও চলছে এখানে খুব বেশী। এবার আমরা 'মৌমি' নদী পার হলাম। আমাদের গন্তব্যস্থল 'সেনডাঙ্কি' যেতে যেতে dusk-ই হয়ে যাবে মনে হচ্ছে; কারণ আর ৪০০ মাইল গেলে তবে সেনডাঙ্কিতে পৌঁছাব।

ঘনঘন রাস্তার মানচিত্র দেখে দেখে, পথ চিনে চিনে, প্রায় ৪১০ মাইল গাড়া চালিয়ে, পিটু যখন সেনডাঙ্কিতে বন্ধুভবনে শেষ পর্যন্ত পৌঁছাল, তখন প্রায় ৭ টার কাছাকাছি। সূর্য্যদেব তখনো পাটে বসেন নি।

পিষ্টুর বন্ধু ও বন্ধুপত্নী মধু ও তপতী এতক্ষণ আমাদের আগমনের প্রতীক্ষাতে ঘরবার করছিল। ছই পুরাতন বন্ধুর পুনর্মিলনের দৃশ্য দেখে কি ভালোই না লাগল। পুরোনো বন্ধুকে খুঁজে পাওয়া মানে তো পুরোনো দিনকে ফিরে পাওয়া।

এ দেশে “কোই ছায় বলে চাঁচাবার উপায় নেই। ভূতোর মায়না দিতে মনিবকে দেওলিয়া হয়ে যেতে হয়। সুতরাং নিজের কাজ নিজের হাতেই করতে হয়। ছই বন্ধু মিলে বাস্তব পাঁচটার নামাবার কাজে হাত লাগাল। তপতী নিল আমাদের আপ্যায়নের ভার। আর তপতীর মেয়ে ছুটি ত দৌহিত্রটিকে কোলে নিয়ে চোঁচা দৌড়।

প্রথমেই এক প্রস্ত চা পান, গালগল্প ও কিঞ্চিৎ কিশোর। অতঃপর গরমজলে স্নান টান সেরে সবাই মিলে নৈশ ভোজন পর্ব সমাধান।

মধু দম্পতীরা উভয়েই দেখতে ভারী সুন্দর : তেমনি সুন্দর তাদের বাবহার। মেয়ে ছুটি ত বেশ সজ্জা কোটা ফুল। আর ভারী মিশুক। বাচ্চাটিকে নিয়ে খেলা করেছে সর্বক্ষণ। তাই বলে ভেবো না আমাদের অবহেলা করেছে। খেলার কঁকে কঁকে মাঝে মাঝেই আমাদের খবর নিয়ে গেছে। একবার ত আমাদের চোঁখ বুজে আসন কবে বসে থাকতে দেখে ছই বোন আমার পাশে কিছুক্ষণ চোঁখ বুঁজে বসে ধ্যান ধ্যান খেলা করে গেল। মধুদের তাগিদে আমরা ত রাত ১০ টায় শুয়ে পড়লাম। ছই তরুণ দম্পতী যুগল কত রাত পর্যন্ত আড্ডা দিয়েছিল জানিনা। এক ঘুম দিয়ে উঠেও ওদের কলকণ্ঠ শুনতে পেরেছি।

পরদিন সকালে প্রাতঃরাশ সেরে মধুর বসবার ঘরে বসে বড়ে গোলাম আলীর গান শুনলাম ঘণ্টাখানেক। সুদূর উত্তর আমেরিকার ইরিহুদের ভীরবর্তী সেনডাস্কিতে বসে ভারতীয় মার্গসঙ্গীতের এক স্বর্গীয় পরিবেশ এক লহমায় আমাকে সমুদ্রমেখলা অর্ধপৃথিবী অতিক্রম করিয়ে যেন ভারতমাতার কোলে বসিয়ে দিল।

ছপু্রে মধুর আমাদের সবাইকে নিয়ে ইরিহুদের ভীরবর্তী কিছু কিছু

জস্টব্যস্থান দেখিয়ে নিয়ে আসার কথা। দুপুরের খাওয়াটা একটু সকাল সকাল খেয়ে নিয়ে আমরা সবাই বেরিয়ে পড়লাম।

অনেক দর্শনীয় স্থান রয়েছে ইরিহুদের তীরে তীরে,—যেমন বাইচ খেলার, মাছ ধরার, চড়ুই ভাতির, পালতোলা নৌকা বিহারের ইত্যাদি ইত্যাদি। ইরি হুদের অসংখ্য খাঁড়ি ঢুকে পড়েছে সেনডান্সি শহরের একেবারে ভিতরে। তাদের উপর দিয়ে লম্বা লম্বা সেতু ;—দু’পাশে জলজ ঘাসে ভরা জলাভূমি। সেখানে বহু নৌকার ভিড়। কেউ দাঁড বাইছে, কেউ পাল তুলে দিয়েছে, কেউ বা নৌকায় বসে গভীর জলে মাছ ধরতে ব্যস্ত। কোথাও গোটাকয় নৌকা পাল গুটিয়ে তীরের কাছে বাঁধা রয়েছে। কেউ বা তীরে বসে বা জলের ধারে পাথরের টাই-এর উপর বসে জলে ছিপ ফেলে মাছের ধ্যানে মগ্ন। আবার কোথাও বা গেঞ্জি গায়ে বা খালি গায়ে নানা বয়সের ছেলেবুড়ো মেয়ে মন্দা ‘জুগি’ করে বেড়াচ্ছে অর্থাৎ কিনা স্বাস্থ্যরক্ষার্থে দৌড়াচ্ছে। দেখে মনে হচ্ছে এদেশের লোকদের স্বাস্থ্যসচেতনতাও যেমন, গরম গরম বাতিকও তেমনি প্রবল। কোনক্রমে গাইন বাঁচিয়ে স্বল্পবাসে সজ্জিত (?) হয়ে এরা নির্দিধায় যত্রতত্র ঘুরে বেড়ান।

ইরি হুদের পাড়ে পাড়ে বেশ কিছক্ষণ ঘুরে ফিরে এসব দেখার পর মধু একটা জায়গায় এসে গাড়ী থামাল। নেমে দেখি—এ যে একটা বিরাট চড়ুই ভাতির জায়গা। একদিকে দিগন্তবিস্তৃত ইরি হুদ, তার জলে প্রতিবিস্তৃত ক্যানেডার নীল আকাশ, আর অন্যদিকে হুদের গা ঘেঁষে পাইন, সিডার, ওক, সিলভার গ্র্যাস্ প্রভৃতি বনবৃক্ষের ছায়ায় ঝিমামো সবুজঘাসে ভরা এক বিস্তীর্ণ প্রান্তর। জায়গায় জায়গায় বসার জন্তু কাঠের চেয়ার টেবিল, পাইন গাছ চেনা কাঠে তৈরী,—পরিবেশের সঙ্গে মানিয়ে ঘন সবুজ রংকরা কাছাকাছি রয়েছে একাধিক লোহার উল্লুন—যেখানে কাঠ বা কাঠ কয়লা জ্বালিয়ে মাংস পুড়িয়ে—থুড়ি-রোস্ট করে রুটিও অন্যান্য খাদ্য পানীয় সহযোগে অতি উত্তমরূপে চড়ুই ভাতি করা যেতে পারে। বহু লোক এই বাসনায় এখানে এসে

থাকেন। চড়ুই ভাতি রত ২/৪টি আমেরিকান পরিবারকে দেখতে পেলাম,—মা বাবা সঙ্গে ছোট ছোট ছেলে মেয়ে আর বাস্কেটবল রুটি-মাংস ও নানা খাদ্যপানীয়ের সম্ভার। হৃদের গা ঘেঁষে একটা রাস্তা; এখানে যানবাহনের প্রবেশ নিষেধ, শুধু বেড়িয়ে বেড়াবার জন্ত পায়ে চলা পথ এটা। রাস্তা পার হলেই একটা জেটি। সেখানে হৃদের জলের ঢেউ ভাঙ্গার একটানা ছলাং ছলাং শব্দ। বহুলোক সেখানে মাছ ধরছে।

একটি মৎস্য শিকারীর প্রতি দৃষ্টি বিশেষভাবে আকৃষ্ট হল। তার বঁড়িশিতে সে দিন প্রচুর মাছ উঠিল। তিনি কিন্তু মাছ ধরেই তৎক্ষণাৎ জলে হেঁড়ে দিচ্ছিলেন। নেহাত খুব বড় সড় হলে ফোটা তুলে রেখে তারপর জলে হেঁড়ে দিচ্ছিলেন। এ যেন অনেকটা ‘পথের দাবীর’ সবাসাচী-মূলভ আচরণ—যিনি গাঁজার কলসে পদম যত্নে সেজে দেন নিজে খান না, দেখে আমরা ত অবাক। এ হেন অহিংস মৎস্য-শিকারের রহস্যটা কি?

পিপ্তুর আবার মাছ ধরার খুব শখ। তাই চটপট ওদের সঙ্গে আলাপ জমিয়ে নিয়ে রহস্যটা উদ্ধার করে আনল। এখানকার মাছে নাকি বড়ই শোকাঁটা। এঁরা আবার কাঁটাওয়ালা নাড়ের কন্টাকাঁটা পথে চলতে নিতান্তই নারাজ। তাই এহেন অহিংস আচরণ। এ দেশের সবাই কিন্তু মৎস্যবিলাসী নয়। উইসকন্সিনের লোকেরা নাকি মাছের ধারে কাছাকাছি যায় না। জার্মান বংশোদ্ভব কিন। তাই আলু ও মাংসের প্রতি অসীম অনুরাগ। তবে স্কেনেভি, - ইটালি বংশোদ্ভব এবং টেক্সাসের আমেরিকানরা নাকি খুবই মৎস্যপ্রিয়।

জেটিতে কিছুক্ষণ ঘুরে ফিরে সহিংস এবং অহিংস মৎস্য শিকারীদের মাছ ধরার দৃশ্য উপভোগান্তে পুনঃ মধুর গাড়ীতে সমানীন হলাম। গাড়ী এবার ইরি হৃদের গাঁয়ে তীরে নানা নয়ন নন্দন দৃশ্য, পথের মধ্যে বিচরণ করতে করতে একটা জায়গায় এসে স্থির হয়ে দাঁড়াল।

সামনে বিস্তীর্ণ ইরি নিস্তরঙ্গ জল,—তীরে তীরে সবুজ ঘাসের গালিচা পাতা। মাঝে মাঝে নানা বিচিত্র গাছ-পালা। আমাদের সামনে একটা বাঁধা ঘাট,—সিঁড়ি ধাপে ধাপে নেমে জল পর্যন্ত নেমে গেছে,—উপরে ছাদ দেওয়া। ভিতরে সারি সারি অমৃগ কাষ্ঠাসন। গাড়ী থেকে নেমে সবাই মিলে ঘাটে এসে বসা হল।

কী সুন্দর—কী প্রশান্ত পরিবেশ। একদিকে দিগন্তেক্ষণ তটরেখা,—অন্যদিকে কূলহীন ইরিহ্রদের জলের আয়নায় ক্যানেডার আকাশ মুখ দেখছে। এ জায়গাটায় জলে নেমে অবগাহন বা সন্তরণ বারণ। অন্ততঃ সাইনবোর্ডে তাই ত লেখা রয়েছে। তবুও স্নানার্থী কেউ কেউ যে আসছেন না তাও নয়। মানব চরিত্র সর্বত্রই সমান দেখ'ছ, হের ফের ১৯২০ না হলে ও ১৫২০ মাত্র। আমাদের দেশে আইন অমান্য করাটাই বর্তমানের অলিখিত আইন। যদিও মুষ্টিমেয় কিছু লোক এখনো আইনালুগ। এদেশের মানুষ প্রথমে আইনসংগতন হলেও কেউ কেউ মধ্যে মধ্যে প্লয়োগ পেলে আইন লঙ্ঘন করে থাকেন,—ত ত খালি চোখেই মালুম হচ্ছে।

ফেরার পথে ছোট্ট একটা রেস্টোরঁ দেবে সবাই গাড়ী থেকে নেমে কিছু আইসক্রিম খেয়ে ঠাণ্ডা হয়ে নিলাম। তারপর আরও কিছুক্ষণ সমুদ্রভিত্তি ইরি হ্রদের পারে পারে নানা নয়নাভিরাম দৃশ্য দেখে বেড়ালাম।

এবার বাড়ী ফেরার পালা। ফিরবার পথও কী সুন্দর! ইরি-হ্রদের নানা নাবা খাড়ির উপরের সেতুগুলি পার হচ্ছি আর দেখছি—তুধারে অসংখ্য নৌকা, জলের ধারে লম্বা লম্বা ঘাসের উপর ফড়িং উড়ে বেড়াচ্ছে। কেউ বা জলের ধারে গাছের ছায়ায় আকাশের দিকে মুখ করে শুয়ে শুয়ে দিবাস্বপ্ন দেখছেন। একটা ছুটি ছুটি ভাব,—একটা তন্দ্রাজড়ান মস্তুরতা—হ্রদের কূলে কূলে ছড়িয়ে আছে। আকাশ জল, ভাঙ্গা আর বিচিত্র গাছপালায় বিরচিত চিত্রনিভ দৃশ্যাবলীর ভিতর দিয়ে

চকর কাটতে কাটতে গাড়ীটা অবশেষে মধুদের বাড়ীর দোরগোড়ায় এসে থামল ।

অতঃপর অবতরণ, ক্লান্তিক বিশ্রাম, ধূমায়িত চায়ের বাটি হাতে স্বথারীতি স্মৃতি রোমন্থন ইত্যাদি চল্ল কিছুক্ষণ ।

খানার টেবিলে বসে যখন সেনডাক্সি আর ইরির অনুপম সৌন্দর্যের আর মনোরম আবহাওয়ার সুখ্যাতি করছিলাম তখন মধুর মুখে শুনলাম বর্তমান চিরবসন্তের আবহাওয়া দেখে সেনডাক্সির প্রকৃত আবহাওয়া বোঝা যাবে না । জুন থেকে সেপ্টেম্বর অবধি এখানকার তাপাঙ্ক ৯৫ ডিগ্রি ফারেনহাইট স্পর্শ করে । তখন ত বেশ গরম । মৌসুমী বায়ুর দেশ এটা নয় । বর্ষা বলে আলাদা চিহ্নিত ঋতু এখানে নেই । “বৃষ্টিপড়ে টাপুর টুপুর”—যখন তখন । গ্রীষ্মে আকাশ বরায় জল, আর শীতে বরায় তুলোর মত বরফ । তখন প্রচুর বরফপাত হয় এখানে, তাপাঙ্ক তখন শুল্ল ডিগ্রির নীচে,—কখনো বা ১০/১৫ ডিগ্রি নীচে । শীতেও রক্ষা নেই,—“একা রামে রক্ষা নাই, সুগ্রীব দেশের ।”

যখন উত্তর মেরু থেকে মাঝে মাঝে তীব্র হিমেল হাওয়া বয়, তখন স্থানীয় অধিবাসীরাও নাকি পিড়নাম বিন্দ্রুত হয়ে যান ।

তবে এখানকার অক্টোবর নাকি অতি সুন্দর,—এ জায়গার পক্ষে তা একটি নয়—‘Octo’ বর সদৃশ ।

শীতে পাতা ঝরে যাবার পূর্বে অক্টোবরের মেপল বনে যখন লোহিত লাবণ্যের বিচিত্র সমারোহ—ঈষৎ হরিদ্রাভ থেকে জরদ, তার থেকে ফিকে লাল, তার থেকে গাঢ়, গাঢ় থেকে গাঢ়তর লোহিতের বর্ণাঢ্য বিন্যাস, তখনকার সে অবর্ণনায় সৌন্দর্য্য নাকি কল্পনাকেও হার মানায় । আশ্চর্য্য কি এখানে মেপল পাতা নিয়ে এত মাতামাতি । কান্সারীদের ‘চেনার’ পাগলামীও-এর কাছে তুচ্ছ । মেপল পাতার বাহার নিয়ে এতটা গর্ব যে ক্যানেন্ডার জাতীয় পতাকা পর্যন্ত রক্তিম মেপলপত্র-লাঞ্ছন ।

সেপ্টেম্বরে দেশে ফিরছি,—তাই পাতাঝরার রঞ্জের খেলা চোখে দেখা হবে না। অবশ্য ক্যানেন্ডার এক শিল্প সংগ্রহশালায় ‘ফল’ অর্থাৎ অক্টোবরের বনভূমির অপূর্ব সব ছবি দেখার সুযোগ পেয়েছিলাম,—লোকসান তাতে কিছুটা পুষিয়ে নিয়েছিলাম,—সে কথা যথাস্থানে বলা হবে।

মধুর মুখে এও শোনা গেল যে এখানকার শীত দুঃসহ হলেও নয়ন-বিমোহন। নিরাবরণ নিরাভরণ কাননভূমিতে যখন তুষারপাত হয়,—শৃঙ্গ ডালে ডালে, জমিতে পেঁজা তুলার মত বরফ লেগে থাকে,—বরফের চাপে চিরহরিৎ পাইনের শাখাপ্রশাখা ঈষৎ ঝুঁকে পড়ে,—তার উপর যখন চাঁদের আলো ঝরে পড়ে, তখন নাকি এ দেশ নিছক রূপকথার ঘুমন্ত রাজপুরী, পরীর দেশ।

মধ্য এপ্রিলে আবার এক নাটকীয় পরিবর্তন আসে। জমা তুষার গলে যাবার সঙ্গে সঙ্গে হঠাৎ যেন মস্তবলে ধূসর মৃত্তিকায় সবুজের বস্ত্রা নামে, আর ডালে ডালে তখন কাঁচা সবুজ কচি কিশলয়ের ভিড়।

মধুর মুখে এসব বর্ণনা শুনছি আর মনে হচ্ছে যেন চোখে দেখতে পাচ্ছি।

ভগ্নদূতের মত পিণ্টু স্মরণ করিয়ে দিল—কাল সকালেই নিউজাসি রওয়ানা হতে হবে; সুতরাং এখনি গোছগাছ করে নেওয়া ভাল। স্বপ্ন ভেঙ্গে জেগে উঠে বললাম—‘তথাস্তু’।

[নিউজাসর পথে—এলিষণা ও পকোনো পর্বতশ্রেণী]

চেরী হিলস্, নিউজার্সি

১০ই মে. ১৯৮০ইং

প্রাতঃরাশপর্ব দ্রুত চুকিয়ে নেওয়া হল। মধু ও তপতীকে সন্ধ্যাবাদ বিদায় সম্ভাষণ জানিয়ে বাচ্চা ছুঁটিকে শেষবারের মত আদর করে সকালে গা' নাগাদ বেরিয়ে পড়লাম। বিলম্ব করার উপায় নেই।—সন্কার পূর্ববই নিউজার্সি পৌছাতে হবে।

“নাই নাই নাই যে সময়।”

বিদায় সেনডার্স্! বিদায় সুন্দরী ইরি! বিশ্বাস করো—দিনান্তে নিশান্তে তোমাদের ‘পথপ্রান্তে’ ফেলে যাচ্ছি না; হৃদয়ের গভীরে তোমাদের চির জাগ্রত স্মৃতি সযত্নে বহন করে নিয়ে যাচ্ছি।

আমাদের গাড়ী ‘ওহাইও টার্ন পাইক’ ধরে চলতে লাগল। এখানেও রয়েছে গবাদি পশু, গম, পশুখাত্ত প্রভৃতির প্রাচুর্য এবং নানা বানিজ্য প্রতিষ্ঠান। চারপাশের গাছপালায় ঘন সবুজের আলিম্পন মাঠঘাট তেমনি টেউ খেলান, তেমনি রয়েছে ক্ষেতখামার আর বনজঙ্গলের প্রাচুর্য। আমাদের গাড়ী চলেছে ‘ইলিরিয়া’কে পাশে রেখে, ‘ওয়ারেন.’ হয়ে ‘শেরগ’কে বিস্মরণ না করে তার কোল ঘেঁষে। এই ‘শেরগ’ ছাড়াই শুরু হবে ‘পেন্সিলভেনিয়া’ রাজ্য যেখানে রয়েছে বন, পাহাড় ও নদীর এক অপূর্ব সমাবেশ। কেবল প্রাকৃতিক সৌন্দর্য বা বৈজ্ঞানিক দিক থেকেই নয়,—আমেরিকার স্বাধীনতার ইতিহাসেও এ অঞ্চলের একটা বিশিষ্ট স্থান রয়েছে।

পিটু এ অঞ্চলে অনেক দিন ছিল। তাকে বল্লম ‘পেন্সিলভেনিয়া’ সম্বন্ধে কিছু বলতে। তাতে সবার দেখাটা আরও ভালভাবে জমবে। বক্তার ভূমিকা নিতে পিটু নারাজ। উণ্টে মিতাকে বল্ল—“ইতিহাসের

‘ছাত্রী’ ত তুমি, স্মৃতরাং বলার অধিকার তোমারই সব থেকে বেশী।
মিতাও রাজী নয়; জবাব দিল—“বারে। এমন কথা ত ছিল না।
আমি কি তৈরী হয়ে এসেছি,—না গাইডগিরি আমার পেশা? তা
ছাড়া বক্তৃতা যে দেব বাচ্চটা সামলাবে কে?

উভয় পক্ষের যুক্তিই অকাট্য। অগত্যা গৃহিণীর জ্ঞাতার্থে “অব্যাপা-
রেষু ব্যাপার”এর ভার আমাকেই নিতে হল। পেনসিলভেনিয়া
সম্বন্ধে আগেই মোটামুটি জেনে নিয়েছিলাম।

জার্মান ঔপনিবেশিকদের প্রচেষ্টা ও পরিশ্রমেই এই অদৃশ্যসঙ্কুল
প্রদেশে একদা গড়ে উঠেছিল পেনসিলভেনিয়ার উপনিবেশ। এখান
‘মেরিল্যান্ড’ ও ‘মাসকুয়েহান্না’ নদীর মাঝখানকার জায়গাটাতে একদল
জার্মান প্রথমে বসবাস শুরু করেছিল। প্রথমে এদের উদ্দেশ্য ছিল
স্বাধীন ভাবে ধর্মপালন। পরে এখানে গড়ে উঠল এক বিরাট কৃষি
উপনিবেশ। সেটা সম্ভব হয়েছিল তাদেরই কঠোর পরিশ্রমের ফলে।
প্রকৃতিতে এরা খুবই স্বাধীনচেতা। ইংলণ্ডের শোষণ থেকে মুক্তির জ্ঞান
যে যুদ্ধ শুরু হয় তার সূত্রপাতও হয়েছিল এখানকার ফিল্যাডেল্ফিয়া
শহরে।

আমাদের যেমন ১৫ই আগষ্ট স্বাধীনতা দিবস, তেমনি আমেরিকার
স্বাধীনতা দিবস হল ৪ঠা জুলাই। ১৭৭৬ খৃস্টাব্দের ৪ঠা জুলাই
আমেরিকা স্বাধীনতা ঘোষণা করেছিল, এবং সেটা করা হয় এই ফিলা-
ডেল্ফিয়া শহর থেকেই। আমেরিকার সংবিধান প্রণয়ন করা হল
১৮৮৭ খৃস্টাব্দে এবং তাও করা হয়েছিল এইখানে।

পেনসিলভেনিয়ার প্রতিষ্ঠার পিছনে আছে উইনিয়াম পেনএর
বিরাট অবদান। একবার কি একটা সুযোগে তিনি ইংলণ্ডের রাজা
‘দ্বিতীয় চার্লস’ এর কাছ থেকে কিছুটা জমি পেয়ে গিয়েছিলেন। তখন
থেকেই তিনি এখানে এক আদর্শ নগরী স্থাপনের স্বপ্ন দেখতে থাকেন।
—সেখানে থাকবে জাতিধর্মনিবিশেষে সকল ব্যাপারে সকলের সমান
অধিকার। কালে পেন-প্রতিষ্ঠিত নগরের নাম হল ফিল্যাডেল্ফিয়া—

গ্রীক ভাষায় যার অর্থ ভ্রাতৃত্বপ্রেমের নগরী। এই পেন্সিলভেনিয়া রাজ্যের নামকরণও হল এই ‘উইলিয়াম পেন,’ এর নামানুসারে। স্বাধীনতা যুদ্ধের কতই না ধকল গেছে এই শহরের উপর দিয়ে। এই শহরই ছিল আমেরিকার সর্বপ্রথম রাজধানী। পরে অবশ্য রাজধানী স্থানান্তরিত হয়েছিল ওয়াশিংটনে। ভবুও একথা না মেনে উপায় নেই—পূর্বের গৌরব না থাকলেও শিক্ষা, দীক্ষা, সংস্কৃতি, বাণিজ্য ব্যবসায় প্রভৃতি ক্ষেত্রে এই নগরী এখনও নগন্য নয়।

“এবে বুড়া ভবু ওঁড়া কিছু আছে বাকী।”

বক্তৃতা বন্ধ করে দাঁখ—শ্রোতারী অস্বমনস্ক,—বক্তৃতা কেউ শুনেছে না। অতএব মুখ বন্ধ করে পথের দিক চোখ খোলা রেখে বসে রইলাম। এদিকে আমাদের গাড়ী ইতিমধ্যে ‘মার্সার’ অতিক্রম করে এগিয়ে চলেছে। দু’পাশে আন্দোলিত প্রান্তর; বনানী কোথাও গভীর, কোথাও বা অনিবিড়;—কোথাও খানকাজ চলছে। তাই বলে ভেবোনা যে এ অঞ্চল একেবারে ক্ষেত খামার বিবাজিত। কৃষি এবং শিল্প—দুটো ব্যাপারেই এ রাজ্য সমৃদ্ধ;—কাশীর ঘরাণা ও বলের মত—ডাইনা বাঁয়া—দুটোই এখানে সমান দাপটে।

‘মার্সার’ এর পর থেকেই ‘এলঘেনি’ পর্বতশ্রেণীর একাংশ ভেদ করে আমাদের পথ পথের দু’বারে বার্কি, পাইন, ওক, সিডার, আর ও কত নাম না জানা তরুশ্রেণী। চিরহরিৎ পাইন অরণ্যের মাঝখানে কোথাও বা একটা শুকনো গাছ দাঁড়িয়ে আছে;—ডালপাল; শুকিয়ে ঘোর বাদামী-রং-এর। তাতে সৃষ্টি হয়েছে এক অপূর্ব সৌন্দর্য। দু’পাশে সবুজে মণ্ডিত এলিঘেনি পর্বতশ্রেণী। তার মাঝখানে দিয়ে সর্পিল পথ কখনো ঢালু হয়ে নামছে, কোথাও বা পাহাড়ের গা বেয়ে উপরে উঠে যাচ্ছে নীল আকাশে,—সেইখানে যেন পথের শেষ। সুনীল আকাশে পুঞ্জীভূত সাদা সাদা মেঘ। পৃথিবী বিখ্যাত বিদগ্ধ পণ্ডিতবর্গের আজীবন সাধনার ও অভিজ্ঞতার ফল যেমন গ্রন্থাগারে খুলির আবরণে ঢাকা থাকে উপযুক্ত গুণগ্রাহী পাঠকের প্রতীক্ষায়—তেমনি রয়েছে এই

এখানে নিঃশব্দ নির্জনাবৃত্তা কতই না শ্বাসরোধকারী সৌন্দর্য্য রসিকজনের নয়নপাতের অপেক্ষায় যুগযুগ ধরে রাস্তার বাঁকে বাঁকে ।

কিছুক্ষণ পর খরশ্রোতা এলিঘেনি নদীর ব্রীজ পার হয়ে চল্লাম । বাঁকেবাঁকে কতই না ‘নবনব রূপে’ প্রকৃতি দেবী নয়নমন হরণ করে চলেছেন !

প্রতি দু’ঘণ্টা অন্তরই ‘বিজ্ঞান স্থান’-এ নেমে গাড়ীর এক নিজেদের উদরে উপযুক্ত খাদ্য পানীয় ভরে নেওয়া হচ্ছে । এই স্থান্য পরিবেশে নিজেরাও কিছুটা হাঁটছি, বাচ্চা দৌড়িয়ে দেবকেও হাঁটাচ্ছি ; কী ভালই যে লাগছে ! বাতাস এখানে সর্বদাই বেশ প্রবল, জায়গাটাও বেশ উচু । এই মধ্য মে মাসেও একটু ঠাণ্ডা ঠাণ্ডা ভাব ।

‘দরিয়স’ ও ‘ক্লিয়ারটাউন’ clear করে, ‘বেল্লেকতে’কে ফতে করে অর্থাৎ এক্ষেত্রে পেছনে কেলে রাস্তা এগিয়ে চলেছে ; কখনো বা এলিঘেনি পর্বত ভেদ করে, কখনো সমস্রমে পাশ কাটিয়ে । রাস্তার দু’পাশে চলেছে নবনব নয়ন-নন্দন দৃশ্যের নব নব আশ্চর্য্যের মিছিল । ‘মিলটন’ জনপদের কাছাকাছি এসে মনে হল—এই ত বর্গ পেলাম “Paradise regained ?”

আর একটু পরে ‘সাসকুয়েহান্না’ নদীর একটি ছোট উপনদী পার হলাম । জায়গায় জায়গায় সাইন বোর্ড,—তাতে লেখা “Deer Xing” । Deer ত বুঝলাম ; কিন্তু Xing টা কি বস্তু । ওঃ এটা Crossing-এর সংক্ষিপ্ত রূপ । তা হলে নির্গলিতার্ধ দাঁড়াল এই যে “সাবধান ! হরিণ এ রাস্তা পারাপার করে থাকে ।”

আমেরিকার ভূমার অঞ্চলে ও তার কিঞ্চিৎ দক্ষিণবর্তী অঞ্চলের পাইন অরণ্যে ‘মুজ্জ’ নামক বন্যহরিণের বৃহৎ আয়তনের এক প্রজাতি অনেক দেখা যায় । তবে এ অঞ্চলে ‘মুজ্জ’দের দেখা পাবার ত কথা নয় ।

কিন্তু মুজ্জ ছাড়া অল্প প্রজাতির হরিণ কি থাকতে নেই ? অস্ত্রান্ত্র জাতের বন্যহরিণ নিশ্চয়ই এসব রাস্তা হামেসা পার হয়ে থাকে । যাতে বেপরোয়া মোটর চালক এদের পিষ্ট না করেন—এরই জন্ত এই সাবধান

বাণী। ছোটখাট লোমশ জানোয়ারের পিষ্টদেহ এ রাস্তায় বহু স্থানেই দেখতে পেয়েছি।

ঢালু পাহাড়ের গায়ে কোথাও গাছপালা কেটে নেওয়া। যেন সবুজ চুলে বাদামীসিঁথি। হয়ত বৃষ্টি হলে এসব রাস্তা দিয়ে জল নামে। এগুলিকেই মনে হচ্ছে একটু গড়েপিটে শীতের সময় ‘শী’ (Ski) খেলবার জায়গা তৈরী করা হয়ে থাকে। শীতে বরফপাত হয় প্রচুর আর তাপাঙ্কও তখন হিমাক্ষের বহু নীচে চলে যায়। তখন পাহাড়ের গাছ কেটে পরিষ্কার করা এই ঢালুগুলি কঠিন বরফে আবৃত হয়ে ‘শী’ খেলার তীর্থক্ষেত্র হয়ে দাঁড়ায়। ঘনসবুজ বনানী, নীলাভ পাহাড়, ফেনগুত্রা স্রোতস্থিনী, সুনীল আকাশ আর পুঞ্জপুঞ্জ মেঘদিয়ে গড়া এক স্বপ্নের রাজ্য পেরিয়ে গাড়ী এখন ৮০ নম্বরের রাজমার্গ ধরে পূর্বাভিমুখে এগিয়ে চলেছে।

‘মিফলিন্ডিলে’র কাছে এসে ‘সাস্কুয়েহান্না’ নদী পার হলাম। সবুজে সুনীলে বিরচিত নগনদঅরণ্যানী শোভিত নৈসর্গ ভেদ করে আমাদের রাস্তা চলেছে; ছু চোখ ভরে আমরা সবাই নৈসর্গিক সৌন্দর্য্য উপভোগ করে চলেছি।

এলিঘেনি পর্বতের একাধিক শৃঙ্খের ভিতর দিয়ে আমরা এসেছি। শৃঙ্খপথে রেলভ্রমণের সুযোগ ভারতেও যথেষ্ট রয়েছে। পুণে থেকে বোম্বাই অথবা গোহাটী থেকে শিলচর যেতে অনুরূপ শৃঙ্খ অনেকগুলিই পড়ে। তাই বলে এ অভিজ্ঞতাকে খাটো করে দেখছি না।

এবার এলিঘেনি পর্বতের মোহজাল কাটিয়ে পথ পাকিয়ে পাকিয়ে এসে ঢুকল ‘পকানো,’ পর্বতের পশ্চিমপ্রান্তে। এ পর্বতের দৃশ্যাবলীর স্বাদ একটু আলাদা। পর্বতশীর্ষ মণ্ডলাকৃতি, সাহুদেশ না বনবিড় বনানী পরিশোভিত,—একটু গড়ান প্রকৃতির।

স্থানে স্থানে ছুই পাহাড়ের মাঝখানে নীল আকাশের স্নিগ্ধ অবকাশ;
- ১৫ শৃঙ্খহাস্যের মত পুঞ্জপুঞ্জ সাদা মেঘ। আবার কোথাও মূর্তিমান

গছের মত পাথর কেটে,—পাথর চূর্ণ করে খনির কাজও চলছে। তবে এখানেও রয়েছে বিবশ গতিতে এগিয়ে যাওয়া কালনাগিণীর মত সর্পিল সরণী। কোথাও সে ঢালু হয়ে রসাতলগমিনী,—আবার কোথাও বা আকাশচুম্বী ;—দুই দিকে অকুপণ হরিৎলাবণ্য।

‘এলব্রাইটভিলে’ পার হয়ে ‘লেহাইটন’কে পাশে রেখে “সেহাই ভেলি টানেলে” উপস্থিত হলাম। পথের দু’পাশে তেমনি সবুজের সমারোহ। ‘এলেন টাউন’ অচিরেই আমাদের সামনে চলে এলেন। তাকে অতিক্রম করে ‘সেন্টারভেলি’ পার হয়ে আমরা ‘লেন্সডেল’এ চলে এলাম। এই ৭৬ নম্বর রাজপথ ধরে এবার ফিলাডেলফিয়ার সামানায়। ‘স্কুইলকিল’ নদীর পাশ ঘেঁষে খানিকটা গিয়েই আমরা অবশেষে এসে পড়লাম ফিলাডেলফিয়ার ডাউন টাউন অঞ্চল অর্থাৎ ব্যবসায় কেন্দ্রে। এবার স্কুইলকিল নদীর ব্রীজ পার হলাম। কিছুক্ষণ পর ভেটার্ণস্ স্টেডিয়াম পার হয়ে ‘ডেলওয়ারে’ নদীর ব্রীজের কাছে এসে গেলাম। এই ব্রীজের নাম ‘ওয়ার্ল্ডহাইটমেন ব্রীজ’। এর এক তীরে পেনসিলভেনিয়ার অন্তর্গত ফিলাডেলফিয়া; আর অন্য তীরে হল নিউজার্সি রাজ্যের আরম্ভ।

শহরের ভিতর দিয়েই যাচ্ছি। রেলওয়ে স্টেশান, বিশ্ববিদ্যালয় ও অন্যান্য ছোটখাট দ্রষ্টব্য স্থানগুলি পিষ্টু গাড়ী চালাতে চালাতেই আমাদের দেখিয়ে দিল। প্রবাস জীবনের প্রথম দিকটা ফিলাডেলফিয়া ও নিউজার্সিতে কেটেছে বলে সে এ জায়গাটা খুব ভাল করে চেনে। এ দেশে এসে পড়াশুনা ও এখানেই করেছে। খুব বড় শহর এটা। তবুও খোদ শহরের অফিসপাড়া বা ব্যবসায় অঞ্চল বাদ দিলে এটা যে এত বড় শহর তা বুঝতে পারাই কঠিন। এই ঐতিহ্যপূর্ণ শহরের শহরতলি অঞ্চলে এখনো আরণ্যমায়া জড়িয়ে আছে। শহরতলির মধ্যযুগীয় প্রাচীন অট্টালিকা দেখে মনেই হয় না এটা বিংশ শতাব্দীর অস্তিমলয়।

এক জায়গায় দেখতে পেলাম আমাদের দেশের মত ঘোড়ার গাড়ী। এক মেম সাহেব গাড়ীটি চালাচ্ছেন। মেয়েরা প্রধানমন্ত্রী হয়ে দেশ

চালাচ্ছেন আজকাল ;। কিন্তু ঘোড়ার গাড়ী চালাচ্ছেন ! ঠিক এই মুহূর্তে তাঁদের দেখেছি বলে মনে ত পড়ে না। তবে এতে আশ্চর্য্য হবার ই বা কি আছে ? সংসাররূপ গর্দভবাহিত যান চিরকাল ত মেয়েরাই অবলীলাক্রমে চালিয়ে এসেছেন ;—যদিও আমরা তাঁদের “পরিচালিকা” বলে তারা অভিমানভরে বলে থাকেন—“পরিচালিকা না ছাই,—বল পরিচারিকা।”

থাক্কে —ওয়ান্টেড হুইটমেন ব্রীজ পার হয়ে অবশেষে আমরা নিউজার্সি রাজ্যে প্রবেশ করলাম। দু’ধারে অজস্র গাছ আর ঘাসভর্ষি ঢালু ভূমিতে অজস্র বণকুমুমসম্ভার। ‘চেরীহিল’ এ পিট্‌র দাদা পিট্‌দের বাড়ী যখন গাড়ী পৌঁছাল তখন ৭।। টা বাজলেও সূর্যাস্ত হয়নি। পিট্‌র ব্রী কুলন দোর খুলে তাড়াতাড়ি আমাদের বাড়ীর ভিতরে নিয়ে গেল। ততক্ষণে ছুই ভাই মিলে গাড়ী থেকে জিনিসপত্র নামিয়ে বাড়ীতে বয়ে নিয়ে গিয়েছে।

আজ পিট্‌ আর মিতা মিলে প্রায় ৫২৫ মাইল গাড়ী চালিয়েছে। বিজ্ঞানের প্রয়োজন সবচেয়ে বেশী তাদের। স্নানাহারের পর পিট্‌কে বললাম—কাল পূর্ণ বিজ্ঞান নাও। কিন্তু সে রাজী নয় ;—তার বক্তব্য—ফিলাডেলফিয়ার দর্শনায় স্থানগুলি কাল ছাড়া দেখার সময় নেই। তা ছাড়া তার যে ছুই দিদি ফিলাডেলফিয়া থাকেন তাঁদের সঙ্গে সাক্ষাৎ করাও অবশ্য কঠব্য। পরন্তু আবার ওয়াশিংটনে যাবার কথা এক পরদিন নিউইয়র্ক হয়ে বারহারবার। সুতরাং সময় কোথায় ?

অকাট্যযুক্তি, কথা না বাড়িয়ে পিট্‌র কথা মেনে নিয়ে ঘুমাতে চলে গেলাম এবং পথের অপূর্ণ সৌন্দর্য্যের স্মৃতির মানসিক রোমন্থন করতে করতে এক সময় ঘুমিয়ে পড়লাম—

—‘যা দেবী সর্ব্বভূতেষু নিজাক্রপেন সংস্থিতা’—
তাঁরই কোলে।



সূর্যোদয়ের সঙ্গে সঙ্গে যথারীতি নিভ্রাভুক্ত হলেও একটি গা এলিয়ে নিভ্রাভুক্তাদি শব্দ করা গেল কারণ আমরা আর হুপূরের আগে যাব হচ্ছি না। পটুইব মলব হুপূরের খাওয়া একটি তাড়াভাড়ি সেরে নিয়ে আমরা নিউজার্সির দিকটা দেখে নিয়ে তারপর ফিলাদেল্ফিয়া দেখতে যাব।

হুপূরের খাওয়ার পাট তাড়াভাড়ি চুকিয়ে আমরা বেড়িয়ে পড়লাম। পথঘাট আর পাহাড়ের সাহুদেশে ঘাসের সবুজ মলমল বিহান। তবে মধ্যপ্রাশ্রলে পালটান নিউজার্সির নিউ জার্সিটার কাঁচা সবুজ রং একটি গাঢ় হয়ে এসেছে ইতিমধ্যে। গাড়ীর গবাক্ষে চোখ মেলে বসে আছি;—দেখছি আর ভাবছি—ধনা আমি।

গৃহিণীর ত্রীক্লপ্রশ্নে সেই সম্মোহিত ভাব কেটে গেল। তিনি বল্লেন—“সে দিন ত খুব ফিল্ডেলফিয়া নিয়ে বক্তৃতা দিলে। নিউজার্সি-সম্বন্ধে কিছু নয়। কথা শুনাও ত বুঝি কত বিজ্ঞে তোমার ঘটে।”

স্বাক্ষর করতেই হল—নিউজার্সি সম্বন্ধে নবনব তথ্যাদি সমৃদ্ধ বক্তৃতা দেওয়া আমার পক্ষে অসম্ভব। সামান্য যা জানি অভয় পেলে শুরু করতে পারি। বুধা ভনিতা বজ্জ্বল করে আদ্যস্ত করবার অভয়-বাণী সভয়ে লাভ করে বক্তৃতা শুরু করলাম :—

নিউজার্সি কিছু হেলাফেলার জায়গা নয়। ফিল্ডেলফিয়ার মত নিউজার্সিরও নিজস্ব প্রকৃতি রয়েছে,—রয়েছে আমেরিকার স্বাধীনতা সংগ্রামে প্রায় অনুরূপ অবদান। এ রাজ্যের ভূপ্রকৃতিই বা কত বিচিত্র! ‘কিট্টাটিনে’ পর্বত আর এপেল্লা পর্বতমালা থেকে শুরু আর আটলান্টিকের বেলাভূমিতে গিয়ে এ রাজ্যের শেষ।

প্রাগৈতিহাসিক যুগের বিধ্বংসী ভূমিকম্প, তুষারযুগের হিমবাহ আর অতিবর্ষণবাহিত বালুপাথর মিলে এই রাজ্যের এই বৈচিত্র্যময় ভূপ্রকৃতি গড়ে তুলছে।

এই ত গেল ভূপ্রকৃতির কথা ; এবার এ রাজ্যের মানবপ্রকৃতির কথায় আসছি। এ রাজ্যের লোকদের চরিত্র কিরকম দৃঢ় তার পরিচয় পাবে এই কথা থেকে :—স্বাধীনতার যুদ্ধে এরা চার চার বার কন্টিনেন্টাল আর্মির পদানত হয়েছেন, তবুও লড়াই করে লুপ্ত স্বাধীনতা পুনরুদ্ধার করেছেন প্রত্যেকবার। ওয়াশিংটনের শীতকালীন প্রধান সৈন্যবাস ছিল এই রাজ্যের অন্তর্গত মরিস টাউনে এক দুর্দান্ত শীতের রাতে ফিলাডেলফিয়ার শহরতলি ‘ভেলিফোর্জ’-এর সৈন্যবাস থেকে ওয়াশিংটন বেরিয়ে এলেন ;—এবং তার সৈন্যসামন্ত নিয়ে হিমে জমে যাওয়া ডেলওয়ারে নদী পার হয়ে শত্রুসৈন্যকে অতিক্রম আক্রমণে সম্পূর্ণরূপে পর্যুদস্ত করলেন। এই যুদ্ধজয়ের ফলেই আমেরিকার স্বাধীনতালাভ সম্ভব হয়েছিল। ভাগ্যানির্দারণকারী এই যুদ্ধ কোথায় হয়েছিল জান ? তা এই রাজ্যেরই অন্তর্গত প্রিন্সেসটনে। সুতরাং দেখতে পাচ্ছ স্বাধীনতার যুদ্ধেও এ রাজ্যের অবদান কিছু কম নয়।

ভূপ্রকৃতির মত সভ্যতার বৈচিত্র্যও রয়েছে এ রাজ্যে প্রচুর। এখানে যেমন দেখবে সমৃদ্ধ শিল্পাঞ্চল, ক্যাসিনো কালচার আর প্রমোদনগরীর ছড়াছড়ি—তেমনি দেখবে কৃষি ও পশুপালনের প্রাচীন ঐতিহ্যবাহী রক্ষণশীল সমাজ। আবার এ রাজ্যের বালুকাপ্রস্তরসঙ্কুল উষ্ম পাইন অরণ্য ‘পাইন বেরেনস্’এ এমন সব আদিম অধিবাসী সম্প্রদায় রয়েছে যারা এই বিংশ শতাব্দীর শেষপাদেও বর্তমান সভ্যতাকে সর্ব্বতঃ বর্জন করেও দিব্যি বেঁচে বর্তে রয়েছে।

গৃহিণীর ধৈর্যের সীমা এতকণ্ঠে বোধ হয় অতিক্রান্ত হয়ে থাকবে। নিতান্ত নিরুত্তাপ কণ্ঠে তিনি বলেন—“যথেষ্ট হয়েছে, পরম আপ্যায়িত হলাম, দয়া করে এবার থাম।”

নিজেকে বোঝাতে চেষ্টা করলাম—বাছাধন ।

“ভাবিতে উচিত ছিল প্রতিজ্ঞা যখন ।”

পানিগ্রহণ যখন করেছিলে তখন ভাবনি কেন যে গৃহীতপানিটি সর্বদা মধুররসসিক্ত পানিই যে দেবেন তার কিছু স্থিরতা নেই ; কটুকব্যয় পানিও প্রদান করতে পারেন । পানিপীড়ন বন্ধেও পীড়ন থেকে নিকৃতি নেই ;—পা কেন মনকে পীড়ন করলেও উদ্ধাহবন্ধনেবন্ধজীব ত উদ্ধাহবন্ধনে বদ্ধ, এক মাত্র উদ্ধকন ছাড়া তার মুক্তি নেই ।

অগত্যা মুখে কুলুপ এঁটে চোখ দু’টা খুলে রাখলাম ।

সময়ের স্বল্পতা হেতু নিউজাসির কোনো বিশেষ জায়গায় আজ আমরা যাচ্ছি না । অলিগলি ঘুরে শহরটাকে দেখব যাতে এ শহর সম্বন্ধে একটা মোটামুটি ধারণা হয় ।

পিণ্টর গাড়ী এগলি ওগলি করতে করতে শহর পরিক্রমা করতে লাগল । দেখছি তার মুগ্ধ হচ্ছি,—শহরতলিতেও কেমন ব্যকব্যক তরতরকে নাস্তা ঘাট, টেউখেলান ঘাসভন্ডি মাঠ : কোথাও বা বহু ঘাসের নানাবর্ণের ফুল,—পাইন, বার্চ, সিডার, মেপল, ডবের ছায়ায় বিমানের ছোট ছোট কাঠের বাড়ী, আর রাস্তার দু’পাশে বনকুসুমের অজস্র সম্ভার ।

পিণ্ট, প্রস্তাব পেশ কবল—‘এবার চলুন,—কাছেপিঠের একটা সুন্দর জায়গায় বেবিয়ে আসি ।’ সুন্দর জায়গা দেখতেই ও আসা, এতে কারো আপত্তি থাকার কথাই নয় । আমরা এবার ডেলওয়ারে নদীর উপরে হুইটমেন ব্রীজ পার হয়ে চললাম—স্কুইল নদীর পারে বিখ্যাত ইস্টরিভার ড্রাইভএর দিকে ।

কিছুক্ষণের মধ্যেই আমরা এসে পৌঁছালাম এক মায়াময় পরীর রাজ্যে,—যেখানে সুপ্রাচীন ওক, সিডার, পাইন, পপলার আর মেপলের কুঞ্জ নিচ্ছন্ন দ্বিপ্রহরের অলস বেলায় রৌদ্রে পিঠ দিয়ে বিমাছে ।

রাস্তার পাশ দিয়ে বয়ে যাচ্ছে একটি আকাবাঁকা সর্পিলাগামিনী

নদী প্রথরশ্রোতা প্রবাহিনী। দুই তীরের প্রাচীন বৃক্ষরাজি তরী
 পাটিকে যেন গভীর স্নেহে আগলে রেখেছে।

নদীর কালোজলে আর সবুজ ছায়ায় মেশামিশি,—কোথাও বা
 প্রতিবিম্বিত নীল আকাশ, যেন রূপকথার রাজ্য থেকে সত্য আমদানী
 করা। কী শাস্ত্র, কী স্নিগ্ধ পরিবেশ। বিংশ শতাব্দীর প্রান্তিক লগ্নের
 জ্যোতির্বিজ্ঞান রাজ্য আমেরিকা, ভারত এক বিখ্যাত শহরের গায়ে এমন
 স্নিগ্ধ পরিবেশ, এমন কালোজলে অয়নায় মুখ-দেখা কিমানো তৃপ্তির
 সোপান। এমন শাস্ত্রের নীড়! এ যে কল্পনারও অগ্রীম।

একদিন প্রাচীন সতুর মাধ্যমে দুই তীরের গলাগলি শরই
 একটা পার হয়ে আমরা 'ইন্টারভার ডাইভ' দর্শনের শেষে ফিলাডেল-
 ফিয়ার ঐতিহাসিক ভ্রষ্টবাস্থান দেখতে যাচ্ছি। পৌছাতে বিশেষ
 বিলম্ব হল না, বিলম্ব হল গাড়ী রাখার উপযুক্ত স্থান খুঁজ পেতে।

অগণ্য দর্শক আর অসংখ্য গাড়ীর ভিড়। শেষপর্যন্ত ভুগড়ে
 একটা গাড়ী রাখার জায়গা খুঁজে পাওয়া গেল, সড়কের ভিতর দিয়ে
 তার প্রবেশ পথ। প্রথম তলাতে স্থানান্তর, দ্বিতীয় তলাতেও তাই
 অবশেষে তৃতীয় তলায় গাড়ী রাখার একটা জায়গা পাওয়া গেল।
 বলার কিছু নেই—Poetic Justice—তৃতীয় শ্রেণীর লোক, তৃতীয়
 তলায় স্থান। যাহোক বায়গা পেয়েই আমরা কৃতার্থ। পয়সা দিয়ে,
 কার্ড নিয়ে, লিফটে চড়ে উপরে উঠে আসা হল।

প্রথমেই গেলাম স্বাধীনতা কক্ষ (Independence Hall) দেখতে।
 এখানেই উত্তর আমেরিকার সমস্ত রাজ্যের প্রতিনিধিরা সমবেত হয়ে
 সর্বপ্রথমে স্বাধীনতা সংগ্রামের মঙ্গল গ্রহণ করেছিলেন। দর্শকদের
 লাইনে দাঁড়িয়ে টিকিট কিনতে হয়। ৫/৬ টি বিশেষ স্থান দেখবার
 জন্য সরকারী গাইডের ব্যবস্থা রয়েছে। তারা নানাস্থানের ইতিহাস
 বর্ণনা করে দর্শকদের ভালভাবে বুঝিয়ে দেন। প্রতিবার সীমিত সংখ্যক
 দর্শনার্থীকে দেখতে দেওয়া হয়। সমবেত দর্শনার্থীদের একটা প্রাথমিক

বক্তৃতা দিয়ে গাইড তাদের সঙ্গে করে বিভিন্ন স্থানে নিয়ে যান এবং সে সবার সমস্ত বৃত্তান্ত ও ইতিহাস বুঝিয়ে বলেন ।

গাইড আমাদের প্রথমেই নিয়ে গেলেন স্বাধীনতাকক্ষে । একদা ব্রিটিশ শাসনের নাগপাশ থেকে মুক্তির চেষ্টায় আমেরিকার অধিবাসীরা বিদ্রোহ করেছিল । জর্জ ওয়াশিংটন ছিলেন সেই মুক্তিগাহিনীর নেতৃত্ব । এই সব কক্ষে তাদের স্বাধীনতা ঘোষণা, সংবিধান রচনা প্রভৃতি কাজগুলি অনুষ্ঠিত হয়েছিল ।

ঘরে ঢুকে দেখলাম—যেন একটা বিরাট দিয়ারকক্ষ । উঁচু কাঠের পাটাতনের উপর-তিনটি বড় বড় সিংহাসনের মত চেয়ার, টেবিল, দোয়াত, পাখের কলম, মেমবোর্ড, তাঁদের ব্যবহৃত লিপি ; নীচে আরও অনেক কাঠের বেঞ্চ, টেবিল, পুরানো পাচমেন্ট কাগজের দলিলের নকল ইত্যাদি । কলনায় কয়েকশ বছর পিছিয়ে গেলাম যেন ।

তারপর নিয়ে গেল অনুরূপ আর একটি কক্ষে ; যেখানে সংবিধান রচনা করা হয়েছিল । আগের কক্ষটির মতই এখানেও উপরে একটা বিরাট চেয়ার ও টেবিল, নীচেও অনুরূপ ক্রাফিক বেঞ্চ, চেয়ার, মস্যাধার; পাখের কলম, খাতাপত্র, দলিলের নকল ইত্যাদিতে অতীত আজও সরব । দলিলের সঠিক নকল টা (True copy) গাইড দেখাল । তাতে নানা রাজ্যের প্রতিনিধিদের স্বাক্ষর রয়েছে । ইচ্ছা করেই নাকি সব প্রতিনিধিরা স্পষ্ট করে সেদিন নিজের নাম সহি করেন নি । ঘুরিয়ে ফিরিয়ে খুব অস্পষ্ট করে স্বাক্ষর করেছেন যাতে সহজে তাদের সনাক্ত করা না যায় । কে বলতে পারে—শেষটায় ইংরেজরাও ত জিতে যেতে পারে । এ সব ব্যাপার দেখে জন হেন কক নামক এক জন প্রতিনিধি নাকি নিজের নাম খুব বড় বড় করে লিখলেন—যাতে যে কেউ অনায়াসে তাঁর নাম পড়তে পারে । তাঁর সেই বলিষ্ঠ নীরব প্রতিবাদ আজো লোকের মনে অমর হয়ে আছে আজো বড় করে নাম সহি করতে না বলে লোকে বলে—“ Put your John Hen Cock .” ।

অতঃপর দেখতে যাওয়া হল “Liberty bell”—অর্থাৎ কিনা সেই সুবৃহৎ কাঁসার ঘণ্টা যেটি বাজিয়ে সর্বপ্রথমে স্বাধীনতা ঘোষণা করা হয়েছিল। বেশ বড় এই ঘণ্টাটি। দেখলাম—একপাশে একটু ফাটা। দর্শকবৃন্দ কত না মমতার সঙ্গে তার গায়ে হাত বুলাচ্ছে!

যাক্—ঐতিহাসিক স্থান দর্শনপর্ব ত শেষ করা গেল। এবার পিণ্টু নিয়ে চল তার প্রাক্তন কর্মস্থল দেখাতে। ফিলাডেলফিয়ার বিখ্যাত মিউজিয়াম সেদিন বন্ধ থাকায় সেটা দেখা আর সম্ভব হল না। প্রবোধ দিয়ে পিণ্টু বলল—“যাক্গে—নিউইয়র্ক আর ওয়াশিংটনের শিল্পসংগ্রহশালা দুটি ত দেখা হবেই। সেগুলি আরও বিরাট, আরও সমৃদ্ধ।” অগত্যা আমরা পিণ্টুর সঙ্গে শহরের নানা উদ্ভানে ঘুরে বেড়ালাম বেশ কিছুক্ষণ।

অতঃপর গাড়ীতে পেট্রোল ভরে নিয়ে আমরা একটা রেস্টোরাঁতে বসে চা কফি ইত্যাদি খেয়ে চাঙ্গা হয়ে নিলাম। দৌড়িটিকেও কিছু আইসক্রিম খাইয়ে কিছুটা হাঁটাহাটি করিয়ে নিলাম। এখানকার সব সাধারণ ভোজনালায়েই বাথরুমের ব্যবস্থা অত্যন্তম।

এবার আমাদের পিণ্টুর দুই দিদির বাড়ী যাবার কথা। মাতা ও কস্তা এই সুযোগে একটু পরিষ্কার পরিচ্ছন্ন হয়ে নাতিটিকেও একটু ঘসামাজা করে গাড়ীতে এসে বসলেন।

কিছুটা শহর পরিক্রমার পর শহরতলির এক মনোরম পরিবেশে সুন্দর একটা ফ্ল্যাটবাড়ীর সামনে আমরা নামলাম। এখানেই পিণ্টুর লীলুদি ও ভগিনীপতি ফ্রুবাবুরা থাকেন। একচোট আদর আপ্যায়ন অস্ত্রে চয়ের পেয়াল। হাতে আড্ডা বেশ জমে উঠল। কথায় কথায় প্রকাশ পেল ফ্রুবাবু ও আমি একই কলেজের ছাত্র ছিলাম যদিও বিভিন্ন সময়ে। কথাপ্রসঙ্গে কত কথাই না এল! —কলেজের প্রায়-বিশ্বৃত দিনগুলি, পুরানো বন্ধুবান্ধব থেকে নানা বর্তমান সমস্তা—রাজনীতি থেকে ধর্ম—কিছুই বাকী রইল না।

কন্যা ও মাতার তাগিদে অবশেষে জমাট আড্ডা ছেড়ে গাত্রোথান করতেই হল, কারণ পিণ্ডুর হেনাদির বাড়ী যেতে সত্যি বিলম্ব হয়ে গিয়েছিল।

হেনাদের বাড়ীতে বিলম্বে পৌঁছে কিঞ্চিৎ অপ্রস্তুত হলাম সবাই। তারা অনেকক্ষণ ধরে আমাদের প্রতীক্ষায় ছিলেন। হেনা আর তার স্বামী ডাঃ ঘোষ,—বাঙ্গালীদের প্রিয় অমলদা এবং তাঁর পুত্র ও কন্যা-সবাই অসাধারণ মেধাবী ;—তেমনি মিশুক আর তেমনি সদানন্দ।

আলাপ আলোচনা এবং অবশেষে ভূরিতোজনাস্ত্রে বাড়ী যখন ফিরলাম—তখন অনেক রাত। কাল সকালেই আবার ওয়াসিংটনে যেতে হবে। তাই সবাই তাড়াতাড়ি শুয়ে পড়লাম এবং জর্জ ওয়াসিংটন, এব্রাহাম লিঙ্কন প্রভৃতি মহৎ ব্যক্তির কথা ভাবতে ভাবতে এক সময় ঘুমিয়ে পড়লাম।



[ওয়ার্মিংটন পর্ব]

চেরী হিলস্, নিউজার্সি

ইচ্ছা ছিল আজ ভাতাতাড়ি রওয়ানা হব, কিন্তু অনেক চেষ্টা করেও বাড়ী থেকে বার হতে সেই সাড়ে ন'টা। —‘ভদ্রলোকের এক কথা’

পথের একটু দোকানে সামান্য স্টেনাকটার প্রয়োজনে একটু দাঁড়িয়ে আমরা আবার ‘ডেলওয়ারে,’ নদীর উপর ‘ওয়াল্টহাইটমেন ব্রিজ’ পার হলাম। ছ’দিকে তরঙ্গায়িত শ্যামল প্রান্তর,—সুন্দর নৈসর্গিক দৃশ্য। ‘ডেলওয়ারে,’ নদীর পাশেপাশে কত ছোটবড় অসংখ্য জনপদ কলকারখানা গড়ে উঠেছে।

ছোটবড় নদীনালায় কমতি নেই পথের দু’পাশে : ‘চেসাপিক’ ও ‘ডেলওয়ারে,’ নদীর খালগুলি মাঝে মাঝেই ঝলক দিয়ে অস্তহিত হচ্ছে কিছুক্ষণ পর ‘একরিস্তার,’ এর কাছে চলে এলাম;—ছোট্ট ক্ষীণাক্সী নদী,—অস্থিম গম্ভব্য নিকটস্থ চেসাপিক উপসাগর।

‘হার্ভে ডা গ্রোস,’ এর কাছে এসে, সাস্কুয়েহান্না, নদীর পুল পার হলাম। ‘পেনসিলভেনিয়া’র পর এর সঙ্গে এটা আমাদের দ্বিতীয় সাক্ষাৎকার। এবার আমরা ‘এবারডিন,’ ‘এজউড,’ প্রভৃতি শিল্পসমৃদ্ধ অঞ্চল ছাড়িয়ে ‘বার্ণস্টমোর’ এসে পড়লাম। ছ’দিকে নয়ন বিমোহন দৃশ্যাবলী।

এ রাস্তায় কিছুদূর গিয়ে আমরা ‘লরেল’ শহরে উপনীত হলাম। আমরা ৯৫ নম্বরের রাজপথ ধরে চলছিলাম। কিছুদূর গিয়ে গাড়ী এ রাস্তা ছেড়ে দিয়ে ৪৯৫ নম্বরের রাজপথ ধরে চলতে লাগল। কিছুক্ষণ পরেই ‘পোটোমেক’ নদীর পুল পেরিয়ে আমাদের গাড়ী ‘জর্জ ওয়ার্মিংটন পাইকওয়ে’ ধরে এগিয়ে চলে।

যাক—তাহলে ওয়াসিটন আর বেশী দূর নয়। সবাই উদগ্রীব হয়ে রইলাম। আমাদের গাড়ী চকর খেতে খেতে একসময় খোদ ওয়াসিটনে প্রবেশ করল। অনেক দূরে আকাশের গায়ে একটা খুব উচুস্তম্ভ দেখতে পাচ্ছিলাম। পিষ্টু অঙ্গুলি নির্দেশ করে বল্ল—“ওটাই হল জর্জ ওয়াসিটনের স্মৃতিস্তম্ভ। আমরা পরে সেখানে যাচ্ছি।”

আমরা প্রথমে যাচ্ছি “এরলিংটন জাতীয় সমাধি স্থান”এ কেনেডির সমাধি দর্শন করতে। অনতিবিলম্বে পৌঁছে যাওয়া ত হল, তবে সেই একই সমস্যা—গাড়ী রাখার স্থানই সুদুর্লভ। নানা হাজামা আর হয়-রানির ভয়ে যত্রতত্র গাড়ী রাখার উপায় নেই। অনেকক্ষণ চেষ্টার পর শেষপর্যন্ত গাড়ী দাঁড় করাবার একটা জায়গা মিলে গেল। প্রচণ্ড ভিড়,—ছনিয়া উজাড় করে যেন দর্শকেরা এখানে উপস্থিত। অনেকটা পথ পায়ের হেঁটে গিয়ে লাইনে দাঁড়িয়ে টিকিট কাটা হল। গাড়ী চড়ে সমাধিক্ষেত্রে যাবার জন্ত এই টিকিট কেনা। পদব্রজে যেতেও মানা নেই, তবে সময় লাগবে অনেকটা। ২/৩ কামরা বিশিষ্ট গাড়ী, তাতে সারি সারি বেক সাজান,—কনডাক্টর, ড্রাইভার, মাইক্রোফোন, কোন ব্যবস্থারই কমতি নেই।

গাড়ীতে চড়ার জন্য সাদা, কালো, বাদামী, মোটা, রোগা, বেঁটে, চাঙ্গা,—নানাবর্ণের নানা আকার প্রকারের অপেক্ষমান যাত্রীরা লাইন করে দাঁড়িয়ে আছে। অপেক্ষা করতে করতে আমরাও এক সময় গাড়ীতে চেপে বসার সুযোগ পেয়ে গেলাম।

অনতিবিলম্বে গাড়ী সমতলভূমি ছেড়ে পাহাড়ের চড়াই ভাঙতে শুরু করল। সবুজ কাপেঁট দিয়ে মোড়া যেন সারা পাহাড়টি। পাক-দস্তী বেয়ে পাক খেতে খেতে গাড়ী ধীরগতিতে পাহাড়ে উঠছে। ছ’ধারে নানা জাতীয় বনস্পতি,—ওক, পাইন, গ্রেস, সিডার, মেপল—আর ও কত কি। সান্নিদেশ নানা রংএর ঘাসের ফুলে আলো হয়ে রয়েছে। পরিকার বকবকে পরিবেশ, শুকনো পাতা, কাঠখড়,—কোথাও ছড়িয়ে

ছিটিয়ে নেই, তেমনি অনুপস্থিত বাদামের খোসা, কাগজের ঠোঙ্গ। ইত্যাদি। রক্ষণাবেক্ষণে নিযুক্ত বহুকর্মী কর্মরত দেখতে পেলাম।

ঢালু সান্নদেবে অসংখ্য সাদা পাথরে যুদ্ধের মৃতসৈন্যদের স্মৃতি-ফলক। পদমর্যাদা বুঝি মৃত্যুর পরও থেকে যায়,—তাই পদমর্যাদা অনুসারে স্মৃতিফলকগুলি ভিন্ন ভিন্ন স্থানে স্থাপিত। কোথাও বা নিকট আত্মীয় স্বজনদের রেখে যাওয়া পুষ্পার্ঘ্য, পাশে কাগজের তৈরী ছোট একটি জাতীয় পতাকা।

ঘুরে ঘুরে গাড়ী কেনেডির সমাধির নীচে এসে দাঁড়াল। অনেক-গুলি সিঁড়ি বেয়ে আমরা উপরে উঠলাম। সমাধিক্ষেত্রে এসে দেখলাম প্রস্তরফলকে কেনেডি ও জুনিয়র কেনেডির নাম লেখা। একটা জায়গায় অনিবার্ণ অগ্নি জ্বলছে। বহুযাত্রী এখানে এসে নত মস্তকে চূপ করে দাঁড়িয়ে থেকে প্রয়াত মহাপ্রাণের প্রতি নীরবে সম্মান প্রদর্শন করছেন।

পিটু বল্ল—‘একটু তাড়াতাড়ি চলুন, এক্ষুণি প্রহরী বদল হবে, ওটাও দেখার মত।’ এখানে ২৪ ঘণ্টাই প্রহরী রয়েছে। শিক্ষানবীশ সৈন্যরাই সাধারণতঃ এই কাজ করে থাকেন। প্রতি ২ ঘণ্টা বাদে বিউগিল বাজের সঙ্গে আনুষ্ঠানিকভাবে কর্তব্যের হস্তান্তর হয়ে থাকে। আমাদের সৌভাগ্য বলতে হবে—এটাও দেখা হয়ে গেল। তারপর দেখা হল প্রেসিডেন্ট কেনেডির ছোটভাইএর সমাধি। পাহাড় কেটে শ্বেত পাথরের দেয়ালে তাঁর বক্তৃতা থেকে নানা সুন্দর সুন্দর উদ্ধৃতি রয়েছে। পড়ে শ্রদ্ধা জাগে। জানি না কি একটা রহস্যময় নিয়মে গাছ, পাথর, কছপ, শকুন,—এরা হয় অতি দীর্ঘায়ু, আর মহামানবেরা সাধারণতঃ হন স্বল্পায়ু।

গাড়ী পাহাড়ের গায়ে যুদ্ধে মৃতসৈনিকদের স্মৃতিফলকের পাশ দিয়ে আর একটা পাহাড়ের উপর উঠতে লাগল, তার মাথায় একটা সাদা বাড়ী।

পিটু বল্ল—“এটা হচ্ছে রবার্ট লি-র বাসস্থান।” কে এই রবার্ট লি ?

ক্রীতদাস প্রথা নিবারণের বিরুদ্ধে আমেরিকায় এব্রাহাম লিঙ্কনের আমলে যে রক্তক্ষয়ী অন্ত্যর্যুদ্ধ হয়েছিল—তাতে বিরুদ্ধবাদী দক্ষিণ অঞ্চলের সেনাবাহিনীর অধিনায়ক ছিলেন এই রবার্ট লি। বিপক্ষীয় দলের সেনানায়কের বাসস্থান হলেও ঐতিহাসিক স্মৃতিচিহ্নের মর্যাদা দিয়ে এই অট্টালিকাটির যথোপযুক্ত রক্ষণাবেক্ষণের ব্যবস্থা রয়েছে।

সমাধি দর্শনান্তে গাড়ী চড়ে নীচে নেমে আসা হল। এবার যাব এব্রাহাম লিঙ্কনের সমাধি দেখতে। বেশ চড়ারোজ, তাপাঙ্ক ২৫ ডিগ্রি ফারেনহাইটের কম নয়। ঘামতে ঘামতে পদব্রজে অনেকটা পথ গিয়ে তবে গাড়ীতে চড়ে বসলাম।

অনতিবিলম্বেই আমরা লিঙ্কনের সমাধিক্ষেত্রে উপহীত হলাম। একটা বেশ উঁচুবেদীতে লিঙ্কনের চিন্তাশীল মূর্তি গভীর চিন্তায় নিমগ্ন।

মাথার উপর উঁচুহাদ,—অনেকগুলি মিড়ি ভেঙ্গে উপরে উঠতে হয়,—না হলে তাঁর নাগাল পাবই বা কি করে!

সামনে সবুজ ঘাসেঢাকা বিরাট ময়দান। দুধারে সমুদ্রবর্জিত নানা জাতের অতি সুন্দর সুন্দর পাইনের সমারোহ, মাঝখানে একটি লম্বা জলপূর্ণ বাঁধান খাল,—তাতে অসংখ্য ফোয়ারা ঠিক যেমনটি আমাদের তাজমহলে রয়েছে। তার এক পাশে ওয়াশিংটনের স্মৃতিস্তম্ভ।

এই জলধারায় তার ছায়া পড়ে এই দেশের দুই মহামানবের সমাধি দুটির মধ্যে যেন এক আত্মিক যোগাযোগ এনে দিয়েছে। একজন এনেছিলেন ব্রিটিশ শাসনের নাগপাশ থেকে মুক্ত করে দেশের স্বাধীনতা আর অগুজ্বন বাঁচিয়েছিলেন দেশকে বিচ্ছিন্নতাবাদের হাত থেকে। ক্রীতদাসপ্রথা নিবারণ করে তিনি ত সারাবিশ্বের নমস্কা হয়ে রয়েছেন—“যাবৎ চন্দ্র দিবাকরৌ।” এব্রাহাম লিঙ্কন ত ক্রীতদাসপ্রথা নিবারণ করে আইন পাশ করলেন। কিন্তু উত্তর আমেরিকার দক্ষিণাঞ্চলের নাগরিকরা এর বিরোধিতা করে বিদ্রোহ করলেন এবং তার ফলে দেশে অন্ত্যর্যুদ্ধ আরম্ভ হল। সুদীর্ঘ রক্তশ্রাবী সংগ্রামে লিঙ্কন বিজয়ী হয়ে ক্রীতদাসপ্রথা নিবারণ করলেন। তাতে কেবল ক্রীতদাসপ্রথার

নিবারণই নয়,—আর একটি মহৎকার্য সাধিত হল, দক্ষিণাঞ্চলের নায়কদের ক্ষুদ্রস্বার্থের বশীভূত হয়ে দেশকে বিচ্ছিন্ন করার অপচেষ্টা সমূলে বিনষ্ট হল।

এবার পিক্টু আমাদের ভিয়েৎনাম স্মৃতিচিহ্ন (Vietnam Memorial) দেখাতে নিয়ে চল্ল। বড় আশ্চর্য্য সৃষ্টি এটা। ভিয়েৎনাম যুদ্ধ নিয়ে এদেশে মতান্তর কম ছিল না। ভেটোরেল অর্থাৎ অবসরপ্রাপ্ত সৈনিকদের প্রচেষ্টায় শেষ পর্য্যন্ত ভিয়েৎনামে মৃত সৈন্যদের প্রাপ্য মর্যাদা দেবার সিদ্ধান্ত গ্রহণ করা হল।

ঠিক হল লিঙ্কনের সৌধের পাশেই হবে তার স্থান। এ দেশে সরকার নাকি এসব কিছু করেন না। জনসাধারণের চাঁদায় এটা তৈরী করা হয়েছে। এক প্রতিযোগিতার মাধ্যমে এর নক্সা নির্বাচন করা হয়েছিল, প্রতিযোগিতায় বিজয়িনী হয়েছিলেন স্থাপত্যবিভাগের এক চৈনিক ছাত্রী।

কোনও অঙ্কলিহসৌধ এটা নয়। এর উচ্চতম বিন্দুই হল ভূমির সমান্তরাল। বিরাট সবুজ প্রাস্তরের একটা বিন্দু থেকে একটা কাল পাথরের দেয়াল সামনের দিকে ৭০/৮০ ফিট সিঁধে মাটির তলায় নেমে গিয়ে সমকোণে বেঁকে আবার ধীরে ধীরে প্রায় ২০/২৫ ফিট উপরে উঠে জমির সঙ্গে মিশে গেছে। এই বিরাট কালপাথরের দেয়ালে ভিয়েৎনামের যুদ্ধে নিহত সৈনিকদের প্রত্যেকের নামধাম লেখা রয়েছে।

প্রবেশ মুখে ছোট চেয়ার টেবিল, টেলিফোন, মৃত সৈন্যদের কার নাম কোথায় লেখা আছে, তার একটা ‘নির্দেশক গ্রন্থ’ বা ‘ডাইরেক্টরী’ যাতে আত্মীয় স্বজনেরা নিজেদের লোকের নাম ঠিক কোথায় রয়েছে তা সহজে খুঁজে পেতে পারেন।

এক বৃদ্ধকে দেখলাম কম্পিতহস্তে সেই ডাইরেক্টরীর পাতা উল্টাচ্ছেন। স্থানে স্থানে কাগজের টবে ফুলের তোড়া, কোথাও বা মৃতব্যক্তির উদ্দেশে লেখা চিঠি পড়ে রয়েছে—ফুলের তোড়ার পাশে।

কেউবা নতজানু হয়ে সাশ্রুনেত্রে প্রার্থনারত । দেখে অভিভূত হবার
মত দৃশ্যই বটে ।

এই অভিনব পরিকল্পনার একটা মানেও ঘেন খুঁজে পেলাম ।
এ যুদ্ধ ত আর এ দেশের পক্ষে গৌরবের কিছু নয় । তাই এই স্মারক-
চিহ্নও উচ্চশির নয় । আর এ যুদ্ধের নৈতিকতা নিয়েও অবচেতন
মনে একটা অসামান্য এ দেশের অনেকেরই ছিল । উচ্চশির উদ্ভাজের
পরিবর্তে এর স্থান হয়েছে ভূগর্ভে, সবুজ প্রান্তরের নিরাবরণ নিরাভরণ
পরিবেশে । শুধু অন্তর্মুখী মন নিয়ে এখানে এলেই এর অশ্রুসিক্ত নীরব
ভাষার মর্ম উপলব্ধি করা সম্ভব ।

দেখা শেষ হলে নীরবে আমরা গাড়ীতে ফিরে এলাম । সময়ের সঙ্গে
পাল্লা দিয়ে এই দীর্ঘ সফর,—

—“নাই নাই নাই যে সময় ।”

এবার আমাদের দ্রষ্টব্য ওয়াশিংটনের শিল্পসামগ্রীর জাতীয় প্রদর্শন
কক্ষ (National gallery of Art) । ওখানে পৌঁছে আবার সেই
পুরাণো সমস্তার সম্মুখীন হলাম,—গাড়ী রাখার স্থানান্তর ।

চক্রর কেটে কেটে স্থান না পেয়ে পিক্টু অগত্যা গাড়ীটাকে অনেক
দূরে গিয়ে দাঁড় করাল । কড়ারোড়ে বাচ্চা নিয়ে অনেকটা পথ হেঁটে
আট গ্যালারীতে পৌঁছালাম । বিনি পয়সায় এখানে কিছু হবার জো
নেই । শুনেছি মৃত্যুর কবর দেবার জায়গাও নাকি আগেভাগে কিনে
রাখতে হয়, সত্যি মিথ্যে হলফ করে বলতে পারব না ।

টিকিট কেটে ছেলেবুড়ো সবাই ত প্রবেশ করলাম । ঢুকে কিন্তু
দেহমন জুড়িয়ে গেল । কী সুন্দর ব্যবস্থা ! উত্তাপ নিয়ন্ত্রিত পরিবেশে
টবে টবে নানা জাতীয় ফুলের সমারোহ, বসে বিশ্রাম করবার, পোষাক
ঠিকঠাক করবার চেকরুম, ছেলে ও মেয়েদের পৃথক পৃথক অতি পরিষ্কার
বাথরুম, কোথায় কি দেখব এসব সংবাদ সংগ্রহার্থে ‘ইন্ফরমেশান
সেন্টার’, সাধারণের ব্যবহারের জন্য টেলিফোন, প্রাথমিক চিকিৎসাগার,

উপর নীচ করার সুবিধার জন্য ‘এলিভেটর’ ‘প্রতিবন্ধী’ অর্থাৎ বিকলাঙ্গেশ্বরদের জন্য বিশেষ ব্যবস্থা—সব কিছুই এখানে রয়েছে।

প্রতি কামরায় পুরুষ ও মহিলা কর্মীরা রয়েছেন দর্শনার্থে রক্ষিত জিনিষপত্রের রক্ষণাবেক্ষণে ও দর্শনার্থীদের সর্বপ্রকার সাহায্যদানে সদাশ্রমস্ত হয়ে।

এই বাড়ীটাও কিন্তু দেখবার মত। এর স্থপতি হলেন বিখ্যাত স্থপতি জন রাসেল পোপ। ওয়াশিংটনের বহু বিরাট বিরাট মৌখ এঁরই পরিকল্পনায় তৈরী। এসব জায়গা পিট্‌র বহুবার দেখা,—তাই আমরা সবাই তার পেছনে পেছনে ছবি ও ভাস্কর্য্যসমৃদ্ধ মেনফোরে ঘুরছি।

প্রথমেই চোখে পড়ল ভাস্কর্য্যের আদিপর্বের কাজ,—পারস্ত ও গ্রীসের ভাস্কর্য্যশৈলীর সংমিশ্রণ বলে মনে হল। তার পর দেখলাম—ধীরে ধীরে গ্রীকভাস্কর্য্য তার স্বকীয়তায় কি করে প্রতিষ্ঠিত হচ্ছে—তার বেশ কিছু নমুনা। পূর্ণ মর্যাদায় প্রতিষ্ঠিত গ্রীকভাস্কর্য্যের নমুনাও অনেক রয়েছে,—তবে ভাস্কর্য্যেরাই বেশী। এদের ছবি আগে অনেক দেখেছি; এখন চাক্ষুষ পরিচয়ে পরম প্রীত হলাম।

এবার অভিসার চিত্ররাজ্যে। বাইজেন্টাইন স্কুলের কাজ ‘মেডোনা ও শিশু’ দেখলাম। প্রাচ্যমূলভ বহুল-অলঙ্করণের সঙ্গে আলোছায়ার প্রয়োগে ছবিকে ত্রিমাত্রিক করার প্রচেষ্টা এর বৈশিষ্ট্য।

নানা ছবি দেখতে দেখতে চোখে পড়ছিল একটা ক্রমিক বিবর্তন—ধীরে ধীরে রং-এ রেখায়, আলোছায়ার খেলায়, কেমন করে নিখুঁত প্রকৃতির অনুকৃতি এসে যাচ্ছে।

ষোড়শ শতাব্দীতে আঁকা ‘গিয়ব গিয়ন’ এর ‘এডোরেশান অফ দি শেফার্ডস’ এবং টাইটানের ‘ভেনাস’ দেখে মুগ্ধ হয়ে গেলাম। অষ্টাদশ শতাব্দীর বিখ্যাত শিল্পশ্রুতি ‘পেনিনি’-র ‘ইন্টেরিয়র অফ দি পেনথিয়ন’ দেখা হল।

মধ্যযুগের গির্জার ছত্রছায়ায় এর আরম্ভ হলেও রেনেসাঁর যুগে এই

চিত্র এসে দাঁড়িয়েছিল মাটির বুকে। তখন ধর্ম আর তার অনুপ্রেরণা নয়; অনুপ্রেরণা প্রকৃতি, বিজ্ঞান আর মানবিকতা। ‘কেরেছি’র আঁকা ‘আলেক্সজেনড্রিয়ার’ ‘সেন্ট ক্যাথারিনের স্বপ্নের’ উল্লেখ না করলে অস্বাভাবিক হবে। তবে এত দ্রুত চোখ বুলিয়ে ছবি দেখার সাধ সত্যিই মিটে না।

একটা ছবি দেখে চমকে দাঁড়িয়ে গেলাম। কার আঁকা ছবি এটা! তাই ত! এ যে লিওনার্ডো দা ভিঞ্চির আঁকা ‘গিনেভ্রা দা বেনসি’। এঁদের আঁকা ছবির মুদ্রিত প্রতিলিপি দেখে ছেলেবেলায় কতদিন মুগ্ধ ও বিস্মিত হয়েছি। ভাবিনি আসল ছবিগুলি দেখা কখনো সম্ভব হবে। আজ আসল ছবি দেখে ধন্য হলাম। হায়! দেখার জিনিষ এত রয়েছে অথচ সময় এত কম আর একটি দর্শনীয় ছবি চোখে পড়েছিল ‘রুবেন্স’-এর আঁকা ‘সিংহের গুহায় ডেনিয়েল’। এটা সপ্তদশ গোড়ার দিকের সৃষ্টি। গুহাব মুখ দিয়ে আলো এসে পড়েছে ডেনিয়েলের প্রার্থনারত নিতান্ত অসহায় মুখের উপরে; ভুক্তপঙ্কর হাড়-ছড়ান প্রাঙ্গণে গোটা আটেক সিংহ। তাদের মধ্যে বিকশিতদন্ত ২/৩টি ছাড়া আর সবাই শান্ত হয়ে এসেছে;—কেন তারা নিজেরাই কি জানে।

‘ভেনডাইক’এর আঁকা ‘হেনরিয়েটা আর তার বামন’ ছবিটা দেখলাম। এখানে রেমব্রেন্টএর আঁকা একাধিক প্রতিকৃতি দেখলাম;—তার মধ্যে তাঁর নিজের প্রতিকৃতিও রয়েছে। ডেভিড-এর আঁকা নেপোলিয়ানের একটি দাঁড়ান ছবি দেখলাম,—প্রকাণ্ড ছবি,—তাতে ব্যক্তিই অতি চমৎকারভাবে ফুটে বা’র হচ্ছে।

আর দেখলাম দু’জন ইংরেজের কীষ্টি,—কনষ্টেবল আর টার্নার এর। না—না, কনষ্টেবল মোটেই পুলিশ নন এবং টার্নারও কোন ক্রমেই কুস্তকার নন। এরা বিখ্যাত শিল্পী।

এই দুইজন ইংরেজ শিল্পীর আঁকা বিরাট বিরাট নৈসর্গিক দৃশ্য দেয়াল জুড়ে টাঙ্গান। একজন ইংলণ্ডের গ্রাম্য পরিবেশ অঙ্কনে অত্যন্ত

পারদর্শী ; আর এক জনের বিশেষক্ষেত্র হল—প্রকৃতির সূক্ষ্ম সৌন্দর্য্য; জলে প্রতিবিম্বিত আকাশ ও দৃশ্যপট, আলোছায়া মেঘ ও কুয়াশা দিয়ে গড়া এক রহস্যময় সৌন্দর্য্যের মান্যজাল সৃষ্টি । অতি চমৎকার ।

আরুশোষ হচ্ছে প্রতি পদেপদে,—এত তাড়াহুড়ো করে কি ছবি দেখা হয় ! যথেষ্ট সময় নিয়ে দেখতে হবে ; তবে ত এক একটা করে পর্দা সরে গিয়ে ছবির অন্তর্নিহিত সৌন্দর্য্যের উন্মোচন সম্ভব হবে ।

জাপানীরা নাকি এই ভাবেই ছবি দেখে । তাদের ঘরের দেয়ালে নাকি একটাই ছবি টাঙ্গান থাকে । বছদিন ধরে দেখার পর ছবিটা যখন নিঃশেষে দেখা হয়ে যায়, তখনই শুধু দেয়ালে আর একটা ছবি পালটে বসান হয় । এই সম্পর্কে ক্ষিতিবাবুর মুখে শোনা একটা গল্প শুনাচ্ছি । রবীন্দ্রনাথ নাকি একদা জাপানভ্রমণের সময় এক চায়ীর বাড়ী বেড়াতে গিয়েছিলেন । ঘরের মস্তবড় দেয়ালে একখানা মাত্র ছবি দেখে জিজ্ঞাসা করলেন—“এত বড় দেয়ালে একটা মাত্র ছবি কেন ?” গৃহস্থান্নী আধোআধো ভাষায় যে উত্তর দিলেন তা অনেকটা এই রকম—“আমরা ছবিটা দেখি-দেখি-কেবল দেখি,—যতক্ষণ পর্য্যন্ত না ছবিটা খেয়ে ফেলে অবশেষে সেই ছবিটাই হয়ে যাই ।” এর থেকেই বুঝতে পারবে কি গভীরভাবে সে দেশের সাধারণ লোকেরাও ছবি দেখে থাকে ।

এখানে একাধিক জায়গায় একটা জিনিষ লক্ষ্য করেছি । নানা বয়সের শিল্পীরা—বিশেষ করে মহিলা শিল্পীরা প্রাচীনযুগের বিখ্যাত শিল্পীদের চিত্রের সামনে বসে প্রতিলিপি অঙ্কনে ব্যস্ত । সঙ্গে জিনিসপত্র সামান্যই,—একটা মোটামুটি শক্তকাগজকে প্যালিট (Pallete) বানিয়ে তার উপর প্রয়োজনীয় রং স্বল্পমাত্রায় নিয়ে গুটিকয় নানা আকারের তুলি নিয়ে ছবি এঁকে চলেছেন ।

এই অত্যাধুনিক সু-রিয়েলিজম্ এর (Surrealism) যুগে এরা এখনো প্রাচীন শিল্পীদের চিরন্তন মূল্যের শিল্পকর্মের অনুকরণ করেছেন—তাদের রং ও তুলি ব্যবহারের বিশেষ ঢং আয়ত্ত্ব করার জন্য ;—দেখে খুব ভাল লাগল ।

তারপর চীন, জাপান ও মিশরের কার্গিশিয় ও ছবির উপর চোখ
বুলিয়ে যখন বাইরে এলাম—তখন মনের মধ্যে যতটা আনন্দ ও বিশ্বাস,
ঠিক ততটাই বিবাদ আর আফশোষ,—এত শীঘ্র এই বিশ্বয়কর
সৌন্দর্যের রাজ্য ছেড়ে চলে যেতে হচ্ছে বলে।

দীর্ঘনিঃশ্বাস ফেলে গাড়ীতে চড়ে বসলাম। এবার আমাদের
প্রত্যাবর্তনের পালা। লরেল, একবিজ, বার্নিটমোর—পার হয়ে হার্ভে
জা গ্রেসের কাছে এসে সাস্কুয়েহান্না নদীর পুল পার হয়ে এগিয়ে
চললাম;—হৃদিকে ঢালুগড়ান জমি আর পাইন সিডারের বন; আর
থেকে থেকেই কলকারখানা।

এসব পেছনে ফেলে ডেলওয়ারে নদীর পুল পার হয়ে এক সমস্ত
নিউজার্সির চেরীহিলস্ এ ফিরে এলাম;—পশ্চিম গগনে অস্তগামী
সূর্য তখন গুঞ্জগুঞ্জ মেঘের সঙ্গে হোলিখেলায় প্রমত্ত। পশ্চিম
গগন প্রান্তে অবর্ণনীয় সৌন্দর্য্য;—কিন্তু ক’জনই বা চোখ মেলে দেখি
বিশ্বস্তার এই অনবদ্য শিল্পকর্ম—যা এই খামখেয়ালী চিরঅতৃপ্ত শিল্পী
দিনের পর দিন এঁকে যাচ্ছেন আর পরক্ষণেই মুছে ফেলছেন পরম
অবহেলায়!

বাড়ী ফিরে এসে কিছুটা বিশ্রাম করা হল। তারপর স্নান, পান
ও ভোজনাশ্তে মিন্টুদের সঙ্গে “আখেরী” আলাপ আলোচনা হল
কিয়ৎকাল;—কারণ কাল প্রত্যুষেই নিউইয়র্ক যাত্রা করা হবে,—আর
চেরীহিলস্ এ ফিরে আসা হবে না। নিউইয়র্ক দেখে সেখান থেকে
নিউহেম্পসায়ারে যাব—পাথরের পায়ে মাথা-কুটে-মরা ফেনিল
আটলান্টিক সমুদ্র সন্দর্শনে।

কিছুটা গোছগাছ করা জরুরী,—আরও বেশী জরুরী পর্যাপ্ত
বিশ্রাম—বিশেষ করে পিণ্টু, মিতা ও দৌহিত্রটির। সুতরাং তাড়াতাড়ি
শুয়ে পড়া গেল। বিছানায় শুয়ে ছবির রাজ্যে বিহার করতে করতে
কখন ঘুমিয়ে পড়েছি—জানি না।



[নিউইয়র্ক পর্ব]

হেম্পটন বিচ, নিউহেম্পসায়া'র, বারহারবার'

নিদ্রাভঙ্গের সঙ্গে সঙ্গেই মনে পড়ল—‘চরৈবেতি’—আজ সকালেই বেরিয়ে পড়তে হবে—‘নিউইয়র্ক দর্শনায়’। সুতরাং রথ বিলম্ব না করে যাত্রার আয়োজন শুরু হল। মিন্টুদের কাছ থেকে বিদায় নিয়ে সবাই বেরিয়ে পড়লাম—যথাসময়ে অর্থাৎ সেই সাড়ে নটায় :— ‘ভদ্রলোকের এক কথা’—আগেই ত বলেছি।

আজ নিউইয়র্কে আমাদের মুখ্য দ্রষ্টব্য ‘মেট্রোপলিটান মিউজিয়াম অফ আর্ট’। ঘুরে ফিরে বাকী যা দেখা হবে—সেটা হবে ফাও। সময় ত আমাদের হাতে বেশী নেই।

এবারও আমরা নিউজার্সি থেকে রওয়ানা হয়ে ডেলশয়ারে নদী পার হলাম। ‘নিউজার্সি টার্ন পাইক’ ধরে চলেছি, ছ’ধারে চেউ খেলান মাঠ, নানা জাতীয় পাইন আর দেশজ বৃক্ষ, লোকালয় আর কল কারখানা। হাই টাউন, জেমসবার্গ, নিউবার্গস উইক, প্রভৃতি জনপদ পেছনে ফেলে যতই এগুচ্ছি—ততই কলকারখানা আর চিমনির সংখ্যা বাড়ছে : দিগন্ত ধূমধূসর। রাস্তাই বা কত আর উড়ালপুলই বা কত ! ‘নে-য়ার্ক’ অতিক্রম করে চললাম। অসংখ্য কলকারখানার চিমনি উদগারিত কালো ধোঁয়ায় নীলাকাশের নীলিমা কলঙ্কিত। যতই নিউইয়র্ক কাছে আসছে প্রকৃতির উপর মানুষের অত্যাচার ততই বাড়ছে। ‘জার্সি সিটি’ অতিক্রম করে ‘হেকেনসেক’ নদী পার হয়ে গাড়াঁ এবার লিঙ্গন শুড়ঙ্গে ঢুকবে। আমরা এখন হাডসন নদীর নীচ দিয়ে যাব। নদীর নীচ দিয়ে যাব—ভাবতেই রোমাঞ্চ—নয় কি ? কাজে কিন্তু কিছুই টের পাওয়া গেল না। রাস্তাটা সামান্য ঢালু হতে হতে একটা উজ্জল

আলোকিত সুড়ঙ্গ ঢুকল। কিছুক্ষণ পর রাস্তাটা সমতল হল এবং তার কিছুক্ষণ পরেই রাস্তা একটু উঁচু হতে থাকল এবং অচিরেই সুড়ঙ্গ থেকে নিষ্ক্রমণ ঘটল এবং ঢুকলাম নিউইয়র্কের প্রসিদ্ধ ‘ম্যানহাট্টান’ এলাকায়।

কড়া নিয়ম,—সুড়ঙ্গের ভিতর দিয়ে যাবার সময় সব গাড়ীকেই ঠিক ৪০ মাইল (ঘণ্টায়) বেগে যেতে হবে। ম্যানহাট্টানে আগে রাস্তায় পদচারী দেখেছি বলে মনে পড়ে না। ম্যানহাট্টানে এসে দেখলাম রাস্তায় man হাঁটেন বটে।

এখানকার রাস্তার নানা অলিগলি ঘুরিয়ে দেখিয়ে পিণ্টুব্লু, এখানে খুব সস্তায় খাবার পাওয়া যায়। এখানে নানা দেশের নানা লোকের বাস,—তাই নানা দেশের খাবারও এখানে মেলে।

বড়বড় আকাশচুম্বী প্রাসাদ,—তার পাশেপাশে পুরানো কাঠের বাড়ী—বারান্দায় খাবারের দোকান,—এ দৃশ্য মাঝেমাঝেই চোখে পড়ছে। কোলকাতার কোনো কোনো অঞ্চল থেকে এ অঞ্চলটা খুব আলাদা নয়।

পিণ্টু এবার আমাদের ‘ওয়ার্ল্ড ট্রেড সেন্টার’-এর কাছে নিয়ে এল। এখানে অনেক উঁচু বহুতলবিশিষ্ট বাড়ীর ভিড়। সেই ইষ্টক অন্তর্যের মধ্যে পাশাপাশি মাথা উঁচু করে দাঁড়িয়ে দু’টি খুব উচ্চ বহুতলবিশিষ্ট সৌধ,—পশুর মিছিলের মধ্যে উচ্চগ্রীবাগব্বী দুটি জিরাফের মত। বর্তমানে পৃথিবীর দু’টি উচ্চতম সৌধ বলে এদের গর্ব। তবে যার গর্ব হরণ করে এরা উচ্চতম সৌধের খ্যাতি লাভ করেছেন—সেই ব্রিটগরিমা ‘এম্পায়ার বিল্ডিং’-এর সৌন্দর্যের সঙ্গে এদের তুলনাই হতে পারে না। এ যেন হঠাৎ-বিপ্লবের অতিপ্রকট প্রেরণার ঐক্য, আর ওটা যেন ঐতিহ্যবান পড়ন্ত ভূস্বামী পরিবারের প্রাচীন সংস্কৃতি।

অনেক চকর কেটে আমাদের গাড়ী এবার সমুদ্রের একটা খাঁড়ির কাছে এসে দাঁড়াল : এখান থেকে বিখ্যাত ‘ষ্টেচু অফ লিবাটি’ দেখতে সুবিধা হবে এই আশায়। ধূয়াশা ত ছিল আরও ছিল সমুদ্র

গর্ভ থেকে হঠাৎ গলাবাড়িয়ে থাকা একটা বিরাট সৌধ—যা এই বিশিষ্ট মূর্তিকে এই জায়গা থেকে দেখার পক্ষে বিরাট বাধা। অনেক চেষ্টার পর অবশেষে স্বাধীনতার প্রতীক ‘ষ্টেচু অব লিবার্টি’ আমাদের নয়নগোচর হল।

একটু চা পানের পর চাক্স হয়ে পিণ্টু আবার গাড়ী চালাতে আরম্ভ করল। ঘুরে ঘুরে আমরা U. N. O. ভবনের সামনে এলাম। নানা দেশের নানা বর্ণের পতাকা বাতাসে উড়ছে, তাদের মধ্যে আমাদের জাতীয় পতাকা দেখতে পেয়ে সবাই উৎফুল্ল। ইচ্ছা ত ছিল, তবুও ভিতরে প্রবেশ করে যে একটু বিশদভাবে দেখব—তার উপায় নেই,—সময় কোথায়! তাই বাইরে দাঁড়িয়ে ছবি তুলে ছুধের শখ ঘোলে মেটান হল।

এবার আমরা সেন্ট্রাল পার্ক দেখতে চলাম। ‘হোয়াইট হাউস’ ভবনটিও দূর থেকেই দেখছি। তবে জানলাম—পার্কের ভিতর দিয়ে এক পাশ দিয়ে যেতে যেতে আমাদের দেখা নেহাৎ কম হবে না। তা মন্দ কি—‘ব্রাণেন অন্ধ ভোজনং।’

যেতে যেতে কিছুক্ষণ পর মনে হল—যেন মধ্যযুগের একটা পাহাড়ী জায়গার কোনো এক প্রাচীন সেতুর নীচ দিয়ে আমরা যাচ্ছি। পিণ্ট বলল—‘এইবার আমরা পার্কের এলাকায় এসে পড়লাম।’

আকাশচুম্বী অট্টালিকাকর্টকিত বিংশশতাব্দীর এই অত্যাধুনিক শহর নিউইয়র্কের বৃক্কে সবুজ গাছপালা, ঘাস, জঙ্গল, পাথরের বিরাট বিরাট চাঁদসম্বলিত আস্ত একখানা জঙ্গলভর্তি পাহাড় এল কোথা থেকে? এ যে চোখে দেখেও বিশ্বাস করা যায় না,—যেন সমস্ত রক্ষিত এক টুকরা আদিম পাহাড়ী বনাঞ্চল।

এই শহর হল পৃথিবীর বৃহত্তম শহরগুলির অন্যতম;—জমির মূল্য এখানে কল্পনাভীত। তার মাঝখানে ৮৪০ একর জমিতে আদিম বন-জঙ্গলের পরিবেশকে নষ্ট না করে সর্বসাধারণের ব্যবহারের জন্য এরা এক বিরাট উদ্ভান গড়ে রেখেছেন। এর মধ্যে রয়েছে খুব ষড় করে

লাগান নানা ধরণের গাছপালা, বাগান; হ্রদ, স্নানাগার, সাঁতার কাটার জন্য কৃত্রিম সরোবর, ছোট ছেলেমেয়েদের জন্য নাগরদোলা (নাগরদের জন্য কিন্তু নয়), বিখ্যাত ‘ক্লিয়োপেট্রাস নিডল’—যেটা এঁরা ১৮৮১ খ্রীস্টাব্দে মিশর থেকে উপঢৌকন হিসাবে পেয়েছিলেন। তাছাড়া এখানে রয়েছে চিড়িয়াখানা, বিনিপয়সায় সেক্সপীয়রের নাট্যভিনয়ের জন্য রঙ্গমঞ্চ, আর রয়েছে ছোটদের জন্য ছোট্ট ছোট্ট পশুপক্ষীসম্বলিত এক বিশেষ চিড়িয়াখানা যেখানে জন্তুজানোয়ারের গায়ে বাচ্চারা আশ মিটিয়ে হাত বুলিয়ে আদর করতে পারে,—কেউ মানা করে না। কী নেই এই আজব উদ্যানে? নিজ্ঞানে বসে চিত্রাঙ্কন বা কাব্যরচনার জন্য এখানকার বুদ্ধিজীবীদের ভিড় নাকি এখানে লেগেই থাকে।

একদা যে দ্বীপময় শহরকে সামান্য ২৪ ডলারের বিনিময়ে কেনা হয়েছিল আজ সেই শহর হয়েছে পৃথিবীর বৃহত্তম ব্যবসায় কেন্দ্র। কী বিচিত্র এই নিউইয়র্ক শহর! কী বিচিত্র এই রাজ্য! কত বিচিত্রই বা এর ভূপ্রকৃতি। ইরি আর অন্টারিও হ্রদের মধ্যবর্তী এলাকায় অটেল উর্বরজমি যেমন রয়েছে—তেমনি এখানে আছে প্রচুর পাহাড় পর্বত আর বক্ষ্যাবক্ষুর প্রস্তরসঙ্কুল মালভূমি।

এখানে যেমন রয়েছে নদী, পর্বত, বনজঙ্গল, মালভূমি, সমভূমি প্রভৃতির বৈচিত্র্য—তেমনি রয়েছে দেশদেশান্তরাগত কতই না বিচিত্র মানবগোষ্ঠি! এখানকার শতকরা পঞ্চাশ ভাগ লোকই নাকি হয় পুরোপুরি ভিনদেশী, নয় ধমনীতে বইছে ভিনদেশীয় রক্তধারা। যদি স্বাধীনতা সংগ্রামের প্রসঙ্গে যেতে চাও—তবে বলব ইংলণ্ডের বিরুদ্ধে স্বাধীনতার জন্য যুদ্ধ যত হয়েছে কম করেও তার এক তৃতীয়াংশই হয়েছে এই রাজ্যের মাটিতে।

যাকগে—নিউইয়র্কপ্রশস্তি বা তার ইতিহাস আলোচনা কোনো-টারই সময় আমাদের নেই। বিখ্যাত মেট্রোপলিটান মিউজিয়ামে কি কি দেখলাম—সেই প্রসঙ্গে যাওয়াই যুক্তিযুক্ত। তা না হয় হল, কিন্তু হ’বছরের দৌহিত্রটির দিকটাও ত দেখতে হবে। এ সব ব্যাপারে তার

কতটুকুই বা আনন্দ। বরং ঠিকসময়ে ভাল একটা জায়গা দেখে তাকে খাইয়ে দাইয়ে পরিষ্কার পরিচ্ছন্ন করে রাখা তার পক্ষে ঢের বেশী জরুরী। সুতরাং একটা ভাল জায়গায় গাড়ী দাঁড় করিয়ে বাচ্চাটাকে পরিষ্কার পরিচ্ছন্ন করে, খাইয়ে, দাইয়ে আমরা নিজেরাও কিছু খেয়ে নিলাম। গাড়ীটাকেও বঞ্চিত করা হয় নি। তার খাদ্য পেট্রোল তাকে পেট ভরেই খাওয়ান হল।

আমাদের বাসনা—অতঃপর মিউজিয়াম দর্শন এবং তৎপর তৎপরতার সঙ্গে নিউহেম্পসায়ায়ের দিকে নবঅভিসার।

মিউজিয়ামে ত পৌছান গেল, কিন্তু গাড়ী রাখার চিরন্তন সমস্যা যে পুনঃপুনিক দর্শমিকের মত পেছনে লেগেই আছে। অগত্যা পিণ্ট, মিউজিয়ামের পাশে আমাদের নামিয়ে দিয়ে বল্ল—‘আপনারা ভেতরে গিয়ে দেখতে শুরু করুন, ততক্ষণে আমি গাড়ীর একটা ব্যবস্থা করে নিয়ে মিউজিয়ামেই আপনাদের খুঁজে বার করব।

অতঃপর মিতাই কাণ্ডাবী হয়ে বালবৃদ্ধাসহ মিউজিয়ামে গিয়ে ঢুকল। ইনফরমেশান সেন্টার থেকে খোঁজ-খবর সংগ্রহ করে নিয়ে আমরা প্রথমে গেলাম গ্রীকভাস্কর্যের নমুনা দেখতে।

এটা নাকি পশ্চিম গোলার্ধের বৃহত্তম সংগ্রহশালা। এখানে তেত্রিশলক্ষেরও বেশী দর্শনীয় সামগ্রী আছে। এটা কত বিশাল জ্ঞান!

১৭ লক্ষ বর্গফুট এর আয়তন। প্রাচীন পারস্য গ্রীস ও মিশর-এর যুগ থেকে প্রাচ্য ও পাশ্চাত্যের প্রাচীন ও আধুনিক শিল্পসম্ভার সমৃদ্ধ এই মিউজিয়ামে কী আছে আর কী নেই!

গ্রীকভাস্কর্যের নমুনা এখানে যা দেখছি তা ওয়াসিংটনে দেখা শিল্পসামগ্রীর অনুরূপ! সুতরাং এখানে খুব বেশী সময় না দিয়ে আমরা অতঃপর ইয়োরোপের মধ্যযুগের ছবি দেখতে গেলাম। প্রাথমিক যুগের ধর্মাস্প্রেরিত ছবি থেকে অত্যাধুনিক—কত ছবিই না রয়েছে এখানকার প্রকোষ্ঠে প্রকোষ্ঠে! এখানে রাস্কেলের আঁকা ছবি দেখে বিশ্বয়াবিস্তি হলাম। রেমব্রেন্টের আঁকা নানা প্রতিকৃতি এখানে দেখতে

পেলাম। অপূর্ব,—যদিও চিত্রিতদের মধ্যে কাউকে চিনি না তবু ও যেন মনে হয় চিত্রে যথাযথ চরিত্র ফুটে উঠেছে। আর বিশ্বয়বিমুক্ত হয়ে দেখলাম উনবিংশ শতাব্দীর আঁকা চিত্রসম্ভার। দেয়াল জুড়ে রয়েছে বিশাল বিশাল অপূর্ব ছবি সব :—নিসর্গ, প্রতিকৃতি আরও কত কি ! এসব ছেড়ে চলে যেতে কি মন চায় ! পবন-হিল্লোলিত চীনাংশুকের পতাকাগের মত মন সর্বদা পেছনে পড়ে থাকতে চাইছে। তবুও যেতেই হয়।

শিল্পসময়ের মধ্যেই সব না হোক—বিশিষ্ট দর্শনীয় সব কটাই দেখতে হবে।

এখানকার মিশরীয় সংগ্রহ অবশ্যদ্রষ্টব্য। এই সংগ্রহশালার দ্রষ্টব্যও অটেল। আরব, পারস্য, আফ্রিকা, চীন, জাপান, ভারত—সব দেশের সব কালের শিল্পসংস্কৃতির নিদর্শন সংগ্রহে এঁদের আগ্রহ অসীম।

এবার চীনা ও জাপানী ছবি দেখতে যাওয়া হল। ওয়াসিংটনে এ বিভাগটি সময়াভাবে ভালভাবে দেখা হয় নি :—চোখ বুলিয়ে গিয়ে-ছিলাম কোনোমতে।

দেখা যাক—এখানে কতটা দেখা হয়।

চীনের প্রাচীন চীনা মাটির পাত্রের গায়ে সূক্ষ্ম অলঙ্করণগুলি দেখে আমরা ত মুগ্ধ। কী চমৎকার সূক্ষ্মকাজ আর সৌন্দর্য্যবোধ ! ফুল, লতা, পাতা, ফড়িং তাই নিয়ে কত নক্সা, কত অলঙ্করণ ! আর জলের রং ও তুলির ব্যবহারে চীনাদের ত জুড়িই নেই। ঘণ্টার পর ঘণ্টা দাঁড়িয়ে দেখার মত তুলির কাজ ও মুনশীয়ানা।

ঘুরতে ঘুরতে আমরা বাজ্যস্ত্রের মহলে এসে উপস্থিত হলাম। প্রাচ্য, প্রতীচ্য,—কত দেশের, কতযুগের বাদ্যযন্ত্রের সমাবেশ এখানে ! এক জায়গায় দেখলাম—আফ্রিকায় তৈরী মরার মাথার খুলির উপরে চামড়া চড়িয়ে পশুর অস্ত্রের তন্তুতে তৈরী কত বিচিত্র—প্রায় প্রাগৈতিহাসিক পর্যায়ের বাদ্যযন্ত্র সব ! ছড় তৈরী হয়েছে পশুর দীর্ঘপুচ্ছ দিয়ে, কচ্চিং মেয়েদের মাথার কৃষ্ণকেশদাম দিয়ে। অবাক লাগছিল।

এদের সামান্য হেরফের করেই ত বেহালা, এশ্রাজ, সারেঙ্গী ইত্যাদি বাদ্য-যন্ত্রের উৎপত্তি ।

আবার তালের যন্ত্রই বা কত রকমের ! কোনোটা বা ধাতব, কোনোটা কাঠের উপর চামড়া চড়িয়ে, কোনোটা ত ধ্রুপদী বিন্দুধ্রুপদী কাঠনির্মিত ;—সরব করতে হলে সবগুলিকেই আঘাত করতে হবে,—তা মৃদু অঙ্গুলিস্পর্শেই হোক বা চাপড় মেরেই হোক অথবা ডাঙা মেরেই হোক ।

পারস্য আরব ও অন্যান্য মধ্যপ্রাচ্যের তারের বাদ্যযন্ত্র দেখে মনে হল—আমাদের সরোদ, সেতার, দিলরুবা, সুরবাহার প্রভৃতির পূর্ব পুরুষদের দেখছি । একটা জায়গায় নানা ভারতীয় বাদ্যযন্ত্র সম্বন্ধে রক্ষিত দেখে সবাই পুলকিত শিহরিত হলাম । এখানে নেই কী ! সারেঙ্গী, সরোদ, সেতার, রুদ্রবীণ, দক্ষিণী বীণা, দিলরুবা, সুরবাহার, একতারা, দোতারা, তানপুরা, রসমঞ্জরী, খঞ্জনি, মৃদঙ্গ, পাখোয়াজ, নানা আকারের পূর্ব ও পশ্চিম ভারতে ব্যবহৃত ঢোলক, তবল, নানা আকারের করতাল, নানা ধরনের বাঁশী—বাঁশের, পেতলের—টিপরাই, আড়, সিধে সাপুড়ের বীণ বা বাঁশী—কত কী !

আরব সাগর, ভূমধ্য সাগর, আটলান্টিক মহাসাগর পার হয়ে হঠাৎ একঝলক যুগ্মী, যাতি, চাঁপা, বকুল, গন্ধরাজের সৌরভ ঘেন মনেপ্রাণে মাতৃভূমির স্নেহস্পর্শ বুলিয়ে গেল ।

এবার চল্লিশ মিশরের শিল্প সংগ্রহ দেখতে । প্রথমেই চোখে পড়ল ওদের ভাস্কর্য—কাঠের ও পাথরের উপর । খুব সরল গঠনরীতি;—নর-নারীর আকৃতি দেখলে প্রাচীন ভারতীয় সরলীকরণের কথা মনে পড়ে । ওদের রাজারানী আমাদের অজস্র রাজারানীর মত হাঁটু অবধি কাপড় পরে আছেন দেখলাম । পাথরের উপর খোদাই করা চিত্রধর্মী শিলা-লিপিও অনেক রয়েছে । আর দেখলাম মিশরের অতি বিখ্যাত ‘মমী’ আর তার কাষ্ঠাধার । কাঠের আধারের ভিতরে নানাছবি আঁকা । তার রং এর ব্যবহার অজস্র দেয়ালের ছবির রং এর কথা মনে করিয়ে

দেয়। এরাও প্রচুর হলদে রং ব্যবহার করেছেন, আর করেছেন কিছুটা আকাশীনীল, লাল ও ফিকে সবুজ। মমীর সঙ্গে যে সব জিনিষপত্র দেওয়া হত তার কিছু নমুনাও দেখতে পেলাম। মিশরের রাণীদের ব্যবহৃত নানা অলঙ্কার, সিন্ধের কাপড়,—আরও কত কি দেখলাম। এক জায়গায় দেখলাম মিশরের এক প্রাচীন মন্দির দাঁড়িয়ে আছে। ওখানকার প্রাচীন ভাস্কর্যমন্দির থেকে ভাস্কর্য ভাস্কর্য পাথরের টুকরা সংগ্রহ করে এখানে এনে সে সব স্তূপিপুণ্যভাবে জুড়ে এক অপূর্ব প্রাচীন মিশরীয় মন্দির গড়া হয়েছে। তার চারদিকে টলটলে জলের নহর বা খাল। জলের মধ্যে বহু দর্শনার্থীদের ছুঁড়ে ফেলা খাতুমুজা দেখতে পেলাম। এমন সুন্দরভাবে এ মন্দির গঠন করা হয়েছে যে মনে হয় চার হাজার বছরের পুরানো একটা মন্দিরকে উপড়ে এনে এখানে বসান হয়েছে। দেখছি আর মনে হচ্ছে, সেই যে গল্পের ‘টাইম মেশিন’—যাতে চড়ে বর্তমান কালের দু’দিকেই—যতটা ইচ্ছা অতীত বা ভবিষ্যত কালে বেড়িয়ে আসা যেত—সেই টাইম মেশিনে চড়েই যেন চার হাজার বৎসরের প্রাচীন মিশরে পৌঁছে গেছি।

মিশর-মণ্ডপ খুঁটিয়ে খুঁটিয়ে দেখতে অনেকটা সময় লেগে গেল। পিকটুর আবার ফেরার তাড়া রয়েছে আজ সন্ধ্যার আগেই তাকে নিউহেম্পসায়ারের পূর্বনির্ধারিত মোটোলে পৌঁছাতে হবে। অনিচ্ছুক চরণদ্বয়কে জোর করে টেনে নিয়ে বাইবে বেরিয়ে এলাম।

পদব্রজে অনেকটা পথ হাঁটতে হল, গাড়ী কাছেপিঠে রাখার জায়গা আমাদের মিলে নি বলে। গাড়ীতে বসেই মনে হল—অনেকক্ষণ চা পান করা হয়নি। গাড়ীতে বসে বসেই মজুদ ভাণ্ডার থেকে খাচ্চা পানীয় বের করে শিশুটিকে খাওয়ান হল,—নিজেরাও কিছু খেয়ে নিলাম এবং সদাবুভুক্ষু গাড়ীটাকেও ভরপেট তেল খাইয়ে নিউইয়র্ক শহর ছেড়ে রওয়ানা হলাম। মন বল্ল—বিদায় নিউইয়র্ক—এই ‘দর্শনই তোমার প্রথম ও শেষদর্শন’। অভ্যুপগাম মাথা নেড়ে বল্ল—‘কক্ষনো নয়,—‘পুনরাগমনায় চ।’



[নিউহেম্পসায়া—হেম্পটন সমুদ্রটৈনকত]

এবার আমরা নিউহেম্পসায়ায় যাচ্ছি। চোখ রইল রাস্তায় আর মন রইল মমীর ঘরে। এ যেন বৃন্দাবনের গোপিনীদের অবস্থা—দেহ ঘরে, মন যমুনাগুলিনে।

নিউইয়র্ক ও ওয়াশিংটনে দ্রষ্টব্যের বা জ্ঞাতব্যের কমতি ছিল না, ছিল সময়ের। পৃথিবী কি বিরাট—জানার বা দেখার রয়েছে কত! অথচ কত সীমিত আমাদের সময়, সামর্থ্য বা সঙ্কল্পের পরিমাণ! পরিণামে—সীমিত জ্ঞান—সীমিত দর্শন এবং কূপমণ্ডুকহ।

নিউইয়র্ক ছেড়ে আমরা ২৫ নম্বরের রাজপথ ধরে চলেছি। ‘ষ্টেমফোর্ড’ ‘নরওয়াক’ প্রভৃতি জনপদ পেভেন ফেলে চলেছি,—চোখ দেখছে দুই পাশের দ্রুতধাবমান শহর, প্রাস্তর, গাছপালা—মন এখানে ভ্রাম্যমান মিশরের প্রাচীন যুগে।

এখানে দেখছি স্বর্গের ছড়াছড়ি, - প্রথমে পথে পড়ল ‘নিউহেভেন’ এবং তারপর ‘ইষ্টহেভেন’ :—এই জনপদ দু’টি পার হতে হতেই অঁধার ঘনিয়ে এল। তা ত হতেই পারে: স্বর্গচ্যুত হয়ে আলো কোথায় পাব! আলো থাক আর না থাক—গাড়ী এগিয়ে চলেছে। ‘বোস্টন’কে এড়িয়ে ‘ওয়ালথাম’-এ না থেমে ‘লেসজিংটন’ প্রভৃতি সমৃদ্ধ জনপদ পার হয়ে চলেছি। আমরা এখন যাচ্ছি ‘মেছাচুসেট্‌স্’ রাজ্যের ভিতর দিয়ে। ‘ওয়েষ্টনিউবারার’ পর ‘মেরিমেক’ নদীর পুল পার হলাম। আর কিছুক্ষণ পরই আমরা ‘মেছাচুসেট্‌স্’ রাজ্যের সীমা অতিক্রম করে ‘নিউহেম্পসায়া’ রাজ্যে প্রবেশ করলাম। হেম্পটন বিচে আমাদের পূর্ব-নির্দ্ধারিত মোটলে এসে পৌছাতে রাত ৯টা বেজে গেল। আজ প্রায় ৪০০ মাইল গাড়ী চালান হল। মোটলে পৌছে ঘরের চাবি নিয়ে জিনিসপত্র নামান হল। তারপর কিঞ্চিৎ বিশ্রামান্তে স্নানটান

করে সবাই কিঞ্চিৎ ধাতস্থ হলাম এবার নৈশআহারের পালা।
মাতা ও কস্তা দ্রুতহস্তে খাবার দাবার গরম করে বাচ্চাটিকে খাইয়ে
দাইয়ে সবাইকে পরিবেশন করে নিজেরা ও খাওয়াদাওয়া করে নিলেন।

একটু আশ্চর্য্য হয়ে লক্ষ্য করলাম—গব্যযূত, বেগুন ভাজা ও কাঁচা
লঙ্কা সহ গরম গরম খিচুড়ি ভোজনের পর মনের ভিতর মিশরীয় হুঃখটা
অনেকখানি ফিকে হয়ে এসেছে।

তৃপ্তরসনা এবং অতৃপ্তবাসনা নিয়ে অবশেষে নিউইয়র্ক মিউজিয়ামের
আশ্চর্য্য অভিজ্ঞতার কথা ভাবতে ভাবতে কব্বলের তলায় শুয়ে পড়লাম।

পরদিন প্রাতঃকালে স্নানাদি সমাপন করে চা পর্ব চুকিয়ে পিণ্টু
মোটেলের সামনের দোকান থেকে রাস্তার জুতা কিছু কেনাকাটা করে
সেই যে গাড়া নিয়ে ছুট দিল—আর ফেরার নাম নেই। আমরা
এদিকে রান্নাবান্না শেষ করে জিনিষপত্র গোছগাছ করে তৈরী, কিন্তু
পিণ্টু এখনও ফিরল না,—ব্যাপার কী! ছপুর গড়াচ্ছে দেখে শেষ
পর্য্যন্ত সবাই খাওয়া দাওয়া শেষ করে দিলাম। প্রায় বারটা বাজে,
বাইরে রিমঝিম বৃষ্টি,—পিণ্টু এখনো নেপান্তা, এমন সময় এক ব্যাগ মাছ
হাতে সহস্র বদনে পিণ্টুর প্রবেশ। কী কাণ্ড! এত দেরী করলে
কেন? কোথায় গিয়েছিল? ইত্যাদি এক ঝাঁক প্রশ্নবাণ হাসিমুখে
হজম করে পিণ্টু নিতাকে বল্ল—‘মাছগুলি কাটিয়ে এনেছি, আইসবক্সে
ভরে রেখে আমাকে খেতে দাও,—খেতে খেতে সব বলছি।’ এই বলে
হাত মুখ ধুয়ে খেতে বসল। খেতে খেতে পিণ্টু বল্ল যে আজ বেশী
দূর গাড়ী চালিয়ে খেতে হবে না বলে হোটেলের মালিককে বলে কয়ে
কালরাত্রেই সে দেরী করে ঘর ছাড়বার সম্মতি আদায় করে নিয়েছিল,
—আজ সকালে মাছ ধরার মতলবে মাছ ধরার সরঞ্জাম গাড়ীর পশ্চাতে
সর্বদা মজুদ থাকে। তাই সকাল সকাল গাড়ী নিয়ে সমুদ্র সৈকতে চলে
গিয়েছিল। সেখানে কয়েকজন মিলে একটা নৌকা ভাড়া করে গভীর
সমুদ্রে—কূল থেকে প্রায় ২০/২৫ মাইল দূরে মাছ ধরতে চলে গিয়েছিল।
ধরেও ছিল গোটা বিশ মেকরেল মাছ। তার মধ্যে গোটা চার কাটিয়ে

এনেছে, বাকী সব সহ-মংশ-শিকারী এক মংশবিলাসী ইটালিয়ানকে দান করে এসেছে। তারা নাকি মাছের ব্যাপাবে বাজালীদেরও লজ্জা দেয়।

চটপট ঝুওয়া দাওয়া সেরে গাড়ীতে মালটাল বোঝাই করে গাড়ী ছাড়তে ছাড়তে দেড়টা বেজে গেল।

এবার আমাদের রাস্তা যাবে আটলান্টিকের তীর ঘেঁষে। ছ'পাশের অতি চমৎকার নৈসর্গিক দৃশ্যাবলীর জন্ত এ রাস্তাটাই পিঙ্কু বেছে নিয়েছে। আমরা যাচ্ছি ১ নম্বর রাজসরণী ধরে—রাস্তার ছ'পাশের দৃশ্যাবলী সৌন্দর্য্যে পয়লা নম্বরের,—তাই কি রাস্তার নম্বরটাও ১ নম্বর!

এক পাশে পাহাড়ের গায়ে পাইনের বন,—তার কাঁকে কাঁকে ছবির মত সুন্দর বাড়ীঘর। আর অল্প দিকটাতে ঢালু জমির উপর গাছ-পালার কাঁচা সবুজ,—ঘাসের ফুল, দোকান পাট, আর মাঝেমাঝে ছ'একটা বাড়ী ঘর। কোথাও বা এক ফালি সমুদ্র হঠাৎ ঝিলিক দিয়ে উঠছে। 'পোর্টস মাউথ' পার হবার পর আমরা 'সেলমন ফলস' নদী পার হলাম। এইবার আমরা মেইন রাজ্যের ভিতরে ঢুকলাম। বিজ্ঞাপতি রাধিকার কচিকৈশোর থেকে পূর্ণযৌবনের সৌন্দর্য্যের ক্রমপরিণতির বর্ণনা করেছিলেন। মেইনে ঢুকবার পর রাস্তার ছ'পাশের সৌন্দর্য্যের উত্তরোত্তর বৃদ্ধি দেখে বিজ্ঞাপতির সেই বর্ণনার কথা মনে পড়ল।

অপূর্ব সুন্দর এই মেইন রাজ্য। কোথাও একে বেকে বয়ে যাচ্ছে ঘননীলনীর নদী,—তার তীর ঢালু হয়ে নদীগর্ভে নেমে গেছে,—কোথাও বা প্রকাণ্ড প্রকাণ্ড পাথরের টাই প্রবল প্রতিবাদের মত খরশ্রোতের বিরুদ্ধে বুক ফুলিয়ে মাথা উঁচু করে দাঁড়িয়ে। কানায় কানায় ভরা জল। নীল আকাশে ভাসমান সাদামেঘের দল, চতুর্দিকে সবুজ পাইন সিডারে ঢাকা গিরিশ্রেণী,—তার মাঝখান দিয়ে প্রবহমানা নদীর নাতি—ক্লীণধারা। তীরে তীরে অসংখ্য ঘাসের ফুল—সবুজ আকাশে রঞ্জিত তারার মত স্কুটে আছে। নানা জাতীয় মন্দির শীর্ষোপম পাইন ও

শ্বেত কাণ্ড বার্চের চিত্রপ্রতিম শ্রেণীবদ্ধ উর্দ্ধাবলোকন পাহাড়ের মাথায় মাথায়। মনে হচ্ছিল এ কোন রূপকথার রাজ্যে এসাম! দৃষ্টিনন্দন দৃশ্যের মনোহারিত্বে বিমুগ্ধ পিঙ্কু ত গাড়ী থামিয়ে একাধিক স্থানের ছবি তুলে নিল।

ধীরে ধীরে আটলান্টিক আমাদের ডান দিকে অনেকটা এগিয়ে আসছে।

ছোট্ট মেয়েরা যেমন প্রথমে দূর থেকে,—আড়াল থেকে দেখে; তারপর ধীরে ধীরে সাহস সঞ্চয় করে একসময় পাশে এসে গায়ে হাত রেখে দাঁড়ায়,—এও যেন তেমনি। আটলান্টিকের সঙ্গে বুঝি আমাদের ভাব জমে আসছে।

রাস্তা ও সমুদ্রের মাঝখানে এখন কোথাও এক ফালি ঢালু ঘাসে-ভরা জমি;—তাতে হয়ত একটা ছোট্ট কাঠের বাড়ী;—আশে-পাশে নানাজাতীয় পাইনের বন। নীচে রুদ্ধ পাথরের গায়ে সমুদ্রের জলোচ্ছ্বাস। কোথাও বা সমুদ্রের বুকে, তীর থেকে কিছু দূরে—গাছপালা শূণ্য একটা ঝাড়া পাহাড়;—পাদদেশে ভাঙ্গা ভাঙ্গা অসংখ্য পাথরের স্তূপ;—তাতে আটলান্টিকের সফেন ঢেউ যুগযুগান্ত থেকে মাথা কুটে মরছে। সাদা সমুদ্রপক্ষী সিগালের ঝাঁক উন্মিমুখর প্রস্তুতময় বেলাভূমিতে বসে আছে। কেউ কেউ বা ঢেউএর মাথায় উড়ে উড়ে মৎস্যশিকারে ব্যস্ত। পাহাড়, নদী, সমুদ্র, পাইনের চিরহরিৎ অরণ্য,—বাতাসে হিল্লোলিত নানা বর্ণের অজস্র ঘাসের ফুল,—নীল আকাশে ভাসমান শুভ্রমেঘের দল,—আটলান্টিক মহাসাগর স্নাত ঈষৎ শীতল বায়ুপ্রবাহ,—সন্দেহ হচ্ছে, এ স্বপ্ন না সত্য!

“স্বপ্ন নু মায়া নু মতিভ্রমঃ।”

এই স্বপ্নসম্ভব পরিবেশের ভিতর দিয়ে চলতে চলতে এক সময় আমরা বার হারবারে এসে পৌঁছালাম। তখন বাইরে রিমঝিম বৃষ্টি আর বাতাসে সামান্য শৈত্য।

মোটেল আগে থেকেই ঠিক করা ছিল বলে আমরা পথ চিনে চিনে
সিধে মোটেল গিয়ে উঠলাম।


কাল সকালেই সকাল সকাল বেরিয়ে পড়তে হবে বলে সামান্য কিছু
প্রয়োজনীয় জিনিষপত্র ছাড়া সব কিছুই গাড়ীতে রইল।

কাল আমাদের লম্বা কর্মসূচী। প্রথমেই লঞ্চ করে সমুদ্রভ্রমণ,
তারপর বিখ্যাত একাডিয়া জাতীয় উদ্যান দর্শন এবং তারপর ক্যানেডার
সীমানায় এক লগ কেবিনে রাত্রি যাপন।

আজ গাড়ী চলেছে মাত্র .তিন'শ মাইলের মত ; কিন্তু এইটুকুর
মধ্যে নয়ননন্দন দৃশ্যাবলী—যা চোখে দেখে ধন্য হয়েছি তা তুলনায় ঢের
বেশী। চোখে পে সৌন্দর্যের ঘোর এখনও লেগে আছে। এক কাপ
গরম চা হাতে নিয়ে মেইনের বন পাহাড় নদী আর সমুদ্রে বিরচিত
অপূর্ব দৃশ্যাবলী কল্পনার চোখে দেখতে থাকলাম।

এক সময় মাতা ও কন্যা হেম্পটন বীচে ধরা মেকরেল মাহ রান্না
করে বাচ্চাটিকে খাইয়ে দাইয়ে আমাদের খেতে ডাকলেন।

খাওয়া দাওয়ার পাট চুকিয়ে কম্বলের ডলায় যখন ঢুকলাম তখন
বাইরে ঝির ঝির করে বৃষ্টি পড়ছে ; বাইরে ত বটেই, ঘরের ভিতরও
যেন শীত শীত ভাব। ঘরের তাপ পুনঃনিয়ন্ত্রিত করে চোখবুজে পাইন
বন আর সমুদ্রের স্বপ্ন দেখতে দেখতে ঘুমিয়ে পড়লাম একসময়ে।



[বার হারবার—একাড়িয়া গ্র্যাশানেল পার্ক—

জেকম্যান পোষ্ট পর্ব]

প্রত্যুষে চা-পর্ব শেষ হলে গ্রন্থতি পর্ব শুরু হল। গতরাত্রে রান্নাকরা খাদ্য ফ্রিজে রাখা ছিল;—গরম করে চটপট সবাই খেয়ে নিলাম। এরই এক ফাঁকে পিণ্টু কোথা থেকে ছু'গাঁট ঢেকী শাক নিয়ে উপস্থিত। আমরা ত অবাক! আমেরিকায় বসে ঢেকী শাক খাব কে কল্পনা করেছিল!

‘বারহারবার’-এর খ্যাতি বড়, জায়গাটা ছোট। এ রাস্তা সে রাস্তা একটু ঘোরা ফেরা করে পিণ্টু টাউন পায়ারের কাছে গাড়ী দাঁড় করাল। এখান থেকে প্রতি দু'ঘণ্টা অন্তর আটলান্টিকগামী লঞ্চ ছাড়ে। লাইন দিয়ে টিকিট কেটে আমরা বথাসময়ে লঞ্চে উঠে পড়লাম। লঞ্চটি দু'তলা;—তাতে বাইরে খোলা জায়গায় দাঁড়িয়ে দেখার ব্যবস্থা রয়েছে। আবার ভেতরে বসে কাঁচের জানালা দিয়ে দেখার ব্যবস্থাও রয়েছে। ভেতরে সারি সারি বেঞ্চ পাতা;—সেখানে বসে দেখলে কন কনে ঠাণ্ডা হাওয়া এবং উর্মিমাল। উত্থিত জলকণার হাত থেকে বাঁচা যায়। ছোট্ট হলেও এটা সমুদ্রগামী জলযান ত বটে,—তাই এ লঞ্চে লাইফবোট, রেডিও যোগাযোগের ব্যবস্থা ইত্যাদি সমুদ্রগামী জলবানে যা যা থাকার কথা—তা সবই রয়েছে। একজন জাহাজের কর্মী মাইক্রোফোন হাতে গাইডের কাজ করে যাচ্ছেন;—কোথা দিয়ে লঞ্চ যাচ্ছে—কোথায় কি দেখতে যাচ্ছি—সেখানকার ইতিহাস—এসব বৃত্তান্ত তাল করে বুঝিয়ে দিচ্ছিলেন। যাত্রীদের সকলেই ও দেশীয়;—ভারতীয় বলতে কেবল আমরা ও এক শিখ পরিবার। তাঁর স্ত্রী আবার আমেরিকান। তাই হয়ত স-সন্তানসন্ততি তিনি আমাদের সান্নিধ্য বথাসম্ভব বর্জন করেই চলেন। তা হোক—আলাপ নয়-আটলান্টিকের

বুকে ঘুরে ঘুরে দ্বীপগুলির সৌন্দর্য্য সন্তোষই আমাদের মুখ্য উদ্দেশ্য । তবে আলাপ থেকে একেবারে বঞ্চিত হইনি । এক বৃদ্ধা আমেরিকান ভদ্রমহিলা দূরবীণ চোখে লাগিয়ে পক্ষী নিরীক্ষণ করছিলেন । পিণ্টু চট পট তার সঙ্গে আলাপ জমিয়ে নিল । ভদ্রমহিলা তাঁর ব্যাগ থেকে একটা সচিত্র পুস্তিকা বার করলেন ; ছবি দেখিয়ে দেখিয়ে আমাদের বুঝিয়ে দিলেন কোথায় কোন জাতীয় পক্ষীর দেখা পাওয়া সম্ভব এবং সঙ্গে সঙ্গে জলে ও দ্বীপের কাছের উড়ন্ত পক্ষীগুলি কোনটি কোন প্রজাতির—তাদের বিশেষত্বই বা কি—এই সব বুঝিয়ে দিলেন । এখানে এক জাতের সিগাল রয়েছে—যাদের দুই পাখার নীচের দিকটা বেশ কাল । আরও কয়েকটি প্রজাতির সিগাল সে দিন তিনি আমাদের দেখিয়েছিলেন ।

গাইড বলেছিল বটে যে ভাগ্য মুদ্রাসর হলে এখানে কখনো কখনো শিল, এমন কি তিমিরও সাক্ষাৎ পাওয়া অসম্ভব নয় । কিন্তু আমাদের Seal করা ভাগ্যে শিল চোখে পড়ল না, চোখে পড়ল শুধু সমুদ্রের বুকে জেগে থাকা শিলাময় শৈলশিখর । আর তিমি ?—যে তিমিরে সে তিমিরেই রইল । অবশ্য একটা পাহাড়ের চূড়ায় ঈগলের বাসাতে একটা নিঃসঙ্গ ঈগল পাখী দেখার সৌভাগ্য হয়েছিল ।

সমুদ্রের বুকে অনেকগুলি ছোট ছোট দ্বীপ ; সমুদ্রের তাগুবে এক দিকটা নিয়ত তরঙ্গ ভঙ্গে ভগ্ন শিলাময় ও সমুদ্রফেনিত্ত । শৈলসামুদ্রদেশ এই দিকটার বৃক্ষবিবর্জিত ;—অন্যদিকটাতে কিন্তু পাইনের ঘন বন । কোথাও অল্পভগ্ন প্রান্তরময় সামুদ্রদেশে ছোট বড় কয়েকটি বাড়ী । ~~কয়েকটি~~ বিরাট ধনীব্যক্তিদের সুরম্য গ্রীষ্মাবাস বা প্রমোদ ভবন এখানে অনেক । দূরে একটা ন্যাড়ামাথা শিলাময় দ্বীপ জলের মধ্যে মাথা উঁচু করে দাঁড়িয়ে ;—তাতে অসংখ্য পাখী । আমেরিকান ভদ্রমহিলা বলেন—‘এটা হচ্ছে পাখীদের ডিমপাড়ার জায়গা ।

বার হারবারে এসে লঞ্চে চড়ে আটলান্টিকের বুকে জেগে থাকা

ছোট ছোট দ্বীপগুলির চার পাশে ঘুরে বেড়াবার মধ্যে একটা আলাদা রস রয়েছে ।

একটা খুব ছোট দ্বীপে একটা পুরানো লাইট হাউস দেখতে পেলাম । শুনলাম এটাকে এখনো বহু যত্নে সচল রাখা হয়েছে । বারদ্বীপ, শিপপরকুপাইন, 'বল্ড পরকুপাইন দ্বীপ, 'বিয়ার দ্বীপ', 'গ্রিনিং দ্বীপ,' 'স্যাটন দ্বীপ,'—কত দ্বীপই না আমরা দেখলাম ! এদের প্রত্যেকটির সঙ্গে একটা না একটা ইতিহাস জড়িত । কোনোটাতে দ্বিতীয় বিশ্বযুদ্ধের সময় কোনও বিশেষ ঘটনা ঘটেছিল, কোনোটাতে রয়েছে মদচোলাইকারীদের গোপন আড্ডা, পাহাড়ের গায়ে গোপন সুড়ঙ্গে পলাতক আসামীদের আত্মগোপনের ইতিহাস কোনোটা বা বহন করেছে ।

দ্বীপপুঞ্জ পরিক্রমা শেষ করে লঞ্চ নোঙর ফেললে আমরা ধীরে ধীরে নেমে এলাম । কাঠের পাটাতনের উপর দিয়ে নামতে নামতে ছেলেবেলার চাঁদপুর গোয়ালন্দ ঘাটের ঠিমাতে উঠা নামার কথা মনে পড়ে গেল ।

পাশের দোকান থেকে নিয়ম রক্ষার খাতিরে এখানকার স্মারকচিহ্ন স্বরূপ সামান্য কিছু কেনা কাটা করে পিন্টু বল্ল—“চলুন, এবার একাডিয়া জাতীয় উদ্যান দেখে আসি ।” অতি উত্তম প্রস্তাব,—সুতরাং সবাই গাড়ীতে চড়ে বসলাম ;—গাড়ী এবার এগিয়ে চল্ল—বিখ্যাত একাডিয়া গ্রাশানেল পার্কের উদ্দেশে ।

এই একাডিয়া গ্রাশানেল পার্ক নিয়ে এঁদের গর্বের অন্ত নেই । তিন হাজার একর জুড়ে রয়েছে এই বিশাল পার্ক । গ্রীষ্মকালে নক্ষত্র এখানে হাজার হাজার দর্শনার্থীর ভিড় ।

এইখানটার তীরকুমির অরণ্য সঙ্কুল পাহাড় শ্রেণী যেন আটলান্টিকের বুকে ঝাঁপিয়ে পড়েছে,—তাতে এক অনবদ্য দৃশ্যের সৃষ্টি হয়েছে ।

পাহাড়ের উপরেও কোথাও কোথাও রয়েছে বরফগলা জলে সৃষ্ট শান্ত নীলনীরা হ্রদ ; কোথাও বা পাহাড় ঢালু হয়ে নেমে এসে সমুদ্রকূলে

বালুকাময় বেলাভূমির সৃষ্টি করেছে। প্রায়ে তাদের কৌলীণ্য হয়ত তত নেই;—তাই বলে জলকেলি, নৌকাবিহার বা মাছধরা অথবা নিছক সমুদ্রস্নানের জন্তও ভিড় নেহাৎ কম নয়।

অনেক স্থানেই তটরেখা প্রান্তরসঙ্কুল; তার গায়ে সমুদ্রের ঢেউ সহস্র সহস্র বৎসর ধরে আছড়ে পড়ছে। বিরাট বিরাট পাথরের চাঁই সমুদ্রের বুকে জেগে আছে;—যেন তারা এক একটা নিজ্জর্ন দ্বীপ সমুদ্রের উচ্চল তরঙ্গাঘাতে অগ্রাহ্য করে দাঁড়িয়ে রয়েছে। যুগ যুগান্তব্যাপী তরঙ্গাঘাতে ক্ষয়ে ক্ষয়ে কোথাও বা ছোট খাট গুহার সৃষ্টি হয়েছে;—তাতে সমুদ্র পক্ষীদের নীড়। অবিরাম সমুদ্রগজ্জর্ন, সফেন শুভ্র তরঙ্গ ভঙ্গ, উন্মীমালাউৎক্লিষ্ট শিকরনিকর,—তারই মধ্যে সামুদ্রিক বিহঙ্গমের শুভ্রপক্ষবিস্তার, চকিং দিকপরিবর্তন, অনায়াস গগন বিহার, অকস্মাৎ তড়িৎগতিতে অবতরণ করে মৎস্যশিকারের অনবচ্ছিন্ন প্রয়াস। কোথাও বা ছুর্গপ্রাকারের মত খাড়া পাহাড়ের সামুদ্রেশ সমুদ্রের বুকে দাঁড়িয়ে রয়েছে;—যুগান্তরের নিরন্তর সমুদ্র তরঙ্গাঘাতের সহস্রক্ষত লাঞ্জন তার সর্বাঙ্গে;—তার ছিন্ন অঙ্গপ্রত্যঙ্গ ঘিরে সমুদ্রতরঙ্গের সে কী কেনিল উচ্ছ্বাস! কোথাও বা ক্ষীণ-কটি সমুদ্র-বেলায় কেনিল তরঙ্গ আদিম যুগের বিরাট সর্দাস্থপের মত বুকে হেঁটে এগিয়ে আসছে,—আবার পিছিয়ে যাচ্ছে।

নয়নানন্দন দৃশ্যাবলী এখানে যেমন অফুরন্ত—তেমনি রয়েছে অজস্র সূর্যাস্তের রঙ্গে রাজ্য রক্তিম গলদা চিংড়ির অফুরন্ত ভাণ্ডার। প্রকৃতি-বিলাসী, প্রকৃত বিলাসী অথবা নেহাৎ প্রাকৃত—স্নেহ-ভাজন বিলাসীই হোক—সকলের সার্থক স্বপ্ন এই বার হারবার। গ্রীক পুরাণের মর্সির মত মোহিনী এই বার হারবার প্রাণমন হারাবার আদর্শ স্থানই বটে।

বসন্তের শুরু থেকে শরতের শেষ পর্যন্ত—এখানকার বিলাস-প্রেমীরা যে বারবার ভিড় জমান এই বার হারবারে—সেত শুধু এখানকার পর্য্যাপ্ত 'রার' বা পানশালার জন্তই নয়;—সে অর্থে পশ্চিমজগতের সব শহরই

ত 'বারহারবার',—হাজারে হাজারে না হোক শ'য়ে শ'য়ে পানগার বা 'বার' তারা harbour করেন নাকি ?

প্রকৃত রস, প্রকৃতিরস বা প্রাকৃত রস—যে কোনও রসেই চাহিদা মেটাতে 'বারহারবার' কারো কাছে হারবার পাত্র নয়। এমন কি অর্থ-রসই যাদের কাছে পরমার্থ—সেই ব্যবসায়ী সম্প্রদায়ের কাছেও এ জায়গাটা কল্পতরু বিশেষ। এখানকার সমুদ্র নাকি লাল লাল বিরাট গলদা চিড়ি ধরার পক্ষে আদর্শ স্থান। তাইত দেখতে পাচ্ছি—সমুদ্র বক্ষে মাছধরা নৌকার নিরন্তর গতিবিধি আর পঞ্চাশ মাইল দূর থেকেই হোটেলে হোটেলে বড় বড় দাঁড়-ওয়ালা লাল লাল গলদা চিংড়ির ছবি।

গাদা গাদা গলদা চিংড়ির গলে মুখে লাল না ঝরিয়ে আমাদের বর্তমান দ্রষ্টব্য একাডিয়া ক্রাশানেল পার্ক প্রসঙ্গেই প্রত্যাবর্তন করা যাক।

ঘন-সবুজ বনানীর ভেতর দিয়ে চড়াই উৎড়াই ভেঙ্গে আমরা অগ্রসর হচ্ছি। হঠাৎ এক ফালি নীল সমুদ্র গাছপালার ফাঁক দিয়ে হাজার ফিট নিম্নে বলক দিয়ে উঠছে। কিছুক্ষণ পরই দু'পাশের পাইন অরণ্যে সমুদ্র অদৃশ্য। কোথাও বা পাহাড়ের উপরে একফালি কৃষ্ণনীল হ্রদের জল টলমল করছে এখানে বিহঙ্গম বিদল। তবে সবুজ আকাশের স্থানু বিহঙ্গম—বিভিন্ন বর্ণের বনকুসুম সম্ভার এখানে সর্বত্র,—যদিও কুলগর্বে নৈকশ্য কুলীন কেউ নন।

এবার একটি সংরক্ষিত এলাকায় আমাদের গাড়ী থামল; সেখানে একটা মিষ্ট জলের প্রস্রবণ রয়েছে। সেই উপলব্যাখিত গতি ক্ষীণধারা স্রোতস্বতীর দুই তীরে সাদা, লাল, নীল, হলদে, গোলাপী, বেগুনী—নানা রং এর অজস্র বনকুসুম-সম্ভার। এখানকার একটি বাগানে নানা জাতীয় স্থানীয় লতা, গুল্ম, ও বৃক্ষরাজি রয়েছে;—পাশে পাশে তাদের নাম, প্রজাতি, গোত্র, জাতি-ইত্যাদির পূর্ণ বিবরণ। দেখা শেষ হলে আবার সবাই গাড়ীতে এসে বসলাম।

চড়াই উৎরাই ভাঙতে ভাঙতে নিবিড় পাইন বনানীর মাঝ দিয়ে

আমাদের গাড়ী চলেছে। ঘন ঘন সমুদ্রের সঙ্গে দৃষ্টি বিমিশ্র হচ্চে
আর বিশ্বয়ে আপ্লুত হচ্ছি। মনে মনে সমুদ্র নাগরীকে বললাম—

“মুগ্ধজনকে আর কত বিমুগ্ধ করবে!”

“এমনি ত বাণ নাশ করে প্রাণ,

কি কাজ লেপিয়া গরলে!”

প্রায় আড়াই ঘণ্টা ধরে নন্দন কানন ভ্রমণ করা হল। এবার গাড়ী
ক্যান্ডোর দিকে মুখ ফেরাল। পিণ্টুর পরিকল্পনা—আজ বিকেলের
মধ্যেই ক্যান্ডোর নীমাস্তবর্তী জেকম্যান পোষ্টের এক লগকেবিনে
রাত্রি যাপন এবং সম্ভব হলে অদূরবর্তী হুদে মৎস্যশিকার। লগকেবিন
আর কিছু নয় আস্ত গাছের গুঁড়িকে হুভাগ করে চিরে তা দিয়ে ঘরের
বাইরের দিকের দেয়াল তৈরী করে যে বাড়ী করা হয় তার নামই
লগকেবিন। বাইরে থেকে দেখতে গ্রাম্য হলেও ভেতরে কিন্তু
অত্যাধুনিক সাজসরঞ্জাম থাকতে বাধা নেই।

এখন আমরা দুই নম্বরের রাজবর্গ ধরে চলেছি। সমুদ্র এখন
নিরুদ্দেশ। মাঠ বাট পেরিয়ে আমরা ‘বেলোরে’ পৌঁছালাম। এ
যেন ভূরিভোজনের পর নিশিপালন;—চতুর্দিকের দৃশ্যের সে মোহিনী
মায়ী আর নেই;—একেবারে সাদামাটা চেহারা।

সাদামাটা দৃশ্যাবলী দেখতে দেখতে পিটস্ফিল্ড অতিক্রম করে
*‘ক্লিনটন’ এ চলে এলাম এবং ক্লিনটনের প্রাকৃতিক সৌন্দর্য্য নিমেষে
আমার টন টন দুঃখ clean ভুলিয়ে দিল। প্রসাধিতা প্রকৃতি দেবী
আটপোরে শাড়ী ছেড়ে আবার তার পূর্বের মোহিনী মূর্তি ধারণ
করেছেন। —পাহাড়ের গায়ে গায়ে সেই পাইনের সবুজ সমারোহ;
—তেমনি ঘাসের ফুল-আলো সান্নিধ্য;—কোথাও বা ছোট ছোট
কৃষ্ণনীলনীর হ্রদ, আর তার জলে প্রতিবিম্বিত আকাশের ঘননীল।

একটি নদী সেই কবে থেকে আমাদের সঙ্গে সঙ্গে চলেছে। ছোট্ট
নদী, আঁকাবাঁকা তার ধারা,—দুই তীরে গভীর সবুজ পাইন, ওক,
বার্চ সিডারের বন। বড় স্নিগ্ধ, বড় সুন্দর! তার তীরে খেলা নাই বা

নাচল, বাইবা হল অঞ্জন তার নাম ;—তবুও খঞ্জন তার গতিহন্দে,—
 অঞ্জন তার নীল নয়নে । আমার ছোট পৌত্রী মিনির মতই এই Mini
 নদীটি যেন বৃদ্ধ ঠাকুরদার সঙ্গে লুকোচুরি খেলছিল সারাক্ষণ ;—হঠাৎ
 বাঁয়ে বলক দিয়ে কখনো সামনে প্রশান্ত নয়নে, কখনো পাহাড়ের বাঁকে
 মুখ লুকিয়ে—কখনো বা গাছপালার ফাঁক দিয়ে উঁকি মেরে থেকে থেকে
 কলকণ্ঠে হেসে উঠছিল । অবশেষে এই মিষ্টি-কেন্নেবেক নদীর সঙ্গে
 অন্তিম বিচ্ছেদ ঘটল ‘ওয়ার্ল্ডফোর্ক’এ এসে । সপ্তপদ এক সঙ্গে গেলেই
 নাকি বন্ধুত্ব হয় । ‘মুজ্জহেড’ দুহিতা দক্ষিণবাহিনী এই নদীবালিকার
 সঙ্গে একসঙ্গে বহু পথই ত অতিক্রম করা হল । তার অদর্শন যেন
 আত্মীয় বিয়োগ ।

আমরা এবার পারলিন হ্রদের দিকে এগুচ্ছি । দু,পাশে ঘন বন,
 মাঝে মাঝে জনপদাচ্ছ আর তাদের সুন্দর শাস্তিময় পরিবেশ ;—মাঝে
 মাঝে পাহাড়ের মাথায় ছোট খাট কাঠের বাড়ী । এও কি কম সুন্দর ।

পথ ক্রমেই ‘চড়াই’ হয়ে উঠছে ; ঘনিযে আসা সন্ধ্যার মূহু
 আলোয় নাতিমূহু শীতল বাতাসের স্পর্শে মনে হচ্ছিল ক্যান্ডেডা বোধ
 হয় খুব দূরে নয় । ‘এণ্ডিয়ান’ হ্রদ পার হয়ে ‘উডপণ্ড’ এর কাছাকাছি
 হল আমাদের গন্তব্য স্থল—‘জেকম্যান পোস্ট’ । জায়গাটা বেশ উঁচু,—
 সমুদ্র থেকে ১২১৯ ফিট উচ্চ ;—এই মধ্য মে তেও খুব ঠাণ্ডা । ক্রমবর্দ্ধ-
 মান ঠাণ্ডা দেখেই আন্দাজ করেছিলাম—ক্যান্ডেডার সীমানায় আমরা
 পৌঁছে গেলাম বলে । সত্যিই তাই ;—দেখতে দেখতে ‘জেকম্যান পোস্ট’এ,
 পৌঁছে গেলাম ।

রাস্তা আর বাড়ীর নম্বর খুঁজে খুঁজে পিণ্টু পূর্বনির্দ্ধারিত লগ-
 কেবিনের সামনে এসে গাড়ী দাঁড় করাল । একটা বড় গোছের দিঘীর
 মত, ধর, কুমিল্লার রাগীর দিঘীর মত বড় একটা হ্রদ, তার ঠিক পাড়েই
 আমাদের আজ রাতের পান্থনিবাস এই লগ কেবিনটি । হোটেলের মালিক
 অনুপস্থিত ;—তাই তার গৃহিনীর কাছ থেকে ঘরের চাবিটা উদ্ধার করে
 লরজা খুলে জিনিষপত্র লগ কেবিনস্থ করা হল । অতঃপর ভদ্রমহিলার
 কাছে মৎস্যশিকারের অভিলাষ জ্ঞাপন করাতে তিনি পিণ্টুকে বজেন—

যে তাঁর স্বামী বাড়ী থাকলে মাছধরার খুবই সুবিধা হত ; কারণ তাঁর নিজেরও মাছধরার খুব শখ । সে দিনই ছেলেকে সঙ্গে নিয়ে ধারে কাছেই কোনো হ্রদে মাছ ধরতে গেছেন । তখন টিপিটিপি করে বৃষ্টি পড়ছে ; তা দেখে তিনি বাজেন—“এই বৃষ্টিতে একা একা তুমি কি করে মাছ ধরতে যাবে ! বরং ঘরে সজ্জাধরা ‘সেলমন’ মাছ রয়েছে ; তারই একটা দিচ্ছি, তাই রেখে আজ রাতটা খাও ।”

বাইরে বেশ ঠাণ্ডা ; ঘরের ভেতরেও কিছু কম নয় । তাপনিয়ন্ত্রণ যন্ত্রটি সক্রিয় করাতে ঘরটা ধীরে ধীরে গরম হয়ে উঠল ।

গরম গরম চা পান করে চাঙ্গা হয়ে আমি দৌছি এটির সঙ্গে ছুটো-ছুটি করে খেলার ছলে তাকে সামলাচ্ছি আর ও দিকে মাতা কন্যা ও জামাতা মিলে মহা উৎসাহে রন্ধনকার্য সমাধান করছেন ।

যথা সময়ে টেবিলে গরম গরম খাবার পরিবেশিত হল,—কাগজের প্লেট আর কাগজের গ্লাসে ; কারণ এতে ধোবার বালাই নেই,—নোংরা ফেলার ড্রামে ফেলে দিলেই ঝঞ্ঝাট চুকে গেল ।

ওরা খুব তৃপ্তি করে দামী দামী সজ্জাধরা সজ্জারান্না করা ‘মনপছন্দ’ বিনা Sale-এর ‘সেলমন’ মাছ খেল ; আমরাও বিপুল স্বদেশী পদ্ধতিতে সুদূর ক্যান্ডোর প্রাস্তুদন্তী এক লগ কেবিনে বসে ঢেকী শাক দিয়ে গরম গরম ‘টেক্সামতি’ চালের ভাত খেলাম,—তাও কিছু কম নয় । ভাবছ ‘টেক্সামতি’ চাল আবার কি জিনিষ—তাই না ? এ দেশের টেক্সাস অঞ্চলে আমাদের দেশের বাসমতি চালের মত এক রকম লম্বা লম্বা সরু চাল হয়,—স্থানীয় বাঙ্গালীরা আদর করে তার নাম রেখেছেন ‘টেক্সামতি’ ।

ভোজন পর্ব ত শেষ হল ;—এবার ভজন পর্ব,—সেটা কথনের তল্লায় গুয়েই করা ভাল ; যা শীত ! কাল আবার তাড়াতাড়ি উঠতে হবে, যত শীঘ্র সম্ভব ক্যান্ডো যাত্রা করা হবে ;—সেখানে অনেক জিনিষ দেখার,—অবাক হয়ে ক্যাবাক্ (Quebec) দেখব, ‘মন্ট্রিয়েল’ দেখে মনটা বলবে—একি real ! আরও কত কি ! তবে আজ ৩/৪শ মাইল ভ্রমণের মাধ্যমে যা দেখা হল—তাও কিছু কম নয় ;—আমি ত স্নেনে কন্সি—‘অমূল্য’ ।

[ক্যানেডা-ক্যাবেক-মণ্টরিয়েল-সেন্ট লরেঞ্জনদী-

কর্ণওয়াল পর্ব]

কর্ণওয়াল, ক্যানেডা

শ্রেষ্ঠতম এলার্মঘড়ি হচ্ছে আমাদের অবচেতন মন। কোনো এলার্ম ছাড়াই পরদিন খুব সকালেই সকলের ঘুম ভাঙল। তাড়াতাড়ি তৈরী হয়ে যখন যাত্রা করা হল তখন বাতাসে তীক্ষ্ণ হিমেল স্পর্শ, ঘাসে ঘাসে প্রাতি শিশির-বিন্দুতে বিস্তৃত প্রভাত সূর্য্য ; গাছের মাথায় মাথায় সোনার আলোর চুমকি, আর ঝিলের জলে কাঁচা সোনার ঝিলিক।

অশ্বঘণ্টা যেতে না যেতেই আমরা ক্যানেডার সীমানায় পৌঁছে পেলাম। জামাতা কন্যা ও দৌহিত্রটি আমেরিকার অস্থায়ী বাসিন্দা বলে ক্যানেডার সরকারী কর্মীর কোনো ঝামেলা না করেই ওদের ছেড়ে দিল। ভ্রাম্যমাণ ভারতীয় বৃদ্ধবৃদ্ধাকে অবশ্য তাদের অধিকর্তার সঙ্গে সাক্ষাৎ করতে হয়েছিল এবং পাশাপোর্ট ৬ ভিসা দেখিয়ে তাঁকে সন্তুষ্ট করে তবে নিষ্কৃতি মিলল। তবে পাঁচ মিনিটের মধ্যেই তিনি ফরাসী ভাষায় না বলে পরিষ্কার ইংরেজীতেই “আপনাদের ভ্রমণ আনন্দময় হোক” বলে বিদায় জানালেন। ক্যাবেক প্রদেশটা আবার ফরাসী ভাষাভাষী, অণ্টারিওর মত ইংরেজীভাষী নয়।

আমাদের গাড়ী এবার ক্যানেডার রাস্তা দিয়ে চলছে। দিগন্ত এখানে অনেক বিস্তৃত। সবুজ ঘাসে ঢাকা ঢালু জমি দিক চক্রবাল-রেখায় গিয়ে ঠেকছে। রাস্তাঘাট পরিষ্কার ঝকঝকে,—তবে সম্পূর্ণ জনহীন। ছ’পাশের জমি ডেউ-এর মত উঠতে উঠতে নামতে নামতে দিগন্তে ধাবমান। সবুজ শূড়োল পাহাড়ের গায়ে ২/৪টি ছিমছাম সুন্দর বাড়ী। চাষ আবাদ অতি সামান্য। দিগন্ত বিস্তৃত ঢালু ঘাসে ভরা সবুজ

প্রাকুরে চাষবাসের চিহ্ন প্রায় অনুপস্থিত। ‘আর্মস্ট্রং’-এর কাছে যখন পৌঁছান গেল, তখন আমরা ‘লিনিয়ারে’ নদীর পাশ দিয়ে যাচ্ছি; ছোট্ট নদী, তাতে কানায় কানায় ভর্তি জল। ‘গ্রাণ্ডিকুবে’ পার হবার পর রাস্তা ‘চৌড়িয়ারে’ নদীর পাশ দিয়ে চলে। এখানেও দুই তীরে সবুজের সমারোহ! এখানকার বেশীর ভাগ নদীই প্রসিদ্ধ সেন্ট লরেন্স নদীর উপনদী। এই নদী পার হয়ে আমাদের রাস্তা গেছে আমাদের গন্তব্য স্থান ক্যাবেকের দিকে। কিছুক্ষণের মধ্যেই আমরা ক্যাবেক শহরের শহরতলিতে পৌঁছে গেলাম।

আমাদের সর্বপ্রথম দ্রষ্টব্য ‘সেন্ট এন্নি দা রাস্ত্রে’। সেন্টা আবার শহর থেকে বেশ দূরে, যেতে হবে সেন্ট লরেন্স নদীর পাশ দিয়ে। এ সব পিন্টুর আগের দেখা। দূর থেকে পাহাড়ের গায়ে গির্জার সোনালী চূড়া দেখিয়ে বল্ল—“ওখানটাতেই আমরা যাচ্ছি।” সেন্ট লরেন্স নদীর পাশ দিয়ে নদীর দৃশ্য উপভোগ করতে করতে এক সময় আমরা গির্জার এলাকায় পৌঁছে গেলাম।

গাড়ীটাকে একটা ভাল মত জায়গায় দাঁড় করিয়ে আমরা গির্জাটি দেখতে গেলাম। পাহাড়ের গায়ে গায়ে এখানে অনেক সুন্দর সুন্দর মর্মর মূর্তি বসান রয়েছে। মূর্তিগুলি দেখার জন্য আমরা সিঁড়ি বেয়ে উপরে উঠতে লাগলাম। পাহাড়ের সান্নিধ্য বেয়ে বেয়ে পথ চলেছে উপরে অবস্থিত গির্জাটির দিকে। সেখানে যীশুখৃষ্টের ক্রশবিদ্ধ হয়ে প্রাণদানের ঘটনাবলী সুন্দর সুন্দর পাথরে খোদাই করা মূর্তির মাধ্যমে পর্যায়ক্রমে বর্ণনা করা হয়েছে। অতি সুন্দর ভাবব্যঞ্জক এই মূর্তি-গুলি। কোমরে দড়ি বাঁধা যীশু সিপাহী সাত্তী পরিবৃত্ত হয়ে নিজের ক্রশ নিজেই বয়ে নিয়ে যাচ্ছেন। যেতে যেতে পড়ে গেলেন, সৈন্তেরা তাড়ণা করতে লাগল,—আবার পড়ে যাওয়া,—আবার প্রহার করে দাঁড় করান, অকথ্য অত্যাচার, এরই মধ্যে ভক্তিমতী রমনীদের সাশ্রনা দান, আশীর্বাদ করা,—এবং শেষ পর্যন্ত ক্রশবিদ্ধ হয়ে দুইজন সাধারণ অপরাধীর সঙ্গে প্রাণদান। এ সব দেখতে দেখতে স্মৃতি ভারাক্রান্ত মন কোন সুন্দর অতীতে চলে যায়।

এ সব বিষয়বস্তু নিয়ে মধ্যযুগের বহুবিখ্যাত ছবি ওয়াসিটনেরও নিউইয়র্কের মিউজিয়ামে অতি-সম্প্রতি দেখে এসেছি। আজ মর্মরমূর্তির মাধ্যমে তার আর এক ধরণের রূপায়ন প্রত্যক্ষ করে ধন্য হলাম।

মনে হল যুগে যুগে মহামানবেরা আসেন,—অবতার পুরুষেরা ধরার ধূলিতে অবগীর্ণ হন আর অকথ্য নির্যাতনের বিনিময়ে দিয়ে যান অমূল্য আত্মিক সম্পদ।

তাই দেখতে পাই, যীশুর মৃত্যুর পর খুব অল্প সময়ের মধ্যেই প্রেমের বাণীবাহক তাঁর খৃষ্টধর্ম ইয়োরোপে একমাত্র ধর্ম বলে স্বীকৃতি লাভ করেছিল। কেন এমনটা হয় ?

কোনো মহামানব কোনো মহৎ আদর্শের জন্ম যদি স্বেচ্ছায় আত্ম-বলিদান করেন তা হলে সেই আদর্শ অতি দ্রুত দেশের মধ্যে বিস্তৃত হয়। যীশুখৃষ্ট সম্বন্ধে খ্রীঃরবিন্দি তাঁর সাবিত্রী মহাকাব্যে বলেছেন :—

“He who found his identity with God
Pays with his body's death his soul's Vast light
His knowledge immortal triumphs by his death.

... ..

He dies that the world may be new-born and live.”

অর্থাৎ—“যিনি ভগবানের সঙ্গে একাত্মতা লাভ করেছেন—আত্মার অসীম আলোকের মূল্য পাখিব দেহের মৃত্যু দিয়ে তাঁকে পরিশোধ করতে হয়। তাঁর পঞ্চভৌতিক দেহের মৃত্যুর মাধ্যমেই তাঁর অবিনশ্বর জ্ঞানের বিজয় প্রতিষ্ঠিত হয়।

... ..

পৃথিবীর নবজন্ম ও নবীন জীবনের প্রতিষ্ঠার জন্ম তিনি মৃত্যুবরণ করেন।”

সুদূর অতীত বিহারী ভারাক্রান্ত মনটাকে বর্তমানে ফিসিয়ে আনাই হয়ত বর্তমানে শ্রেয়।

চোখ মেলে দেখতে পাচ্ছি—নীল আকাশের পটভূমিতে সূর্য্যকোজ্জল গির্জার সোনালী চূড়া ;—বাইরে প্রচণ্ডবেগে প্রবাহিত ঠাণ্ডা হাওয়া,

পাহাড়ের সামুদ্রিক পাইন ও সিডারের বনে তার দোলা লেগেছে,—
ঘাসের সবুজ গালিচার রঙ্গীন ফুলের কাশ্মীরী কাজ ; দূরে সেন্ট লরেন্স
নদীর নীলধারা । সব কিছুই আজ মনটাকে যেন উদ্ভাস করে দিচ্ছে ।

এবার নীচে অবতরণের পালা ;—আরও দ্রষ্টব্যস্থান আমাদের
নীরবে হাতছানি দিচ্ছে ;—বিশেষ করে ‘সাইক্লোরামা’ ।

এটা এখানকার অবশ্যদ্রষ্টব্য স্থান । সারা বৎসর এটা খোলা
থাকে না ; এখানকার প্রচণ্ড শীতের জন্ত প্রতি নভেম্বর মাসেই এটা
বন্ধ হয়ে যায় ।

১৮৯৫ খৃষ্টাব্দে এই সাইক্লোরামা তৈরী হবার পর থেকেই এক অপূর্ব
অভিজ্ঞতার টানে হাজারে-হাজারে দর্শক ও তীর্থকামী লোকেরা এখানে
প্রতিবৎসর ভিড় জমান । এটি একটা গম্বুজওয়ালা গোলাকার বাড়ী ।
প্যারিসের বিখ্যাত শিল্পী পলফিলিপ্পোতে (?) ও তাঁর পাঁচ শিষ্য এখানে
এক আশ্চর্য্য মায়াময় রাজ্য সৃষ্টি করেছেন । যীশুখৃষ্টের ত্রিশবিদ্ধ
হবার দিনের জেরুজেলামের সমস্ত ঘটনাবলী এখানকার ছাদের গায়েও
চতুর্দিকের গোলাকার দেয়ালে এমন ভাবে এঁকেছেন যে একটা বিশেষ
ভাবে নির্মিত পাটাতনের উপর দাঁড়ালে দর্শকেরা অমুভব করেন যেন
তারা সে দিনকার জেরুজেলাম শহরে উপস্থিত এবং সেই নিদারুণ দিনের
ঘটনাবলী তাদের চোখের সামনে অহুষ্ঠিত হয়ে ।

এই দেয়ালগুলির উচ্চতা ১৪ মিটার ও পরিধি ১১০ মিটার ।
প্রায়াক্ককার এক বিশেষ পাটাতনে দাঁড়ালে চোখের সামনে ভেসে উঠে
—হুঁহাজার বছরের পুরাণে জেরুজেলাম শহর, তার হাটবাজার,
বণিকদের পণ্যবাহী উট আর গাধার সারি, তাদের তাঁবু, নগর প্রাকার,
শহরে সৌধশ্রেণী ও অগ্ন্যাগ্ন অট্টালিকা, রাজ প্রাসাদ, পুরোহিতের
প্রাসাদ, জেরুজেলামের প্রাচীন মন্দির, যাকার তোরণ, বধ্যভূমি, কর্মরত
সৈনিক দল, উঁচু-নীচু জমিতে ও শহরের আশে পাশে নানা জাতির
লোকের ভিড়,—আর কত বিচিত্রই না তাদের মুখের ভাব । কেউ
শোকার্ত, কেউ কেউ মজা দেখছে, কেউ বা মর্মান্বিত । এদের মধ্যে ভক্তি-

সম্পন্ন নরনারীও রয়েছে। আকাশে ঘোর ঘনঘটা, মুহূর্ত্ত বিহীন
 ক্ষুরে দূর দিগন্তে নীল গিরিশ্রেণীতে নীলাভ আলো। এই দুর্যোগভরা
 আকাশের নীচে ঠাঁড়িয়ে দর্শকদের মনে হয়—এক মহামানবকে ক্রুশ
 বিদ্ধ করে হত্যা করার প্রতিবাদে বিশ্বপ্রকৃতি যেন এই আসন্ন অন্ধকারে
 এক অভাবনীয় দারুণ দুর্যোগ ঘটাতে যাচ্ছেন। কী আশ্চর্য জীবন্ত
 এই দৃশ্য! এ অভিজ্ঞতা ভুলবার নয়,—এ যেন কল্পনার নয়—সত্যি
 সত্যি হুঁহাজার বৎসরের পুরানো পৃথিবী পরিভ্রমণ।

যীশুখৃষ্টের এই আত্মবলিদান সে যুগের মানুষকে এক শ্বাসরোধকারী
 বর্বরতা থেকে মানুষের পর্যায়ে উন্নীত করেছিল। জীঅরবিন্দ তাঁর
 Thoughts and Aphorism গ্রন্থে লিখেছেন :—

“Christ from his cross has humanised Europe.”

অর্থাৎ ক্রুশবিদ্ধ যীশুখৃষ্ট ইয়োরোপকে বর্বরতা থেকে মানুষের
 পর্যায়ে উন্নীত করেছেন।

যীশুখৃষ্টের মহান মৃত্যুর বিষয়ে জীঅরবিন্দ তাঁর সাবিত্রী মহাকাব্যে
 লিখেছেন :—

“The son of god born as the son of man.

Has drunk the bitter cup, owned God head,s debt

The debt the eternal owes to the fallen kind

His Will has bound to death and struggling life

That yearns in vain for rest and endless peace.

Now is the debt paid, wiped off the Original scorc.

The eternal suffers in a human form,

He has signed salvations testament with his blood :

He has opened the doore of his undying peace

The Deity Compnsates the creature's claim,

The Creatcr bears the law of pain and death ;

A retribution smites the incarnate God.

His love has paved the mortal's road to Heaven :

He has given his life and light to balance here

The dark account of mortal's ignorance.

It is finished, the dread mysterious sacrifice,
 Offereed by God's martyred body for the World ;
 Gethsemane and calvary are his lot, ,
 He carries the cross on which man's Soul is nailed ;
 His escort is the curses of the crowd ;
 Insult and jeer and his right's acknowledgement ,
 "Two thieves slain with him mock his mighty death.
 He has trod with bleeding brow the saviour's way.
 He who has found his identity with God
 Pays with the body's death his soul's Vast light.
 His knowledge immortal triumphs by his death.
 Hewn, quartered on the scaffold as he falls
 His crucified voice proclaims "I Iam God."

—Savitri—Book Six—Canto two

Centenary Edition, Aug. 15. 1972

এর ভাবানুবাদ নিয়ে দেওয়া হল :—

শুধু শাস্তি অনিবার, অবসর এক পলকের,
 তারি লাগি লালায়িত পার্থিব জীবন—
 শমন নিগড়ে বন্ধ যুগকাষ্ঠে পশুর মতন ;
 কী বিপুল ব্যর্থ চেষ্টা আগ্রহ আকুল ।
 ধরণীর ক্লিষ্টপ্রাণে প্রতিহিংসা জাগে,
 তীক্ষ্ণকণ্ঠে প্রশ্ন হানে “হে স্রষ্টা ! শুধাই—
 মৃজি এই দুঃখ তাপ দুঃসহ দহন—
 দুঃখ দিবে শুধু তুমি ? করিবে না ভোগ ?”
 মর্ত্যের মাটিতে তাই অবতীর্ণ তিনি
 ভগবান-পুত্র যিনি—নরপুত্ররূপে ;
 নিঃশেষে শোধিতে বত স্রষ্টার সে ঋণ
 অজ্ঞানারূপ মানবের কাছে ।
 জগতের যাবতীয় দুঃখ গ্লানি, তাপ,—

মানবের দেহ ধরি সহিলেন তিনি ;
হৃদয়ের রক্ত দিয়া মুক্তির দলিলে
নিজ হাতে দিলেন স্বাক্ষর ।

নিঃশেষে হইল শোধ স্রষ্টার সে ঋণ
মানবের কাছে,—নিজ বক্ষের শোণিতে
তাই বুঝি তৃপ্ত এতদিনে
সাস্তুর 'সাইলক' ।

মস্থিত ধরার চিত্তসমুদ্র উত্তিত
যত হিংস্র হলাহল করিলেন পান
ত্রাণকর্তা নীলকণ্ঠ সম ।

কঁহারি অসীম প্রেম করিল সুগম
মর্ত্যের জীবের তরে অমৃত্যু সরণী ।
অজ্ঞান আঁধারাবৃত দুর্বহ যে ভার—
লঘুতর করিলেন তারে—
জ্ঞানোজ্জ্বল নিজ দেহ বলিদান দিয়া ।
'জগৎ-হিতায়' তাঁর এ মৃত্যু মহান ।

ভয়মিশ্র রহস্যেতে ঘেরা
অভিনব দিগ্য যজ্ঞ এক
সম্পূর্ণ হইল তাঁর পূর্ণাঙ্কতি দানে
আপনার দিব্য-নিভ পার্থিব দেহের ।

ক্রশবিক্র মানবাত্মা স্বক্কে যিনি করেন বহন-
তাঁর ভাগ্যে অপেক্ষিছে মশানও ক্রশ,
তীক্ষ্ণ শ্লেষ,—নির্ঘাতনজ্বালা ।
শেষযাত্রা তাঁর চলে বধ্যভূমি পানে,—
সঙ্গী তার অজ্ঞ জন হৃদয় উত্তিত
অভিশাপ বাণী ।

তাঁর দিব্য অধিকার ? স্বীকৃতি তাহার
 রূঢ় অপমান আর ক্ষেপ, উপহাস ।
 মৃত্যুদণ্ডে দণ্ডিত যে দুইটি তন্ত্র—
 এক সাথে ক্রশবিদ্ধ হবে তিন জনা—
 তারাও বিক্রপ হানে মহামানবের
 এই মহান মৃত্যুকে ।
 মুক্তিসরণীর যিনি পুরোগ মহান
 কণ্টকে আকীর্ণ তাঁর রক্তক্ষরা পথ,
 ভালে অঁকা শোণিত তিলক ।
 ধন্য ধাঁরা একান্ততা লভি,
 ভগবান সনে—
 মৃত্যু মূল্যে কিনিতেই হয় তাহাদের
 আত্মার সে মহান আলোক ।
 অবিনাশী তাঁর দিব্য জ্ঞানের বিজয়
 পার্থিব দেহের মূল্য মূল্যরূপে দিয়া
 ক্রয় তাঁকে করিতেই হয় ।
 যদিও মশানে ক্রশবিদ্ধ দেহ তাঁর,—
 তবু কণ্ঠে অমোঘ ঘোষণা—
 “এই সেই ; আমিই ঈশ্বর ।”

দর্শন শেষ হ'ল, সিঁড়ি বেয়ে আমাদের স্কুলদেহ সামান্য কয়েক
 মিনিটে নেমে এল দুই হাজার বৎসরের ব্যবধান পার হয়ে এই বিংশ
 শতাব্দীতে ; কিন্তু মন কি পারে সেই স্মৃতি ভুলতে এত সহজে এত
 অল্প সময়ে ।

ভারাক্রান্ত মনে সবাই মিলে সেন্টলরেন্স নদীর তীরে কিছুটা ঘুরে
 বেড়ালাম ।

ঘড়ির কাঁটার মন বলে আপদটা নেই বলে সে কোনো কিছু
 জুজু বসে থাকে না, চলেতেই থাকে । এ দিকে সময় বয়ে যাচ্ছে দেখে

পিষ্টু স্মরণ করিয়ে দিল ঐতিহাসিক ক্যাবেক শহরটা দেখে আসার কথা। অগত্যা সবাই কিরে এসে গাড়ীতে চেপে বসলাম।

বিজি পাহাড়ী শহর,—অনেক অলিগলি ঘুরে খাড়া পাহাড়ী রাস্তায় চড়াই উৎড়াই ভাঙতে ভাঙতে পুরাণো শহরে প্রবেশ করতে হল। চারিদিকের প্রাকার প্রায় সাড়ে তিন মাইল লম্বা। লর্ড ডাকরিন ক্যানেডার গভর্নর জেনারেল হয়ে এসে এই পুরাণো দুর্গপ্রাকারের রক্ষণাবেক্ষণে তৎপর হলেন। মধ্যযুগীয় পুরাত্তম নগরদ্বারগুলির সংস্কার সাধন হল; কোথাও পরিবর্তন কোথাও বা পরিবর্দ্ধন করা হল। এখানে একটা চওড়া জায়গা ছিল, সেখান থেকে বহুনিম্নের শহরের নীচের দিকের অঞ্চলও সেন্ট লরেন্স নদীর মনোহর দৃশ্য খুব ভাল করে দেখা যেত। তিনি এসে এটাকে আরো অনেকটা বড় করে দিলেন।

এই শহরের উর্দ্ধাংশের খাড়া পাথুরে রাস্তায় গাড়ীতে না চড়ে পায়ে হেঁটে বেড়ানই অনেক ভাল। খাড়া সঙ্কীর্ণ রাস্তা, দু'পাশে পুরাণো গির্জা সৈন্তাবাস, প্রাচীন যুগের বাড়ী সব। আর্টিসারি পার্ক সেন্ট জনস্ গেটের ভিতরেই অবস্থিত। সাধুর নামের আড়ালে কামান বন্দুক! স্বাক্ষণে চোখ ঝুলিয়ে চলে এলাম। এবার চললাম “দি সাইটাডেল” দেখতে। এটার সেন্ট লুই ছাড়িয়ে সেন্ট লুই গেটে। সপ্তদশ শতাব্দীর একটা সৈন্তাবাস এখানে ছিল; ১৮৩২ খৃষ্টাব্দে “দি সাইটাডেল” এখানেই তৈরী হল। এখানে রয়েছে সারি সারি কামান, সৈন্তাবাস ইত্যাদি ইত্যাদি। হাঁ,—মানছি, ইতিহাসের দৃষ্টিতে মূল্য হয়ত কিছুটা রয়েছে। তবে আমরা অনেক বেশী আনন্দ পেলাম উঁচু থেকে নীচের পাহাড়ের গায়ে গায়ে ছবির মত শহরতলি আর সৌম্য সেন্ট লরেন্সের প্রশান্ত প্রবাহ দেখে। কী অপূর্ব সুন্দর এই দৃশ্য। স্মৃতি রক্ষার্থে পুরাণো প্রাকারে দাঁড় করিয়ে আমাদের কয়েকটা ছবি তোলা হল।

এখানে নাকি খুব মজার একটা রাস্তা রয়েছে। সেখানে সব শিল্পীদের আস্তানা;—রাস্তার পাশে বসে তাঁরা গান করেন, বাজনা বাজান, ছবি আঁকেন ইত্যাদি। ইচ্ছা ছিল একবার নিজের

চোখে দেখে আসব। জানিনা শিল্পীরা সেদিন সেখান থেকে কেন উঠাও।

যাক্গে—শিল্পী আর তাঁদের শিল্পের সাক্ষাৎ নাই বা হল। কিছুটা ঘুরে ফিরে আবার সঙ্গীর্ণ পাহাড়ী রাস্তায় ঘুরে ঘুরে নীচে নামা হল এবং সবাই মিলে গাড়ীতে গিয়ে বসলাম।

আমরা এবার সেন্ট লরেন্স নদীর পুল পার হয়ে ২০ নম্বর রাজপথ ধরে চললাম,—ক্যাষেক ছেড়ে মন্টরিয়েল-এর উদ্দেশে।

গড়ান জমি,—কোথাও উঁচু কোথাও নীচু,—ছধারে সবুজ গাছপালা-নাতিঘন বন,-চবামাঠ ছধারে দেখতে পাচ্ছি জায়গায় জায়গায়। আমাদের রাস্তা বেশ কিছুক্ষণ ধরে সেন্ট লরেন্স নদীর পাশ দিয়ে চলেছে। 'সেন্ট এপোলিনেয়ার' এ এসে নদীর সঙ্গে বিচ্ছেদ ঘটল। আবার শুরু হল সেই ঢেউ খেলান হাতির পিঠের মত সুডৌল সবুজঘাস ও ফুলভরা তৃণ কীর্ণপ্রাস্তর। কোথাও বা কর্ষিত,—তাই বাদামী রং এবং কোথাও শস্তক্ষেত্র, খামার,-মাঠে ছ'চারটা হুটপুট গরু চরছে।

২০ নম্বর রাজপথ ধরে এখনও চলেছি। পাথে 'সেন্ট ইউলেন্সি' নদী পার হলাম। মন্টরিয়েল আর ও ১০০ কিলোমিটার দূরে। ছ' পাশের পাইন বনের মধ্যে চিত্রাপিত ছ'চারটা বাড়ী ঘর। উইস্কলসিন এর মত সাইলো এখানে দেখতে পাচ্ছি না, ক্ষেত্র খামার চাষবাসও তত চোখে পড়ছে না;—লোক বসতি খুবই কম। লোকের বসতি বা কিছু তা শহরগুলির চার পাশে।

মন্টরিয়েল ভাল করে দেখতে হলে কাল টরেন্টো পৌঁছান অসম্ভব। তাই ঠিক হল—মন্টরিয়েলে না থেকে অল্প কোথাও রাত্রিবাস করা হবে এবং আড়ুচোখে মন্টরিয়েল দেখেই তৃপ্ত থাকতে হবে। সেন্ট লরেন্স নদী এবং শহরের বেশ কিছু প্রসিদ্ধ স্থান গাড়ীতে বসে বসেই দেখা সম্ভব। সুতরাং গাড়ীতে বসে বসেই প্রাকৃতিক দৃশ্য সম্বোগের সঙ্গে সঙ্গে চা এবং কুকি অর্থাৎ বিস্কুট সম্বোগ চলতে থাকল।

গাড়ী চালাতে চালাতে পিক্টুর চোখে ঘুম আসছিল;—সেটা অত্যন্ত বিপদজনক। তাই মিতাকে গাড়ী চালাতে বলা হল। কিন্তু দৌহিত্রটি নেহাৎ শিশু,—মা'র গলায় জেকের মত আটকে আছে,—ফিছুতেই ছাড়বে না। অগত্যা ঘুম তাড়াতে গান গাওয়াই ঠিক হল। গাড়ীতে কাক তাড়ানো চেহারা ও ঘুম তাড়ানো গলার দুর্লভ অধিকারী আমি স্বয়ং উপস্থিত; তবুও মিতাকেই গাইতে বলা হল। মিতা গান শুরু করল,—কখনো মীরার ভজন, কখনো বা রবীন্দ্র সঙ্গীত। প্রথমটার সূত্রধর আমি এবং দ্বিতীয়টার গৃহিনী। সূত্রাংশ শেষ পর্যন্ত সমবেত কণ্ঠেই গান চলতে লাগল। প্রায় হিন্দি সিনেমার রাজা, প্রজা, উজীর, নাজীরের একই সঙ্গে গেয়ে উঠার মত শব্দর, শাশুড়ী, জামাতা, কন্ডা—সবাই এক সঙ্গে গাইতে গাইতে চললাম। ভাগ্যিস এয়ারকন্ডিশন গাড়ী বলে আওয়াজ বাইরে যাচ্ছিল না! এক সময় দৌহিত্রটিও আমাদের সঙ্গে কণ্ঠ মিলালো। বহুকণ সঙ্গ করে থাকার পর এতক্ষণে ধৈর্য্যচ্যুতি ঘটাটা মোটেই দোষের নয়। অগত্যা আমরা থামলাম—কিন্তু তার কান্না থামল বেশ কিছুক্ষণ পর।

‘পানা আর রোণা’ ‘মাইফেল’ খতম—হতে হতে দূর দিগন্তে মন্টারি-য়েলের সৌখ্যশ্রেণী দেখা দিল। কিছুক্ষণের মধ্যেই আবার সেন্ট লরেন্স নদীর দেখা পেলাম। অসংখ্য উড়ালপুল পার হচ্ছি;—আমরা এখন মন্টারিয়েল শহরের একপাশ ঘেঁষে যাচ্ছি এবং পথের ধারের দর্শনীয় স্থানগুলি দেখে নিচ্ছি। আমাদের রাস্তা আর শহরের মাঝ দিয়ে বয়ে যাচ্ছে—সেন্ট লরেন্স নদীর বিশাল ধারা। যেখানে ‘এক্সপো’ হয়েছিল সেই স্থানটি গাড়ী থেকেই দেখা গেল। আরও দেখলাম ওলিম্পিক স্টেডিয়াম আর আকাশের পটে চিত্রাংকিত বিখ্যাত মন্টারিয়েল শহর। রাস্তার পাশে গাড়ী থামিয়ে আমরা একাধিক জায়গার ছবি তুলে নিলাম। এবার সেন্ট লরেন্স নদীর বিশাল পুল পার হয়ে যাচ্ছি। পুলের উপর দিয়ে যেতে যেতে দৃশ্যপটের সৌন্দর্য্যে মুগ্ধ হয়ে চলন্ত গাড়ী থেকে ও কয়েকটা ‘স্নেপশট’ নেওয়া হল। অতি মনোহর দৃশ্য এখানকার।

পুল পার হয়ে পড়া গেল উড়ালপুলের পাশায়; একটা শেষ ত আর একটা শুরু। অনেকটা গিয়ে তবে শহরের নাগপাশ থেকে মুক্ত হলাম। একটা জায়গায় গাড়ীতে পেট্রোল ভরে নিয়ে মানচিত্র দেখে একটা রাত্রি-বাসের উপযুক্ত মোটেল নির্বাচন করা হল। ঠিক হল কর্ণওয়ালের একটা মোটলে রাত্রিবাস করা হবে।

গাড়ী ছাড়ার কিছুক্ষণের মধ্যেই সেন্ট লরেন্স নদী আবার নয়ন-গোচর হল;—যেন পুরাতন বন্ধুর সঙ্গে পুনর্মিলনের আনন্দ পেলাম। মাঠ, ঘাট, নদী, বন—সবুজে সুনীলে বিরচিত স্বপ্নময় সৌন্দর্যের পরিবেশের ভেতর দিয়ে আমাদের গাড়ী ছুটে চলেছে। অচিরেই ক্যাবেক প্রদেশের সীমানা অতিক্রম করে আমরা ক্যানেডার অন্তারিও প্রদেশে প্রবেশ করলাম। সেন্ট লরেন্স নদীর প্রবাহ এখনো আমাদের পাশ ছাড়ে নি; জমির বহুরতা কমে গিয়ে ক্ষেতখামারের দৃশ্য বেশী দেখা যাচ্ছে। জমি প্রায় সমতল;—সামান্য ঢেউ খেলান, বনের প্রাচুর্য কমে এসেছে,—কৃষিক্ষেত আর তত বিরল নয়। নদী এখন ধীরে ধীরে একটু একটু করে সরে যাচ্ছে;—কখনো গাছপালা গ্রাম গঞ্জের আড়ালে,—কোথাও বা নয়ন গোচর। গৈরিক পশ্চিমাকাশে অস্তগামী রবির বিদায় লগ্নের ছবি।

আজ প্রায় ৫০০ মাইল গাড়ী চালিয়ে আমরা কর্ণওয়ালের মোটলে এসে পৌঁছালাম। অতঃপর তৎপরতার সঙ্গে গাড়ী থেকে মাল টাল নামিয়ে নেওয়া হল। তারপর কৃষিক বিজ্ঞান, চা পান, পথের জন্তু খাত্ত পানীয় ক্রয়, রান্না বাস্না ইত্যাদি নিত্য নৈমিত্তিক কাজগুলি শেষ করে খাওয়া দাওয়া সারতে সারতে রাত দশটা বেজে গেল।

আজ পিণ্টু একটানা ৫০০ মাইল গাড়ী চালিয়েছে; পরিশ্রম হয়েছে খুবই। সুতরাং মিতা ও জামাতাকে শয্যাগ্রহণের জন্তু তাগাদা দিয়ে নিজেরাও কক্ষের তলায় ঢুকে পড়লাম।

আজ সেন্ট লরেন্সের কী স্নিগ্ধ সৌন্দর্য্যই না দেখলাম আর সাইক্লো-রামা'তে কী অপূৰ্ণ অভিজ্ঞতাই না হল! সে সব কথা ভাবতে ভাবতে এক সময়ে ঘুমিয়ে পড়লাম।

[কর্ণোয়াল—সহস্রদ্বীপ (Thousanb Islands)

টরেন্টোতে শিউদিবস পালন]

টরেন্টো, ক্যানোডা

পরদিন প্রত্যুষে চা টা খেয়ে একটু বাইরে পায়চারি করে ঘরে ফিরে দেখি মাতা ও কন্যা মিলে তত্ত্বক্ষেপে সিদ্ধ ভাত রন্ধে নিয়েছেন : কালকের রান্নার অবশিষ্ট যা ফ্রিজে রাখা ছিল তাও গরম করা শেষ । দেখে বললাম “সাধু! সাধু! গৃহিণীপণ্য—তা গৃহে হোক আর পথেই হোক—সদাই সমান সক্রিয় । পথের কেনা খাবারের একঘেয়েমি এবং ট্যাকের টাকা খরচ—এক টিলে দুটো পাখীকেই ঘায়েল করেছে দেখছি । সাধুবাদ দিতেই হয় । ‘পতির পুণ্যে সতীর পুণ্য, নহিলে খরচ বাড়ে’ এহেন কবির উক্তিটাকে মিথ্যা প্রতিপন্ন করে ছাড়লে ।”— এই না বলে দ্রুত স্নানাগারে ঢুকে পড়লাম ; সবাইকে দেয়ী করিয়ে দেওয়ার অপবাদ বার বার আর নিই কেন ।

যাক্ গে—খাওয়া দাওয়া শেষ করে, গাড়ীতে বাস পেটারা তুলে সবাই মিলে গাড়ীতে বসতে বসতে সেই ৯। টা ।

আজ আমরা ৪০১ নম্বরের রাজপথ পরিত্যাগ করে দু’নম্বরের রাজপথ ধরে যাব । তাতে সেন্ট লরেন্স নদীর পাশ দিয়ে যেতে যেতে অনেক সুন্দর সুন্দর দৃশ্য চোখে পড়বে । বিখ্যাত ‘সহস্রদ্বীপ’ও নাকি এই পথেই পড়ে ।

‘সহস্র দ্বীপ’ ব্যাপারটা আসলে কি খুলেই বলা যাক । সাগর সঙ্গম খুব বেশী দূরে নয় বলে সেন্ট লরেন্স নদী এখানে শাস্ত ও লগ্নগতি বিশিষ্ট । এ জায়গাটাতে নদীর বুকে বহু ছোট বড় দ্বীপ রয়েছে । তাদের এক একটা হয়ত মস্ত বড় একটি গ্রামের মত ; আবার ক্ষুদ্রতম দ্বীপটিতে হয়ত আছে একটি বড় পাথরের চাঁই, তার পাশে একটি

ছোট কাঠের বাড়ী নিম্ন একটা পাইন গাছের নীচে দাঁড়িয়ে জলের আয়নায় মুখ দেখছে। এখানটায় নদীর বুকে এক গুচ্ছ দ্বীপপুঞ্জ, তাই স্থানীয় অধিবাসীরা আদর করে নাম রেখেছেন ‘সহস্রদ্বীপ’, এটা অত্যাক্তি নামক অলঙ্কারের প্রয়োগ মাত্র। গুণে গুণে নাম রাখার মত গুণবান কেউ নাম রাখেন নি বলেই আমার বিশ্বাস।

এই সহস্রদ্বীপের একটাতে বিবেকানন্দ তাঁর আমেরিকান শিষ্যদের সঙ্গে কিছুদিন নির্জনে ধ্যানধারণা পঠন-পাঠম করেছিলেন। একদিন এক প্রাচীর ওক গাছের নীচে বসে ধ্যান করতে করতে সমাধিস্থ হয়ে গিয়েছিলেন।

যাক গে—আপাততঃ বিবেকানন্দ প্রসঙ্গ ছেড়ে নয়নানন্দ প্রসঙ্গেই প্রত্যাবর্তন করা যাক।

মাছধরার শখ যাদের রয়েছে—তারা এখানে মৎস্যশিকারের সুযোগ সহজে হারাতে চাইবেন না। তবে পিণ্টুর পক্ষে এ যাত্রা আর তা সম্ভব নয়। দোহিত্রটি নিতাস্তই শিশু। এত দীর্ঘ সফরে সে বিরক্ত হয়ে উঠবে—তাতে আর আশ্চর্য্য কি। তার উপর কাল রাত্রে মোটেলে ছরম্পনা করতে করতে হাতে চোট লেগেছে। আজ সে কিছুতেই গাড়ী চড়তে চাইছে না। কিছুক্ষণ পরে পরেই ‘নামি’ ‘নামি’ বলে কাঁদছে। সুতরাং কিছুক্ষণ পরপরই গাড়ী থামিয়ে তাকে কিছুটা হাঁটাচলা করিয়ে শান্ত করতে হচ্ছে।

আজ আমরা খুব সুন্দর পরিবেশের মধ্য দিয়ে চলেছি। নদী এখানে খুব প্রশস্ত এবং প্রাণগতি, বুকে অসংখ্য দ্বীপ। আমাদের পথ নদীর তীর ঘেষে যাচ্ছে। তীরে সর্বত্রই ঘন উৎসবের মেজাজ। কোথাও মেয়েরা ঘোড়া চড়া শিখছে, কেউ ঘোড়া ছোট্টাচ্ছে, কোথাও বা মাছ ধরার রাজকীয় ব্যবস্থা, তার ‘রাজকীয় ব্যবস্থা’ এখানে অল্পপন্ডিত। আমাদের মত জল পেলেই বরষতরু ধোপার পাট কেলো কাপড় আহড়ানর রোয়াজ এখানে নেই।

নৌকায় ও লঞ্চে বহু মৎস্যভিলাসী নদীবক্ষে ভাসমান; বিভিন্ন

বর্ষের পাল তুলে কত নৌকা নদী বক্ষে ভ্রমণবিলাসীদের বৃকে নিয়ে জলবিহার করছে। মল্লশ্রোতা অলসগামিনী এই নদীর তীরে তীরে লম্বা লম্বা জলজ ঘাস—যেমনটা আমাদের দেশের বিলের ধারে হয়ে থাকে। নদী এখানে এত চওড়া আর স্বল্পশ্রোতা যে একে নদী না বলে বিল বললে খুব ভুল হবে না হয়ত। বৃকে অসংখ্য দ্বীপ,—কোনোটা বা একটি মাত্র পাইন গাছ বৃকে নিয়ে দাঁড়িয়ে আছে, কোনোটা বা একটু বড়;—তাতে কয়েকটা গাছ পালা, দু'একটি কাঠের বাড়ী, টিলার সান্নিধ্য নদীর জলে এসে মিশেছে, সেখানে দু'একটি নৌকা নোঙর করা। কোনো কোনো দ্বীপ যেন আস্ত একটি গ্রাম। তাতে গাছ-পালায় সবুজ পাহাড় মাথা উঁচু করে দাঁড়িয়ে; পাহাড়ের গায়ে গায়ে মাথায় ও জলের ধারে ধারে নানা রঙের কাঠের বাড়ী, বহু নৌকা পাল খুঁটিয়ে অপেক্ষমান। জলের বৃকে অসংখ্য মোটর-চালিত নৌকা পাল-তোলা নৌকা রাজহাঁসের মত জলবিহার করে বেড়াচ্ছে। কিছু লম্বা লম্বা নৌকাতে ২/৪ জন আরোহী মাছ ধরায় ব্যস্ত। বহুদূরে নদীর পরপারে নীলাভ বৃক্ষশ্রেণীর স্তম্ভ রেখা। এ পাড়ে কিছু দূরে দূরেই ক্রাব ঘরের ভিড়। সেখানে বহু মোটর দাঁড়িয়ে,—তীরে অনেক নৌকা বাঁধা।

ভ্রমণবিলাসী ও আনন্দ অনুসন্ধানীদের স্বর্গ এই সহস্রদ্বীপ। অনেক প্রাচুর্য্য এদের আছে বলে এমন চুটিয়ে জীবনটাকে উপভোগ করার এত তাড়া। সঙ্গে রয়েছে অবচেতন মনে একটা বদ্ধমূল সংস্কার—'you have only one life to live'। জীবন একটা বৈ ত নয়। সময় থাকতে তাই জীবনটাকে চুটিয়ে ভোগ করে নাও—এটাই যেন এদের জীবন দর্শন।

যতই এদেশ দেখছি ততই মনে পড়ছে—আমাদের দেশের সাধারণ মানুষের কথা। এত জনসংখ্যা, এত দারিদ্র্য, শিক্ষাদীক্ষা দূরে থাক—মোটাভাত মোটা কাপড়ের চাহিদা মেটাতে আশৈশব পণ্ডায়ম করতে একদিন মৃত্যুর মাধ্যমে মুক্তি। আর এদের? প্রচুর জমি,—

তুলনায় লোকসংখ্যা যৎসামান্য, প্রচুর কর্মের সংস্থান, প্রচুর অর্থ, প্রায় প্রতি বাড়ীতেই একটি করে মোটর গাড়ী ।

কাজে ফাঁকি দেওয়ার ব্যাপারে প্রশ্রয় পায় না বলে সপ্তাহে পাঁচদিন প্রাণপণে খাটে, বিনিময়ে চুটিয়ে রোজগার করে । কাজ—তা সে যাই হোক না কেন—সাধারণ ভাবে জীবন যাপনের উপযোগী অর্থ সবাই পেয়ে থাকে, আর তেমনি জীবনটাকে চুটিয়ে ভোগ করে নেয় । ওদের জীবন দর্শন নিয়ে আলোচনা করতে যাচ্ছি না । শুধু এইটুকু বলতে চাই—‘ভয়েই হোক আর ভক্তিতেই হোক’—কাজে ফাঁকি তারা দেয় না এবং বিনি কাজে ‘পাইয়ে দেবার’ মন্ত্র দেবার লোকও এখানে খুব পান্ধা পায় না । প্রচুর কাজ,—তবে কাজ পাওয়া যত সহজ কাজ চলে যাওয়া তার চাইতেও সহজ । প্রকৃতির অকুপণ দানের সঙ্গে যুক্ত হয়েছে নিরলস কর্ম এবং তাতে সোনার সোহাগা সীমিত জনসংখ্যা । আশ্চর্য্য কি এদেশের অতিসামান্য লোকদের জীবনের মান আমাদের দেশের মধ্যবিত্তদের থেকে অনেক উচু !

যাক গে—ও সব কথা বলার অধিকার আমার নেই ; যে বেদনা রোধ করতে পারব না, তাকে ভুলে থাকাই ভাল !

আপাততঃ অশান্ত হৃদয়কে প্রশ্রয় না দিয়ে প্রশান্ত সেন্ট লরেন্স নদীর বুকে সহস্রদ্বীপের সহস্র সহর্ষ দৃশ্যাবলীতেই ফিরে যাই ।

বিস্তৃত সেন্ট লরেন্স নদীর বুকে অসংখ্য সবুজ সবুজ দ্বীপ, যেন আমাদের দেশের নদীর বুকে ছোট ছোট প্রদ্বীপ ভাসানোর মত ; সবুজ দ্বীপ নয়—যেন সবুজ শীর্ষ দীপশিখা পাইন বনের শীর্ষে শীর্ষে । মাঝে মাঝেই গাড়ী থামিয়ে দোহিত্রটিকে একটু হাঁটিয়ে নেওয়া হচ্ছে এবং কিছু খাওয়ান হচ্ছে ।

আমেরিকার মত ক্যানিডার খাবার দোকানের ব্যবস্থাও অতি-পরিষ্কার পরিচ্ছন্ন । স্বাস্থ্য বিভাগের নিয়মিত তদারকীর ফলে গাফিলতি করার উপায় নেই ;—একটু নোংরা দেখলেই দোকানদারের অনুমতিপত্র তৎক্ষণাৎ বাতিল ।

গাড়ী এগিয়ে চলেছে। কিছুক্ষণ পর ‘কেটারা গুই’ নদী পার হলাম। বাম পাশে এখনও সেন্টলরেন্স নদী তার সমুদ্রসদৃশ বিস্তৃতি নিয়ে সঙ্গে সঙ্গে চলেছে। জমি ক্রমশঃ ঢালু হয়ে নদীতে এসে মিশেছে; ডানদিকের উঁচু পাহাড়ের গায়ে ছ’একটি সাদা বা লাল রংএর বাড়ী। নদী একটু একটু করে দূরে সরতে সরতে এক সময় সত্যিই দৃষ্টির আড়ালে চলে গেল :—কারণ আমরা যে দুই নম্বর ছেড়ে আবার ৪০১ নম্বর রাজপথ ধরে চলতে শুরু করেছি। ‘বিদায় সেন্টলরেন্স!’ মনে মনে বললাম—“অনেক কিছু পেলাম তোমার কাছে; ভুলব না তোমাকে।”

এখন আবার পুরাতন ৪০১ নম্বরের রাজসরগীর স্বরণ নিয়েছি। ছ’পাশের আন্দোলিত প্রান্তরে শস্যক্ষেত্র;—কোথাও পুষ্পিত তৃণভূমি,—কোথাও বা বার্চ সিডার পাইনের বন। ছপুর কখন গড়িয়ে গেছে।

‘বেল্লেভিলে’ পেরিয়ে আমরা ট্রেনটনের কাছে এসে একটা ছোট নদী পার হলাম। ব্রাইটনের কাছে এসে bright অনুভব করলাম,—মনে হল যেন গন্তব্যস্থান আর বেশী দূরে নয়! এখানকার ভূ-প্রকৃতি প্রায় সমতল। তৃণময় প্রান্তরের মধ্যে কোথাও কোথাও বনবৃক্ষের সারি;—তার কাঁক দিয়ে ছ’একটা কাঠের বাড়ী ছবির মত দেখাচ্ছে। কোথাও বা ছ’চারটা হাটপুঁই গরু চরছে। গাড়ী ‘নিউক্যাসল’ পার হয়ে গেল। এবার আমাদের পথের একদিকে হ্রদ আর একদিকে সমতল হরিৎ ক্ষেত্র। ‘বাউমেন কিং’, ‘ওসাওয়া’, ‘লুইটলে’ প্রভৃতি জনপদ পর-পর পেরিয়ে গেলাম। আকাশ আঁধার করে বৃষ্টি নামল :—তবে গাড়ীর জানালা দিয়ে দেখতে তেমন অনুবিধা হচ্ছে না! এটাত আর আমাদের মত মৌসুমী-বায়ু বাহিত বৃষ্টির দেশ নয়;—ঘনবর্ষণ কদাচ হয়।

ক্রমেই উড়াল পুল ও রাস্তার পাশে ঘর বাড়ীর সংখ্যার বৃদ্ধি দেখে মনে হচ্ছে টরেন্টো তুরন্ত পৌঁছে যাব। ঘনায়মান সন্ধ্যার প্রায়াক্ত কারে বর্ষণসিক্ত ঝাপসা হয়ে আসা মাঠ ঘাট সৌধ অট্টালিকা দেখতে

দেখতে কনিষ্ঠ শ্যালক নীলাজি ওরকে চাঁদুর বাড়ী যাচ্ছি আমরা । রাস্তার নির্দেশ দেওয়া-চিঠি দেখে দেখে গাড়ী চালাতে হচ্ছে ; মনে হচ্ছে যেন সারা টেরেণ্টো শহরটাকেই পার হয়ে এলাম । হঠাৎ ডান দিকে মোড় ফেরার পরই মনে হল আমরা এবার শহরতলি এলাকায় চলে এসেছি । ঝির ঝির বৃষ্টি মাথায় করে এ রাস্তা সে রাস্তা করতে করতে গাড়ী শেষটায় চাঁদুর বাড়ীর দরজায় এসে দাঁড়াল । বৃষ্টি প্রায় ধরে এসেছে তখন :—কত্যা ছুটিকে নিয়ে চাঁদু ও রাণু দোর ধরে আমাদের প্রতীক্ষায় দাঁড়িয়ে ।

আজ প্রায় ৪৫০ মাইল মোটর ভ্রমণের পর চাঁদুদের দোর গোড়ায় এসে আমাদের দীর্ঘভ্রমণের প্রথম পর্ব শেষ হল—শ্রীমার অসীম কৃপায় ।

ছুটি কোলে ছুটে এসে চাঁদু তার দিকিকে হাসি মুখে বলল “তাহলে দিদি ! সত্যি তোমার কানেনডায় আসা হল ! এতো কল্পনা ও করা যায় নি কখনো ! কী যে আনন্দ হচ্ছে !” সুস্মিতাননা রাণু এসে সাদর সম্ভাষণ জানাল ।

সবাই এক সঙ্গে হাত লাগিয়ে মালপত্রগুলির একটা হিল্লো করে এনেছি—হেনকালে সকল্য সন্ধ্যামী ছোটশালী মঞ্জুর আবির্ভাব ।

সাত সমুদ্র তের নদী পারের প্রবাসী কনিষ্ঠ ভ্রাতার গৃহে সকল্য সন্ধ্যামী, সজ্জামাতা, সদৌহিত্র দুই ভগ্নীর একসঙ্গে আগমন এতই অপ্রত্যাশিত আনন্দের যে সে সম্মিলিত আনন্দ কোলাহল নায়েগ্রো গর্জনকেও বুঝি হার মানাল ।

যথাকালে হৈ চৈ একটু স্থিমিত হয়ে আসলে স্নানাদি সমাপনের পর মনে হল যেন দীর্ঘভ্রমণের ক্লান্তি কিছুটা কেটেছে । জমিয়ে আড্ডা-দেবার প্রতীক্ষায় রয়েছি—হেনকালে রাণু এসে তাড়া দিতে লাগল যেন ধুতি পাঞ্জাবী পরে পুরো বাঙ্গালী সেজে অবিলম্বে নীচে নেমে আসি । বল্লাম—“বুঝলাম,—কিছু এত তাড়া কিসের ?” উত্তরে জানাল—পিতৃদিবস (Father's day) নামক সত্তপ্রচলিত পর্বাতি নাকি পিতৃ-চতুষ্টয়ের জন্ত অপেক্ষা করছে ।

এদেশে মা'র প্রতি শ্রদ্ধার কমতি নেই, যদিও বাপের বেলায় ঠিক উল্টো,—যেন 'উল্টোপরশুরাম'। মাতৃভক্তির জন্তুই হয়ত এদেশের এত উন্নতি;—অধুনা শুনছি—'পিতৃদিবস' পালন করার 'রেয়াজ'ও সম্প্রতি 'চালু' হয়েছে। আজ এখানে চার পিতা উপস্থিত; চাঁদু, পার্বতী, পিণ্টু ও আমি;—আজ আবার এখানকার 'পিতৃদিবস'। এ সুযোগ কি ছাড়া যায়।

টেবিলে হরেক রকমের দেশী খাবার—সন্দেশ, চমচম, রসগোল্লা, রসমালাই, সিঙ্গার, নিমকি—আর ও কত কি! সবই রাণুর নিজের হাতে তৈরী। এখানে বাংলাদেশের মিষ্টি পাওয়া যায়না বলে—আমাদের মেয়েরা নিজেরাই মিষ্টি তৈরী করা শিখে নেয়; অনুবিধার কিছুই নেই,—দুধ চিনি ত সস্তা এবং অটেল পাওয়া যায়।

খাবার ছাড়া টেবিলে রয়েছে চারখানা কার্ড চারটি আলাদা আলাদা খামে ভর্তি চার পিতার জন্তু রঞ্জার সম্বন্ধ নির্বাচিত।

অনেক আনন্দ, হৈ চৈ হাসি ঠাট্টার মধ্যে খাওয়া দাওয়া শেষ হল এবং সকলের শেষে মহাসমারোহে ছবি তোলা হল।

কল্যাণের সহসা মনে পড়ল—বিদেশে সবাই মিলে এই যে আনন্দোৎসব করা হল—সে খবরটা সাত সাগরের পারে রয়েছেন যে ৮৮ বৎসরের বৃদ্ধা জননী—তাকে জানালে হয় না? তৎক্ষণাৎ চিঠি-লেখা হয়ে গেল এই বলে যে সন্তুসমুজের পারে বসে তোমার অধস্তন তিন পুরুষ আজ তোমাকে শ্রদ্ধার সঙ্গে স্মরণ করছে। নীচে স্বাক্ষর রইল—দুই জামাতার, দুই কন্যার, দুই নাতিনীর, কন্যার জামাতার এবং টিপসই রইল দুইবৎসরের দৌহিত্রী স্নাতেরও পৌত্রীর।

আহারান্তে বিশ্রাম—যার জন্তু ক্লান্ত দেহ তার শ্রায্য দাবী বহুক্ষণ ধরে নীরবে জানাচ্ছিল।

পরদিন কাটল কিছু না করে; কিছুটা আড্ডায় ও কিছুটা পড়াশুনা। চাঁদুর বাড়ীতে প্রতি ঘরে ঘরে প্রচুর বইএর সংগ্রহ—বাংলা, ইংরেজী ও জার্মান ভাষার। খুঁজতে খুঁজতে তুলট কাগজে লেখা

অন্ততঃ ছ'তিন শ বছরের পুরণো একখানা গীতা পেয়ে গেলাম। বইএ মুখ গুঁজে বেশ কিছুটা সময় সে দিন কাটল; পরদিনও তাই। তবে মাঝখানে একটু গানবাজনার আসরও বসেছিল।

টরেন্টোতে এক মার্গসঙ্গীত পারদর্শিনী ভদ্রমহিলা থাকেন। আগের দিন বিকেলে চা খেতে খেতে রেকর্ডে তাঁর খানকয়েক ভজন ও ক্রতলয়ের খেয়াল শুনেছিলাম। বিদেশে এসে গান প্রায় ছেড়েও দিয়েছিলেন। টরেন্টোর এক দুর্গাপূজার আসরে তাঁর গান শুনে চাঁছও তার বন্ধুরা তাঁর পেছনে ক্রমাগত লেগে থেকে তাঁকে আবার সঙ্গীতের জগতে ফিরিয়ে এনেছেন। ভদ্রমহিলা এখন ওখানে গায়িকা হিসাবে সুপ্রতিষ্ঠা; রেকর্ড করেছেন এবং একটা গানের স্কুলও চালাচ্ছেন। তাঁর রেকর্ড শুনে আমার মনে হয়েছিল ঐ নামের এক ভদ্রমহিলার গান বছর ১৫/১৬ আগে কোলকাতার বেতারে শুনেছি। পরে জানলাম—আমার অনুমান ঠিকই,—ইনিই সেই মহিলা।

ভদ্রমহিলাকে মঞ্জুরা পরদিন দুপুরে হারমোনিয়াম সমেত এই বাড়ীতে এনে হাজির করল। দুপুরে খাওয়ার পর উপরের ঘরে একটু বিশ্রাম করছি—এমন সময় খবর এল—‘নীচে গানের আসর বসেছে, চলে আসুন তাড়াতাড়ি’। কিন্তু খাওয়া দাওয়ার পর গানের আসর। এটা ত গানের পক্ষে মোটেই অনুকূল নয়। যা হোক নীচে নেমে এসে গানের আসরে এসে বসা গেল।

ভদ্রমহিলা একটা ক্রত খেয়াল দিয়ে শুরু করে পরে ৩/৪ টি সুন্দর ভজন পরিবেশন করে তাঁর গান শেষ করলেন।

বেশ গমক রয়েছে গলায়—যা মেয়েদের গলায় প্রায় শোনাই যায় না।

এবার ডাক পড়ল আমার। হকচকিয়ে গেলাম কিছুটা। আসরে গাইতে হলে তার জ্ঞান প্রস্তুতি চাই কিছুটা। আমার প্রস্তুতি কোথায়! রেয়ারজ ছেড়েছিও বহুদিন হল। মঞ্জুরা হয়ত তাদের বোন ও ভগ্নীপতি সম্বন্ধে একটু সালঙ্কারেই বলে থাকবে। সে ত হল—এখন আমি

সামলাই কি করে! অপ্রস্তুত হবার জন্ত প্রস্তুত হয়ে শ্রীমাকে শ্রবণ করে কয়েকটি রাগাঞ্জয়ী মীরার ভঞ্জন পরিবেশন করা গেল। পরমাশ্চর্য্য—অমানীকে মানদাত্রী শ্রীমা সে দিন চাঁছ ও মঞ্জুর মুখ রক্ষা করেছিলেন।

মহা উৎসাহে ভদ্ৰমহিলা ত পরদিন তাঁর বাড়ীতে গান গাইবার জন্ত নিমন্ত্রণ জানালেন। বাপ! আর এপথে পা বাড়াই কখনো!—সমস্ত-অভাবের অজুহাত দেখিয়ে কোনমতে বেঁচে গেলাম।



[টরেণ্টো-অণ্টারিও হৃদ-ক্যানেডিয়ান গ্র্যামার টাওয়ার]

টরেণ্টো, ক্যানেডা ।

সকালে মধু পার্বতীরা সকল নিউইয়র্ক ফিরে গেল। এবার শুরু হল চাঁদুর সঙ্গে ঘুরে ঘুরে আমাদের টরেণ্টো পরিভ্রমণ।

বিকলে চাঁদুর সঙ্গে টরেণ্টোর সুবিখ্যাত ক্যানেডিয়ান গ্র্যামার টাওয়ার কর্তৃক নির্মিত স্তম্ভ সংক্ষেপে .সি. এন্ টাওয়ার দেখতে যাওয়া হল। এটাই নাকি পৃথিবীর উচ্চতম স্তম্ভ; প্যারিসের ইফেল টাওয়ারকেও উচ্চতায় 'কেল' করিয়েছে। এঁরা দাবী করেন এই স্তম্ভ 'উচ্চতায় ১৮১৫ ফিট, মালমশলার ওজন নাকি ২৩,২১৪ টা বিরাট হাতির ওজনের সমান। এখানকার নিয়মিত কর্মীর সংখ্যাই নাকি ৪৫০। বৎসরে ১৮ লক্ষেরও বেশী লোক এটা দেখতে আসেন। এর উপরে উঠতে গেলে তোমাকে ২৫৭০ টা সিঁড়ি ভাঙতে হবে। তবে ভয়ের কারণ নেই, উপরে উঠবার জন্য লিফটের ব্যবস্থা রয়েছে এবং সেটা খুবই ভাল;—আমাদের দেশের 'শান্তনু বেলা গোলা'র মন্দির ত নয় যে যেতে হলে ৬/৭শ খাড়া খাড়া সিঁড়ি ভাঙতেই হবে।

টাওয়ারের একদিকটাতে দিগন্ত প্রসারী অণ্টারিও হৃদ, অল্প দিকে সুবৃহৎ রেলওয়ে স্টেশন। রেলের উড়ালপুলের উপর দিয়ে গিয়ে তবে টাওয়ারের নীচের একতলা বাঁধান বেদীতে (Plaza) ঢুকতে হয়।

ওখানে পৌঁছে টিকিট কেনা হলে আমরা চাঁদুর সঙ্গে (Elevator) এলিভেটরে উঠলাম। এলিভেটর আমাদের সিঁথে স্কাইপড ইনডোর-অবজারভেশন লেভেল (Skyped Indoor obzervation level) এ পৌঁছে দিল। এর ভেতরে ৪টা ভিন্ন ভিন্ন শুনবার বিভাগ (listening Zone) রয়েছে। ওখানে ওয়াণ্ড (Wand) অর্থাৎ টেলিফোনের মত

একটা যন্ত্র কানে লাগালে ৪টা আলাদা আলাদা বিভাগে কি কি দ্রষ্টব্য রয়েছে তার বর্ণনা, ইতিহাস ইত্যাদি শুনতে পাওয়া যায়। ইংরেজী ও ফরাসী উভয় ভাষাতেই এই বক্তৃতা বিভিন্ন সময়ে হয়ে থাকে।

১নং বিভাগে রয়েছে এই শহরের বিশিষ্ট এলাকা :—সেখানে বিশাল বিশাল বহুতল বিশিষ্ট সৌধ, প্রসিদ্ধ অফিস হোটেল প্রভৃতির অবস্থান। উপর থেকে দেখলে মনে হয় বুঝি খেলার বাড়ীঘর,—দেশলাই এর বাস্তব দিয়ে তৈরী। শহর আদিগন্ত বিস্তৃত। সন্ধ্যার পর শহরে আলো জ্বলে উঠলে মনে হয়—শহরে যেন দীপাঘিতা উৎসব চলেছে।

২নং বিভাগে গগনচুম্বী অটালিকারা অনুপস্থিত ;—শহরের এই মধ্যবিত্ত অঞ্চলের এই দিগন্তপ্রসারী ইষ্টকারণ্যকে রাত্রের আলোর বন্যায় প্রসাধিতা নাগরীর মত লাগছিল।

৩ নম্বর বিভাগে রয়েছে বন্দর, ডকইয়ার্ড, আর ভ্রমণ বিলাসীদের নোঙর করা অসংখ্য পালের নৌকা। দূরে হ্রদের এক প্রান্তে দেখা যাচ্ছে একটা ঘরোয়া ছোট বিমান বন্দর ; তাতে অন্ততঃ ৫০/৬০ খানা এক ইঞ্জিন বিশিষ্ট বিমান দাঁড়িয়ে আছে ; কয়েকটি আকাশে উড়বার জন্য রানওয়েতে দৌড়াচ্ছে, কয়েকখানা নামবার উপক্রম করছে আর বেশ কয়েকটি হ্রদের উপরে সামুদ্রিক পক্ষীদের সঙ্গে পাল্লা দিয়ে আকাশে উড়ে বেড়াচ্ছে। এগুলি নাকি এখানকার ধনী ব্যবসায়ী বা খামারের মালিকদের ব্যক্তিগত সম্পত্তি। সৌখিন আকাশ-ভ্রমণে এদের অপরিসমীম আগ্রহ। দূরে দেখা যাচ্ছে—অন্টারিও হ্রদের নিস্তরঙ্গ জলরাশির আদিগন্ত বিস্তার পড়ন্ত রোদ্রে ঝলমল করছে। আর এক দিকটাতে টরেন্টো রেলষ্টেশানের সর্পিলাকৃতির রেল লাইনের অগণিত রেখা, আর তাতে দাঁড়িয়ে থাকা শত শত রেলের বগি।


৪ নম্বর বিভাগে রয়েছে ২ নম্বর ও ৩ নম্বরের সহাবস্থান ; কিছুটা অটালিকা কণ্টকিত নগরী, কিছুটা অন্টারিও হ্রদ ও তার আশপাশের শহরের হাট বাজার, দোকানপাট সমৃদ্ধ ব্যবসায়ী সম্প্রদায়ের এলাকা বা ডাউন টাউন অঞ্চল।

এসব দৃশ্য ‘অডিটোর অবজারভেশান লেভেল’ থেকে আরও ভাল দেখা যায় বলে আমরা অতঃপর সেখানেই গেলাম।

আমরা যেখানে দাঁড়িয়েছি তার উপরেও বেশ কয়েকটি তলা রয়েছে। আমাদের ঠিক উপরে রয়েছে “স্পার্কল্‌স ক্লাব”—গদা মেরে না হোক কান মুচড়িয়ে বিলাসীদের কাছ থেকে অর্থ নিংড়ে নেবার যন্ত্র বিশেষ। তার উপরের তলায় রয়েছে ঘূর্ণমান ভোজনালয়;—এটাই নাকি পৃথিবীর উচ্চতম ঘূর্ণমান ভোজনালয়। ভোজনালয়ের ছ’টি বিশেষণই সার্থক, উচ্চতায়ও বটে আবার ভোজ্যদ্রব্যের দাম শুনলে ম’থাও ঘুরে যায়। উচ্চতম না হলেও সুউচ্চ স্থানু ভোজনালয় আমাদের বেঙ্গালোরে ছিল। শুনেছি সেটা নাকি ভেঙ্গে গেছে। বোম্বেতেও একটি শে উঁচু ঘূর্ণমান ভোজনালয় রয়েছে, তবে উচ্চতায় এটাই সর্বশ্রেষ্ঠ। এর উপরের তলায় রয়েছে বেতার, দূরদর্শন প্রভৃতি প্রেরণের যন্ত্রপাতি এবং তারও উপরে রয়েছে ‘স্পেসডেক’, সেটা আবার সর্বসাধারণের পক্ষে অগম্য। স্তম্ভ শীর্ষে ত আরও উঁচুতে, মাটি থেকে ১৮১৫ ফিট উঠে।

যাক—আলোকমালায় সজ্জিতা টরেন্টো নগরীর অসামান্য রূপ উর্দ্ধলোক থেকে দর্শনান্তে ভূপৃষ্ঠের জীব যথাস্থানে ফিরে এলাম।

যথাসময়ে টাওয়ার গাড়ীতে চড়ে তার বাড়ীতে ফিরে এলাম সবাই। অতঃপর কিঞ্চিৎ আলাপ আলোচনা, কাল বিকেলে নায়েগ্রা দর্শনের কর্মসূচী ঠিক করা, নৈশাহার, ইত্যাদি শেষ হলে এক সময় কন্বলের তলায় ঢুক পড়লাম। আজ ত নাসিকা গর্জনের পালা শেষ হোক, নায়েগ্রা গর্জনে শোনা কালের ক্ষণ হোলা থাক।



[নায়েগ্রা প্রপাত দর্শন]

টরেন্টো, ক্যানডা

আজ ঘুম ভেঙ্গেই মনে হল—আজ বিকেলে চাঁদু আমাদের বিখ্যাত নায়েগ্রা প্রপাত দেখিয়ে আনবে।

চাঁদু একটু সকাল সকাল অফিস থেকে ফিরল সে দিন। বিকেলে তিনটা নাগাদ আমাদের নায়েগ্রা অভিসার শুরু হল ;—সঙ্গে রাগু বিস্তর ভোজ্য পানীয় দিয়ে দিল। গাড়ী শহরের ভিতর দিয়ে যাচ্ছে ;—রাস্তায় বেজায় ভিড়,—ঘণ্টা খানেক লেগে গেল ‘ট্র্যাফিক্ জ্যাম’ এর নাগপাশ থেকে মুক্তি পেতে। রাস্তার দু’পাশে স্তব্ধ সজ্জা সমুদ্রের ঢেউ। কোথাও বা শ্রাম শ্রমক্ষেত্র, কোথাও বা তৃণময় প্রান্তর, গাছপালা ছবির মত সুন্দর বাড়ী ঘর। পৃথিবীর একটা বিশিষ্ট অত্যাশ্চর্য্য দৃশ্য দেখতে যাচ্ছি ; তাই সবার মনে একটা চাপা উদ্বেজন।

চলন্ত গাড়ী থেকে রাস্তার নামটা এক বলকে দেখে নিয়ে কনিষ্ঠ শ্রমিককে বললাম—“ওহে চাঁদু ! বরাবর ত রাজপথই তোমার পছন্দ ; হঠাৎ রাণীর প্রতি টান কেন ?” চাঁদু বলল—“তার মানে ?” উত্তরে বললাম—“পড়েই দেখনা রাস্তার নামটা ; এটা কি কুইন এলিজাবেথ-ওয়ে নয় ?” হেসে চাঁদু বলল—“উপায় নেই, হয় রাণী নয় হয়রাণি ; অন্য পথে গেলে অনেক ঘুরপথ।”

আমাদের রাস্তা অন্টারিও হ্রদের পাশ দিয়ে সিধে নায়েগ্রা জলপ্রপাতের কাছে পৌঁছে যাবে। প্রকৃতির শাস্ত সমাহিত সৌন্দর্য্য উপভোগ করতে করতে যাচ্ছি ;—করীপৃষ্ঠবৎ গড়ান তৃণময় হরিৎ প্রান্তর, বার্চ, মেপল, ওক, পাইন প্রভৃতি গাছের আড়ালে নানাবর্ণের সুন্দর সুন্দর

ঘরবাড়ী, ঝকঝকে রাস্তার দু'পাশের সবুজ ঘাসে নানা রঙের বন-কুসুম,
—আকাশের ঘন নীলে সাদা মেঘের আলপনা।

একটু পরেই একটা একটানা সহস্রমেঘগজ্জ'নবৎ ধ্বনি কানে এল।
চাঁহু বল্ল—“এটাই নায়েগ্রার গজ্জ'ন।” নায়েগ্রা তাহলে সত্যি ভীম-
গজ্জ'না। দেখতে দেখতে আমরা গন্তব্য স্থানে পৌঁছে গেলাম।

কিছুক্ষণ পর চাঁহু একটা ভাল জায়গা দেখে গাড়ী দাঁড় করাল।
কী সুন্দর জায়গা! একদিকে পাহাড়ের গায়ে চিরহরিৎ পাইনের বন;
তার ঠিক নীচেই জমি চালু হতে হতে রাস্তায় এসে মিশেছে। রাস্তার
ও পাশেই নায়েগ্রা প্রপাত,—মাঝখানে একটা বাড়ীর ব্যবধান মাত্র।
এই সুন্দর জায়গাটা একটা ছোট খাট পার্কই বটে। ঢালু সবুজ মাঠে
২/১ টা পাইন, মাঝে মাঝে বসবার জন্য কাঠের টেবিল ও বেঞ্চ আস্ত
গাছের কাণ্ড চিরে তৈরী, ৩০/৪০ গজ অন্তর নোংরা ফেলার জন্য
চাকনা দেওয়া ড্রাম। হাত মুখ ধুয়ে পরিস্কার পরিচ্ছন্ন হয়ে চা টা
খেয়ে সবাই চালা হয়ে নিলাম। তারপর কাঁধে ক্যামেরা ঝুলিয়ে আমরা
চাঁহুর পেছনে পেছনে চল্লাম।

দূর থেকেই দেখতে পাচ্ছি উন্মীমালা উথিত শিকর নিকর মেঘের
মত উপরে উঠে যাচ্ছে,—আর কখনো বা হাওয়ায় ভেসে এসে আমাদের
কিঞ্চিং সিক্ত করে দিচ্ছে। জলপ্রপাতের কাছে গিয়ে দেখলাম—একটা
বিরাট নদীর আত্মহত্যা;—সহসা সমতল ছেড়ে অকস্মাৎ ১৬০ ফিট
নীচের গভীর খাদে মরণ-ঝাঁপ দিচ্ছে, চূর্ণীভূত জলধারা উথিত জলকণা
মেঘের মত উপরে উঠছে, তার উপর সূর্য্যকিরণ প্রতিফলিত হয়ে এক
বিরাট সাতরঙ্গা রামধনু প্রপাতের এপাশ থেকে ওপাশ পর্য্যন্ত বিস্তৃত।
কী অপূর্ব! বিস্ময়ে বিমূঢ় হয়ে যাবার মত দৃশ্যই বটে। সাধে কি
আর এখানে সারা পৃথিবী উজাড় করে দর্শনার্থীরা এসে ভিড় জমায়!

নায়েগ্রার আবার ‘হিন্দুস্থান’ ‘পাকিস্তান’ আছে। একটা অংশ
আমেরিকায়,—সেটা ছোট; আর বড় অংশটা ক্যানেডায়। একমাত্র
ক্যানেডার নায়েগ্রা দেখতেই বছরে ১ কোটি ২০ লক্ষ লোক নাকি

আসে। আর ফটো তোলার হিড়িকে পৃথিবীর মধ্যে সবচেয়ে বেশী কোডাক ফিল্মের বিক্রী হয় এখানেই।

নায়েগ্রা প্রপাতের দুই অংশের কথাটা একটু বিশদভাবে বলছি। যে অংশটা আমেরিকার ভাগে পড়েছে সেটা অপেক্ষাকৃত ছোট; আর বোড়ার খুরের আকার বিশিষ্ট মুখ্য অংশটা পড়েছে ক্যানেডাতে। এই দুই অংশের মধ্যে প্রভেদ বিস্তর।

আমেরিকা আর ক্যানেডার মধ্যে রয়েছে পাঁচটি সাগর সদৃশ মিষ্টি-জলের বিরাট বিরাট হ্রদ। তারা পরস্পরের সঙ্গে ছোট ছোট প্রণালী দিয়ে যুক্ত!

লেক সুপিরিয়র আর লেক হিউরন মিশেছে স্মা স্ট্রী মেরী (saultst Mary)-র কাছে। হ্রদ দুটি আবার এক সমতলে নয়; তাই জাহাজ চলাচলের জন্য লক (Lock)-এর ব্যবস্থা রয়েছে। তার সামান্য দক্ষিণে লেক হিউরন একটা ছোট প্রণালী দিয়ে লেক মিশিগানে এসে মিশেছে। লেক হিউরনের জল আবার ডেট্রোয়েটের কাছে লেক ইরিতে পড়ছে। বাকী রইল লেক অন্টারিও। তার সমতল আবার লেক ইরির সমতল থেকে অনেকটা নীচে। একটা ৫৬ কিলোমিটার লম্বা প্রণালী দিয়ে লেক ইরির জল এসে পড়েছে অন্টারিও হ্রদে। এই প্রণালীটির নামই হল নায়েগ্রা নদী, ওরা বলে ‘নায়গারা’। খুব ছোট নদী হলেও এটাই পৃথিবীর মধ্যে ক্ষিপ্ৰতম নদী, গতিবেগ ঘণ্টায় ৪৮ কিলোমিটার। সামান্য ঢালু পাথুরে জমির উপর দিয়ে নাচতে নাচতে যেতে যেতে এই ফেনশুভ্রা হাস্যময়ী চটুল নদী হঠাৎ ১৭০ ফিট নীচে মরণঝাঁপ দিচ্ছে। এই মরণ ঝাঁপটাই হল নায়েগ্রা জলপ্রপাত।

প্রয়াগ না হলেও এই প্রপাতটি ত্রিবেণীই বটে। ‘গোট দ্বীপ’ গোটা নায়েগ্রা নদীকে দ্বিধা-বিভক্ত করেছে। একটা গেছে আমেরিকায়; সেটিও আবার দ্বিধাবিভক্ত;—আর একটা অংশ গেছে ক্যানেডাতে। বলা বাহুল্য এই নদীর দুই তীরে দুই দেশ। আমেরিকার অংশটি দ্বিধা বিভক্ত হলেও চওড়াতে অনেক কম;—তাই চমকপ্রদ ও

অপেক্ষাকৃত কম ;—উচ্চতায় ১৭০ ফিট অর্থাৎ ক্যানেডার অংশটা থেকে উচ্চতায় ১০ ফিট বেশী, কিন্তু চওড়াতে মাত্র ১০০ ফিট। তার উপর ১৯৫৪ খৃষ্টাব্দে পাথরের ধ্বস পড়ে নীচের অংশে পাথরের চাঁই জমে থাকায় আমেরিকার অন্তর্গত নায়েগ্রার দর্শনীয়তার অনেক ক্ষতি হয়েছে।

ক্যানেডার নায়েগ্রা দেখতে অনেকটা ঘোড়ার খুরের মত ; উচ্চতায় ১৬০ ফিট। দশ ফিট খাটো হলে কি হবে, চওড়ায় ২০০০ ফিট ; তাই চিত্তাকর্ষকও অনেক বেশী ! তার নীলাভ সবুজ বিশাল জলধারা হঠাৎ ছমড়ি খেয়ে ১৬০ ফিট নীচে ঝাঁপিয়ে পড়ে এক আশ্চর্য্য দৃশ্যের অবতারণা করেছে। বহু নিম্নের কঠিন শিলারাশিতে চূর্ণীভূত জলধারা উথিত জলকণার স্থানুকল্প মেঘ উর্দ্ধে ছড়িয়ে আছে। তাতে সূর্য্যকিরণ পড়ে যেন এপার থেকে ওপারে এক সপ্তবর্ণসমৃদ্ধ ইন্দ্রধনুর সেতু তৈরী হয়েছে। বাত্যাবিভাঙিত উর্দ্ধোথিত জলকণা কখনো কখনো ১৬০ ফিট উর্দ্ধে দণ্ডায়মান দর্শকবৃন্দকে ভিজিয়ে দিচ্ছিল। অশুগামী সূর্য্যের আলোকে এক অপূর্ব দৃশ্য চোখের সার্মনে প্রসারিত। বহু দর্শকের মত আমরাও বেশ কয়েকটি ছবি তুলে রাখলাম ; মনে ত রইলই, তবুও থাক না কাগজে মুদ্রিত হয়ে এই অপূর্ব অভিজ্ঞতার স্মৃতি অক্ষয় হয়ে ভবিষ্যতের জন্ত।

আগেই বলেছি—রেড ইণ্ডিয়ানরা নায়েগ্রাকে বলে ‘নায়গারা’। কেন জান ? ওদের ভাষায় এর মানে সহস্র মেঘের গজ্জন ; এ প্রপাত সার্থকনামাই বটে !

সহস্রমেঘনাদী হলেও শীতকালে নায়েগ্রা একেবারে মুক—অফিসের জাঁদরেল বড়বাবু ঘরে এসে মুখরা স্ত্রীর কাছে যেমনটি। কারণ এখানকার তাপাঙ্ক তখন শূণ্য ডিগ্রির অনেক নীচে, সমস্ত জল প্রপাতটাই তখন জমে বরফ। ইঞ্জিনিয়ারদের কাছে টুকিটাকি মেরামতের জন্ত আবার সেটাই সুবর্ণ সুযোগ। কত সেতু, কত বাঁধ, কত কলকজা ইত্যাদি এখানে।

এখানে একরকম ট্রামের মত ছোট্ট গাড়ী আছে, পাহাড়ের খাড়া সাহুদেশ বেয়ে ঘাতীদের পাহাড়ের উপরে নিয়ে যায় ; সেখান থেকে প্রপাতটি দেখতে নাকি ভারী সুন্দর। আবার সুড়ঙ্গ কেটে পাহাড়ের ভিতরে নিয়ে যাবার ব্যবস্থাও আছে। সেখান থেকে পাটাতনে দাঁড়িয়ে দেখা যায়—নায়েগ্রার ধারা ছুঁদাস্ত গতিতে নীচে ঝাঁপিয়ে পড়ছে—আর সফেন উন্মিমালা উদ্ভিত জলকণা যেন মেঘ হয়ে উপরে উঠে যাচ্ছে। সেখানে দাঁড়ালে ভিজ়ে যাবার হাত থেকে বাঁচার জন্ত বর্ষাতি পরে দেখতে হয়। আবার প্রপাতের ঠিক পেছনে দাঁড়িয়ে দেখার জন্তও পাহাড়ে সুড়ঙ্গ কেটে ব্যবস্থা করা হয়েছে। আবার এতেও যদি কেউ সম্পূর্ণ পরিতৃপ্ত না হন, তবে তার জন্তও লঞ্চে ব্যবস্থা মজুদ। লঞ্চে চড়ে প্রপাতের ঠিক সামনে পর্যাস্ত যাওয়া যায় ; জলকণার মেঘে দৃষ্টি তখন ঝাপসা,—পায়ের তলায় জল যেন টগবগ করে ফুটছে, আর উৎক্ষিপ্ত জলকণায় মুখ ঢোখ বসনভূষণ সিক্ত। এর জন্ত যে বিশেষ লঞ্চটি রয়েছে তার নামটাও কবিত্বপূর্ণ এবং মিষ্টি—“মেইড অফ দি মিষ্ট”। তবে এসবই বেশ ভাল রকম দক্ষিণার বিনিময়ে প্রাপ্য ;—‘নাফা’ কি করে উঠাতে হয়—এ বিচার এঁরা বিশ্বের বিশ্বয়।

শাতকালে যখন নায়েগ্রা জমে যায়—তখন নাকি তার উপর নানা বর্ণের আলোকসম্পাত করে এক সৌন্দর্যের ইল্লজাল সৃষ্টি করা হয়। সে দৃশ্য দেখার জন্ত ছুঁদাস্ত শীত তুচ্ছ করেও অগণিত লোকের ভিড় হয়।

বিখ্যাত নায়েগ্রা প্রপাত প্রাণ ভরে দেখলাম। কিরকম লাগল ? তা হলে চার্লস ডিকেন্সের মুখ থেকেই সেটা শোনা যাক। ১৮৪২ খৃষ্টাব্দে তাঁর লেখা থেকে উদ্ধৃতি দিচ্ছি :—

“It was not until I came to Table Rock and looked, Great Heaven. On what a fall of bright green water, that it came upon me in its full might and majesty……Niagara was atonce stamped on my heart.”

অর্থাৎ—“টেবিল রকে এসে উজ্জল সবুজ জলধারার এই জল প্রপাতটি চোখে পড়ার আগে—হায় ভগবান! আমার কি কোনো ধারণা ছিল যে এই প্রপাতটি কতটা শক্তিমত্তা আর রাজকীয় মহিমায় পূর্ণ।……সেই মুহূর্তেই নায়েগ্রো আমার হৃদয়ে চিরদিনের মত অঙ্কিত হয়ে রইল।”

সব কিছুই শেষ আছে,—আমাদের নায়েগ্রো দেখাও শেষ হল এক সময়। বিশ্বের বিস্ময় নায়েগ্রো প্রপাত দেখার উদগ্র বাসনা অশেষবেদ, এতদিনে সে কৌতূহলের নিবৃত্তি হল।

অনিচ্ছুক চরণে সবাই এসে গাড়ীতে বসলাম এবং যথাসময়ে আলোকোজ্জল টরেন্টোনগরীতে প্রত্যাবর্তন করা হল।

কাল সকালে আবার দাঁড়র সঙ্গে এখানকার একটা বিশিষ্ট আর্ট-গ্যালারী দেখতে যাব। সেখানকার সংগ্রহশালায় স্থানীয় আদিবাসী ইণ্ডিয়ানদের নানা শিল্পকর্ম, নিত্যব্যবহার্য দ্রব্যাদি এবং আঁকা ছবি বিস্তর। সেই সঙ্গে রয়েছে ‘সপ্ত শিল্পী গোষ্ঠী’র (Group of seven) আঁকা অটেল ছবি।

এদের একজন নৈসর্গিক দৃশ্য আঁকার জন্য তুষারপাত, ঝড়ঝঞ্ঝা অগ্রাহ করে ক্যানেডার বনাঞ্চলের সৌন্দর্য্যকে চিত্রপটে ধরে রাখার জন্য বহুদিন নির্জ্জন বনে বাস করেছিলেন। বহুদিন কেউ তাঁর খোঁজ পায় নি অবশেষে একদিন জঙ্গলের এক ভগ্ন তাঁবুতে আবিষ্কৃত হল তাঁর সমাপ্ত অসমাপ্ত বহু ছবি এবং সেই সঙ্গে তাঁর মৃতদেহের অবশিষ্ট কিছু কঙ্কাল।

অধুনা বহু গুণগ্রাসী ব্যক্তির আগ্রহে এক আর্ট গ্যালারী স্থাপিত করে সেখানে সেই সব ছবি রাখা হয়েছে।

এসব শুনে শুনে যাবার আগ্রহ ত হবারই কথা। তাই কালকের অভিযানে প্রস্তুতির তাগিদে তাড়াতাড়ি ঘুমতে গেলাম সবাই, চোখে তখনো নায়েগ্রাদর্শনের ঘোর লেগে আছে।



[ক্যানেডার ম্যাক মাইকেল শিল্প সংগ্রহশালা]

টরেন্টো, ক্যানেডা,

সকালে ঘুম ভাঙল ছবি দেখার আগিদ নিয়ে। সবাই যথাসম্ভব তাড়াতাড়ি প্রস্তুত হয়ে চা-নাগাদ বেরিয়ে পড়লাম। আজ আমাদের দ্রষ্টব্য “দি ম্যাক মাইকেল ক্যানেডিয়ান কালেকসন্”।

মণ্ড শিল্পীগোষ্ঠীর আঁকা প্রতিকৃতি, ক্যানেডার দৃশ্যাবলী ও অস্বাভাবিক এই সংগ্রহের বড় আকর্ষণ। তবে স্থানীয় আদিবাসী রেড ইণ্ডিয়ানদের নানা গোষ্ঠীর শিল্পকর্মের সংগ্রহও এঁদের সুপ্রচুর। এঁদের আঁকা ছবি, পোষাক, আসবাব পত্র, নিত্যকার গৃহকর্মের নানা সরঞ্জাম, লোকশিল্প, এবং তার সঙ্গে রয়েছে আধুনিক শিক্ষাপ্রাপ্ত আদিবাসী শিল্পীদের অভিনব পদ্ধতিতে আঁকা ছবি ও ভাস্কর্য। তাঁরা পুরাতনকে নূতন ভাবে রূপায়িত করতে প্রয়াসী ;

উড়ালপুলের পর উড়ালপুল পার হয়ে আমাদের ঘাটী ক্যানেডিয়ান ক্রাশানেল টাওয়ারের পাশ দিয়ে চলেছে। তঠাৎ গাড়ী বাঁক নিয়ে একটা অপেক্ষাকৃত ছোট রাস্তা দিয়ে চলতে লাগল। কিছুক্ষণ পরেই দেখলাম একটা ছোট বিমান বন্দরের পাশ দিয়ে যাচ্ছি। তাতে ৬০/৭০ টা এক ইঞ্জিনের বিমান দাঁড়িয়ে আছে। এসব বিমান নাকি এখানকার খামারের মালিকদের নিজস্ব সম্পত্তি। খুব বড়লোক এরা ; অনেকের শুধু গাড়ী ঘর, নিজস্ব বিমানও রয়েছে। এর একটা বড় কারণ অটেল জমি, তুলনায় লোক সংখ্যা যৎসামান্য। পঞ্চবার্ষিকীর পর পঞ্চবার্ষিকী পরিকল্পনা সত্ত্বেও সবই কল্পনাই থেকে যাচ্ছে ; আমাদের কোনো সমস্তার যে সমাধান হচ্ছেনা-তার একটা মস্ত বড় কারণ ক্রমবর্ধমান জনসংখ্যার চাপ। শুধু মধ্যবিত্তদের মধ্যে ‘পরিবার

পরিকল্পনা'র চেতনা জাগ্রত হয়না ;—জাতিধর্ম নির্বেশেষে সমাজের' সর্বস্তরের মানুষের মধ্যে-এ চেতনা পূর্ণজাগ্রত না হওয়ায় বরং গড়পড়-তার বুদ্ধিবৃত্তির মান নীচের দিকেই নামছে। যাক—আরাম কেদারায় শুয়ে দেশোদ্ধারে আর কাজ নেই ;—আবার ম্যাক মাইকেল 'ক্যানেডিয়ান কলেকশান'এর বিষয়েই মনোনিবেশ করা যাক।

আমরা ত যাব শিল্পসংগ্রহশালা দেখতে; তবে রাস্তা যে বনের ভিতর দিয়ে যাচ্ছে! ছ'ধারে বনরক্ষের জেগী; রাস্তার ছ'ধারে অযত্ন বর্ধিত তৃণ আর পুষ্প,—গাছের ফাঁকে ফাঁকে সুদূর বিস্তৃত তৃণভূমি কখনো কখনো দেখতে পাচ্ছি। কিন্তু লোকালয় কোথায়? ক্রমে জঙ্গলের ভিতরে ছ'চারটা' লগ হাউস' চোখে পড়ছে। এক সময় ঘুরতে ঘুরতে টাঁছর গাড়ী একটা সুন্দর গ্রামা বাগান বাড়ীর পাশে এশে দাঁড়াল। টাঁছর পেছনে পেছনে আমরাও নেমে পড়লাম। আশে পাশের যে কয়েকটি বাড়ী দেখতে পাচ্ছি সেগুলিও লগ কেবিন, বাইরে থেকে দেখলে মোটা মোটা আধখানা করে চেরা গাছের গুড়ি পরপর সাজিয়ে দেয়াল হলে কি হবে—ভিতরে আধুনিকতম সরঞ্জাম—যথা ঘর গরম রাখার জন্তু বৈদ্যুতিক ব্যবস্থা, ফ্রিজ, রেডিও রঙ্গিন দূরদর্শন যন্ত্র, টেলিফোন, রান্নার গ্যাস, চুল্লি, ঠাণ্ডা ও গরম জলের ব্যবস্থা সমন্বিত অত্যাধুনিক স্নান তথা শৌচাগার—কি আছে আর কি নেই!

এখানে এখন বসন্ত কাল,—ফুলের দিন ঘাসের গালিচায় মোড়া আজিনায় অভ্রঙ্গ রঙ্গিন ফুল,—কেয়ারী করা বাগানে লাল, নীল, বেগুনি, হলদে—নানা রঙ্গের ফুলের মেলা,—তবে গন্ধবিহীন। এখানকার কাননও তেমনি কৃজনহীন। সামনে একটা ছানা শুদ্ধ ভালুক,—না না ভয়ের কিছু নেই; জীবন্ত নয়—প্রস্তর মূর্তি মাত্র—পাথরে খোদাই মোটা কাজ, কিন্তু পাকা হাতের কাজ।

ভিতরে ঢুকে টিকিট কেনা হল ;—শিশুদের বেলা মাপ আর বৃদ্ধ-বৃদ্ধাদের বেলা অর্ধ, ভালই ব্যবস্থা বলতে হবে, বার্কক্য ত দ্বিতীয় শ্রেণি। আজ একপাল শিশুসহ এক শিক্ষিকা এবং বেশ কিছু ছাত্র-

ছাত্রী সহ এক অধ্যাপিকা আমাদের একই সঙ্গে এসেছেন এই শিল্পসংগ্রহ-
দেখতে। চাঁদুই আমাদের প্রদর্শক; তাকে অনুসরণ করে প্রথমেই
গেলাম সপ্ত শিল্পী গোপীর চিত্রকলা দেখতে।

বিভিন্ন ধরনের ছবি এঁরা এঁকেছেন,—প্রতিকৃতির সংখ্যা কম না
হলেও ক্যানভাসের নানা অঞ্চলের প্রাকৃতিক দৃশ্যই বেশী। কোথাও
মেরু-অঞ্চলের বরফে ঢাকা পাহাড় ধাপে ধাপে নেমে এসে বরফাবৃত সমুদ্রে
অবগাহন করছে;—কোথাও বা বরফাবৃত সমুদ্র আকাশে বজ্রগর্ভ মেঘ,
কোথাও বা নিম্পত্র রিক্ত বৃক্ষশাখা বরফে ঢাকা জমিতে আকাশের দিকে
মাথা তুলে দাঁড়িয়ে। কোথাও বা গভীর জঙ্গল, বরফগলা উপল্যখিত
ক্ষুদ্র স্রোতস্বিনী, কচি কিশলয়ে ভরা বৃক্ষশ্রেণী, বলিলাঙ্কিত বৃদ্ধ ঐক
আর কৃষ্ণাভ হরিৎ পাইনের অরণ্য;—তার মধ্যে ক্যানভাসের সুপ্রসিদ্ধ
হরিৎ যুথ। কোথাও রয়েছে চোখ ধাঁধান রঙে আঁকা ফল (fall)-এর
অরণ্যানী। অক্টোবরে এখানকার বনভূমি নাকি রঙের নেশায় পাগল,
পাতা ঝরার পূর্বে, গাছে গাছে পাতাদের রং বদলাবার হিড়িক নাকি
আমাদের দেশের পেশাদার রাজনৈতিক ‘আয়ারাম গরারাম’দের দল
বদলের হিড়িককেও হার মানায়।

গাছের পাতার;—বিশেষ করে মেপল গাছের পাতার গাঢ় সবুজ-
থেকে ধীরে ধীরে ফিকে হলদে সবুজ, ঈষৎ বাদামী, হলদে, জরদ, ফিকে
থেকে গাঢ়, গাঢ় থেকে গাঢ়তর গাঢ়তম লাল, বাদামী লাল রক্ত লোহিত
(Ox-blood), ঈষৎ নীলাভ লাল বা মেজেন্টা রং-এর ক্রমিক পরিবর্তন-
কেই এঁরা বলেন fall colour বা ফলের বর্ণসম্ভার। এসবের ছবি
দেখতে দেখতে মনে পড়ে যায় কাদম্বরীতে বর্ণিত বিভিন্ন প্রকার লাল
রঙের কথা। তেলরঙে আঁকা সে সব ছবি একেবারে জীবন্ত,—
বাস্তবতুল্য। দেখে খুব ভাল লাগল। আমাদের ‘ফল’-এর অরণ্য
দেখাতে পারল না বলে চাঁদুর মনে দুঃখ ছিল। তাকে বললাম-এ সব
ছবি দেখার পরও ফলের অরণ্য দেখার বাকী কিছু রইল কি।

সপ্ত শিল্পীগোষ্ঠীর আঁকা প্রতিকৃতি থেকে প্রাকৃতিক দৃশ্যই আমাকে বেশী মুগ্ধ করেছে। ক্যানেডার নদ নদী, হ্রদ, সমুদ্র পর্বত ও বনাঞ্চলের সমস্ত সৌন্দর্য্য তাঁদের তুলির টানে, রং রেখায় যেন জীবন্ত হয়ে উঠেছে। এঁদের আঁকা জলের রঙ্গে আঁকা ছবি বিরলদর্শন, তবে যে কয়টি রয়েছে—তাতে যেন পশ্চিমী ঢং-এর জল রং পদ্ধতির পূর্ণ বিকাশ। খুব ভাল লাগল এই সপ্ত শিল্পী গোষ্ঠীর ছবিগুলি।

এবার আমরা চললাম ক্যানেডার আদিম অধিবাসীদের শিল্পকলা দেখতে। এখানে রয়েছে তাদের নিত্য ব্যবহার্য্য জিনিষপত্র, নানাধরণের সরঞ্জাম, সমুদ্রে বা নদীতে মাছধরার জাল সুরু সুরু বিশেষ ধরণের নৌকা, বরফের মুল্লুকে বাস করার উপযোগী চামড়া ও হাড়ের তৈরী তাঁবু, বরফের মুল্লুকের উপযোগী জুতো, জামা, পোষাক, পরিচ্ছদ, শিকারের জাল ঢাল, বল্লম, তীর ধনুক—কত কি।

তাদের বিভিন্ন ধরণের ধর্মবিশ্বাস ও জীবনধারার ঐতিহ্যবাহী ছবিও দেখলাম অনেক;—সাবলীল রেখার প্রয়োগে কেবল মাত্র লাল ও কাল রং দিয়ে আঁকা। এদের মধ্যে কেউ কেউ আছে যারা খেত-সভ্যতার আলোকপ্রাপ্ত। তবুও নিজেদের ঐতিহ্যচ্যুত হতে তারা নারাজ। তাদের ছবিতে রয়েছে পুরাণে ধারার সামান্য রদবদল করে অসম্ভব জোরালো রেখায় প্রাচীরের নবায়ন। ‘ওজিবওয়া’ গোষ্ঠীর এই শিল্পীদের কাজ যেন প্রাচীন জীবনবোধের সঙ্গে বর্তমানের এক সেতু স্বরূপ। তাদের মতে এই সব ছবি দেখতে হয়—মন দিয়ে যতটা-ততটা চোখ দিয়ে নয়। তবেই তাদের অনুপ্রেরণার নব নব স্তর জটিল চোখে একে একে ফুটে উঠে। আমার কিন্তু মনে হল—এও এক ধরণের ‘স্যু-রিয়েল (surreal)’ ছবি।

অবশ্য এ কথা মেনেই নিচ্ছি—শিল্পকলার মূল্যায়ন তাড়াতাড়ি করা সবজ্ঞাস্তা ভ্রমণবিলাসীদের চোখ দিয়ে অসম্ভব। তবে রস সম্ভোগ কিছুটাও ত হল;—সেটা ও কি কম লাভ।

এবার প্রত্যাবর্তনের পালা। বহু ঘন সবুজ বৃক্ষ শোভিত সরণী পার হয়ে, বহু উড়াল পুল পেরিয়ে, অন্টারিও হ্রদকে আড় চোখে দেখতে দেখতে এক সময় বাড়ী ফিরলাম।

তুরন্ত টরেন্টো দর্শন এবারের মত সমাপ্ত হল। এবার উন্টোরথ ; ঘরে ফেরার পালা। চট করে আমেরিকার সীমানায় ঢুকে পড়ে তাড়াতাড়ি মিনিয়াপোলিস ফেরা সম্ভব ছিল ; কিন্তু পঞ্চহ্রদ পরিক্রমা সম্পূর্ণ করে ঘরে ফেরাই সবার ইচ্ছা ; তাতে অবশ্য পুরো দেড় দিন ক্যানেডায় অন্টারিও প্রদেশেই থাকতে হবে। তারপর ‘স্যা শ্ব্য মেরী’ পার হয়ে আমেরিকার সীমানায় ঢুকে মিশিগান ও উইস্কন্সিন্ অতিক্রম করে মিনেসোটার জমজ নগরীতে প্রত্যাবর্তন করা হবে। এই কর্মসূচীই শেষ পর্যন্ত বহাল থাকল।

কাল সকালেই টরেন্টো থেকে বিদায়ের পালা। তাই বিকেলে কোথাও না গিয়ে জিনিষ পত্র গুছিয়ে নেওয়া হল। তারপর খাওয়া ও আখেরী আড্ডা শেষ করে যখন ঘুমাতে গেলাম তখন আমাদের টরেন্টোতে শেষের রাতের শেষ রাত।



প্রত্যাবর্তন পর্ব

[হিউরন হ্রদের তীরে তীরে সঁ সঁ মেরী

ম্যানিষ্টিকে রাত্রিযাপন]

ম্যানিষ্টিক, ক্যানেডা

“আজি মোর স্বর্গ হতে বিদায়ের দিন” ;—আজ সকালেই টরেন্টো থেকে বেরিয়ে হিউরন হ্রদের পাশ দিয়ে যাবার কথা । এখনো ক্যানেডার এলাকায় পুরো দেড় দিন থাকতে হবে ; সুতরাং “বিদায় ক্যানেডা” নয় — বলছি “বিদায় অন্টারিও ! বিদায় টরেন্টো ! অনেক কিছু নিয়ে গেলাম তোমাদের কাছ থেকে যা মনের মণিকোঠায় অক্ষয় হয়ে রইল ।”

প্রবাসী ছোট ভাই এর কাছে বিদায় নিয়ে গৃহিনী ধীর পদক্ষেপে গাড়ীতে উঠে বসলেন । চাঁদ্র বেশ কয়েকটা ছবি তুলে নিয়ে স্নান মুখে হাসি এনে হাত নেড়ে বিদায় জানালে পিন্টুর গাড়ী চলতে শুরু করল ; —আমাদের প্রত্যাবর্তনের পালা শুরু হল এবার ।

টরেন্টো শহর ছাড়িয়ে আমাদের গাড়ী ৪০০ নম্বরের রাজপথ ধরে চলতে লাগল । অন্টারিও হ্রদ পূর্বেই দেখা হয়ে গিয়েছে । সেনডাস্কিতে ইরি হ্রদ রসিয়ে রসিয়ে দেখেছি । এবার যাব হিউরন হ্রদের পাশ দিয়ে ।

এখানেও আমেরিকার মত অতি চমৎকার ব্যবস্থা ; সেই একই রকম উজ্জান ভাটি দুই মোটর প্রবাহের জন্ত আলাদা আলাদা রাস্তা,—তাতে একাধিক গলি (lane), সেই একই রকম কিছু দূরে দূরে পেট্রোল পাম্প, বিজ্ঞানাগার, শৌচাগার, খাবারের জায়গা ইত্যাদি রাস্তার পাশে পাশে ।

আমাদের রাস্তার দু'পাশে নাতি আন্দোলিত মাঠ ঘাট, দিগন্ত

বিস্তৃত তৃণক্ষেত্র, ক্ষেতখামার, পাইন, মেপল, ওদের সারি ;—দূরে দূরে কৃষকদের বাড়ী। ছোট খাল বিল, ঘনজঙ্গল, নদীনালা যেতে যেতে নয়নগোচর হচ্ছে। ঘণ্টাখানেকের মধ্যে আমরা ‘সেমকো’ হ্রদের কাছে পৌঁছে গেলাম। কৃষ্ণনীল নিস্তরঙ্গজল,—হ্রদের মধ্যে ছোট ছোট কয়েকটি দ্বীপ। এটি হিউরন হ্রদের একটা ছোট খাঁড়ি। ওপারে নীলাভ



বৃক্ষশ্রেণী দেখতে পচ্ছি। নীল আকাশে সাদা মেঘের আনাগোনা। আরও ত্রিশ কিলোমিটার পার হবার পর হিউরন হ্রদের আর একটা ছোট খাঁড়ির সাক্ষাৎ মিলল। মানচিত্রখানা খুলে দেখলাম,—ধারে কাছে বহু দ্রষ্টব্য স্থান রয়েছে,—যেমন ভিক্টোরিয়া হারবার। যাবারও বিশেষ অনুবিধা নেই, ‘পোর্টসেভান’ থেকে সেখানে যাবার পাকা রাস্তা রয়েছে। ‘জর্জিয়ান বে গ্রাশনেল পার্কও কাছেই। রয়েছে ত সবই,—নেই শুধু সময়।

ও সব বৃথা চিন্তা পরিত্যাগ করে আমরা ৬২ নম্বর রাজপথ বেয়ে চলেছি। পাশে এখন জর্জিয়ান উপসাগর, রাস্তার ডান পাশে পাহাড়।

এ অঞ্চলটা অরণ্য ও খনিজ সম্পদে বেশ সমৃদ্ধ। হু'পাশের ঘন জঙ্গলে নানা জাতের গাছ,—পাইন, সিডার, বার্চ, ওক, আরও নাম-না-জানা কত কি! পাইনই বা কত বিভিন্ন রকমের! মাঝে মাঝে ছোট বড় ঝিলের মত জলা জায়গা,—তাতে লম্বা লম্বা জলজ ঘাস আর ফুল, হাঁসও কয়েকটা জায়গায় দেখতে পেলাম।

পাহাড়ের মাথায় মাথায় পাথর চূর্ণ করে জমা করে রাখা,—ধাতু গর্ত শিলাময় এসব পাহাড়। জর্জিয়ান উপসাগর এখনো আমাদের সঙ্গে পরিত্যাগ করেনি।

হিউরন হ্রদের উত্তরাংশ পড়েছে ক্যানেডায়, বাকীটা আমেরিকায়। এ হ্রদের উত্তরাংশে বহু ছোট খোট দ্বীপ রয়েছে। ককবার্ণ ও মেনিটোলিন এই দুটি দ্বীপ মিলে হিউরনকে যেন দ্বিধাবিভক্ত করেছে। উত্তরাংশের উপসাগর সদৃশ বিরাট জলরাশিকে ওরা বলে জর্জিয়ান উপসাগর। তার পাশ দিয়েই আমরা চলেছি। চোখের সামনে সাদা মেঘ আর আকাশের নীচে-সবুজ পাহাড় ও ঘন কৃষ্ণনীল বৃক্ষশ্রেণীতে আর হ্রদের নিখর জলে প্রতিবিম্বিত আকাশের রঙ মিলে—কী এক অবর্ণনীয় মায়া রাজ্য সৃষ্টি করে চলেছে। পঞ্চহ্রদ পরিক্রমা আমাদের সত্যিই সার্থক হল। এই অপরূপ মায়া রাজ্যের ভিতর দিয়ে যেতে যেতে আমরা একে একে মিডল্যান্ড, ফুটেস্বে পার হয়ে প্যারী সাউথওএ পৌঁছে গেলাম। এখানেও রয়েছে হ্রদ, আকাশ, অরণ্যানী, পাহাড়—সবুজ সুনীলে বিরচিত অপূর্ব এক স্বপ্ন। চোখ ভরে, মন ভরে, এই নয়ন বিমোহন দৃশ্য দেখতে দেখতে আমরা ক্রমে 'নবেল' 'বেরিলস্টেশান', 'ব্রিল' প্রভৃতি জনপদ পার হয়ে গেলাম। আমাদের রাস্তা ৬৯ নম্বর রাজপথ এখনো জর্জিয়ান উপসাগরের পাশ দিয়ে যাচ্ছে। কিছুক্ষণের মধ্যে 'গ্র্যাণ্ডিলেক' প্রাদেশিক পার্ক এর পাশ দিয়ে এগিয়ে 'বিগউডে' এসে পৌঁছালাম। কিন্তু নাম বিগউড হলেও বৃহৎ বনানী ত চোখে পড়ল না।

এতক্ষণে জর্জিয়ান উপসাগর অদৃশ্য হয়েছে;—যদিও গাহপালা ভেমনি সবুজ এখনো। ঢালু পাহাড়, নাতিঘন বন আর তৃণাচ্ছাদিত প্রান্তর ভেদ করে চলতে চলতে আমরা ‘সাদবুড়ি’ পৌঁছে দেখলাম—‘সাদবুড়ি’ শুনতে সাদবুড়ির কাছাকাছি হলেও সবুজ তৃণময় প্রান্তরে আর তাজা সবুজে ছোপান গাহপালায় এতটা ভরা যৌবনের স্তাব সব—মোটেশু সাদবুড়ি নয়।

অনেকক্ষণ একটানা গাড়ী চলেছে; এখন গাড়ী, তার চালক এমন কি আরোহীবর্গ—সকলেরই সাময়িক ক্রান্ত্রাম এবং খালি পনেরো প্রয়োজন। দৌহিত্রটি আজ অভ্যন্তর ভ্রমণ ব্যবহার করেছে; বিরক্তি নেই, খাওয়া দাওয়াতে আপত্তি নেই—মেনার কানিকট ঘুমিয়েও নিচ্ছে। একটা উদযুক্ত স্থানে গাড়ী থামিয়ে গাড়ীতে পেট্রোল ভরে নেওয়া হল। তারপর দত্তানিজোখ ও দৌহিত্রটিকে সঙ্গে নিয়ে সবাই মিলে একটা ভাল রেস্টোরান্টে প্রবেশ করা হল। সবাই নিজ নিজ অভিরুচি মারফত কিছু খেয়ে গিলান খুব পরিষ্কার ঘাসের ঘর ২৭ বটা ষোপহরস্ত রাখা হয় এসব জায়গা। খাওয়া দাওয়া শেষে পরিষ্কার পরিচ্ছন্ন হয়ে হয়ে সবাই মিলে গাড়ীতে পুনরাসীন হওয়া গেল।



এবার আমরা ৬৯ নম্বর ছেড়ে ১৭ নম্বর রাজপথ ধরে চলছি।
আহা! বয়সের বেলাও যদি ঠিক এমনটি করা যেত!

রাস্তার দু'পাশে অবশ্য তেমনি সবুজের সমারোহ। আশে পাশে প্রচুর ছোট খোট হুদ। ‘এপেনোলা’ ও ‘ওয়ার্ডউ’ পার হয়ে যখন

আমরা—‘মেন্সি’তে এসে পৌছালাম—দেখি সেই পুরানো মিশিগান হ্রদ আবার হাসি মুখে সামনে এসে দাঁড়িয়েছে,—নাম ভাঁড়িয়েই সে আসে;—এবারও এসেছে নূতন নামে। এখন তার নাম নাকি ‘নর্থ চ্যানেল,’। হ্রদের তীরে তীরে অজস্র গাছপালা, ঘরবাড়ী, মোটেল, চডুইভাতির জায়গা। যতই পশ্চিমে যাচ্ছি—ক্ষেত খামার বাড়ছে—আর পাহাড়ের মাথায় মাথায় কোথাও ঘনবন, কোথাও বা খনির পর খনি। এ জায়গাটা যেমন উর্বর তেমনি আরণ্যসম্পদে সমৃদ্ধ;—আবার প্রচুর তামা আর উইরেনিয়ামের খনির জন্মও এর খ্যাতি যথেষ্ট। অরণ্য ও জলাভূমি জলার ও খচর (খচ্চর নয়) প্রাণীতে পরিপূর্ণ এ জায়গাটা শিকারীদের পক্ষে নার্থক স্বপ্ন।

‘ইলিয়ট’ হ্রদকে পাশে রেখে ‘স্পেন্সি’ ও ‘এলগোমা মিলস্’ অতিক্রম করে ‘ব্লাইডরিভার’এ এসে পৌছালাম। স্যঁ সু মেরী এখনো ১৪০ কিলোমিটার দূরে।

এদিকে গাড়ীতে তেল ভরার প্রয়োজন পড়েছে এবং আমাদেরও চা খাবার। স্মৃতরাং সুবিধামত একটা জায়গায় গাড়ী থামিয়ে গাড়ীকে পেট্রোল খাওয়ান হল এবং আমরাও চা পান করে চাঙ্গা হয়ে নিলাম।

অচিরে আবার আমাদের যাত্রা শুরু হল। আজ ঠাণ্ডা কম; আবার আকাশ মেঘচ্ছন্ন বলে রৌদ্রের তীব্রতাও নেই। আজ আমরা অতি মনোরম আবহাওয়ায় অতি মনোহর দৃশ্যাবলী দেখতে দেখতে চলেছি। ক্রমে ‘গায়রণ ব্রিজ’ পার হয়ে ‘হেসালন’এ ঢুকলাম। এখানেও দৃশ্যাবলী তেমনি মনোহর। কিছুক্ষণের মধ্যেই আমরা ‘ক্রস মাইনস্’ এ এসে পড়লাম। নর্থ চ্যানেলের খাঁড়ি আমাদের পাশ দিয়ে চলেছে। এ জায়গাটাতে খনি বিশেষ দেখতে পাচ্ছি না বটে, তবে বলতেই হবে এটা প্রাকৃতিক সৌন্দর্যের খনি বিশেষ। হ্রদ এখানে নাতিবৃহৎ,—গাছ-পালা, বাড়িঘর তার ঠারে তীরে। সাজান বাগানের মত রাস্তার দুই দিক;—তাতে ঘাসের সবুজ গালিচায় রঞ্জিন বনকুসুমের কাম্মীরী কাজ। ‘ডেস্বেরেটস্’ এসে মনে হল—স্যঁ সু মেরী যেন পৌঁছে গেছি। হ্রদের

নানা কাঁড়ি এখানে সেখানে উন্মুক্তি মারছে। ক্রমে বাররিভার ও 'ইকোবে' পার হয়ে চললাম। এক পাশে রইল জর্জলেক আর সুগার আইল্যান্ড। সীমান্তবর্তী শহর এটা; একটা পুল পার হলেই আমেরিকা।

গুনেছিলাম—কনাকুমারীতে যেমন তিনসমুজের সঙ্গম, স্যাঁ শ্যুঁ মেরীতেও তেমনি তিন হ্রদের সঙ্গম। কিন্তু ঠিক তা নয়। আসলে একটা প্রণালী সুপিরিয়র হ্রদকে হিউরগ হ্রদের সঙ্গে যুক্ত করেছে। এই দু'টি হ্রদ এক সমতলে নয়; তাই জাহাজ চলাচলের জন্য 'লক'-এর ব্যবস্থা রয়েছে। পানামাতে এই রকম একাধিক লক প্রশান্ত ও আটলান্টিক মহাসাগরকে সংযুক্ত করেছে। তবে সেটা যদি হয়ে থাকে পক্ষীরাজ এটা তাহলে ছাকড়া গাড়ীর ঘোড়া। আর মিশিগান হ্রদ ও ইরি হ্রদকে সংযুক্ত করেছে 'ম্যাকিনেক' প্রণালী,—স্যাঁ শ্যুঁ মেরীর কিছুটা দক্ষিণে। যাকগে-ভৌগলিক প্রসঙ্গের ইতি এখানেই টানা যাক।

ক্যানের্ডার অন্তর্গত হ্রদগুলির পাশ ঘেঁষে ঘেঁষে বহু নয়ন নন্দন দৃশ্যাবলী দেখতে দেখতে আমরা ক্যানের্ডা আর আমেরিকার-সীমান্তবর্তী শহর স্যাঁ শ্যুঁ মেরীতে এক সময় উপনীত হলাম। ছোট্ট হলেও ছিমছাম সুন্দর শহর। হ্রদের পাড়ে পাড়ে কিছুক্ষণ ঘুরে বেড়ান হল। লোক-মুখে গুনেছিলাম এখানকার উপকূল নাকি মাছধরা নৌকায় ভরে থাকে, একটাও কিন্তু আমাদের চোখে পড়েনি। পুল পার হলেই আমেরিকা। এবার ক্যানের্ডার মায়া কাটিয়ে স্যাঁ শ্যুঁ মেরীর পুল পেরিয়ে আমেরিকার এসে ঢুকলাম। বিদায় ক্যানের্ডা! নয়ন বিমোহন তোমার অপকল্প-রূপ! দেখে ধন্য হয়েছি আমরা।

পুল পার হয়ে দক্ষিণদিকে যেই এলাম অমনি আমেরিকাতে এসে গেলাম। আর একপ্রস্তর পাসপোর্ট ও ভিসা পরীক্ষা পর্ব চলবে।

তবে এই দুই দেশের মধ্যে হস্ততা যে কতটা তা তাদের পাসপোর্ট আর ভিসা পরীক্ষা থেকেই মালুম হয়;—নামমাত্র দেখার ভান করে তারা আমাদের ছুটি দিয়ে দিল,—না বলব আমাদের আমেরিকায় পুনঃপ্রবেশকে প্রায় অভিনন্দন জানাল।

পঞ্চহুদ পরিক্রমার প্রধান পরিকল্পক পিণ্টু মানচিত্র ঘেঁটে ঠিক করে রেখেছিল—পথে ‘মানিষ্টিক’এ রাত্রি যাপন করা হবে। তাতে খুব নিকট থেকে মিশিগান হ্রদ দেখা হয়ে যাবে। সন্ধ্যা তখনো হয়নি; দেখতে দেখতে ‘নিউবেরী’ পার হয়ে “গোল্ডনিটি”তে এসে পৌছালাম। মিশিগান হ্রদের তীরবর্তী ছোট্ট একটি শহর; ‘সুবর্ণ শহর’—নাম একেবারে অসার্থক নয়—সবুজে সুনীলে আর লাল লাল ছোট ছোট বাড়ীতে সু-বর্ণ সমৃদ্ধ শহর বৈ কি এটা।

শহর পেরিয়ে অগ্রসর হবার কিছুক্ষণের মধ্যেই আমরা মানিষ্টিকের কাছাকাছি পৌঁছে গেলাম। আমরা উঠব—‘ব্রেকাস মোটেল’-এ সেটা আবার খোদ শহর থেকে দুই মাইল আগে পড়বে। গাড়ী অচিরেই মোটেলের দোর গোড়ায় এসে থামল।

ভারী সুন্দর মোটেলটির অবস্থান। এক পাশে রাস্তা,—রাস্তাটা-পার হয়ে ১০০/১২০ গজের মধ্যেই মিশিগানের টলটলে জল। মোটেলের আঙ্গিনায় সবুজ ঘাসের কার্পেট, কেয়ারা করা ফুলের বাগান-ছ’চারটা অতি সুন্দর পাইন গাছ, মন্দেরের চূড়ার মত তাদের মাথা আকাশের পটে চিত্রিত।

প্রায়-রাজকীয় এই মোটেলগুলিতে নেই কি! মোটেলের জন্ত-গ্যারেজ থেকে ঘরে ঘরে রাজস্ব দূরদর্শন যন্ত্র, ফ্রিজ, উত্তাপ নিয়ন্ত্রণ যন্ত্র, আগাগোড়া পুরু গালিচাবৃত ঘরে নরম গদিযুক্ত বহানা, কনুল, দূরভাষ যন্ত্র (telephone), রান্নাবরে বিছানা বা গ্যাস সেবিত চুল্লি, ঠাণ্ডা ও গরম জলযুক্ত স্নান-তথা-শৌচাগার, হাত মুখ ধোবার জন্ত সিন্ক (Sink), বাসনপত্র, কাপ, প্লেট, গ্লাস ঢাঁবা চেগাং, চিঠি লেখার পেন্সিল ও খাম এবং একখানা বাইবেল—যা অবশ্যই থাকবে। এই কারণেই এদেশে ভ্রাম্যমানদের লোটো কনুল বয়ে বেড়ানো হয় না। রান্না করা খাবারের কোনো ব্যবস্থা নেই এতে, তবে পাত্তের কাছে না হোক হাতের কাছে খাবার দাবার ও অল্পাল্প জিনিষপত্রের দোকান এবং পেট্রোল পাম্প থাকবেই। মোটেলের ম্যানেজারকে বলে পিণ্টু একটা ভাল দেখে কামরার ব্যবস্থা করে নিল। অতঃপর জিনিষপত্র নামান, গুছিয়ে রাখা,

সামান্য কিছু কেনা-কাটা রান্না-বাান্না এসব অবশ্যকর্তব্য কর্মের তোড়-জোড় চল্ল। একমাত্র নিকর্মা ব্যক্তি আমি দৌহিত্রটির হাত ধরে চল্লাম মিশিগানের তীরে বেড়িয়ে বেড়াতে।

রাস্তার এপাশটায় মোটেলসংলগ্ন বাগান,—তাতে বেশ কয়েকটি অতি সুন্দর পাইন গাছ, পেট্রোল পাম্প ও অগ্ন্যস্ত্র খাচ্চ পানীয়ের বিপণি ইত্যাদি। অন্য পাশে সবুজ ঘাসে ঢাকা এক ফালি মাঠ এবং তার পরেই দিগন্ত প্রসারী মিশিগানের আলো জ্বলে সন্ধ্যার ছায়া। ঢেউ প্রায় নেই—বাতাস বন্ধ, অন্ধকার অসম্পদে—আকাশ ভেঙ্গে রুষ্টি নামল বুঝি! একটু পরেই মিশিগানের ওপার ঝাপসা করে রুষ্টি নামল।

“ওপাশেতে রুষ্টি এল, ঝাপসা গাছ পালা।”।

নদীমাতৃক বাংলাদেশের এক বিষন্ন বাদল সন্ধ্যার ছবি মনে পড়ে গেল। এ পাড়েরে মেঘের মাথায় একশ’ না লোক—গুটিকয় মানিক নিশ্চয়ই জ্বলে থাকবে;—নইলে ঝরঝর বারিবর্ষণের সঙ্গে ঘন ঘন বিদ্যুৎ ফুরণ হবেই বা কেন! বড় জন থেকে বাঁচার তাগিদে মোটেলের নিরাপদ আশ্রয়ে ফিরে আসার জন্য নাতি কোলে সে দিন যে দৌড়টা দিয়ে-ছিলাম তাতে ওলিম্পিকের ১০০ মিটার দৌড়ের রেকর্ড ব্লান হয়ে যাবার কথা।

হাঁকাতে হাঁকাতে মোটেলের নিরাপদ আশ্রয়ে ফিরে এসে কাঁচের জামালার পাশে বসে রিমঝিম বর্ষণ আর ঘন ঘন বিদ্যুৎ ফুরণ উপভোগ করতে লাগলাম। ঘণ্টাখানেক অশ্রাস্ত বর্ষণান্তে আকাশ তখনকার মত থামল। ইতিমধ্যে মাতা ও কন্যার তৎপরতায় নৈশভোজের প্রস্তুতি পর্ব শেষ হয়েছে। বাচ্চাটিকে কোনো রকমে খাইয়ে দাইয়ে আমরাও নৈশাহারে বসে গেলাম।

আজ পিঙ্কু একাই ৫০০ মাইলের বেশী গাড়ী চালিয়েছে। আবার কালের জন্য ৪০০ মাইল পথ এখনো বাকী। তার বিশ্রামের খুবই প্রয়োজন। তাই অযথা বিলম্ব না করে তক্ষুনি সবাই শুয়ে পড়লাম। বাইরে তখন রিমঝিম শব্দে বরষে।

[ম্যানিষ্টিক মিশিগান উইসকনসিন মিনিয়াপোলিস]

মিনিয়াপোলিস

ঘুম ভেঙ্গে দেখি—নির্মেঘ নীলাকাশ, মিশিগানের কালো জলে আলোর ঝিকিমিকি, সন্তস্রাত গাছ পাতা পথ ঘাট সব কিছু যেন একটা খুসী খুসী ভাব। দৌহিত্র পুঙ্গব তখনো নিদ্রামগ্ন। চা খেয়ে একাই চলে গেলাম মিশিগানের তীরে ঘুরে বেড়াতে বেড়াতে একান্তে প্রকৃতি সম্ভোগ করতে। প্রকৃতি সম্ভোগটা হয়ত কিঞ্চিৎ বেশীই হয়ে গিয়েছিল। ফির এসে দেখি—সবাই প্রস্তুত, প্রস্তুত হতে বাকী কেবল আমি। নিতান্ত অপ্রস্তুত হয়ে দৌড়ে স্নানাগারে ঢুকে পড়লাম। তাড়াতাড়ি স্নানের পালা চুকিয়ে ধুমায়িত অন্নের থালায় বসে গেলাম।

যাক্—খাওয়া দাওয়া সেরে মালপত্র সমেত গাড়ীতে উঠে বসতে বসতে সেই ২৥ টা,—অবশ্য আজকের বিলম্বের জন্য আমিই দায়ী।

কাল স্যু স্যু মেরী পার হবার পর থেকেই আমরা আমেরিকার মিশিগান রাজ্যের ভিতর দিয়ে যাচ্ছিলাম। আমাদের পথ—অর্থাৎ ২ নম্বর রাজপথ এখনো মিশিগান হ্রদেরই এক অংশ—‘গ্রিনবের’ পাশ দিয়ে যাচ্ছে। নাম ‘গ্রিনবে’ হলেও জল কৃষ্ণবর্ণ। না-না সব কিছুতেই এত দোষ ধরতে নেই,—শখ করে কানা ছেলের নামগুত বাপ মা পদ্মলোচন রেখে থাকেন। তবে কি জ্ঞান—জল তার—

‘কালো—সে তা যতই কালো হোক’—তবুও তার ‘কালো হরিণ চোখে’ রূপের অন্ত নেই। তার দিগন্তবিস্তৃত জলরাশির চূর্ণ ঢেউয়ে আলোর ঝিলিক,—আকাশে সাদা মেঘের খেলা, তীরে তীরে কৃষ্ণাভ সবুজ পাইন বার্চের বন, ছোট ছোট কাঠের বাড়ী তার মাঝে

মাঝে, —জলে সাদা পাল তোলা নৌকার রাজহংসের মত স্বচ্ছন্দ জলে বিহার, আর জলের ধারে ধারে জলজ ঘাস আর ফুল ।

রাস্তার অগ্নি পাশে চবা অচবা মাঠের পর মাঠ ঢেউ তুলে দিগন্তে ধাবমান । ‘রেপিড রিভার’ পেরিয়ে আমাদের গাড়ীও Rapidly চলতে শুরু করল,—অনতিবিলম্বে ‘এস্কেনবা’র কাছে পৌঁছে গেলাম । ছোট্ট ছিমছাম সুন্দর শহর । ‘গ্রিনবে’র পাশ দিয়ে যেতে যেতে এক সময় আমরা ‘মেরিনেট্রে’ পৌঁছে গেলাম ।

দীর্ঘ সময় ধরে আমাদের এই রাস্তার সঙ্গে হৃদের মিতালী চলছে । বাঁকে বাঁকে অদৃশ্য হচ্ছে বটে, তবে তা আবার অচিরেই মুচকি হেসে সামনে এসে দাঁড়াবার জন্তাই । এ জায়গায় জলে ডাকায়, গাড়ীতে, নৌকাতে—স্বপ্নে জাগরণে কেমন যেন জড়াজড়ি ।

মেরিনেট্রে’ পার হতেই মিশিগান ছেড়ে ‘উইস্কনসিন’ রাজ্যে প্রবেশ করলাম । ‘ওকানট’তে পৌঁছাতেই মিশিগান যেন বল্ল—“বন্ধু ! ‘এথানটে’ পর্যন্তই আমার দৌড়; এখন তবে আসি ।” বহুক্ষণের পথের সাথী সুন্দরী এই হৃদের সঙ্গে এবার বিচ্ছেদ পাকাপাকি হতে চলল । মনে মনে বল্লাম—“বিদায় মিশিগান ! চোখের আড়াল হলে বটে, মনের নয় ।”

‘উইস্কনসিন’ দিয়ে যাচ্ছি—কিন্তু এক নূতন রূপে উইস্কনসিনকে এবার দেখছি । সেবার দেখেছিলাম—রাস্তার দু’পাশে পাইন বাচ্চ’ ওকের বন আর হাতির পিঠের মত ঢালু অচবা বনপুষ্পময় তৃণভূমি । এখানে দেখছি—সর্বত্রই চবা জমি,—কোথাও শস্যশ্যামল,—কোথাও শস্য কাটা হচ্ছে,—কাটাও বা হয়ে গেছে । দিগন্তবিস্তৃত খামারের জমি;—মাঝে মাঝে ২/৪টা পাইন গাছ,—হু’একটা কাঠের বাড়ী—আর আকাশ ছোঁয়া ‘সাইলো’—অর্থাৎ বাটির টুপি মাথায় পরা বিরাট গম্বুজের মত শস্যের গোলা । মাঠ ভরা ঘাস,—তাতে পাল পাল অতি হৃষ্ট পুষ্ট সাদা কালো বাদামী—নানা রংএর গরু চরছে । কদাচিৎ এদের মধ্যে ১/৪টি ঘোড়াও দেখতে পাচ্ছি । চাষীদের বাড়ীতে বাড়ীতে একাধিক গাড়ী, কলের লাজল, ফসল কাটার যন্ত্র দাঁড়িয়ে আছে ।

এক জায়গায় দেখলাম—রাস্তার পাশের এক খামার বাড়ীতে চাষীদের এক সভা বসেছে, সারাটা রাস্তা কাগজের শেবল, নিশান প্রভৃতি দিয়ে সাজান। জায়গাটাতে বহু গাড়ী দাঁড় করান। স্থানীয় কৃষকেরাই যান-বাহনের গাড়িবিধি নিয়ন্ত্রণ করছেন। কাঁচেরাট লম্বা চওড়া চেহারা! ওদের গরু আমাদের মোষের মত, ওদের চেহারা খুব রকম হলে বোনানান হত না কি? এদের বেশার ভাগ লোকের গায়েই জার্মান রক্ত। যেমন গায়ে গতরে,—তেমন খাওয়া দাওয়া, আবার তেমনই পরিশ্রম করার শক্তি। এ রাজ্য যে অটল খাদ্যশস্য, হাথ, মাখন, পনীর প্রভৃতির জন্ত এত বিখ্যাত—তা এ এদের পরিশ্রমের ফলই সম্ভব হয়েছে। মাঝে মাঝে আর এ রাজ্যকে বলে “আমেরিকার কটীর ভাণ্ডার”।

উইসকনসিনের আসল রূপ এটাই। যাবার সময় পথের দু'ধারে যে গাছের সারি দেখেছিলাম সে সবের অবস্থান নাকি যানবাহন চলাচল জন্য শব্দের প্রতিরোধ দেয়।

এদের ক্ষেত-খামার আর শস্যের প্রাচুর্য দেখতে দেখতে ‘ওয়াউসাউ’ এসে পড়লাম। এখানকার আমরা রাস্তা বদলে ২২ নম্বর রাজপথ ধরে চলেছি। ‘চিপ্পেওয়া বেল্ট’ প্রায় আমাদের রাস্তাভেঁই পড়বে, সেটা দেখায় স্থানও বটে। এ সেখানে যাবার মত দূর নেই কানসাস। ‘ইউক্লেয়ার’ পার হবার পরই পিণ্টু আবার রাস্তা পাণ্টে ৯৯ নম্বর রাজপথ ধরে চলেতে লাগল। মিনোমোনি পার হতেই দৃশ্যপটের পরিবর্তন চোখে পড়বে। এখানে হল কি মিনিয়াপোলিস প্রায় এসে পড়ল। ক্ষেতখামার এতটুকু পাশে তত নেই যত রয়েছে নাচপালা, হাসে ঢাক ঢালু জন মেটে ছাট জলাভূমি যাকে সোঁদেমাংস করে বালন ‘হুদ’। মাঝে মাঝে টিলার মাথায় মাথায় ছোট ছোট কাঠের বাড়ী। পথ এবার সঠিক কুরিয়ে এল,—‘রিভার ফল’ পার হলেই উইসকনসিনের শেষ—মিনেসোটার শুরু। অদূরে সেট পল, মাঝখানে মিসিসিপি নদী আর সেটা পার হলেই মিনিয়াপোলিস।

খোশ মেজাজে পিণ্টু গান ধরেছে হৃদয় সেটাজুই । ‘রিভারফল’
 কিছুক্ষণের মধ্যেই পার হলাম এবার আমরা সেট পলের শহরতলি
 দিয়ে যাচ্ছি । উড়ালপুলের পর উড়ালপুল পার হয়ে চললাম এবার
 মিসিসিপি পল পার হলাম । নৈশব-অনাক্রান্ত মিসিসিপির দুই
 তীরের বৃক্ষশ্রেণী যেন জননীর স্নেহ হস্তের মত প্রসারিত হয়ে তার
 ধারাকে আগলে রেখেছে । এখন আমরা মিনিয়াপোলিসের ভিতর দিয়ে
 যাচ্ছি ।


বাড়ী মন দোকান পাট পোনে ফলে পিণ্টু : বাড়ী সোজা বাড়ীর
 দিকে না গিয়ে অল্প পথ বদল যেন ! কি তাই,—বাড়ী থেকে ১৭
 দিন অন্তরস্থিত, বাড়ীর মা স্ত্রীসহ তাই বাড়ী না গিয়ে সোজা
 রাসদের দোকানে ঢুকে জরুরী জিনিষপত্র কেনাকাটা করে তবে বাড়ী
 ফেরা হল

গ্যারেজের কাছে এসে পিণ্টু তার ‘চিচিং ফাক’ যন্ত্রটা টিপতেই
 গ্যারেজের বন্ধ দরজা খুলে গেল । ব্যাস, ১৮ দিনের দীর্ঘ ভ্রমণ—প্রায়
 ৪১১৩ মাইল মোটর ভ্রমণ স্ত্রীমার কপায় আজ নির্বিঘ্নে সমাপ্ত হল ।

মিনিয়াপোলিস শহরটাকে এখনো ভাল করে দেখা হয় নি ।
 ‘সাত সমুদ্র হের নদী’ পাবের “ভেপান্তরের মাঠ” অতিক্রম করে কত
 ‘অচিন অভিনু পুরী’ কত দূর দূরান্তরের দর্শনীয় স্থান হামেসাই কত
 লোক দেখে থাকে : দোরের পাশে ঘাসের উগার শিশির কণার
 সূর্য্যকিরণের ঝলক কেউ নাকি দেখেনা ।

না—না, ভুল বোঝো না : মিনিয়াপোলিসকে আমি ভালভাবেই
 দেখব, তবে তার পূর্বে কিঞ্চিৎ বিশ্রামের প্রয়োজন—আমার এবং
 তোমার উভয়েরই ।

তাই ভবিষ্যতের কর্মসূচী ভবিষ্যতের জন্য আপাততঃ তুলে রাখলাম ।



[মিনিয়াপোলিসের হিন্দুমন্দির বিজ্ঞান সংগ্রহ শালা
 স্বয়ংক্রিয় ত্রিমাত্রিক সিনেমা]
 মিনিয়াপোলিস,

ছ'চার দিন একটানা বিশ্রামের পর চাঙ্গা হয়ে উঠলাম সবাই। মনে হতে লাগল—এবার এ শহর ও তার চার পাশটা দেখে নিলে মন্দ হয় না। শহরের আশে পাশেত বটেই, খোদ শহরেই বিস্তর ছোট বড় হুদ রয়েছে,—যা নিয়ে এদের গর্বের অন্ত নেই। আমাদের বাসস্থানের পাশেই ত ছোট-খাট একটা হুদ রয়েছে। তার চার পাশে ছোট, মাঝারি, বড়—নানা আকারের গাছপালা, মাঝ দিয়ে সরু পিচের রাস্তা,—সবুজ চূলে যেন কাল মিঁথি—মাঝে কাঠের বেঞ্চ পাতা। রাস্তার পাশের লেম্পপোষ্টগুলির ভিতরে বিজলীবাতি,—বাইরে থেকে যদিও মনে হবে—যেন বিজলীবিহীন ইয়োরোপের মধ্যযুগের ‘বন্ধবর্জিকা’। ছোট ছোট টিলার সান্নদেশে বগুঘাস ও ফুল, দেখলেই মনে হয় এ অঞ্চল একদা মূলতঃ ‘প্রেরী’ অর্থাৎ বৃহৎ বগুতৃণাকীর্ণ প্রান্তরই ছিল।

জলে লম্বা লম্বা জলজ ঘাস, তার উপর উড়ন্ত ফডিং দেশের কথা মনে করিয়ে দেয়। ছ'একটা হাঁস ও মাঝে মাঝে এসে সাঁতার অভ্যাস করে যায়। পারে ঝোপঝাড়ে অসংখ্য লাল লাল ছোট ছোট ফল ফলে আছে,—দেখলে ফুলের স্তবক বলে ভ্রম হয়। খুবই সুন্দর। সারা শহরটাই যেন সর্বক্ষণ সেক্ষে গুঞ্জে বসে আছে।

গাছপালা এরা কাটে কম ; জঙ্গল সাফ করে দিয়ে জনপদ গড়বার প্রয়োজন এদের নেই। লোক সংখ্যা এতই কম যে এত বড় শহরের শহরতলি দেখলে মনে হবে বুঝি বা জঙ্গল ! নাতি উচ্চ টিলার সংখ্যাও

নেহাৎ কম নয় সারা শহর ও শহরতলি জুড়ে। তাদের মাথায়
মাথায় বা চালুতে গাছে কঁাকে কঁাকে ছ'একটা কাঠের বাড়ী, সামনের
দিকটাতে সমস্ত বর্জিত ঘাসের গালিচাতে অসংখ্য বিবিধ বর্ণের ফুলের
মেলা।

দোকান পাট বা বড় বড় বাড়ীগুলির আশে পাশেও খুব যত্ন করে
সাজিয়ে লাগান দামী দামী বিভিন্ন জাতের পাইন ও মেপল গাছ। বড়
হোক ছোট হোক সব বাড়ীর চারদিকেই প্রচুর জায়গা; তাতে
ঘাসের লন ও ফুলের বাগান থাকবেই। মধ্য এপ্রিল থেকে সেপ্টেম্বর



পর্যন্ত এই কুসুমসম্ভার সর্বত্র। অক্টোবর মাস থেকেই এখানে
'ফল' শুরু হয় অর্থাৎ পাতা ঝরে যাবার আগে পাতার রং বদলের পালা
শুরু হয়ে যায়—বিশেষ করে মেপলের বনে বনে। চিরহরিৎ পাইনই
শুধু তার কৃষ্ণাভ সবুজ সৌন্দর্যের পশরা নিয়ে উর্বশীর মত দাঁড়িয়ে
থাকে; নইলে এখানকার বনভূমি শীতে নিঃশব্দ নিষ্পত্ত। ফল অর্থাৎ
প্রাক-পাতা ঝরার সময় হলুদ, বাদামী, পাণ্ডুর, লাল-ফিকে থেকে ঘোর
রক্ত বর্ণ মেপল গাছের পাতায় বনভূমিকে নাকি বহুমান মনে হয়।
আবার শীতে যখন বরফ পড়ে তখন বরফের ভারে পাইনের

ডালগুলি হয়ে পড়ে আর অস্থায়ী মিস্ত্রি গাছের ডাল পালায় বরফ তুলোর মত লেগে থাকে,—নীচের জমি তখন বরফে চাপা পড়ে অদৃশ্য ।

আবার মধ্য এপ্রিলে যখন বরফ গলে যায়—তখন মাটির বুকে আর গাছ পালায় সবুজের প্লাবন ; পিউনি ফুলের গাছে ডালে ডালে পাতা ও কুঁড়ির ভিড় ; ১০/১২ দিনের মধ্যেই স্থলপদ্মের মত বড় বড় ‘পিউনি’ ফুলে বাগান তখন আলো হয়ে থাকে ।

মিনিসোটাকে এরা গর্ব করে বলেন ‘দশহাজার হ্রদের দেশ’ । যে হারে পায়ে পায়ে হ্রদ বা হ্রদাণু পড়ছে—তাতে সংখ্যায় দশহাজার হওয়াটা মোটেই অসম্ভব নয় । আমাদের ‘সিডার রিজ’ এলাকায়ই ত ছোট ও মাঝারি আয়তনের বেশ কয়েকটা হ্রদ রয়েছে ।

এখন এখানে গ্রীষ্মকাল, আধার হতে হতে রাত ন’টা বেজে যায় । সচেতন আবালবৃদ্ধবনিতা এবং শৌখিন মৎস্যশিকারীদের ভিড় । হামেসাই চোখে পড়বে—মধ্য হ্রদে গিয়ে মাছ ধরবেন বলে উৎসাহী ব্যক্তিরা মোটরের পেছনে করে নৌকা বয়ে নিয়ে যাচ্ছেন । আবার সীমিত রসনে অথবা স্রোত খালি গায়ে নরনারী বালবৃদ্ধ হ্রদের তীরে তীরে দৌড়াচ্ছেন এ দৃশ্যও দেখতে পাবে । মিতাদের নতুন বাড়ী অমনি একটু হ্রদের তীরে,—নাম ‘রাইসল লেক’ যদিও ধারে কাছে ধানের সাক্ষাৎ কোথাও পেলাম না ।

এক রবিবার এখানকার বিশ্ববিদ্যালয়ের অধ্যাপক ডাঃ গান্ডলীর বাড়ীতে নিমন্ত্রণ ছিল । তাঁর বাড়ীর কাছেই এখানকার ‘হিন্দুমন্দির’ । এই সুদূর বিদেশে বিভূঁয়ে হিন্দুমন্দির । দেখবার কৌতূহল হওয়া স্বাভাবিক । তাই ঠিক হল মন্দিরটা দেখে তারপরে তাঁর বাড়ী যাব । একটা পুরাণে গির্জার কাছে এসে পিঙ্কু বল্ল—“এটাই আমাদের মন্দির ।” এই পুরাণে গির্জাটাকে কিনে নিয়ে এখানেই মন্দির প্রতিষ্ঠা করা হয়েছে ।

সবাই নেমে পড়লাম এবং দরজায় জুতো খুলে রেখে ভিতরে ঢুকে

পড়লাম। পুরানো গির্জাটির সংসামান্য পরিবর্তন করে মন্দিরের ভাব আনা হয়েছে। উপাসনার বেদীতে নানা দেব-দেবীর ছবি ও মূর্তি সাজান; শিব, দুর্গা, গণেশ, মহালক্ষী, প্রভৃতি সবাই উপস্থিত তার ঠিক নীচেই আর একটা অপেক্ষাকৃত নীচু বেদী। তাতে কার্পেট পাতা, এক পাশে একটা ‘মাইক’, হারমোনিয়াম আর এক পাশে রয়েছে নানা ধর্মগ্রন্থ। তার মধ্যে গীতা, তুলসীদাসের “রাম চরিতমানস” আর কিছু ইংরেজী বই; বাংলা বই একটিও নেই।

এবার পাশের ঘরটাকে কি আছে দেখতে গিয়ে তাড়াতাড়ি পালিয়ে এলাম; শুধানে যে বিছানা পাতা, জামা কাপড় ঝুলছে, বোধহয় যে ভদ্রলোক জায়গাটা দেখাশোনা করেন,—তঁার আস্তানা।

একটা সিঁড়ি নাচের দিকে চলে গিয়েছে দেখে সিঁড়ি বেয়ে সবাই নীচে নেমে এলাম গিয়ে দেখি—সেখানে জনা দশ ভারতীয় নরনারী প্রসাদ পাচ্ছেন। একটা জায়গায় সন্দেশ, পুত্রী, ঘি-ভাত, তরকারী, হালুয়া প্রভৃতি থরে থবে সাজান; পাশে একশুচ্ছ কাগজের প্লেট গ্লাস আর চামচ রাখা। একজন শক্তসমর্থ বুদ্ধ ভদ্রলোক আমাদের দেখতে পেয়ে এগিয়ে এসে আমাদের সাদর অভ্যর্থনা জানিয়ে প্রসাদ গ্রহণ করতে আহ্বান করলেন। সবাই মিলে প্রসাদ পেলাম।

ভদ্রলোকের সঙ্গে আলাপ জমে গেল। তিনি এখানকার প্রাচীনতম ভারতীয় বাসিন্দা; প্রায় ৩০/৩৫ বছর ধরে এখানে বসবাস করছেন। তাঁর এবং তাঁর স্ত্রীর প্রচেষ্টাতেই এই মন্দির স্থাপন সম্ভব হয়েছে। পুণের চিৎ-পবন ব্রাহ্মণ হলেও এককালে কোলকাতায় ছিলেন বলে এখনো বাংলা বেশ ভালই বলতে পারেন। কথায় কথায় প্রকাশ পেল আমরা মহারাষ্ট্রের ঔরঙ্গাবাদে বছর চার ছিলাম এবং কণ্ঠা মিতা মারাঠী ভাষায় এককালে ভালই কথাবার্তা বলতে পারত। একথা শুনে ভদ্রলোকের স্ত্রী ত পরম উৎসাহে মিতার সঙ্গে আগাগোড়াই মারাঠী ভাষায় কথা বলে গেলেন এবং মন্দিরে আবার আসার জন্য সাদর নিমন্ত্রণ জানালেন।

বিদেশে ‘হিন্দুমন্দির’ দর্শন এবং সেখানে আন্তরিক আদর আপ্যায়ন পেয়ে আমাদের খুব ভালই লেগেছিল।

এদিকে ডাঃ গাঙ্গুলীর বাড়ীতে যেতে বিলম্ব হয়ে যাচ্ছে। তাই বিদায় সম্ভাষণ জানিয়ে গাড়ীতে উঠে বসলাম।

কিছুক্ষণের মধ্যেই আমরা শহরের ‘ডাউন টাউন’ অর্থাৎ ব্যবসায় প্রধান অঞ্চলে উপস্থিত হলাম। বাড়ীঘর এখানে প্রচুর যদিও ঘিঞ্জি নয় মোটেই। রাস্তার দু’পাশে ছোট ছোট কাঠের বাড়ী।

প্রত্যেক বাড়ীর সামনেই সবুজ লন, ফুলের বাগান, সেখানে সঘনো লাগান নানা প্রজাতির দামী দামী পাইন ও মেপল গাছ। প্রতি গৃহেই গ্যারেজ; গাড়ী না থাকলে এখানে জীবন অচল। ডাক পিয়ন এখানে বাড়ী বাড়ী গিয়ে চিঠি বিলি করে না, করে গাড়ী চড়ে এবং গাড়ী থেকে না নেমে তাদের সুবিধার জন্য রাস্তার পাশে ৩/৪ ফিট উঁচু কাঠের বা লোহার দণ্ডের উপর প্রায় দুই ফিট লম্বা চিঠির বাস্ক বসান। শহরের কাগজ বিলির জঘন্য অমরূপ ব্যবস্থা। চিঠি ডাকে দিতে কোথাও যাবার দরকার নেই : চিঠির বাস্কে চিঠি রেখে ঐ বাস্কে লাগান একটা ছোট ডাঙাকে উঁচু করে রাখতে হয়। ওটা দেখেই পিয়ন বুঝতে পারে যে ডাকে দেবার চিঠি এ বাস্কে রাখা আছে এবং চিঠি বিলির সময় সে ঐসব চিঠি ডাকে দেবার জন্য নিয়ে যায়।

ডাঃ গাঙ্গুলীর বাড়ীর ছায়াঘন লনে একটা মেপল গাছের নীচে গাড়ীটা রেখে আমরা তাঁর বাড়ীতে উপস্থিত হলাম এবং অচিরে যথাযথ আপ্যায়ন শুরু হয়ে গেল। কস্তা ও জামাতার হিউস্টোনস্ এক বন্ধুর মাধ্যমে উভয় পরিবারের আলাপ এবং সেই সূত্রেই আজকের এই নিমন্ত্রণ।

সঞ্জীববাবু ঠিকই বলেছিলেন—বিদেশে বাঙ্গালীমাত্রই সজ্জন। আলাপ অচিরেই জমে গেল! ভ্রমলোকের কথায় একটু পদ্মাপাড়ের গন্ধ পেয়ে জিজ্ঞাসাই করে ফেললাম—দেশ কোথায় ছিল। ঠিক অনুমান

তঁারা পদ্মাপাড়েরই মানুষ বটে। তাঁর বাবার লেখাপড়া খেলাধুলা সব আমারই মত কুমিল্লাতেই হয়েছে। তাঁর বাবার দেয়ালে টাঙ্গান ছবি দেখেই আমার মনে হচ্ছিল—চেনা চেনা মুখ। তাঁর মামার বাড়ীও কোলকাতায়—আমাদের বাড়ীর কাছেই এবং তিনিও আমার অপরিচিত নন। আরও অবাক হলাম এই জেনে যে আমার আবাল্য সুহৃদ দার্ঘদিনের স্কুল ও কলেজের সহপাঠী সুশীল তাঁর জ্ঞাতি ভাই। আশ্চর্য্য হলাম খুব আর তেমনি আনন্দ পেলাম। এ দেশের ‘করিংকম্ভা’ ভাবটা বোধ হয় একটু ছোঁয়াচে। তাই দেখছি গাঙ্গুলী গৃহিণী ছেলে মেয়ে একটু বড় হওয়া মাত্র পড়াশুনায় লেগে গেছেন;—গণিতে ‘রিসার্চ’ করছেন এখানকার বিশ্ববিদ্যালয়ে। জেনে খুবই ভাল লাগল।

খাওয়া দাওয়ার পর এখানকার বিখ্যাত বিজ্ঞান-সংগ্রহশালা (Science Musium) দেখতে যাচ্ছি শুনে ডাঃ গাঙ্গুলী বাতলে দিলেন সেখানকার স্বয়ংক্রিয় ত্রিমাত্রিক সিনেমাটা (Omni theater) যেন অবশ্যই দেখি। যথাসময়ে বিদায় নিয়ে আমরা বিজ্ঞান-সংগ্রহ-শালার দিকে রওয়ানা হলাম এবং কিছুক্ষণের মধ্যে পৌঁছেও গেলাম।

বিরিট সৌধ,—সামনেই লোহা দিয়ে তৈরী এক বিরিট প্রাণৈতি-হাসিক গিরগিটির মত প্রাণী। ওখানে দাঁড়িয়ে খানকয় ছবি তোলা হল। টিকিট কিনে নীচের তলায় সংরক্ষিত নানা জটিল দেখতে লাগলাম। এখানে নানা জীব-জন্তুর ষ্টাফ (Stuff) করা মূর্তি, নানা মাছ ও জলজ কীটের কসিল প্রভৃতি রয়েছে। প্রত্যেক জায়গায়-নাম খাম পরিচয় বিশদভাবে দেওয়া। একটা বিশাল বাদামী স্বজের ডালুক দেখলাম এখানে!—কী বিরিট তার চেহারা। এ অঞ্চলের হিংস্রতম জন্তু নাকি এটা, খাওয়ার ব্যাপারে সর্বভুক।

এবার এক তলার দেখা শেষ করে সিঁড়ি বেয়ে ছ’তলায় উঠলাম সবাই। এক জায়গায় নানা প্রকারের স্থানীয় শয্যা—যথা ভুট্টা, গম, ডাল প্রভৃতির নমুনা রাখা হয়েছে। মাটির উপরের এসব কসল ছাড়াও মাটির নীচের ফসল—এখানকার মাটির তলায় বা এখানকার পাহাড়ের

কন্দরে যে সব খনিজ দ্রব্যাদি ও মূল্যবান পাথর পাওয়া যায়—তাদের নাম খাম ইত্যাদিও তেমনি রাখা আছে।

আর রয়েছে “Mending of a broken heart”। না- না, এটা কোনও হতাশ প্রেমিককে সান্ত্বনা দেওয়া টেওয়ার ব্যাপার নয়,—হৃদয় সম্বন্ধে বৈজ্ঞানিক জ্ঞান দান মাত্র। কি ভাবে হার্ট কাজ করে,—তার বিরাট আকারের নমুনা—যাতে রক্ত চলাচল পদ্ধতি ও ক্রম, রক্তের বিশুদ্ধিকরণ, হার্টের ভিতরকার নানা যন্ত্রপাতি ও তাদের কাজ কর্মের পদ্ধতি-সব কিছুই বিশদভাবে প্রদর্শিত হয়েছে। সঙ্গে রয়েছে কি কি খেলে হৃদরোগ বাড়ে বা কমে—তার দীর্ঘ বিবরণ।

আরও ছিল “Wolves and human”—‘নেকড়ে ও মানুষ’ এই সম্বন্ধে নানা দ্রষ্টব্য। সুন্দরবনের রয়েল বেঙ্গল টাইগার নিয়ে যেমন আমাদের একটা চাপা গর্ববোধ রয়েছে, এদেরও তেমনি রয়েছে নেকড়ের পাল নিয়ে হৃদ্ধারজনক নাকামি। কাঁচ দিয়ে খেরা নানা ক্ষুদ্র ক্ষুদ্র প্রকোষ্ঠে নানা বয়সের—নানা আকারের নেকড়েদের ‘ষ্ট্যাক’ করা মূর্তি রাখা আছে। তাদের শেখর, কেশের, ঘোঁরন থেকে মৃত্যু পর্যন্ত সবারস্থার মূর্তিও এখানে রাখা আছে। দেখান হয়েছে—তাদের আচার ব্যবহার, সংবন্ধ শিকার কৌশল ইত্যাদি প্রাণি প্রকোষ্ঠের জন্য আলাদা আলাদা ‘সুইচ’ টিপলেই ওখানে প্রদর্শিত নেকড়েদের ডাকের নমুনা শুনতে পাওয়া যায়। মেয়ে মদ্য, হেলে বুড়োর কাঁ ভিড়টাই না সেখানে!

এবার এলাম ‘মায়’ সভ্যতার প্রদর্শনাটি দেখতে। আসামে যেমন বাঁশের দরমা বা কাঠের উপর মাড় গাছের পেঁচো দেয়াল গড়া হয়ে থাকে—এখানেও অবিকল সেই রকমই দেখছি;—বরের চাল ও তেমনি খড়ে ছাওয়া। আমাদের দেশের নানা আকারের জল ধরে রাখার প্রাচীন ধরনের পাত্রও দেখতে পেলাম। মশলা বাটার শিলনোড়া ও অবিকল আমাদের দেশেরই মত। আবার দক্ষিণ ভারতে যেমন ‘ইউনি থোসা বানাবার জন্য পাথরের গর্তে পাথরের একটা গোল লম্বা ভাঙা

ঘুরিয়ে ঘুরিয়ে চাল ডাল বাটার ব্যবস্থা এদেরও দেখছি ঠিক তেমনিটিই রয়েছে। এত আশ্চর্যজনক মিল এল কোথা থেকে! দেখছি—আমাদের গ্রাম্য তাঁতীদের শূতো গুটিয়ে রাখার নাটাইএর মত নাটাই একই কাজে এরা ব্যবহার করতেন। গাঁয়ে গঞ্জে খাটিরার তলায় চপ্পল, খড়ম ইত্যাদি রাখা আমাদের অভ্যাস। তাদেরও দেখছি তেমনি দড়ির খাটিয়া, তেমনি চপ্পল, তেমনি খড়ম, তেমনি অভ্যাস। এদের চপ্পল আর আমাদের মারাঠী কোলাপুরী চামড়ার চপ্পলে কোনো তফাৎ নেই! এদের ভাস্কর্য্য দেখলে মনে হয়—নেপাল ও ভূটানের ধারার সঙ্গে আশ্চর্য্য মিল। মনে পড়ে ছেলেবেলাতেও ছদ্দেশের ভাস্কর্য্যের ছবি দেখে একই কথা মনে হত আর একই রকম অবাক হতাম।

আজকাল অবশ্য বিজ্ঞানীরা বলেছেন যে পৃথিবীর স্থলভাগ একদা একসঙ্গেই ছিল। ধীরে ধীরে সেই সংযুক্ত স্থলভাগ ভেঙ্গে টুকরা টুকরা হয়ে কালক্রমে নানা মহাদেশ ও নানা মহাসাগরের উৎপত্তি হয়েছে। তারই জন্ম হয় ৬ এশিয়ার জীবজন্তু ও তাদের পেছনে পেছনে এশিয়ার মানুষ সাইবেরিয়া পেরিয়ে আলাস্কা হয়ে সারা উত্তর, মধ্য ও দক্ষিণ আমেরিকায় পাড়ি দিয়েছিল

ভূতত্ত্বদের মতে ৩০ কোটি বৎসর আগে Panega যুগে পৃথিবীর স্থলভাগ ছিল একটাই। তাঁদের ধারণা ২০ কোটি বৎসর আগেকার Mesozoic যুগে, যখন বিরাট বিরাট ডায়নোসোররা স্বরত্ন দাপটে বেড়াচ্ছে—তখনই স্থলভাগের সেই ‘একান্নবস্তী পরিবারে’ ভাঙ্গন ধরেছিল। ক্রমে পৃথিবীর বিচ্ছিন্ন স্থলভাগ বৎসরে ২ থেকে ৬ সেন্টিমিটার সরে সরে গিয়ে ক্রমে ক্রমে অতলান্ত আটলান্টিক মহাসাগরের জন্ম হল সমুদ্রের তলদেশের বিস্তারের ফলে জন্ম হল Laurasiaর সংযুক্ত অঞ্চলের এবং Gondwana land এর দক্ষিণ অঞ্চলের। ভারতীয় অস্তুরীপ তখন নাকি এই দক্ষিণাঞ্চলেও গণ্ডওয়ানালাণ্ডের একটি অংশ মাত্র ছিল। অতি ধীরে অষ্ট্রেলিয়ার মূলভূমি থেকে ভারতীয় উপদ্বীপটি বিচ্ছিন্ন হয়ে গেল। তাঁদের ধারণা ৬০০ কোটি বৎসর আগেকার Paleocene যুগে ভারতবর্ষ ছিল মহাসমুদ্রে ভাসমান

এশিয়া অভিনারী একটি দ্বীপ মাত্র। এই দুই খণ্ডের মহামিলনে যে মহাপ্রলয় কাণ্ড হয়েছিল—তাতেই জন্ম নিল হিমালয় পর্বত যা নাকি বিশ্বের কনিষ্ঠতম হলেও উচ্চতম শিখর বিশিষ্ট পর্বতমালা।

স্বপ্নবৎ মনে হলেও এই সিদ্ধান্ত মেনে নিলে বহু জটিল প্রশ্নের সহজ সমাধান হয়ত সম্ভব। পৃথিবীর বৃকে পর্যায়ক্রমে তুষার যুগ ও উষ্ণ যুগ এসেছে। ফলে এক একটা তৃণবহুল বৃক্ষলতা সমৃদ্ধ অঞ্চল হয়ত মরুভূমি হয়ে গেল বা বরফে ঢাকা পড়ে গেল। বাধ্য হয়ে, নিতান্ত প্রাণ রক্ষার তাগিদে, হয়ত ফলমূল তৃণভোজী জীবজন্তু এবং সেই সঙ্গে মানুষকেও প্রাণের দায়ে খাড়াহুসন্ধানে হয়ত দূরদূরান্ত পেরিয়ে দেশ-ভ্যাগী হতে হয়েছিল। স্থলভাগ ত অনেক ক্ষেত্রেই সংযুক্ত ছিল। তাই মধ্য এশিয়ার সাইবেরিয়া থেকে আলাস্কা হয়ে আমেরিকার মধ্য বা দক্ষিণ ভাগ পর্যন্ত পৌঁছান দুঃসাধ্য হলেও অসাধ্য ছিল না, এবং এটাও মনে রাখতে হবে—বহু যুগ ধরে এটা হয়েছে—একদিনে নয়। তাই দেখতে পাচ্ছি ডায়নোসোরের ফসিল যেমন রয়েছে সাইবেরিয়ায় ও চীনে তেমনি রয়েছে উত্তর আমেরিকার কলোরাদো নদীর উপত্যকায়। চতুঃস্থান চোয়ালযুক্ত কৃষ্ণ অকুঞ্চিতকেশী ঈষৎ হরিদ্রাবর্ণের অনুল্লত নাসিকার দক্ষিণ ও মধ্য আমেরিকার আদিবাসীর সঙ্গে চেহারায়, ভাস্কর্যে শিল্পকলায় আমাদের সিকিম ভূটান নেপাল অঞ্চলের লোকদের তাই হয়ত এত মিল।

অধুনা প্রাচ্য ও প্রতীচ্য ভাষাবিদ ও পণ্ডিতেরা নানা আধুনিক বৈজ্ঞানিক পদ্ধতি অনুসরণ করে এই জটিল সমস্যা সমাধানে উত্তরোত্তর এগিয়ে চলেছেন।

আজকাল অনেকেই জানে না যে কলম্বাসের তথাকথিত ‘আমেরিকা আবিষ্কার’ এর বহু পূর্ব থেকেই চীন, জাপান ও নরওয়ে থেকে দুঃসাহসী অভিযাত্রীদের যাতায়াত উত্তর ও মধ্য আমেরিকার ভূভাগে ছিল। কোনো কোনো প্রাচ্যতত্ত্ববিদদের ধারণা মধ্য ও উত্তর আমেরিকার অধিবাসী এবং রেডইণ্ডিয়ানদের সঙ্গে বহু প্রাচীনকাল থেকেই ভারতীয়

সভ্যতার লেনদেন ছিল। আপাতত : বহুতার এখানেই ইতি টানছি, কারণ এসব বিষয়ের কোনো কিছুই তর্কাতীত নয়।

এবার তোমাকে শুনাব How-I হাওয়াই কেমন দেখলাম। তাহলে তোমাকে আমার সঙ্গে চলে আসতে হবে মনে মনে অমনি থিয়েটারে—যেখান থেকে অমনি অমনি হাওয়াই দ্বীপ দেখতে পাবে—একেবারে চাক্ষুষ দেখার মতনই।

সবাই মিলে অমনি থিয়েটারে গিয়ে বসা হল ; রীতিমত রেস্ট খসিয়ে টিকিট কেটে।—অমনি নয়, তা হয়ও না এদেশে।

উপরে আকাশের মত অর্ধ গোলাকার ছাদ। নীচে গ্যালারী যেমন সার্কাসে থাকে। শুনেছিলাম ত্রিমাত্রিকঘটা উঁচু থেকে দেখলেই বেশী ভালভাবে প্রকট হয়। তাই বেশ উচ্চ দেখে আসন খুঁজে নিয়ে সবাই বসেছিলাম। কিছুক্ষণের মধ্যেই ‘পৃথিবীর সর্বশ্রেষ্ঠ স্পেস থিয়েটার’ বলে খ্যাত ‘এল, ম্যাকনাইট থ্রি এম অগ্নিথিয়েটার’ আরম্ভ হয়ে গেল। উপরের অর্ধবৃত্তাকার ছাদের সবটা জুড়ে সিনেমার পটভূমি, তাতে যে ছবি দেখা যাচ্ছে তা যেন একেবারে জীবন্ত! শব্দও যেন নানা দিক থেকে আসছে। সব কিছু মিলে এক আশ্চর্য্য বাস্তবতুল্য পরিবেশ।

সে দিন দেখান হচ্ছিল—হাওয়াই দ্বীপ ও তার প্রাচীন অধিবাসীদের জীবনধারণের ক্রমবিকাশ। চোখের সামনে উদ্ভাল তরঙ্গময় অশাস্ত প্রশান্ত মহাসাগরের রূপ জেগে উঠল। তাতে বাতাস ও তরঙ্গতাড়িত একটি বৃহৎ পালতোলা নৌকায় আদিম অধিবাসীদের নূতন দ্বীপের অনুসন্ধানের দৃশ্য। সমুদ্রের কল্লোল, ঝড়ো হাওয়ার সঙ্গে বজ্রগর্ভ মেঘের ঘনঘন বিদ্যুৎ ফুরণ। তারই মধ্যে আদিম অধিবাসীদের সামান্য পালতোলা নৌকায় দুঃসাহসী অভিযান,—যেন চোখের সামনে দেখতে পাচ্ছিলাম। তারই মধ্যে বৃদ্ধ সর্দারের আকাশে উড়ন্ত সমুদ্রের পাখী-দেখে নিকটেই স্থলভূমির অবস্থান সম্বন্ধে নিঃসন্দেহ হয়ে উল্লাস জ্ঞাপন, আবাল বৃদ্ধ বনিতা ষাট্রীদের স-উল্লাস ভগবানের নিকট কৃতজ্ঞতা জ্ঞাপন ও প্রার্থনা,—ধীরে ধীরে নৌকার শিলাময় দৈকতের সন্নিকটে

ভিড়া,—পাহাড়ের খাড়া সাবুদেশের পাথরের গায় সমুদ্রের ঢেউয়ের ভেঙ্গে ভেঙ্গে পড়া আর কলোচ্ছাস ;—মনে হচ্ছিল দূর থেকে নয়,—ঐ নৌকার উপরে বসেই যেন দেখছি। ছবিতে ঢেউ-এর দোলায় নৌকা তুলছিল, আর মনে হচ্ছিল—আমরা যেন ঐ নৌকায় বসে তুলছি, এক্ষুণি মাথা ঘুরে পড়ে না যাই। তাদের ভীরে অবতরণ, নূতন করে উপনিবেশ গড়ে তুলে ঘরকন্না, জীবনযুদ্ধ, উত্তাল সমুদ্র আর দুর্গম পাহাড়ের সঙ্গে অক্লান্ত সংগ্রাম দর্শকদের চোখের সামনে একেবারে জীবন্ত হয়ে উঠেছিল।

গৃহিনী বল্লেন—“ওখানে না গিয়েই ত হাওয়াই দ্বীপ দেখা হয়ে গেল। ওখানে গেলেই কি-এর থেকে বেশী খুঁটিয়ে খুঁটিয়ে ওখানকার জল জল গাছপালা সমুদ্র আর ওদের জীবনযাত্রা দেখতে পেতাম।”

হৃৎ কথা,—আশা করি তুমিও মানবে।

দর্শনান্তে খুসী মনে সবাই বাড়ী ফিরলাম ;—আজ দেখবার মত জিনিষ দেখা হল বটে।



[মিনিয়াপোলিস-বেলসাহেবের নামের বিভিন্ন পশুপক্ষী-
 দের সংগ্রহশালা এবং চাক্ষুশিক প্রতিষ্ঠান দর্শন ।]
 মেপলগ্রোভ, মিনিয়াপোলিস

এখানকার বিজ্ঞান সংগ্রহশালা ইত্যাদি দেখার পর আমার একটু
 আলসেমি করছিল। দু'দিন যেতে না যেতেই মিতার তাড়া শুরু হয়ে
 গেল—“আগে ত এখানকার যা যা দ্রষ্টব্য দেখে নাও,—তার পর না হয়
 যত খুসী বিশ্রাম করো”—অর্থাৎ কিনা আমাদের গ্রাম্য ভাষায়—

“গাং পার অইয়া তামুক খাও” !

অগত্যা এক ছুটির দিনে খাওয়া দাওয়ার পর পিঁটু আমাদের
 “বেল মিউজিয়াম অফ নেচারেল হিস্টরী” দেখাতে নিয়ে চল্ল।

সেদিন আকাশের মুখভার,—বেকুবার একটু আগে থেকেই বৃষ্টি
 পড়তে শুরু করল। তবে এখানকার বৃষ্টির তেমন দম নেই ;—একটা
 সংস্কৃত শ্লোক আছে না—

“অজ্ঞা যুদ্ধে ঋষি জ্ঞান্দে প্রভাতে মেঘাভ্রমরে !

দাম্পত্য কলহেঁশ্চৈব বহ্নারম্ভে লঘুক্রিয়া ॥”

—অনেকটা সেই রকম ব্যাপার।

মিনেসোটার বিশ্ববিদ্যালয়ের প্রাঙ্গণে যখন ঢুকলাম তখন বৃষ্টি ধরে
 এসেছে। ঐটুকু বৃষ্টি অগ্রাহ্য করেই সবাই দ্রুত পদে মিউজিয়ামে
 ঢুকে পড়লাম।

এই মিউজিয়ামের মুখ্য উদ্দেশ্য পাঠন পাঠন। স্থানে স্থানে কাঁচের
 আবরণের আড়ালে জীবজন্তু কীটপতঙ্গ নানা স্থানীয় পাখী ইত্যাদি
 ‘ষ্টাক’ করে রাখা আছে। দেখলে মনে হয় যেন জীবন্ত। নীচে বিশদ

বিবরণ দেওয়া—কি নাম, কি গোত্র, বসতিকোত্র, কি চরিত্র, কি স্বভাব ইত্যাদি ইত্যাদি।

এই বস্তু প্রাণীদের—স্থল, জল, উভচর নির্বিশেষে স্বাভাবিক বিচরণ ক্ষেত্রের অবিকল পরিবেশ সৃষ্টি করে রাখা হয়েছে। চিরতুষার অঞ্চলের একাধিক প্রজাতির বন্য হরিণের নমুনা এখানে আছে। পাইন অরণ্য-চারী হরিণদের সঙ্গে তাদের কতই না তফাৎ। বেশ যত্ন করে রাখা একটা বড় আকারের দাঁড়কাক এখানে দেখলাম। সত্য মিথ্যে জানি না—কাক নাকি এ দেশে পোষে। তা ছুপ্রাপ্য হলেই মহার্ঘ্য হয়। এই সাদার দেশে কাল কাক কোথায়! তাই কদাচ দেখলেই রাজসম্মান বনবেড়াল, নেকড়ে, শিয়াল, নানা রকমের পাখী, নানা প্রজাতির কাঠ-বিড়াল,—নানা রকমের ছুপ্রাপ্য পাথর যা এখানকার নানা অঞ্চলে



বা নদীগর্ভে পাওয়া যায়—তাদের স্বাভাবিক পরিস্থিতি সৃষ্টি করে লম্বা রাখা হয়েছে। কাঁচের আবরণের ভিতরে গাছপালা—আমাদের শাপলার মত জলজ লতা,—পেছনে বন, আকাশ, অক্টোবরের ‘ফল’এর লম্বাকার বনানী বা জানুয়ারীর বরফে ঢাকা রিক্ত অরণ্যানী—সবই যেন জীবন্ত,—দূর থেকে দেখলে সত্য বলে ভ্রম হয়।

খুব ভাল লাগল,—দেখার সঙ্গে শেখা—আর ফাও বিমলানন্দ।

খুসী মনে বাইরে বেরিয়ে দেখি—বৃষ্টিধোয়া নির্মল আকাশ ও

খুশীতে নির্মল নীল। মিতার আবার অফুরন্ত উৎসাহ। বল্ল—“বৃষ্টি যখন নেই—চল এই বেলা ‘মিনিয়াপোলিস ইন্সটিটিউট অফ আর্টস’ দেখে আসি।”—অতি উত্তম প্রস্তাব। সবাই গাড়ীতে উঠে বসলাম।

এ রাস্তা সে রাস্তা ঘুরে ঘুরে গাড়ী ইন্সটিটিউটে পৌছে গেলে আমরাও সেখানে টিকিট কেটে ঢুকে পড়লাম।

এ প্রতিষ্ঠানটি সরকারী নয়,—স্থানীয় বিত্তবানদের মুক্ত হস্তের দানে এটার প্রতিষ্ঠা সম্ভব হয়েছে। তা হলেও এ সংগ্রহশালা নিতান্ত ছোট নয়, গ্রীক, ইটালিয়ান, রেনেসাঁর সময়ের ভাস্কর্য ও চিত্র, তৎসহ চীনা, জাপানী, ভারতীয় ভাস্কর্য ও ছবির নমুনা এখানে রয়েছে। তাছাড়াও রয়েছে প্রচুর উত্তর, মধ্য ও দক্ষিণ আমেরিকার আদিবাসীদের সভ্যতার নমুনা, তাদের ব্যবহার্য নানা ধরণের জিনিষপত্র, কাঁথা, কম্বল, সত্তরঞ্চি, মাটির পুতুল, অস্ত্রশস্ত্র, পোষাক পরিচ্ছদ প্রভৃতির বিরাট সংগ্রহ। আবার এখানে মিশরীয় সভ্যতার নিদর্শন—যেমন শিলালিপি শব্দধার, মমী, মমীর এক্সরে ফটো, রাজারানীদের ব্যবহৃত সোনার অলঙ্কার ইত্যাদিও রয়েছে। চীনের প্রাচীন সুংরাজাদের আমলের চীনামাটির রকমারি কাজ করা পাত্রও কিছু কিছু আছে। সুতরাং এই সংগ্রহশালাকে নেহাৎ হেলাফেলার বলা চলে না।

ঢুকেই চোখ পড়ল ছাঁটি বৃহদায়তনের চৈনিক মূর্তি, খুব মন্থণ ও যত্ন করে রূপায়িত। খুবই সুন্দর। তার অনতিদূরেই দোতলার বারান্দায় একেবারে অশ্লীল—গ্রাইকোরোমান ভাস্কর্যের অতি সুন্দর একটি শ্বেতমর্মর নিদর্শন। এ মূর্তিগুলির বহির্জগতে খুব নাম আছে কিনা জানি না,—তবে সর্বাংশে সে খ্যাতির যোগ্য বলেই মনে হল। কয়েকটি গ্রীক রোমান ধারার রমণীমূর্তি দেখলাম, বাস্তবিকই রমণীয়, বিখ্যাত ‘ভেনাস’এর মূর্তি থেকে—আমাব ত মনে হল—কোন অংশেই কম নয়—লাবণ্যে ত নয়ই।

এবার ঢুকলাম রং এর মহলে—কোনো বিলাসীর রংমহলে নয়—ছবির মহলে—রং আর তুলি প্রয়োগে সুন্দরের পূজারী শিল্পীরা যেখানে আপনার মনের রঞ্জে রাজিয়ে অভিনব নন্দনলোকের সৃষ্টি করেছেন।

এখানে তেল রং এ অঁকা বহু প্রতিকৃতি রয়েছে,—দেখলেই মনে হয় সার্থক সৃষ্টি, চারিত্রিক বৈশিষ্ট্য যেন ফুটে উঠেছে। এগুলি সপ্তদশ থেকে ঊনবিংশ শতাব্দীতে অঁকা। মধ্যযুগীয় ধর্মমূলক প্রাচীন ছবিও রয়েছে ছ'চার খানা। তাদের কয়েকটি কাঠের ফলকের উপর অঁকা, রং মাঝে মাঝে ক্ষেটে যাচ্ছে।

এই দানভিত্তিক সংগ্রহশালায় দ্যা ভিলি, র‍্যাফেল, ভেনডাইক, প্রভৃতি বিশ্বের বরেণ্য শিল্পীদের অঁকা ছবি নেই,—খাণ্ডাও সম্ভবও নয় আকাশ ছোঁয়া দামের জন্ত। তবে যা আছে তার গুণগত মান যথেষ্ট উচ্চ, বহু দামী সংগ্রহশালা এগুলি পেলে পরম সমাদরে গ্রহণ করবে বলেই আমার বিশ্বাস।

ভারতীয় চিত্র এখানে একটিও নেই, রয়েছে প্রাচীন কয়েকটি চীনা ছবি, কাগজের ও রেশমের কাপড়ের উপর অঁকা। দেখে মুগ্ধ হলাম। বিষয়বস্তু কিন্তু খুবই সাধারণ,—একটা বাঁশের কাণ্ড ও দু'একটা ককি, কয়েকটি বাঁশ পাতা,—ব্যাস আর কিছু নয়। কেবল কাল রং দিয়ে অঁকা। কিন্তু কী মূল্যায়না! কী নরম তুলিব কাজ। কী কম্পোজিশন অর্থাৎ কোন জায়গায় কোন ভিনিষটি থাকবে তার সঠিক নির্বাচন। কত অল্পের মধ্যে কত বেশী প্রকাশ। হাজার হাজার বছরের প্রাচীন সভ্যতা, তাই এত সৌন্দর্য্যজ্ঞান, এত পরিমাণবোধ এত সংযম। জাপানী তুলিও খুব 'এলেমদার'। তাদের অঁকা ফুল যেন হাত লাগলে পাপড়ি ঝরে পড়বে,—জাগ নিলে যেন নাকে গন্ধ পাব। তবুও মানতে হয়—জলের রংএর প্রয়োগে চিত্রশিল্পের আদি গুরু চীনাই।

প্রাচীন চানা রাজাদের আমলের দামী ওপেল পাথরের কিছু বাসন পত্র, ফুলদানী ও ভাস্কর্য্য দেখে মুগ্ধ হলাম।

ভারতীয় ভাস্কর্য্যের নমুনা এ সংগ্রহশালায় ২/৩টির বেশী নেই। একটি ঝাঝারি আকারের তাজমোহরের মটরাজ মূর্তি ও একটি স-লক্ষ্মী বিষ্ণুমূর্তি দেখলাম। আর দেখলাম স্বমহিমায় প্রতিষ্ঠিত একটি ধ্যানী

বুদ্ধের মূর্তি। এর মাধুর্য ও মহিমা অশ্বদের মত বস্তু বা প্রাণস্তরের নয়, এমনকি মনের স্তরেরও নয় ; এর সৌন্দর্য, গাভীর্ষ্য ও মহিমা এসেছে উর্ধ্বের অধ্যাত্মলোক থেকে। স্থির হয়ে কিছুক্ষণ দেখলে মন আপনি শান্ত ও নীরব হয়ে আসে।

এবার আমরা যাচ্ছি ‘মায়ী সভ্যতা’র নমুনা দেখতে-মধ্য ও দক্ষিণ আমেরিকার অধিবাসীদের শিল্প সংগ্রহশালায়। বহুপ্রাচীন কালের সুপ্রাচীন আমেরিকার অধুনালুপ্ত সভ্যতা এটা-বর্তমানে সমগ্র বিশ্বের প্রত্নতাত্ত্বিকদের গভীর গবেষণার বিষয়।

এদের ব্যবহৃত পোড়ামাটির হাঁড়ি, জলের কুঞ্জো, পোড়ামাটির মূর্তি ইত্যাদি দেখলাম। সবচেয়ে বেশী দৃষ্টি আকর্ষণ করল মেক্সিকোর প্রাচীন মাটির মূর্তি-হয়ত মূর্তি না বলে পুতুল বলাই ঠিক হবে। গঠন-রীতি খুবই সরল ; ছেলে মেয়ে বুড়োবুড়ি নানা ভঙ্গিতে বসে দাঁড়িয়ে। সবারই একেবারে জীবন্ত মুখের ভাব। চোখের পুতলির জায়গায় ত ছোটো ফুটো মাত্র ; তাতেই কী জীবন্ত চোখের তারা ! যেন কথা কইছে।

উত্তর আমেরিকার রেউ ইণ্ডিয়ানদের জীবনযাত্রার অনেক নিদর্শন এখানে আছে : সেটাই স্বাভাবিক, স্থানীয় বলে সংগ্রহ করার সুযোগ সুবিধাও অত্যন্ত বেশী। তাদেরও মেক্সিকোর আদিম অধিবাসীদের বোনা নানা ধরণের কস্থল, সতরঞ্জি প্রভৃতি, নানা দেবদেবী ও নরনারীর মূর্তি হাড় ও কাঠে খোদাই ; বাজা যন্ত্র, অস্ত্র শস্ত্র, বরফান মুল্লুকে চলার উপযোগী নোকার মত গঠনের কাঠের জুতো, হাড়ে গড়া অস্ত্র শস্ত্র,— অনেক কিছুই অটল সংগ্রহ এখানে।

দেখা শেষ হলে সবাই এবার চললাম আফ্রিকার সংগ্রহশালায়। আফ্রিকা থেকে সংগ্রহ করা নানা আকারের নানা বিচিত্র জিনিষ দিয়ে তৈরী মুখোস, শিরজ্ঞাণ, অস্ত্র শস্ত্র, কাঠের ও হাড়ের তৈরী নানা মূর্তি এখানে রয়েছে ; তাদের কিছুটা দেব-দেবী কিছুটা প্রতীকী—কিছুটা বা জনজীবনের সঙ্গে যুক্ত। মোটা হাতে কাঠ খোদাই করে পশুর লোম দিয়ে এমনকি কখনো কখনো মানুষের চুল ব্যবহার করে এরা

মূর্তি গড়েছে। নানা ধরনের প্রাগৈতিহাসিক পর্যায়ে বাস্তব, পাথর বা ধাতু দিয়ে তৈরী অস্ত্রশস্ত্রের নমুনাও দেখতে পেলাম। আফ্রিকা মহাদেশ থেকে সংগৃহীত দর্শনীয় বস্তু এখানে প্রচুর। এখানকার আফ্রিকা থেকে আমদানী ভাস্কর্যের নমুনা দেখে অত্যাধুনিক surreal (ছার real?) চিত্রকলা বা ভাস্কর্যের কথা মনে হবেই।

পাশ্চাত্য থেকে আমদানী করা এই শৈলী আধুনিক শিল্পীরা কেন যে গ্রহণ করছেন বোঝাই মুশ্কিল। আফ্রিকার আদিম যুগের নিত্যস্থ অপরিণত অপরিশীলিত চিত্রকলার সঙ্গে আধুনিক Surreal চিত্রকলার পার্থক্য খুব বেশী নয়। অপরিশীলিত অসংস্কৃত শিল্পকলার অনুকরণ কী করে সংস্কৃতিবান শিল্পীর পক্ষে সম্ভব! প্রতীচ্যের শিল্পীরা প্রকৃতির অঙ্ক অনুকরণের প্রতি বীতশ্রদ্ধ হয়ে নতুন পন্থা খুঁজছেন, তাতে আপত্তি করার কিছু নেই! অজস্র ইলোরার ভারতবর্ষ কবে থেকেই প্রকৃতির অঙ্ক অনুকৃতি বজ্জর্ন করে রূপ ও দেখার সরলীকরণ করে শিল্পকে অন্তর্মুখী করার প্রয়াসী হয়েছিল। কিন্তু নৃত্যকলা, সঙ্গীত, চিত্রকলা ও ভাস্কর্যের ক্ষেত্রে বহু শতাব্দীর অনুশীলন ও পরিশীলনের ফল পরিত্যাগ করে সহসা প্রাগৈতিহাসিক বর্বরতার দিকে এই হঠকারী পদক্ষেপের কারণ সহজবোধ্য নয়! অতি প্রত্যক্ষ চেতনার স্তর যদি পর্যাপ্ত না হয়ে থাকে তবে অবচেতন অভিসারী কেন হতে যাব? অতিচেতনের কী অপরাধ? তবে এটা সহজবোধ্য যে অধোগতির পথ প্রশস্ত ও সুগম, উর্দ্ধারোহনের পথে চলতে হলে চাই জলন্ত অভীপ্সা আর নিরলস প্রচেষ্টা—যা সর্বদাই সুদৃলভ। যারা স্থিতপ্রজ্ঞ ও সত্যদৃষ্টি-সম্পন্ন তাঁরা বলেছেন এটা যুগসন্ধি। এখন অবচেতনের স্তর থেকে অশুভ শক্তির যেমন উঠে এসে প্রবল ভাবে মানব চৈতন্যকে অধিকার করেছে—তেমনি অতিচেতনের স্তর থেকেও প্রবলতর শুভ শক্তি নেমে এসেছে অশুভ শক্তিকে পর্যুদস্ত করতে। মানুষ নিজ নিজ প্রবণতা অনুসারে শুভ বা অশুভ শক্তিকে ঘরে ডেকে আনছে। অবচেতনকে গ্রহণ করার মূলে এই সত্যই নিহিত। অবচেতনে অবগাহনের এই অত্যাধুনিক ক্যাসান অবশ্যই সাময়িক মাত্র,—ভাবী কালের ইতিহাসে এরা কখনো স্থায়ী আসন পেতে পারে না। রুচিবিকৃতি এই সর্পিলাচক্রে (Spiral) নিম্নতম বিন্দু স্পর্শ করেছে বলেই উর্দ্ধারোহণ অবশ্য-

স্ত্রাবী। যাক—আমার ব্যক্তিগত মতামতে কিছু আসে যায় না।
পৃথিবী তার আপন অলঙ্ঘ্য নিয়মেই চলবে—

‘যতদিন নাহি জাগে কক্ষি অবতার।’

আফ্রিকার মধ্য ও দক্ষিণ প্রান্তের শিল্পকলা সম্বন্ধে আর কাজ নেই। এইবার এই মহাদেশের একেবারে উত্তর প্রান্তের মিশরীয় সভ্যতায় চোখ বুলিয়ে নেওয়া যাক। সেটা অনেক বেশী তৃপ্তিকর হবে বলেই আমার বিশ্বাস। তাই এখানকার প্রাচীন মিশরীয় পুরা কীর্তির কিছু সংগ্রহ দেখতে সবাই রওয়ানা হলাম।

একটা বিরাট আয়তনের শিলালেখ দেখলাম—৬×৪ ফিটের কম নয়। তাতে মিশরের চিত্রভিত্তিক লিপি খোদাই করা, কিন্তু পাঠ উদ্ধারের মত ক্ষমতা আমার নেই। কিছু কাঠ খোদাই ও কিছু প্রস্তর মূর্তি দেখলাম। মূর্তিগুলির সাজসজ্জা দেখে প্রাচীন ভারতীয় সরলীকরণের কথা মনে পড়ে যায়। প্রকট মাংস পেশী দেখাবার প্রচেষ্টা অল্পপস্থিত—মুড়োল হাত, পা, সরু, হাটু পর্যন্ত কাপড়—উর্দ্ধাঙ্গ নগ্ন নরনারী উভয়েরই। তবে অলংকরণের ক্ষেত্রে ভারতীয় শিল্পীরা ছিলেন অসাধারণ। মন্দিরগাত্রে, স্তম্ভে স্তম্ভে, গোপুরমে, অঙ্কুর দেয়ালের পদ্ম, শালুক, জলজ লতাপাতায়, ফুলে, পশু পক্ষী দিয়ে বিরচিত নানা অনবদ্য অলঙ্করণে আজও সে প্রতিভা বিশ্বের বিস্ময়।

যাক—মিশর প্রসঙ্গেই ফিরে আসা প্রাসঙ্গিক হবে। তাঁরা মমী রাখতেন চিত্রিত কাষ্ঠ নির্মিত শবধারে। আবার নানা কাঠের জিনিষ পত্রও তাঁরা মমীর সঙ্গে দিতেন। সেই ঔষধসিক্ত কাঠ আজও প্রায় অবিকৃত। একটি শবধারে একটি সুরক্ষিত মমী দেখলাম।* খোলা হয় নি বটে, তবে তার এক্সরে ফটো পাশে সকলের দর্শনার্থে রাখা আছে। তার পাশে রাখা আছে একটা কাষ্ঠ নির্মিত শবধার।

খুব ভাল লাগল এই নাতিবৃহৎ সংগ্রহশালাটিকে। পিণ্টুকে বললাম—“আজ মন ভরে ‘মনপছন্দ’ জিনিষ দেখা হল।”
আর নয়—এবার বাড়ী ফেরা যাক,—কিছুটা মানসিক রোমন্থনেরও ত প্রয়োজন।

[মিনিয়াপোলিসের নিকটস্থ হ্রদ ও
মিল্লোহাফা প্রপাত দর্শন
মেপল গ্রোভ, মিনিয়াপোলিস]

কয়েক দিন যেতে না যেতেই অফিস থেকে এসে পিণ্টু বল্ল “চলুন শহরের আশে পাশের কয়েকটা হ্রদ দেখে আসি।” মিটা ভ সঙ্গে সঙ্গে রাজী। আমরা সবাই আধ ঘণ্টার মধ্যেই প্রস্তুত হয়ে বেরিয়ে পড়লাম।

১৫ মিনিট যেতে না যেতেই আমরা ‘ক্যালাউন’ হ্রদের তীরে পৌঁছে গেলাম। খোদ শহরের বুকেই এই হ্রদটা; এটাকে এড়িয়ে কোথাও যাবার জো নেই। ছ’পাশ দিয়ে রাজপথ চলে গেছে। হ্রদের জলে অসংখ্য নোক,—পালবিহীন, পালতোলা, যন্ত্রবিহীন, যন্ত্রচালিত—কত বিভিন্ন রকমের। কেউ বেড়াচ্ছে, কেউ মাছ ধরছে। ছেলে, বুড়ো, মেয়ে, মদা—হাকপ্যান্ট পরে খালি গায়ে দৌড়াচ্ছেন; এদের মধ্যে প্রচুর কাল আমেরিকানও রয়েছে। গত কয়েক বছর ধরে নাকি এখানে স্বাস্থ্য চর্চার হিড়িক পড়েছে। এদের ৬ ফিট লম্বা পেশীবহুল মূর্তি দেখলে ত মনে হয় না স্বাস্থ্য লাভের জন্তু এত কষ্ট করার প্রয়োজন এদের কারো আছে।

হ্রদের পাশের দ্বিতীয় রাস্তাটা ধরে আমরা চললাম। গাছপালা, ঘরবাড়ী, রাস্তার ছ’পাশে। কিছুক্ষণ পরেই আর একটি হ্রদ চোখে পড়ল,—তার নাম ‘হারিয়েট’। শহরের লোকেরা নাকি এখানে প্রায়ই আসে; মিতারাও কখনো কখনো আসে।

হ্রদটি প্রদক্ষিণ করে দেখা হল। সর্বত্রই একটা মেলার পরিবেশ। অল্পচিন্তা নেই, অল্প চিন্তারও বিশেষ প্রয়োজন জনসাধারণের নেই; তাই হৈ হৈ করে জীবনটাকে সজ্ঞাগ করে নিতে সকলেই ব্যস্ত। এই নব্য চার্বাকপন্থীরাও বলেন—

“ভয়ভূতস্ত দেহস্ত পুনরাগমনং কুতো ।”

জীবন যখন একটা বই নেই—তখন

“মাবজ্জীবং সুখং জীবং ।”

তা সুখে থাকৃ ক্ষতি নেই, অশ্রুর দুঃখের কারণ না হলেই হল ।

আমরা এখন যাচ্ছি ‘মিন্লেহাহা ফলস্’ দেখতে, পথের দু’পাশে যে কয়টা হ্রদ দেখতে পাব তা কাও । হ্রদ দুটি দেখার পর গাড়ী এখন মিন্লেহাহার দিকে হু হু করে ছুটছে । গাড়ী যাচ্ছে ত যাচ্ছেই ; অনেকটা পথ গিয়ে অনেক চক্কর কেটে গাড়ী শেষটায় “মিন্লেহাহা ফলস্”—এর পাশে দাঁড়াল । মিন্লেহাহা দেখে আমরা ত হা,—এটাকে falls মনে প্রপাত বলতে হবে ! এত falls নয়, Truly false । এটা ত একটা ছোট নালা বিশেষ,—একটা হ্রদ থেকে বেরিয়ে ১৫/১৬ ফিট উঁচু খানকয় পাথরের চাঁই ডিঙ্গিয়ে কিছুটা শব্দ করে কিছুটা ফেনা-ছিটিয়ে নাতিতীব্রগতি একটা নালা,—থুড়ি স্রোতস্বিনীর রূপ নিয়েছে । আসামে ত পায়ে পায়ে এহেন ‘ফলস্’ গুণায় গুণায় । এই মিনি (mini) ফলস্ হাহাকে দেখে সবাই (maxi) মেন্সি হা হা করে হেসে উঠলাম ।

তবে একটা কথা মানতেই হবে । উচ্চতার কোলিঙ্গ এই প্রপাতটির নেই বটে, তবে তার অভাব পুষিয়ে দিয়েছেন স্থানীয় পুরকার্তারা তাঁদের প্রচুর উৎসাহ, উদ্দীপনা, উদ্ভাবনীশক্তি, প্রথর কল্পনাশক্তি আর নিরলস কর্মশক্তি দিয়ে ।

এই বহুমান ক্ষীণধারার দু’পাশে সামান্য ঢালুজমিতে গাছ, ঘাস ও ফুলের বাগান লাগিয়ে, গাছের ছায়ায় কাঠের বেঞ্চ, টেবিল প্রভৃতি পেতে চড়ুইভাস্কির আদর্শ জায়গা তৈরী করে দিয়ে,—নালার উপর জায়গায় জায়গায় পুল তৈরী করে দিয়ে এমন বন্দোবস্ত করেছেন যে এটা একটা চমৎকার বেড়াবার জায়গা হয়ে গিয়েছে । দেখতে পাচ্ছি ছোট ছোট ছেলে মেয়ে ও কিশোর কিশোরীরা খালের জলে সাঁতার কাটছে, কেউ লম্বা লম্বা কেনো (Canoe—সরু লম্বা নোকা বিশেষ) চড়ে জলবিহার করছে ; কেউ বা মাছ ধরতে ব্যস্ত । একটা অপেক্ষাকৃত

নিরালা জায়গায় গাছের আড়ালে বসে এক যুবক স্কেচ বুকে ছবি আঁকছে দেখে ভারী ভারী ভাল লাগল।

খালের পাশ দিয়ে রাস্তা,—সেখানে কেউ দৌড়াচ্ছে কেউ সাইকেল চালাচ্ছে, কেউ ঘোড়া চড়ছে। সত্যি বেড়াবার পক্ষে আদর্শ স্থান এ জায়গাটা।

আমরা মিলেহাহা ফলসের তীরে তীরে অনেকটা ঘুরে বেড়ালাম এবং সেখানে ওদের বেসবল ও ফুটবল খেলা দেখে বাড়ী ফিরলাম সে দিন। স্বীকার করতে দ্বিধা নেই মিলেহাহা ফলস ‘মিনি’ ফলস্ হলেও বেড়াবার পক্ষে আদর্শস্থান।

কাছে পিঠের প্রায় সবকটা হৃদই দেখা শেষ-একমাত্র মিনিটস্কা ছাড়া। মিনিটস্কা দেখতে টস্কা ‘মিনি’ই লাগে,—কারণ হৃদটা শহরের প্রায় বুক। তাই এখানে দর্শক এবং মংশুশিকারীদের বেশ ভিড়। খুব বড় না হলেও মাঝারি আয়তনের হৃদ এটা। এই হৃদ থেকে জল খালাসের জন্য একটা ছোট ‘লকগেট’-এর ব্যবস্থাও এখানে আছে।

আমাদের পিণ্টুর আবার মাছ ধরার শখ; গাড়ীর পেছনে সর্বদা মাছধরার সাজ সরঞ্জাম বয়ে বেড়ায়। আজ এখানে হৃদ দেখতে আসার সুযোগ পেয়ে ধারে কাছেই একটা সুবিধা মত জায়গা দেখে ছিপ নিয়ে বসে গেল। মাতা পুত্রী শিশু দৌহিত্রটির হাত ধরে ইতস্ততঃ পায়চারি করতে লাগলেন। আমার আবার মাছ ধরা বা খাওয়া—কোনোটাতেই বিশেষ শখ নেই। তাই গুটি গুটি চলে এলাম লক গেটের উপরে,—সেখান থেকে জলের স্রোত আর চার পাশের দৃশ্যাবলী দেখতে থাকলাম, কখনো বা আড় চোখে পিণ্টুর মাছ ধরা।

পিণ্টুর ভাগ্য আজ বড় অপ্রসন্ন,—পার্শ্ববর্তী আমেরিকান ভদ্র-মহিলার ছিপে চটপট মাছ উঠছিল,—আর পিণ্টুর বড়শি সে দিন ‘অচ্ছুৎ’।

—“যন্মিন দেশে যদাচার।”

এদেশে ‘Ladies first’ সংস্কার অতি প্রবল। এ দেশীয় মাছ কিনা—হয়ত তাই মহিলাকেই অগ্রাধিকার দিচ্ছিল।

অবশ্য তারপরে পর পর দুদিন অনেক মাছ ধরে পিটু'সে দিনের ব্যর্থতার গ্লানি সূদে আসলে উঠিয়ে নিয়েছিল এবং তার স্বাশুড়ী ঠাকরণকে পরম তৃপ্তি সহকারে টাট্কা মাছের ঝোল খাইয়ে পরম পরিতৃপ্তি লাভ করেছিল ।

এ দেশের উত্তর ও পূর্বাঞ্চলের প্রকৃতির সঙ্গে খানিকটা পরিচয় হয়েছে,—তার দীর্ঘ বিবরণ তোমাকে দিলাম ।

এ দেশের মানুষের সঙ্গে সম্যক না হোক কিঞ্চিৎ পরিচয় নিশ্চয়ই হয়েছে,—তা না বললে ভ্রমণ বৃত্তান্ত অসম্পূর্ণ থেকে যাবে ।

ক্যানেডি এয়ারপোর্টের কাষ্টমস অফিসারের অযাচিত সাহায্যের কথা আগেই বলেছি । এবার অযাচিত সাহায্যের আরও কিছু বিবরণ দিচ্ছি ।

তখন পিটু'রা সবেমাত্র “মেপল গ্রোভ”এর নূতন বাড়ীতে এসেছে । বাড়ী গোছগাছ করার জন্ত ছ'চার দিন ছেড়ে দিয়ে আমেরিকান প্রতিবেশীরা একে একে এসে পিটু'র সঙ্গে দেখা করে গেলেন এবং টাইপ করা কাগজে প্রতিবেশীদের প্রত্যেকের নাম ও টেলিফোন নম্বর ইত্যাদি দিয়ে গেলেন । বলে গেলেন—প্রয়োজন হলে বিনা দ্বিধায় পিটু' যেন ফোন করে । এ'রা কেউ সুদূর নরওয়ে থেকে এসেছেন, কেই জার্মানী বা ইটালী থেকে, কারো বা দেশ ছিল সুদূর আফ্রিকায় । আকারে প্রকারে গাত্রবর্ণে প্রভেদ বিস্তর কিন্তু সহৃদয়তায় সবাই সমান ।

নূতন বাড়ীতে মাতা, কণ্ঠা, শ্বশুর, জামাই মিলে জিনিষপত্র প্রায় গুছিয়ে এনেছি । এবার বাড়ীর ‘লন’-এ ঘাস লাগাতে হবে,—এটা বাধ্যতা-মূলক । ব্যাপারটা প্রচুর ব্যয় সাপেক্ষ, তবে নিজের হাতে করলে খরচ কিছুটা কম । তাই ঠিক হল—শ্বশুর জামাই মিলে ধীরে সুস্থে এ কাজটি সম্পন্ন করা হবে । একদিন বিকেলে পিটু' আর আমি বাড়ীর সামনের দিকটাতে ঘাস লাগাবার চেষ্টায় আমি,—হেনকালে হাফপ্যান্ট পরে, হাতে দস্তানা লাগিয়ে তৈরী হয়ে পাশের বাড়ীর ভদ্র-

লোক অশাণ্ডিত ভাবে সহাস্ত বদনে উপস্থিত—ঘাস লাগাতে আমাদের সাহায্য করবেন বলে। আমাদের কোনো আপত্তি কানেই তুললেন না—তিনি দেখেছেন আমরা বাগানে ঘাস লাগাচ্ছি;—সুতরাং সাহায্য করবেনই। গায়ে জার্মান রক্ত,—শালপ্রাংশু দেহ, করীশুণ্ডবৎ বাহুদ্বয়—হাসতে হাসতে অবলীলাক্রমে চার জনের কাজ একাই করে গেলেন। আমাদের দেওয়া ধন্যবাদ ফুঁ দিয়ে উড়িয়ে দিয়ে চলে গেলেন—যেন তিনি কিছুই করেন নি।

ওদিকে পিটুর দপ্তরের বড় সাহেবের মালুম হয়েছে যে পিটু একা একা তার নূতন বাড়ীর লনে ঘাস লাগাচ্ছে। তাঁরা পরের শনিবার সদলবলে পিটুর বাড়ী এনে হাজির—নূতন বাড়ীতে চড়ুইভাতি করার ছলে।

বাড়ীর নীচতলার ঘরে একজন রইলেন রান্নার কাজে। তিনি নিজেদের আনা উম্মনে রুটি সঁকলেন ও ঝলসিত মাংস তৈরী করলেন, অগ্নেরা হৈ হৈ করতে করতে কয়েক ঘণ্টার মধ্যে বিরাট লনে ঘাস লাগান শেষ করে—হাত মুখ ধুয়ে পরিস্কার পরিচ্ছন্ন হয়ে চড়ুইভাতি লাগিয়ে দিলেন। মিতা জোগাল নানা উভয়-দেশীয় খাওয়া ও পেয় এবং গৃহিণী জোগালেন বৈষ্ণব মতে তৈরী বিপুল সিঙ্গাড়া।

মহা উৎসাহের সঙ্গে চড়ুই ভাতি পর্ব শেষ করে মহাখুসি মনে সবাই চলে গেলেন। পিটুর টাকা বা পরিশ্রম বাঁচাতে তাঁরা এসেছিলেন—সেটা মানতে নারাজ—যেন নিছক চড়ুইভাতি করতেই তাঁরা এসেছিলেন।

আর একদিনের কথা,—সে দিন মিতার নাচতুত বোন রীতার বাড়ী বেড়াতে গেছি। (মাসী থেকে মাসতুত হলে এক সঙ্গে নাচলে ‘নাচতুত’ হবে না কেন?) দেখানে এক আমেরিকান দম্পতির সঙ্গে দেখা হল। আলাপ পরিচয় হলে জানালেন যে তাঁরা উভয়েই সম্প্রতি ভারত ভ্রমণ করে এসেছেন। প্রায় দুইমাস ভারতে ছিলেন। কোলকাতার গোলপার্ককে কেন্দ্র করেই তাঁরা ভারত ভ্রমণ করেছেন। বল্লেন

—আগ্রা, জয়পুর, যোধপুর, দিল্লী—এসব জায়গা খুব ভাল লেগেছে। তবে বেশী ভাল লেগেছে—কোলকাতাকে এবং বাঙ্গালীদের। তাদের শত দুঃখ দুর্দশা সত্ত্বেও কোলকাতার জনসাধারণ নাকি অসাধারণ উদার মিশুক আর অমায়িক। তাঁদের অনুক্ষণ সাহায্য করেছে, নিজেদের বাড়ী নিয়ে গিয়ে চা খাইয়েছে,—নিজেদের দেশ সম্বন্ধে অনেক কিছু জানিয়েছে, তেমনি আমেরিকার সম্বন্ধেও জানতে চেয়েছে এবং সঙ্গে করে নিয়ে গিয়ে শহর থেকে ৪/৫ মাইল দূরের গ্রাম বাংলার সঙ্গেও পরিচয় করিয়ে দিয়েছে।

তাদের সঙ্গে এঁরা কোলকাতার ভিড়ের মধ্যে বাসে ভ্রমণ করেছেন এবং কোলকাতার দুর্গাপূজা খুব উপভোগ করেছেন। তাঁদের মতে বাঙ্গালীরা খুবই শিল্প-প্রিয় এবং সঙ্গীতপ্রিয় জাত; এত দুঃখ-দৈন্তের মধ্যেও এত প্রাণবন্ত যে তাঁদের সম্রদ্বি বিশ্বয়ের উজ্জেক হয়েছে।


ওদের এই সহানুভূতিসম্পন্ন দৃষ্টিভঙ্গীকে প্রশংসা না করে থাকি কী করে!

বাজনোহি ? ঐখানকার জনসাধারণ নিজেদের জীবনযাত্রার কথা ছাড়া অন্যদের সম্বন্ধে বিশেষ মাথা ঘামায় না। তবে রাজনৈতিক নেতারা সর্বত্রই সমান। নেতা (নক্তা)-র এক অর্থ ছিল বস্ত্রের টুকরা যা দিয়ে ঝাড়পোছের কাজ চলে যায়। তবে এই নেতারা যা কিছু স্পর্শ করেন তা পরিস্কৃত না হয়ে মলিনতর হতে বাধ্য। সুতরাং ওদের ‘অকথা’ কথা যত অকথিত থাকে ততই ভাল।

মিনিয়াপোলিস পরিক্রমা শেষ হওয়ার সঙ্গে সঙ্গে দেখারও শেষ লেখারও শেষ।

সুতরাং এবার “আমার কথাটি ফুরাল।”

নটে গাছের আর মুড়িয়ে কাজ নেই। ষাট! বালাই! বেঁচে বর্তে থাক। ইতি



[ডুলুথ—সুপিরিয়র হ্রদের তীরে তীরে]

রেডিসনইন্ ডুলুথ মিনিয়াপোলিস্

২১শে আগষ্ট ।

ভেবেছিলাম—এবারকার মত আমেরিকা দর্শন আমাদের শেষ হয়েছে ! কিন্তু মিতারা ভাবছিল অন্য রকম,—ডুলুথ আর শিকাগো—এদের মধ্যে কোনটা দেখাবে,—না ছুটাই । গৃহিনীর মধ্যস্থতায় সে প্রশ্নের সমাধান শেষ পর্য্যন্ত হল । পূর্বদিকে কোথাও গেলেই শিকাগো পথে পড়বে, সুতরাং পূর্ব থেকে দেখে না রাখলেও এটা মিতার বহুবার দেখা হবেই । ‘ডুলুথ’ ত আর কোথাও যেতে পথে পড়বে না ; তাছাড়া জায়গাটাও নাকি খুব সুন্দর । তাছাড়া পিণ্টুর দপ্তরের বড়কর্তা এবং বন্ধু কিছুদিন আগেই নাকি তার মা বাবাকে ডুলুথ দেখিয়ে এনেছে । সুতরাং পিণ্টু ও মিতার বক্তব্য তারাই বা কেন মা বাবাকে ডুলুথ দেখিয়ে আনবে না । ন্যায় কথা ; সুতরাং ডুলুথ যাওয়াই ঠিক হল ।

এক রবিবার সকাল সকাল ‘ব্রাঞ্চ’ অর্থাৎ ‘ব্রেকফাস্ট’ ও ‘লাঞ্চ’-এই সঙ্গে শেষ করে নিয়ে জ্রীমার নাম স্মরণ করে গাড়ীতে চড়ে বসা হল । রৌজস্নাত মিনিয়াপোলিসের সাজান বাড়ীঘর রাস্তাঘাট দেখতে দেখতে মিসিসিপি নদীর পুল পার হয়ে চল্লাম । গাড়ীতে পেট্রোল ভরে নিয়ে ৩৫ নম্বরের ‘রাজবঞ্চে’ এসে পিণ্টু মিতাকে গাড়ী চালাবার ভার দিয়ে “রাস্তার মানচিত্র” হাতে নিয়ে পাশের আসনে বসে পড়ল । পেছনের সিটে নাতি কোলে দুই বৃদ্ধ ও বৃদ্ধা রাস্তার দু’পাশের সবুজের সমারোহ মুগ্ধ নেত্রে দেখতে দেখতে চল্লাম ।

‘ষমজ নগরী’—সেন্টপলস্ আর মিনিয়াপোলিস তার মাঝখান দিয়ে বইছে মিসিসিপি নদী । তাদের একে একে অতিক্রম করে আমরা এগিয়ে চলেছি । জমির বন্ধুরতা হ্রাস পেয়ে ক্রমেই সমতল ক্ষেত্রে

পরিণত হচ্ছে। যতই উত্তরের সমতল ক্ষেত্রের দিকে এগুচ্ছি—ততই দৃশ্যপট সাদামাটা হয়ে যাচ্ছে ;—সে চমক আর নেই। তবে সে নৈরাশ্র ক্ষণস্থায়ী মাত্র। কিছুক্ষণের মধ্যেই প্রকৃতি দেবী যেন প্রসাধন করে সামনে এসে দাঁড়ালেন :

ছ'পাশের মাঠ কোথাও আবাদ করা, কোথাও পতিত। সেখানে বুনো ঘাসের ফুলে ভিতি দীর্ঘতৃণাকীর্ণ প্রেইরী 'প্রান্তর দিগন্তে গিয়ে মিশেছে। মাঝে মাঝে ছ'চার খানা বাড়ী, উঁচু উঁচু 'সাইলো' অর্থাৎ উচ্চগম্বুজসদৃশ শয্যাগার আর পাইন সিডারের জটলা। কৃষ্ণহরিৎ পত্রবিশিষ্ট 'এ্যাস' আর 'কটনউড' গাছগুলি বেশ পত্রবহুল ছায়াতরু ; কিছুটা আমাদের দেশের অশ্বথ গাছের মত ; তবে তুলনায় গাছও ছোট। পাতাও তাই। 'মিনেসোটা' আর 'উইসকনসিন'—এ দুটি রাজ্যে পায়ে পায়ে হ্রদ, ছোট হলেও নদীর সংখ্যাও কম নয়। নিস্তরঙ্গ মসৃণ জমি, ছ'দিকে ক্ষেত খামার।

মিতা গাড়ী চালাচ্ছে, অগুণতি গাড়ী তাকে অতিক্রম করে এগিয়ে যাচ্ছে। তাতে তার ড্রেকপ নেই, 'সাবধানী পথিক',—নির্ধারিত ঘণ্টায় ৫৫ মাইল বেগে গাড়ী চালিয়ে যাচ্ছে। রাস্তার ছ'পাশে ছোট মাঝারি, নানা আকারের হ্রদ আর হ্রদের জলে সূর্যালোকের ঝিকিমিকি।

হ্রদ নিয়ে দুই পাশাপাশি রাজ্যের বেজায় অভিমান ; গালগল্পও তেমনি। কোনো এক 'পল বুনিয়ানের এক নীল ঝাঁড়ের ক্ষুরের ঘায়েই নাকি এ রাজ্যের অসংখ্য হ্রদের উৎপত্তি।

এ রাজ্যের অন্তর্গত 'ব্রাউলভেলি'তে যখন প্রথম নরমুণ্ড আবিষ্কৃত হল তখন ঐতিহ্য নিয়ে এ রাজ্যের গুমর কত ! এঁরা সদন্তে দাবী করে থাকেন এই রাজ্যে ১২,০০০ বৎসর পূর্বেও মানব বসতি ছিল। এঁরা এটাও বলে থাকেন যে প্রায় ১০০০ বৎসর পূর্বেই নরওয়ে থেকে কিছু অভিযাত্রী এ রাজ্যে বসতি স্থাপন করেছিলেন।

কলম্বাসের বহু পূর্বেই যে নরওয়ের ভাইকিংরা উত্তর আমেরিকাতে যাতায়াত করতেন এটা ত আজকাল বহু বিদ্বজ্জনই মেনে নিয়েছেন।

তবে এটা ও জানা যে সপ্তদশ ও অষ্টাদশ শতাব্দীতে এখানে ‘চিল্পেওয়া’ ও ‘সিওক্স’ গোষ্ঠীর ইণ্ডিয়ানদের পুরোদস্তুর অধিকার কায়েম ছিল। ইতিহাস এটা ও বলে যে ১৬৬০ খৃষ্টাব্দে মিনেসোটাতে খেতানদের প্রথম পদার্পণ ঘটেছিল! তাঁরা ছিলেন ফরাসী; বিখ্যাত ‘রেডিসন’ ও ‘ডুলুথ’—তাঁদের অগ্রতম। এই অভিযাত্রীদের প্রচেষ্টাতেই সুপিরিয়র হ্রদের পাড়ে একটা দুর্গ স্থাপিত হয়েছিল। উত্তর ও পশ্চিমের অঞ্চল ছিল হ্রদ, ঝর্ণা ও আদিম পাইন অরণ্য সমৃদ্ধ। তারই আকর্ষণে লোক বসতি এখানে ধীরে ধীরে বৃদ্ধি পেতে থাকে। ঊনবিংশ শতাব্দীর শেষ দিকে নরওয়ে, জার্মানী ও সুইডেন থেকে বস্তার মত মানুষের প্লাবন শুরু হয়ে গেল। অচিরে এই অঞ্চলে কৃষি, পশুপালন আর কাঠের ব্যবসায় জমে উঠল।



১৮৮০ খৃষ্টাব্দে ডুলুথের উত্তর ‘কিউইউনা’, মেসারি’ও ‘ভারমিলিয়ান-রেঞ্জ’-এ লৌহের আকর আবিষ্কৃত হয়। তারপর থেকে এ অঞ্চলের প্রথম শীত সম্বন্ধে ব্যবসা বাণিজ্য এখানে খুব জমে উঠল।

হুলভূমি মধ্যস্থ বন্দর (Inland Port) হিসাবে সেই সময় থেকেই ডুলুথের খুব সুখ্যাতি। কাঠ, লৌহ প্রস্তুত আর উইসকনসিনের গম চালান দেবার জন্য এর চাইতে যোগ্যতর বন্দর আর নেই। ডুলুথের পথের বিবরণেই ফিরে যাচ্ছি।

ডুলুথ পৌঁছাবার বেশ কিছু আগে থেকেই ছোট খাট টিলা আর পাহাড় শুরু হয়ে গেল। পাইন, পপলার, সিডার, মেপল, বার্চ, এ্যাস, সিলভার এ্যাস প্রভৃতি আঞ্চলিক বৃক্ষের ঘন ঘন নাকি ডুলুথের পাহাড়ে পাহাড়ে ছড়িয়ে রয়েছে। আরও শুনেছি ডুলুথগামী এই রাস্তা নাকি অক্টোবরের ‘ফল’-এর সময় অত্যন্ত রমনীয় হয়ে উঠে। চিরহরিৎ পাইন ছাড়া আর সব গাছের পাতা নভেম্বরের প্রথম দিকেই ঝরতে শুরু করে। তবে ‘ঘাবার আগে’—তারা বনভূমিকে ‘রাঙ্গিয়ে দিয়ে যায়।’

বনস্পতিরা যখন হরিৎলাবণ্য বর্জন করে বর্ণ থেকে বর্ণান্তর গ্রহণ করতে থাকে—তখন বৃক্ষে বৃক্ষে নানা বিভিন্ন রকমের হলুদ, লাল ও বাদামী রং এর সমন্বয়ে এক অপূর্ণপ মায়াকাননের সৃষ্টি হয়; আর সে দৃশ্য দেখার জন্য হাজার হাজার যাত্রীর ভিড় তখন এ অঞ্চলে।

ডুলুথ শহর থেকে পাহাড় আর সুপিরিয়র হ্রদের গা ঘেঁষে একটা আঁকা বাঁকা রাস্তা সিধে ক্যানেডা পর্যন্ত চলে গেছে। সে রাস্তার দু’পাশে নাকি স্বর্গীয় সৌন্দর্যের পশরা।

এসব দৃশ্য দেখার আশায়ই ত আমাদের এখানে আসা।

এ দেশ হল ‘দুর্লভ পদযাত্রী’র দেশ, এদেশে পথে চলে পথিক নয়, গাড়ী। আজ কিন্তু রাস্তা অনেকটা ফাঁকা; হয়ত মিতার বরাত জোরে।

আমরা ‘শিকাগো’ শহরকে এক পাশে রেখে এগিয়ে চলেছি। সেন্ট ক্রয় নদী নাকি খুব সুন্দর; দেখার ইচ্ছা থাকলেও উপায় নেই। আমাদের ৩৫ নম্বর রাজপথ থেকে নদী অনেকটা দূরে।

চোখের সামনে দিগন্ত প্রসারিত পুন্নিভ ‘প্রোইরী’ প্রান্তর, তৃণাকীর্ণ মাঠে সাদা, কালো, পাটলি বর্ণের গরু চরছে। উত্তর আমেরিকা তার ‘নাষ্টাল’ জাতীয় বন্যছোটকের জন্য বিখ্যাত। তবুও ঘোড়া কদাচ চোখে

পড়ছে। তবে এ অঞ্চলটা ত আর বুনোঘোড়ার অঞ্চল নয়-মিনেসোটার মাটির শ্যামাঞ্চল মাত্র।

ক্রমে আমরা ‘লিগুইস্ট’, ‘নর্থব্রেক’, ‘হারিস’ প্রভৃতি জনপদ অতিক্রম করে এগিয়ে চলেছি। তার পর কী আশ্চর্য। মিতার গাড়ী rush না করেও ‘রাশ সিটি’ (Rush city) অতিক্রম করে গেল। এবং মোটেও pine না করে পাইনবৃক্ষ সমৃদ্ধ পাইন সিটি (Pine city) তে পৌঁছে গেলাম। তার কিছু পরই একটা ছোট্ট নদীর দেখা পেলাম : নাম “স্নেক রিভার”, সর্পিণ গতিতে এঁকে-বঁেকে বয়ে যাচ্ছে। এখান-কার ছোট্ট ছোট্ট নদী দেখলে কেমন যেন বাৎসলা রসের উদয় হয়। দুই তীরের বুনো ঘাসের ফুল হাওয়ায় কাঁপছে, নদীর বুকে বড় বড় পাথরের চাঙ্গড় জেগে আছে : স্রোতস্থিনী সেখানে ঈষৎ ফেনশুভ্রা—কিঞ্চিং কল্লোলিনী। দুই তীরের তরুরাজি যেন অপভ্রম্নেহে তাকে ডালপালার বাহু মেলে আগলে রেখেছে।

নদীটিকে পেছনে ফেলে আমরা এগিয়ে যাচ্ছি। জমি এখানে সামান্য উর্দ্ধাভিলাষী,—টেউ দিয়ে উপরে উঠে যাচ্ছে,—সেখানে বার্চ গাছের সাদা ডালপালায়, গ্রাস, পাইন, পপলারের হরিৎ লাবণ্যে নীল আকাশের পটভূমিতে এক পরীর রাজ্য।

‘সেণ্টোইন’ পার হয়ে এগিয়ে যাচ্ছি। কিছুদূর গিয়ে ‘ফিন্লেসন’ এ আর একটা নদীর দেখা পেলাম,—নাম ‘উইলো-রিভার’। ভারী সুন্দর ছায়াঘন টলটলে জল। দু’পাশের দৃশ্য থেকে আর চোখ ফেরান যাচ্ছে না;—এত সুন্দর। টেউ খেলান তৃণাকীর্ণ প্রান্তর যেখানে আকাশে গিয়ে মিশেছে—সেখানে নীল আকাশের গায়ে পাইন পপলারের মন্দিরাকৃতি মূর্তি ছবির মত দেখাচ্ছে। পাইনবন ক্রমেই রাস্তার নিকটবর্তী হচ্ছে,—যত্ন করে লাগান নানা জাতীয় পাইনের ছোট বড় চারা সবুজ প্যামো-ডার মত আকাশে মাথা তুলে দাঁড়িয়ে আছে। প্রতি ঘরে ঘরে ‘লন’ সাজাতে মেপল আর পাইন চারার খুব চাহিদা এখানে। খুব চড়া দামে বিক্রী হয়ে থাকে।

অক্টোবরের ‘ফল’কে আগষ্টের শেষে দেখার চেষ্টা বিফল হতে বাধ্য, তবুও উদগ্রীব হয়ে আছি—যদি কোথাও কিছু আভাস মিলে। বনের মধ্যে দু’একটা বাচ্চ’ গাছের মাথায় পাক ধরা চুলের মত কিঞ্চিৎ হরিদ্রা ভাস, নীচের আগাছা ও গুল্ললতায় কোথাও অকালবার্দ্ধক্যের পীত ছোপ। জঙ্গলের মধ্যে মাঝে মাঝে দু’একটা শুকনো পাইনগাছ-বাদামী ডালপালা ছড়িয়ে দাঁড়িয়ে আছে। সেই সবুজের সমারোহের মাঝখানে এই রক্তপত্র শুকনো ডালপালা যেন আকাশের পটে ঝাঁকা একখানা ছবি।

রাস্তার দু’পাশে এখন ঘন বন আর পাহাড়, মাঝে মাঝে ছোট খাট হ্রদের জলে আলোর ঝিলিক। ষ্টেট ফরেস্ট পার হয়ে ষাবার পর আমাদের ৩৫ নম্বরের রাজপথ “ষ্টারজিয়ন হ্রদ” এর পাশ ঘেঁষে চলে। তারপর এল ‘আইল্যাণ্ড লেক’ এবং কিছুক্ষণ পর ‘মুজলেক’।

রাস্তার দু’পাশের জমি ক্রমেই উচ্চ থেকে উচ্চতর হয়ে টিলা এবং টিলা থেকে পাহাড়ে রূপান্তরিত হচ্ছে। পাথুরে পাহাড়ের মাথা কোথাও শ্রাড়া, কোথাও বা পাইন, পপলার সিডারের বনে সবুজ,—যেন নীল আকাশের পটে ঝাঁকা ছবি। ঘননীল আকাশে পুঞ্জ পুঞ্জ সাদা মেঘ। পাহাড় বা বন কোনোটাই একটানা নয়। মাঝে মাঝে আন্দোলিত তৃণাকীর্ণ প্রেইরী প্রান্তর—তার চেউ-খেলান বুনো ঘাস আর অজস্র সাদা হলদে বেগুনী বাদামী ফুলসম্ভার নিয়ে যেন আকাশের গায়ে গিয়ে ঠেকেছে।

আজ আবহাওয়া খুব ভাল; বাতাসের সামান্য শৈত্য খুব উপভোগ্য মনে হচ্ছে। বাইরে আকাশের নীলে, মেঘের ছায়ায়, বনের মাথায় মাথা-মাখি। রাস্তার বাম পাশের পাহাড় ক্রমেই উচ্চতর হচ্ছে। মনে হচ্ছে ডুলুথ আর বেশী দূরে নয়। বাঁকের পর বাঁকে,—নীল আকাশের গায়ে কৃষ্ণনীল পাইন বাচ্চ’ পপলারের চূড়ায় চূড়ায়—পাহাড়ের মাথায় মাথায়—নব নব সৌন্দর্যের পশরা।

‘বার নাম’, ‘মাহতোয়া’ প্রভৃতি জনপদ ইতিমধ্যেই পার হয়ে

এসেছি। কিছুক্ষণের মধ্যেই এলাম ‘ছইয়ার’ (Sawyer) এ। অতি সুন্দর স্থান মানছি, তাই বলে Sawyer! হাঁ, হাঁ বাবা-ইয়ার খুব ভাল ভাবেই Saw। তাই বলে এত দেমাক। পড়তে আমাদের দেশের কার্ত্তব্যসারীর পান্নায় তবে কবেই ইয়ারদের saw করে একেবারে জ্বাড়া Baldwin বানিয়ে ছাড়ত!

পাহাড়ী পথের পাকদণ্ডী ঘুরে ঘুরে গাড়ী ডুলুথের দিকে এগিয়ে চলেছে। উত্তর দিক চক্রবালে উচু উচু সৌধশ্রেণী দেখতে পাচ্ছি এখন। পাথরকাটা রাস্তা কোথাও উচু কোথাও ঢালু। এক পাশের জমি ক্রমে ঢালু হয়ে নীচের ঘাসের বনে নেমে গেছে। সেখানে থোকা থোকা হলদে ফুল হাওয়ায় ছলছে। অল্প দিককার পাথর কেটে নেওয়া আহত পাহাড়ের ভাঙ্গা পাঞ্জরে যেন রক্ত জমে কালচে লাল হয়ে আছে। তার মাথায় মাথায় পপলার, বাচ্চ, সিডার, গ্র্যাস আর পাইনের বন। মাঝে মাঝে ছ’চাব খানা বাড়ীর বিরল উপস্থিতি কোনো মতে জনবসতির সাক্ষ্য বহন করছে ঘন নীল নভে শুভ্র মেঘে পুঞ্জ,— ঘন নীল নদী নীরে ভাসমান শুভ্র ফেন পুঞ্জ। ডুলুথের কাছাকাছি পৌছে গেছি আমরা। উড়াল পুলের পর উড়ালপুল পেরিয়ে আমাদের গাড়ী ডুলুথে প্রবেশ করল।

এবার আমাদের গন্তব্য স্থান ‘রেডিসনইন’ খোঁজার পালা। পিণ্টু রাস্তার মানচিত্র দেখে নির্দেশ দিচ্ছে আর মিতা সাবধানে গাড়ী চালাচ্ছে। শেষ পর্য্যন্ত রেডিসনইনের সুউচ্চ গোলাকার সৌধ নজরে পড়ল।

হোটেল পৌছে, মালপত্র কামরায় নিয়ে আসতে আসতে ছ’টার কাছাকাছি হয়ে গেল। স্থির হল একটু খাওয়া দাওয়ার পর ঘণ্টাখানেক বিশ্রাম করে সবাই ষ্টিমারে করে বেড়াতে যাওয়া হবে।

তৈরী খাবার সঙ্গে মজুদ ছিল, হাত মুখ ধুয়ে সবাই কিছুটা খেয়ে নিলাম এবং অতঃপর বিশ্রাম। তিনটার কিছু পরই হোটেল ছেড়ে সবাই বেরিয়ে পড়লাম—ষ্টিমারের উদ্দেশ্যে।

‘ছোট শহর,—’স্টিমার জেটি কেন—লোক সুপিরিয়র সহ সমগ্র ডুলুথ শহরটাই হোটেলের কামরা থেকে দেখা যায়। তবুও চট করে তোখাও পৌছাবার উপায় নেই। রাস্তা পারাপার করবার বা এক রাস্তা থেকে অন্য রাস্তাতে যাবার পরিষ্কার নির্দেশ রাস্তায় রাস্তায় দেওয়া আছে, অমান্য করলেই তৎক্ষণাৎ পুলিশ এসে পাকড়াবে। ঘুরে ঘুরে জেটিতে পৌছাতে এবং উপযুক্ত স্থানে গাড়ী দাঁড় করাতে অনেকটা সময় লেগে গেল। এবার টিকিট কিনতে লাইন দেবার পালা। পাইনের মোটা মোটা গুড়ি মাটিতে পুঁতে তার সঙ্গে দড়ি বেঁধে সাপের মত আঁকা-বাঁকা লাইন তৈরী,—সেখানে শিশু কোলে তরুণী, জননী; কিশোর কিশোরী যুবক যুবতী বৃদ্ধ বৃদ্ধা নানা বয়সের নানা দেশের মানুষের সমাবেশ। বেলা সাড়ে তিনটা বেজে, গেছে—রৌদ্র বেশ কড়া, তবুও বাতাস ঠাণ্ডা বলে উপভোগ্য।

কিছুক্ষণের মধ্যেই “ডুলুথ এক্সপ্লোরেশনস্” এর এক থানা স্টিমার ঘাটে এসে ভিড়ল। এই কোম্পানীর দুটি স্টিমার; অপেক্ষাকৃত বড়টির নাম “এস এস ভিষ্টা কিং” আর অপেক্ষাকৃত ছোটটি হল “এস এস ভিষ্টা কুইন”। এই দুটি স্টিমার নিরন্তর মিনেসোটার ডুলুথ আর উইসকনসিনের ‘সুপিরিয়র’-এই দুই বন্দরের মধ্যে যাত্রা নিয়ে যাতায়াত করে।

আমাদের ভাগ্যে রাজার আশ্রয় জুটেনি; রাণীর আশ্রয় পেলাম শেষ পর্যন্ত। বহু যাত্রী নামল, বহু যাত্রী উঠল এবং এক সময় স্টিমার ছেড়ে দিল। একজন স্টিমারের কর্মী মাইক্রোফোনে নানা স্থানের ইতিহাস বর্ণনা করে যাচ্ছিলেন।

‘ডুলুথ’ আর ‘মিনেসোটা পয়েন্ট’ এর মধ্যে একটা লোহার সেতু রয়েছে; নাম ‘এরিয়েল লিফ্ট ব্রিজ’। বন্দর থেকে বেরুতে বা বন্দরে ঢুকতে হলে জাহাজকে এই সেতুর তলা দিয়ে যেতে হয়।

এই সেতুটার সাধারণ অবস্থান জলের সামান্য উপরে; মাটির সমতলে। ডুলুথ শহর থেকে মিনেসোটা পয়েন্ট যাবার এটাই একমাত্র সদর রাস্তা। মিনেসোটা পয়েন্ট একটা সাত মাইল লম্বা অন্তরীপ-

লেক সুপিরিয়রের গায়ে সূঁচের মত বিঁধে আছে যেন। তাতে বহু সুইমিং পুল, স্নানের জন্ত বেলাভূমি (Beach), নৌকার ক্লাব, সি প্লেনের বেস (sea plane base) প্রভৃতি রয়েছে। সেতুটি চার শ ফিট লম্বা। জাহাজ আসলে সেতুটিকে উপরে তুলে দেওয়া হয়, আবার চলে গেলে যথাস্থানে নামান হয়। তখন সেটি আবার সাধারণ রাস্তা হয়ে যায়। এ যেন শাপগ্রস্তা উর্বশীর দিনে ঘোটকী আর রাত্রে স্বমূর্ত্তি ধারণ। জাহাজ থেকে এটাকে বারকয় উঠানামা করতে দেখলাম।

হৃদ এ জায়গাটায় তেমন বিস্তৃত নয়; দুই তীরের জনপদ ও তরুরাজি বেশ দেখতে পাচ্ছি। মাইক্রোফোনে ক্রমাগত বর্ণনা চলছে—
—“এই যে জাহাজটা নোঙর ফেলে দাঁড়িয়ে আছে গত মহাযুদ্ধে এটা সামান্য ষায়েল হয়েছিল। লক্ষ লক্ষ মন গম ইত্যাদি এটা বহুবার শত্রুবাহু ভেদ করে ইয়োরোপে বহন করে নিয়ে গেছে। তাই এখন এটাকে অবসরপ্রাপ্ত সৈনিকের উপযুক্ত মর্যাদা দিয়ে রক্ষণাবেক্ষণ করা হচ্ছে। কখনো বড় বড় গম বা লোহার আকর বোঝাই করার নানা যন্ত্রপাতি, গুদাম, দালানকোঠা দেখিয়ে যাত্রীদের জ্ঞানভাণ্ডার স্ফীত করার জন্ত জানিয়ে দেওয়া হচ্ছে,—“এটা দিয়ে মিনিটে এত হাজার টন লোহার আকর বোঝাই করা হত।” ইত্যাদি ইত্যাদি। এ সম্বন্ধে আমাদের খুব একটা আগ্রহ ছিল না। কেউ যে খুব উৎসাহিতবোধ করছিলেন তাও মনে হল না এক বুঢ়া। আমেরিকান ভদ্রমহিলাকে ত স্পষ্টই বলতে শুনলাম—“Absolutely boaring” বেশ বিরক্তজনক।

ওদিকে বিশেষ কান না দিয়ে হৃদের জল দূরের গাছপালা, আকাশ আর নিকটের যাত্রীদের ব্যবহার বৈচিত্র্য নিরীক্ষণ করছিলাম।

এ জাহাজে বাইর থেকে খাবার দাবার আনা বারণ, খাবার দাবার এবং টুকিটাকি জিনিষের দোকান জাহাজেই আছে। সেখানে সর্বক্ষণ ভিড় লেগেই আছে। ২/৩টি অল্পবয়স্ক মেয়ে সেখানে কাজ করছে আর একটি সুবক সারাক্ষণ যাত্রীদের কামরা পরিষ্কার করে চলেছে।

এদেশে অন্নভাব নেই, খাবে না কোন দুঃখে ! মোটা হবার ভয় ? তা' এদের আছে বলে ত মনে হয় না । অন্নবয়সী ছেলেমেয়ে ছাড়া ক্ষণকায় ত চোখেই পড়ে না । উইসকনসিনের স্ত্রীপুরুষ ত বিরাট আকৃতির । খাওয়াও তেমনি সর্বক্ষণ । জাহাজে উঠেই ক্ষুধার উদ্বেক হচ্ছে, তাই অবিরত এটা সেটা কিনে খাচ্ছেন আর ক্ষণে ক্ষণে 'কোক' পান চলছে । জল পানীয় হিসাবে জলচল নয় ; ককোকোলা জাতীয় পানীয়ই এদের 'জাতীয় পানীয়'— একমাত্র তৃষাহর ।

প্রায় এক ঘণ্টা ধরে ষ্টিমার লেক সুপিরিয়রের তীরের নানা জেটি, কোমর ভাঙ্গা জাহাজ ইত্যাদি দেখিয়ে অবশেষে উইসকনসিনের 'সুপিরিয়র' বন্দরে নোঙর করল ।

এই রীতিমত ইনফিরিয়র বন্দরের নাম সুপিরিয়র, ! নিশ্চয়ই এটা একটা রসিকতা ।

এখানে বহু যাত্রীর আরোহণ অবরোহণ কিছুক্ষণ চলল খেয়ালের সাপট তানের মতন এবং এক সময় জাহাজ ডুলুথের দিকে রওয়ানা হল । আবার সেই একই দৃশ্য—জাহাজে উঠেই ক্ষুধার উদ্বেক, কেনা কাটা পান ভোজ, আগের মতই চলতে থাকল । ওদের ভোজন বিলাস দেখে মিতার ও ইচ্ছা-তার মা বাবা, ওদের মত আনু ভাজা ভুট্টা ভাজা খায় । আমরা আপত্তি জানালাম,—“পেট ওদের, পয়সাও ওদের—যা ইচ্ছা করুক । তাই বলে এই বাজালী পেটে এই ব্যসে এই সব ?—আমরা কি 'লকর হজম', পাখর হজম' করনেওয়ালা পালোয়ান ?

এরপর আর ভজিত ভুট্টা প্রসঙ্গ চলতে পারে না ।

বাইরের দিকে চোখ মেলে বসে আছি ; যুহু বাতাস বইছে, হ্রদের অশ্বচ্ছ জলে চূর্ণ ঢেউয়ের মেলা । পর পারে নীলাভ তরুশ্রেণী, নীল আকাশে সাদা মেঘের খেলা । মাঝে মাঝে দেখতে পাচ্ছি—অদূরবর্তী নানা জেটি, লোহা লকর বোঝাই করার নানা সাজসরঞ্জাম, মালবাহী ছ'একটা জাহাজ জলে ঢেউ তুলে পাড়ি দিচ্ছে ; ডাক্তার পাশে ভগ্নপক্ষ বিহঙ্গমের মত ছ'একটা প্রাচীন পেনশান প্রাপ্ত জাহাজ তীরের কাছে নোঙর করা ।

স্থলাভ্যন্তরস্থিত বন্দরের মধ্যে ডুলুথের প্রসিদ্ধি বিশ্ববিশ্রুত। মিনেসোটা পয়েন্টের ছ'পাশে অসংখ্য 'ডকলাইন', সেখান থেকে প্রচুর লৌহ আকর আর গম পৃথিবীর সর্বত্র রপ্তানী হয়ে থাকে। তবে শীতের কয়েক মাস—যখন সুপিরিয়র হ্রদ জমা বরফের তলায় নিজামগ্ন—তখন জাহাজ চলাচল বন্ধ থাকে।

ডুলুথ শহরটি পাহাড়ের উপরে জাহাজ থেকে পাহাড়ের গায়ে থাকে থাকে সাজান শহরটিকে বড় সুন্দর দেখায়। পাহাড়ের ধাপে ধাপে অসংখ্য সৌধ, বাগান, গাছপালা; জায়গায় জায়গায় পাইন বার্চ আর মেপল সিডারের বন পাহাড়ের মাথায় মাথায়; নীল আকাশের পটভূমিতে তারা যেন ঝাঁকা ছবি। দূর থেকে 'এরিয়েল লিক্ট ব্রিজ' ও 'মিনেসোটা পয়েন্ট'কেও খুব সুন্দর দেখায়।

পাকা ছ'ঘণ্টা জলবিহার করে ষ্টিমার ডুলুথের ঘাটে নোঙর করলে আমরা নেমে পড়লাম। পিন্টু গাড়ীটা নিয়ে এসে প্রস্তাব করল—“এখনো ছ'টা বাজেনি ত, সূর্যাস্তের ঢের বাকী; এইবেলা 'নর্থসোর ড্রাইভ'টা একটু ঘুরে আসা যাক।”

শুন খুসী হয়ে বললাম—“খুব ভাল কথা; তবে তার পূর্বে কিঞ্চিৎ চায়ের ব্যবস্থা করা জরুরী বলে মনে হচ্ছে।” মহা খুসী হয়ে পিন্টু বলল “নিশ্চয়ই”।

অতঃপর সবাই গাড়ীতে চড়ে বসলাম। গাড়ী পাহাড়ী রাস্তায় ঘুরতে ঘুরতে এগুচ্ছে; পথের এক পাশে লেক সুপিরিয়রের আলো বলমল জ্বল, অন্য পাশে ছ'টার খানা বাড়ী ঘর, গাছপালা, সব কিছু মিলে যেন সাজান বাগান। কখনো বা রাস্তার দুই পাশেই পাইনের বন, মাঝে মাঝে ঘর বাড়ী ফুলের বাগান। গাছের কাঁক দিয়ে কোথাও বা হ্রদের জলের ঝিকিমিকি। রাস্তার ছ'পাশের জমি সবুজ ঘাসে ঢাকা, যেন সবুজ গালিচা দিয়ে মোড়া। রাস্তার অনতিদূরে পাহাড়ের গায়ে জঙ্গল তাতে পাইন, বার্চ, এ্যাস, পপলার, ওক, সিলভার এ্যাস, বটবৃক্ষ সদৃশ বড় বড় 'কটনউড'—আরও কত কি নাম-না-জানা স্থানীয়

বনস্পতি । কোনোটাতে থোক থোকা লাল লাল ছোট ছোট ফল,—
ঠিক যেন পুষ্পসুন্দর । রাস্তার পাশে একটা সুন্দর রেস্টোরাতে পিণ্টু
গাড়ী থামাল । পাহাড় ভাঙ্গা অমল্য পান্থরের দেয়াল দিয়ে ঘেরা অঙ্গনে
গাড়ী দাঁড় করাবার অনেকটা জায়গা, সাজান বাগান, তার এক পাশে
'উইণ্ডোসাভিস' এর ব্যবস্থা । একটা বিশেষ জায়গায় 'মাইক' ও 'লাউড-
স্পিকার' বসান । গাড়ীতে বসেই ওখানটায় 'অর্ডার' দিতে হয় এবং
একটা বিশেষ জানালার ধারে গিয়ে সেখানে পয়সা দিয়ে খাবার সংগ্রহ
করে নিতে হয় । এতে গাড়ী থেকে নামার প্রয়োজন পড়ে না ; তাতে
সময় বাঁচে । রাস্তার ধারে গাছের নীচে গাড়ী দাঁড় করিয়ে গাড়ীতে
বসে খাওয়া দাওয়া চলে । এরই নাম 'উইণ্ডো সার্ভিস' । ঠিক এই
রকম না হলেও অনেকটা এ রকম ব্যবস্থা বেঙ্গালোরের এক বড়
রেস্টোরাতেও পূর্বে দেখেছি বলে মনে হচ্ছে ।

আমার 'উইণ্ডোসাভিস' থেকে নাতিটির জন্তু আইসক্রিম ও
আমাদের জন্তু গরম চা ও কফি সংগ্রহ করে নিলাম । একটা নির্জন
জায়গায় গাছের তলায় গাড়ী দাঁড় করিয়ে আমরা কফি চা ইত্যাদি
খেয়ে নিলাম । কাপ প্লেট কাগজের ; তাই বলে যত্র তত্র ফেলবার
উপায় নেই এদেশে । জায়গায় জায়গায় আবর্জনা ফেলবার পাত্র
রাখা আছে ; আবর্জনা ওখানেই ফেলতে হবে, অন্যথা বড় রকমের
অর্থ দণ্ড । এদেশে ত আর "আইন অমান্য আন্দোলন" এর প্রচলন হয়
নি ; তাই আইন অমান্য করার স্পৃহা জনসাধারণের মধ্যে বড় একটা
দেখা যায় না । তবে এর কতটা স্বঃপ্রবৃত্ত আর কতটাই বা দণ্ডের ভয়ে
বলা শক্ত । কঠি উপনিষদে আছে না—

“ভয়াদশ্মাগ্নিস্তপতি ভয়ান্তপতি সূর্য্যঃ ।

ভয়াদিত্তশ বায়শ্চ মৃত্যুর্ধাবতি পঞ্চমঃ ॥”

অর্থাৎ তাঁর ভয়েই অগ্নি ও সূর্য্য তাপ দিচ্ছে, ইন্দ্র, বায়ু ও মৃত্যু
ধেয়ে নিজ নিজ কাজ করে যাচ্ছেন ।

যাক্ গে—ভয়েই হোক আর ভক্তিতেই হোক—আমাদের মত সাধারণ লোকেরা সর্বত্রই আইন মেনে চলেই স্বস্তি পায়।

অতএব খুঁজে পেতে একটি আবর্জনা ভাণ্ডে কাগজের কাপ প্লেট ইত্যাদি নিক্ষেপ করা হল।

খেয়ে দেয়ে চাক্ষা হয়ে এবার আমরা বিখ্যাত “নর্থসোর ড্রাইভ” ধরে চলাম। এ রাস্তাটি একেবারে লেক সুপিরিয়রের উপরে। একদিকে পাহাড়, জঙ্গল, কখনো বা তারই মধ্যে জনবসতি। অগ্নিদিকে উদার আকাশের নীচে দিগন্ত বিস্তৃত সুপিরিয়র হ্রদ।

পথে অবশ্য “গ্লেনশীন” নামের একটা পুরানো আমলের বাড়ী পড়েছিল। বিশেষ দ্রষ্টব্য বলে এ অঞ্চলে তার খুব নাম ডাক। এর মালিক ছিলেন ‘চেষ্টার এ কঙ্গডন’ নামের এক ভদ্রলোক। তিনি ছিলেন একাধারে শিল্পপতি, এটর্নী ও রাজনৈতিক নেতা,—ভেবে দেখ—কী সাংঘাতিক ব্যাপার!

হ্রদের ঠিক উপরেই প্রকৃতির আদিম পরিবেশের মধ্যে সাড়ে সাত একর জমির উপরে তিনি জেকোবিয়ান ষ্টাইলে এক বিরাট বাড়ী কেঁদেছিলেন। অনেক খোলাই করা কাঠের ও রঙ্গিন কাঁচের পাত্র দিয়ে এক অভিনব পদ্ধতিতে বিচিত্র আলোর ব্যবস্থা করে তিনি বাড়ীটিকে নিজের মনের মত করে সাজিয়ে ছিলেন।

বর্তমানে চার থেকে পাঁচ ডলারের টিকিট কিনে সে বাড়ী দেখতে হয় এক হাজার হাজার দর্শকের ভিড় ভবুও লেগেই থাকে সেখানে।

এ বাড়ী দেখাটা কালকের জন্তু মূলতবী রেখে আমরা এগিয়ে চলাম। পড়ন্ত সূর্যের আলোর সৌন্দর্যের ডালি সাজিয়ে বসে আছে এই রাস্তাটি। বর্তমানে এটাই আমাদের একমাত্র দর্শনীয়।

ফুলের পর ফুল সূতায় গোঁথে তবেই না হয় ফুলের মালা ;—তেমনি এই রাস্তাটিও যেন সূত্রের মত নয়ন বিমোহন দৃশ্যের পর দৃশ্য গোঁথে গোঁথে—এক অভিনব সৌন্দর্যমালিকা রচনা করে চলেছে।

এক পাশে সবুজ পাহাড়, ঘনবন,—মাঝে মাঝে এক আধখানা কাঠের

রঞ্জিন বাড়ী ; আর রাস্তার দু'পাশে বুনো ঘাসে অজস্র থোকা থোকা সাদা, হলুদ, লাল, বেগুনী ফুল হাওয়ায় ঢুলছে । অন্য পাশে এক ফালি সবুজ জমি ; তাতে দু'চারটি পাইন বা বার্চ ; তার পরই স্থলভূমি জলের উপর হুমড়ি খেয়ে পড়ে এক অপক্লপ তটরেখার সৃষ্টি করেছে ।

এই ভাঙ্গা ভাঙ্গা পাথরের চাকড়ে গড়া সুদীর্ঘ তটরেখা ক্যানোডা পর্যন্ত চলে গেছে, দেখলে নিউহাম্পশায়ারে দেখা আটলান্টিকের কথা মনে পড়ে,—যদিও সেই ফেনিল তরঙ্গোচ্ছ্বাস সেই রাজকীয় মহিমা এখানে অনুপস্থিত । ওখানকার সৌন্দর্য্য উদগ্র, উচ্ছল, বহিমুখী যেন উচ্ছলযৌবনা উর্বশী, আর এখানে শান্ত অন্তর্মুখী, আত্মসমাহিত,—যেন গৃহলক্ষ্মী ।

একটা জায়গায় এসে গাড়ী থামিয়ে দাঁড়িয়ে পড়তে হল । বাম পাশে একটা ছোট্ট নদী পাহাড়ের গা বেয়ে একটা ছোট্ট প্রপাত সৃষ্টি করে ঝির ঝির ধারায় ভাঙ্গা ভাঙ্গা পাথরের উপর ঝরে পড়ছে ! নদীর অপসির বৃকে অনেক পাথরের টুকরা, ক্ষীণ ধারাটি সেখানে ঈষৎ ফেন-শুভ্রা ও গতিময়ী । উপরে একটা সেতু—যার উপর দিয়ে আমাদের রাস্তা চলে গেছে । রাস্তার ও পাশে পুলের অনতিদূরে নদীর ক্ষীণ ধারাটি হ্রদে এসে পড়েছে । হ্রদের বৃকে বিরাট বিরাট পাথরের চাকড় । তার উপর দাঁড়িয়ে দু'চার জন স্থানীয় লোক ছিপ ফেলে মাছ ধরার চেষ্টা করছেন । প্রশস্ত প্রশস্ত হ্রদের মাথার উপরে মেঘমুক্ত আকাশে গৈরিক আলো । সকলেরই জায়গাটা খুব ভাল লাগল । ইচ্ছা হচ্ছিল অন্ততঃ ষট্টাধানেক এখানে বসে থাকি,—কিন্তু সময়ভাব । অগত্যা কালকে আসবার সঙ্কল্প নিয়ে আমরা এই সৌন্দর্য্যের নন্দন কানন ছেড়ে এগিয়ে চললাম ।

রাস্তার বাম পাশের পাহাড়ী অরণ্যভূমিতে সবুজের ললিত লাবণ্য, দক্ষিণে রয়েছে জলের আয়না বৃকে নীরব নিস্তরঙ্গ হ্রদ আর গৈরিক আকাশের পটে চিত্রায়িত মন্দিরের চূড়ার মত পাইন শ্রেণীর শীর্ষ । কাকে ফেলে কাকে দেখি ! উত্তর বাহিনী এ পথটাকে কি নামে ডাকবে—‘সৌন্দর্য্যের স্বীয় ধাম’ না ‘মহাসৌন্দর্য্যের পথ’ ।

কিন্তু কিছু দূর যেতে না যেতেই একি উপদ্রব। কমলবনে মত্ত হস্তীর মত—রাস্তায় কিছু দূরে দূরে মোটেল; পেট্রোল পাম্প, দোকান পাট ইত্যাদির অল্পপ্রবেশ ঘটেছে দেখতে পাচ্ছি। মানছি এসবের খুবই প্রয়োজন রয়েছে,—তাই বলে নন্দন কাননে মুদীর দোকান।

পাহাড়ের আড়ালে সূর্য্য হেলে পড়েছে, হ্রদের মাথার উপরে পূর্ব দিখলয়ে এখনো কিন্তু রক্তিমভাস,—বাতাস নাতিশীতল, সুখ স্পর্শ। জায়গায় জায়গায় গাড়ী থামিয়ে আমরা সবাই হ্রদের তীরবর্তী পাথরের চাকড়ের উপর বসে বসে প্রকৃতির সৌন্দর্য্য সুধা পান করছি। দেখছি—হ্রদের ভিজে বাতাস পথের ছ'পাশের লম্বা লম্বা ঘাসের বনের হলদে বেগুনী ফুলের স্তবকে কেমন দোলা দিয়ে যাচ্ছে,—হ্রদের জলে চূর্ণ ঢেউ আর মাথার উপর বিস্তৃত আকাশে মন-উদাসী আলো। প্রায় সঙ্কুল ভাঙ্গা ভাঙ্গা পাড় বেয়ে আমরা সবাই হ্রদের জল স্পর্শ করে আসছি আর ভাবছি অর্ধেক পৃথিবী পরিক্রমার শেষে বিশ্ববিখ্যাত পঞ্চহ্রদের বৃহত্তম হ্রদটির পাড়ে বসে তার জল স্পর্শ করে মুক্ত আকাশের তলায় বসে আছি,—স্বপ্ন দেখছি না ত!

ছ'একটি পাল তোলা নৌকা রাজহংসের মত জল কেটে কেটে সাঁতার দিচ্ছে। শুভ্র সিগালের দল জলের ধারে পাথরের উপরে প্রতীক্ষমান।

আকাশের আলো ক্রমেই ঘান হয়ে আসছে,—আর বসে কি হবে! সবাই গাড়ীতে ফিরে গেলাম। গাড়ী আবার রেডিসনইনের দিকে এগিয়ে চলল। নগরীর আলোকোজ্জ্বল সরণী পার হয়ে মোটোলে যখন ফিল্লারাম তখন রাত সাড়ে ন'টা।

মাতা ও কন্ঠার তৎপরতায় দৌহিত্রটির এবং অতঃপর আমাদের সকলের নৈশাহার শেষ হলে সবাই কক্ষের তলায় শুয়ে পড়লাম এবং নর্থ সোর ড্রাইভের অল্পপম সৌন্দর্য্যের কথা ভাবতে ভাবতে কখন ঘুমিয়ে পড়েছি জানি না।



নইনের ঘূর্ণমান রেস্তোরা থেকে লেকসুপিরিয়র ও ডুলুথ বন্দর এবং নর্থসোর ড্রাইভ]

মেপল গ্রোভ,

মিনিয়াপোলিস, ২২শে আগষ্ট

আজ ঘুম ভাঙতেই মনে হল আজই মিনিয়াপোলিস ফিরে যাব আমরা। তার আগে এখানকার মুফতে প্রাতঃরাশ (Free break fast) খেয়ে রাতের উপোষটা ত ভাঙ্গি। বলে বটে ree break fast তবে ঠিক মুফতে নয়,—পয়স। ঠিকই ভাড়ার মধ্যে ধ আছে।

প্রাতঃকালীন চা টা কতাই হিটারে তৈরী করে রেছিল। যথাকালে স্নানাদি শেষ করে তৈরী হয়ে সবাই মোটেলের মুকতের নাস্তা' খেতে চললাম।

এ বাড়ীটা আসলে ১৮ না ২০ তল, হলফ করে বলতে পারব না। এটার সর্বোচ্চ তলায় গোলাকার ঘূর্ণমান রেস্তোরা'। লিফটে চড়ে সেখানে পৌঁছে মুগ্ধ হয়ে গেলাম। চারদিকের কাঁচের মস্ত মস্ত জানালা,—তার ভিতর দিয়ে সমগ্র ডুলুথ বন্দর, লেক সুপিরিয়র পাহাড়, বনানী, পাহাড়ের গায়ে গায়ে ডুলুথ শহরের নবায়নরূপে উদ্ভাসিত সৌধ শ্রেণী,—সব কিছু পরিষ্কার দেখা যাচ্ছে।

দৌহিত্র পুজবকে নিয়ে আমরা পাঁচ জন একটা টেবিল অধিকার করে বসলাম। এখানে বসে প্রাতঃরাশ করতে করতে ধীরে সুস্থে নানা কোন থেকে ডুলুথ শহর, বন্দর ও হৃদের দৃশ্যাবলী উপভোগ এক আশ্চর্য অভিজ্ঞতা।

নবায়নরূপে সজ্জিত লেক সুপিরিয়রের বুকে রঞ্জন পাল ডোলা নৌকার ভিড়। এরিয়েল লিফট ব্রিজের তলা দিয়ে জাহাজ যাচ্ছে—মিনোসোটা পয়েন্টের ঘর বাড়ী গাছপালাতে আলোর ছোপ,—অপদৃশ্য।

কিছুক্ষণ পর দেখলাম—আর এক রূপ। কখন যে দৃশ্যপটের পরিবর্তন হল বুঝতেই পারলাম না,—এত মন্দগতিতে রেস্টোর। ঘুরছে যে আমরা আদৌ টের পাচ্ছি না। এখন চোখের সামনে এক ফালি হৃদ রৌদ্রালোকে ঝিকমিক করছে। তার তীরে বনাকীর্ণ পাহাড়ের গায়ে শুভ্র সৌখ্যশ্রেণী সূর্যালোকে শুভ্রতর প্রতিভাত হচ্ছে। তার পেছনে—নীল আকাশের গায়ে সাদা মেঘের বিচিত্র আলপনা; সব মিলে একখানা অনবজ ছবি।

আরো কিছুক্ষণ পর দেখলাম—সুপিরিয়র লেক পলাতক;—ধূসর রক্তিম প্রস্ফুরময় পাহাড়ের গায়ে গায়ে ডুলুথ শহর কেমন ছড়িয়ে ছিটিয়ে রয়েছে; পাইন পপলার বার্চের হরিৎ লাবণ্যে সে অপরূপ রূপসী। পাহাড়ের চূড়ায় কিন্তু নগরীর অধিকার নেই; সেখানে নীল আকাশে মাথা তুলে স্বমহিমায় দাঁড়িয়ে আছে—পপলার, পাইন, ওক, সিডার প্রভৃতি তরুশ্রেণী; কোনো মানবসৃষ্ট সৌধের সেখানে প্রবেশ নিষেধ।

এমন চিত্র-নিভ নয়নাভিরাম দৃশ্যাবলী ছেড়ে যেতে মন কি চায়! তবুও যেতে হয়; এবং হয় নেহাৎ ভদ্রতার ষাতিরে। হোটেলের একটা টেবিল আর কতক্ষণ দখল করে রাখা যায়!

মোটেলের ফিরে গিয়ে সবাই শেষ বারের মত প্রস্তুত হয়ে নিলাম। মালপত্র গাড়ীতে তুলে নিয়ে মোটেল ছেড়ে দেওয়া হল।

আমরা এবার শেষ বারের মত নর্থ সোয় ড্রাইভ দেখতে যাচ্ছি।

নর্থ সোরের স্বপ্নসরণী বেয়ে গাড়ী চলছে আর আমরা বিস্ফারিত নয়নে দেখতে দেখতে যাচ্ছি। রাস্তার এক দিকে পাহাড়ের সারি, গায়ে নীলাভ সবুজ অরণ্যানী, তারই মাঝে মাঝে ছবির মত সাজান ছোট ছোট কাঠের বাড়ী ঘর, দোকান পাট;—অন্যদিকে সূর্য্য করো-জ্জল হৃদের জল, তীরে তীরে সবুজ প্যাগোডার মত পাইনের সারি আকাশের গায়ে মাথা তুলে দাঁড়িয়ে।

‘ক্রেঞ্চ রিভার’ এর কাছে যখন এলাম মনে হল, আর কেন? এই খানেই থেকে যাই। ফেব্রার পথে নামবার সঙ্কল্প নিয়ে এগিয়ে চললাম।

পথে পড়ল ‘টেলার্স কেবিন’ এর বিরাট বিজ্ঞাপন ; পাশে দুটি কাঠের ঘোড়ার মূর্তি দাঁড় করান। কী আছে এখানে। নেমে দেখবার একটা দ্বার কোতূহল সবেগে গাড়ীকে এগিয়ে যেতেই হচ্ছে ; সময়ের সঙ্গে পাল্লা দিয়ে আমরা ছুটে চলনি যে। যা দেখার দেখে নিয়ে আজ বিকেলের মধ্যেই মিনিয়াপোলিসে ফিরে যেতে হবে। ফেরার সময় একটুখানি সময় করে নিশ্চয়ই দেখব এই সাক্ষ্যনা নিজেকে বারে বারেরই দিচ্ছি আর বাইরে চোখ মেলে বসে আছি ‘রম্যাণি বীক্ষণায়’।

পাহাড়, অরণ্য আর হ্রদ—এই তিনে মিলে রাস্তার দু’পাশে নীল আকাশের পটভূমিতে ক্ষণে ক্ষণে কতই না নব নব রূপের সৃষ্টি করে চলেছে !

আর রাস্তার দু’পাশে—পাহাড়ের গায়ে গায়ে অসংখ্য সাদা হলদে বেগুনী ঘাসের ফুলের এই যে রং এর বাহার—এটাই কি কম !

প্রকৃতির রূপসুধা পান করতে করতে এক সময় ‘টু হারবার’-এ পৌঁছে গেলাম। লৌহ আকর আবিষ্কারের প্রথম যুগে এ শহরের খ্যাতি যথেষ্টই ছিল;—এ কথা ইতিহাস বলে বটে, তবে বর্তমানে এটি একটি ভ্রষ্টখ্যাতি স্মৃতিভার জর্জরিত শহর মাত্র, দুটি কেন একটি হারবারও এখানে নেই ; হারবার হারিয়ে গেছে, দেখতে সময় সামান্যই লাগল।

এবার ফেরার পালা। প্রত্যাবর্তন করছি পুরাণে পথেই। থেকে থেকে চায়ের ঠেঙা পাওয়া আমার একটা বিল্লী অভ্যাস। তাই রাস্তার পাশের একটা ছোট খাট ছিমছাম রেস্টোরঁ দেখে সবাই ঢুকে পড়লাম। চা, কফি, ও সামান্য কিছু খাওয়ার অর্ডার দিয়ে মাতা ও কন্যা দৌহিত্র সহ ভিতরে ঢুকে গেল। ছোট হোক আর বড় হোক—রেস্টোরঁতেই পরিষ্কার পরিচ্ছন্ন বাথরুম ও নোংরা ফেলার জায়গা থাকবেই। দোকানের আমেরিকান মহিলারা খুব আলাপী আর শিশু-প্রিয়। তাঁরা বাচ্চাটিকে খুব আদর করলেন এবং মেয়েদের সঙ্গে খুব গল্প করলেন। গৃহিনী ত এঁদের পরিষ্কার পরিচ্ছন্নতা দেখে মুগ্ধ। এঁরা বড়লোক নন, দোকানটিও ছোট। কিন্তু ছোট হলেও কী

সুন্দর ব্যবস্থা। কী বকবকে বাড়ী ঘর, আর ছিমছাম জিনিষ পত্র সাজান। কথাবার্তাও খুব ভজ। এ রেস্টোরাঁর ঠিক পেছনেই পাহাড় ও বন, সামনে লেক সুপিরিয়রের বিস্তীর্ণ জলরাশি; পাড়ে বেশ কয়েকটি পপলার আর পাইন আকাশে মাথা তুলে দাঁড়িয়ে আছে, —অপূর্ব দৃশ্য। মুগ্ধ পিষ্ট ত একটা ছবিই তুলে নিল। ইত্যবসরে আমি একটি আমেরিকান ছেলের সঙ্গে আলাপ জমিয়ে এখানকার জঙ্গলের গাছ পালার নাম ধাম যথাসম্ভব জেনে নিলাম।

চা পানের পর সবাই গাড়ীতে চেপে বসলাম। এবার গন্তব্য স্থল ‘টেলার্স কেবিন’। ভেবেছিলাম বুঝি বড় রাস্তা ছেড়ে অনেকটা ভিতরে যেতে হবে। কিন্তু তা হল না, রাস্তা থেকে দুই তিন শ গজের মধ্যেই গাছের ঝোপের আড়ালে এই লগ কেবিনটি। বাইরে পাইন গাছের সারি, তার নীচে কয়েকটি জীর্ণ ঘোড়ার গাড়ী, গাড়ীর চাকা, জিন, লাগাম ও অস্ত্রস্ত পুরানো অংশ। আর ছিল দুটি কাঠের ঘোড়া, যেন জীবন্ত। তার পাশেই একটা মজার সাইনবোর্ড, তাতে লেখা— “দয়া করে আমাদের উপর চড়ো না”। সামনেই একটা লগ কেবিন। ভিতরে ঢুকে দেখলাম—বেশ কিছু দর্শনার্থী সেখানে ভিড় করেছেন। স্থানীয় নানা জিনিষপত্র জীব জন্তুর হাড়, শিং, রেড ইণ্ডিয়ানদের তৈরী নানা জিনিষ পত্র, হাতিয়ার, যন্ত্র পাতি, পুতুল, হাঁড়ি, বাসন পত্র, fur অর্থাৎ লোমশ পশুর নরম দীর্ঘ লোমগুলি চামড়া, নানা রকমের রজিন পাথর ও ছবি এখানে আছে। আমরা স্মৃতিচিহ্ন হিসাবে সামান্য কিছু কিনলাম। ছোট দোকান, সংগ্রহও সামান্য কিন্তু আন্তরিকতার কমতি নেই। এখানকার আমেরিকান দোকানদারটি একদা কোলকাতার ছিলেন। গৃহিনীর কস্তার শাড়ীপরা দেখেই আমাদের বাকালী বলে চিনতে পারলেন এবং যেতে আলাপ করলেন। আনন্দ পেলাম।

কেনা কাটা শেষ হলে আবার সবাই গাড়ীতে চড়ে বসলাম। ঠিক হল এবার স্রোত রিভারের কাছে নেমে কিছুক্ষণ হ্রদের পাশে বসা হবে।

যথা সময়ে গাড়ী ফ্রেন্স রিভারে এসে পৌঁছালে আমরা সবাই নেমে পড়লাম। বড় সুন্দর এ জায়গাটা। একটা রাস্তা ধাপে ধাপে নেমে গিয়ে হ্রদে এসে মিশেছে। এ রাস্তা থেকে নেমে গিয়ে এবার ইতস্ততঃ ভ্রমণের পালা। কেউ গিয়ে বসলেন জলের ধারে পাথরের চাঁইএর উপর জলে পা ডুবিয়ে,—কেউ বা উঁচু পাছাড়ের উপর পাইন বনের ভিতর ঢুকে বল্লেন—“এখানে” হারিয়ে যেতে নেই মানা”।

“নিশ্চয়ই আছে”—উৎকণ্ঠিত কণ্ঠে গৃহিনী বল্লেন—“শীঘ্র নেমে এস”। কেউ বা নির্ভয়ে ছুটলেন ঘাসের বনে ফুল কুড়াতে। আমি চুপি চুপি চলে এলাম পুলের নীচ দিয়ে ফ্রেন্স রিভারের পাশে—যেখানে তার ক্ষীণ ধারাটি পাথরের উপর ঝির ঝির করে বয়ে পড়ছে।

মৎস্ত শিকারীদের কেউ কেউ হ্রদের জলে ছিপ ফেলে বসে আছেন দেখতে পেলাম। এখানে ছুইজন আমেরিকান ভদ্রলোকের সঙ্গে আলাপ হল। কৰ্মজীবনের শেষে এই শাস্ত্র নিষ্কর্ষন পরিবেশে শেষ জীবন কাটাতে এসেছেন। মৎস্ত সম্বন্ধে একটা নেশাও এঁদের রয়েছে, তবে সেটা মাছ ধরার নয়, ধরা মাছকে বাঁচাবার। কেউ যেন অথবা মাছ ধরে ‘অবোলা প্রাণী’ হত্যা না করে—এই প্রচেষ্টাই এঁদের নেশা। মৎস্ত শিকারী দেখলেই আলাপ জমিয়ে নিয়ে ক্রমে ক্রমে বোকাতে চেষ্টা করেন—অকারণ প্রাণী হত্যা ঠিক নয়। তবুও যদি কেউ মাছ ধরতে চান যেন জীবন্ত টোপ ব্যবহার না করেন,—কারণ সে টোপের লোভ সম্বরণ করা অবোধ মাছদের পক্ষে অসাধ্য। আর যদি তবুও বড়শিতে গৌঁথেই যায়—যেন তক্ষুণি ছেড়ে দেওয়া হয়।

কত বিচিত্রই না মানুষের জীবকল্যাণ সম্বন্ধে ধারণা, পন্থা ও পদ্ধতি। তা হোক—তবুও রাজনীতি থেকে এ ত ঢের ভাল।

রৌজের তেজ ক্রমেই বৃদ্ধি পাচ্ছিল, সূতরাং এক সময় এই শাখের বিলাসিতা পরিত্যাগ করে গাড়ীতে বসে যাওয়া হল। এবার গাড়ী ‘গ্লেনসিন’ নামক দর্শনীয় ভবনটির দিকে চলল। পৌঁছে দেখি গাড়ীর ভিড়ে গাড়ী রাখার স্থান পাওয়াই হ্রস্ব। অনেক চেষ্টার পর জায়গা

যদিও বা মিলল—টিকিট মিলল না। বাঙালী দেখতে হলে নাকি কম-পক্ষে আরও দেড় ঘণ্টা অপেক্ষা করতে হবে।

খানকয় কাঠের আসবাবপত্র আর কাঁচের কাড় লগ্নন দেখতে বেশ কিছু ডলার গলার ‘কলার’ ধরে নিয়ে নেবে এবং সময়ও নষ্ট হবে এতখানি,—এতে আমি রাজী নই। বললাম—“যোধপুর, জয়পুর, উদয়পুর, মহীশূর—অনেক রাজবাড়ীই ত ভাল করে দেখা হয়েছে, ‘গ্লেনসিন’ না দেখলে এমন কিছু ‘Sin’ হবে না।

সকলেরই দেখলাম—একই মত। স্মরণীয় কথা সময় নষ্ট না করে সবাই গাড়ীতে গিয়ে বসলাম। তাছাড়া-না নাগাল পেলে আঙ্গুর কল ত সর্বদাই টক।

শেষবারের মত নর্থ সোর ড্রাইভের স্বপ্নসগী পার হয়ে এলাম। এবার গাড়ী চালাচ্ছে মিভা। চোখের সামনে লেক সুপিরিয়র বা নর্থ সোর ড্রাইভ আর নেই, রইল এদের অপরূপ রূপের সুখস্বৃতি মনের মন্দিরে অক্ষয় হয়ে।

উড়াল পুলের জাল ছিঁড়ে গাড়ী ডুলুথ শহর থেকে বেরিয়ে এসেছে। মাতি কোলে বৃদ্ধ পেছনের সিটে হেলান দিয়ে ছ’পাশের দৃশ্য উপভোগ করে চলেছি। বৃদ্ধ এখন অদৃশ্য, চোখের সামনে ছোট, বড়, মাঝারি পাহাড়ে বনে আর ঢালু জমিতে লম্বা লম্বা ঘাসের জঙ্গলে হিল্লোলিত কমকুসুম সম্ভার। পাহাড়ের গায়ে গায়ে মাথায় মাথায়, মন্দিরের চূড়ার মত পাইনের সারি,—কী অপরূপ মাধুরী!

যে রাস্তায় ডুলুথ গিয়েছিলাম—ঘরে ফিরছি সেই একই রাস্তায়। সে বর্ণনা রেখে বরং ‘মুজলেক’ বেড়িয়ে আসা যাক।

ছ’পাশের পাইনের অরণ্য, পুষ্পিত প্রেইরী প্রান্তর এবং মাঝে মাঝে ক্ষীণধারা স্রোতস্বিনী পার হতে হতে এক সময় চোখে পড়ল—রাস্তার পাশে একটা সাইন বোর্ড, তাতে লেখা—‘মুজলেক এই দিকে।’ পিক্টু বলল—‘কিছু সময় হাতে যখন রয়েছে—মুজলেকটা দেখেই আসা যাক।’

অতঃপব মিতার গাড়ী পাকা রাস্তা পরিভ্রামণ করে মুজলেকগামী

খোয়া বীথান রাস্তার মেনে পড়ল। রাস্তার নির্দেশ দেখে দেখে কিছু সময়ের মধ্যেই মুজলেকে এসে মিতা গাড়ী দাঁড় করাল।

সহসা এক বৃদ্ধ আমেরিকান ভজলোক নিকটস্থ একটা ছোট ঘর থেকে বেরিয়ে এসে সহাস্ত বদনে পিষ্টুকে মুজলেকে মাছ ধরার সাদর নিমন্ত্রণ জানানলেন।

‘একেত নাচইস্তা পুরী,

তাতে আবার ঢোলের বাড়ি।’ অর্থাৎ কিনা মেয়ে (পুত্ৰী—পুরী) এমনিতেই নৃত্যাহুরাগিনী, তাতে আবার ঢোলের সঙ্গত।

পিষ্টুর এমনি মাছ ধরার প্রচণ্ড শখ, তার উপর মাছ ধরায় নিমন্ত্রণ। তার পক্ষে এ লোভ সামলান কঠিন। অতএব কড়কড়ে দশ ডলারের বিনিময়ে মিনেসোটা রাজ্যে যত্রতত্র মাছ ধরার অবাধ অধিকার অর্জন করে পিষ্টু হাসি মুখে ফিরে এল।

জঙ্গলে সর্বত্র লম্বা লম্বা ঘাস,—তাতে ফুল ফুটে আছে। টিলার গায়ে আর চেটে খেলান জমিতে পাইন, পপলার, সিডার মেপল আরও কত কি স্থানীয় গাছপালা। কাঁকরের রাস্তা বেয়ে গাড়ী এসে একেবারে হ্রদের পা ঘেঁষে দাঁড়াল। দ্রুত হস্তে গাড়ীর পেছন থেকে মাছ ধরার সাজ সরঞ্জাম বের করে নিয়ে পিষ্টু হ্রদের পাড়ে মাছ ধরার জন্ত তৈরী কাঠের পাটাতনে গিয়ে অধিষ্ঠিত হল। মিতা ও গৃহিনী বাচ্চা সহ রইলেন গাড়ীতে আর গড়াতে গড়াতে আমি চল্লাম ভোজ্য পানীর সহ অদূরবর্তী বিশ্রাম স্থানের উদ্দেশে।

কয়েকটা পাইন গাছ জটলা করে দাঁড়িয়ে আছে, তার নীচে দুটি লম্বা বেঞ্চ ও একটি টেবিল পাজ; চতুর্দিকে পরিবেশের সঙ্গে মানিয়ে ত্রুদের রং ও গঠন। এটাই হল এখানকার ‘বিশ্রাম স্থান’। একটু দূরে ছেলেদের ও মেয়েদের আলাদা আলাদা শৌচাগার। একটু দূরে ময়লা কেলার ড্রাম। হ্রদের ধারে কাঠের পাটাতন,—অনেকটা আমাদের দেশের গ্রাম্য পুকুর ঘাটের মতই জলের মধ্যে অনেকটা ঢুকে আছে। এখানে দাঁড়িয়ে ছিপ ছেলে মাছ ধরার খুব সুবিধা। নিকটেই

একটা টেবিল পাতা,—পাশে আঁশ ফেলার জায়গা আর টেবিলের উপর আঁশ ছাড়াবার একটি যন্ত্র। ছিল ত সবই, ছিল না কেবল পিটু'র ভাগ্য। সে দিন পিটু'র বড়শিতে একটা মাছও ঠুকরাল না। ষষ্ঠাখানেক বুধা চেষ্টার পর পিটু' ফিরে এল। মাছ না পেলেও তার হুঃখ নেই ধরার চেষ্টাতেই তার আনন্দ।

এই এক ষষ্ঠা সময় সব চেয়ে ভাল কেটেছে আমার শিশু দৌহির-টির। জলের ধারে দৌড়াদৌড়ি করে, ঘাসের বনে ফুল ছিঁড়ে, রাস্তায় কাঁকর কুড়িয়ে, সর্বক্ষণ হৈ হৈ করে। অক্লান্ত থেকে অনাবিল আনন্দ উপভোগ করতে পারে এ জগতে একমাত্র শিশুরাই।

তবে আমরাও একেবারে বঞ্চিত হই নি। আমেরিকার এক গণ-গ্রামে জনহীন এক হ্রদের পাড়ে সম্পূর্ণ প্রাকৃতিক পরিবেশের মধ্যে পাইন গাছের ছায়ায় পাইন গাছ চেরা অম্লময় বেঞ্চে বসে চা. ককি ও কুকি অর্থাৎ বিস্কুট খাওয়ার অভিজ্ঞতা এমন কিছু ফেলনা নয় : চার পাশের পরিবেশও ছিল অকৃত্রিম গ্রাম্য। সদাপ্রসাধিতা নগরী চটক ছিল না বটে, ছিল প্রসাধন বিহীন। গ্রাম্য মেয়ের সহজ লাবণ্য—তার টিরা সবুজ টিলার গায়ের ঘাসে ঘাসে, হাওয়ার দোলা থোকা থোকা রস্নিন ঘাসের ফুলে,—টিলার মাথায় মাথায় পপলার, সিডার বার্ল্ড আর পাইনের জললে, হ্রদের ছায়াঘন নিস্তরল জলে আর জলজ ঘাসের বনে উড়ন্ত কড়িং এর রস্নিন পাখায়।

মৌজ করে মুক্তহৃদ দর্শনান্তে আমরা এবার ঘরে ফিরে চলেছি। মিতা গাড়ী চালাচ্ছে—পিটু পথ নির্দেশক আর দর্শক আমরা; এদেশের গ্রামগঞ্জ, মাঠ বাট, পাহাড়, গাছপালা দেখতে দেখতে চলেছি। সন্ধ্যার আগেই দেখলাম বাড়ীর দরজায় পৌছে গেছি।

তাবড়ি—ভাগিয়াল শৈলনগরী ডুলুথ, সুপিরিয়র হ্রদ বিশেষতঃ নর্থসোরড্রাইভ দেখা হয়ে গেল! নইলে এত দেখেও আমাদের আমেরিকা দর্শন পূর্ণ হত কি।



[সেন্ট ক্রয়নদী টেইলার্স ফলস্]

মেপল গ্রোভ, মিনিয়াপোলিস ।

২রা সেপ্টেম্বর, ১৯৮৪ ইং

ভেবেছিলাম—আমেরিকা ও ক্যানিডার প্রাকৃতিক সৌন্দর্য্য সন্তোষ
এবারকার মত বুঝি শেষ হল । কিন্তু ত্রীমার ইচ্ছা ছিল অল্প রকম ।
সে কথাতেই আসছি ।

কিছুদিন যেতে না যেতেই ক্যানিডা থেকে কনিষ্ঠ শ্রালক চাঁহ
সপরিবারে এখানে তার ভাগ্যীর বাড়ী বেড়াতে এল । ছ’টার দিন পর
এক ছুটির দিনে পিণ্টু বলল—“আজ লেবার ডে”—ছুটির দিন ।
কাছে পিঠে কোথাও বেড়িয়ে আসলে হয় না ? মিনেসোটা আর
উইস্‌কনসিনের সীমানায় সেন্টক্রয় নদীর পাড়ে ঘুরে আসা যাক । সে
জায়গাটা শুনেছি খুব সুন্দর ; চাঁহ আমার নিশ্চয়ই ভাল লাগবে ।”

কারোই আপত্তি করার কিছু নেই এতে । ছপুরের খাওয়া তাড়া-
তাড়ি সেরে নিয়ে সবাই প্রস্তুত হয়ে গাড়ীতে চেপে বসলাম । আজ
গাড়ী চালাচ্ছে পিণ্টু, মাঝখানে আমি আর জানালার পাশে চাঁহ ।
পেছনের সিটে—দুই জানালায় দুই শিশু কোলে দুই জননী রাণু ও মিতা
আর মাঝখানে গৃহিনী । দুই শিশু সঙ্গে, তাই খাচ্চ পানীয় সঙ্গে
যথেষ্ট নেওয়া হল ।

ডুলুথগামী রাস্তায় আমরা চলছিলাম ; হঠাৎ গাড়ী ডানদিকে মোড়
নিল । এ রাস্তার ছ’পাশে ছোট ছোট রজিন ঘরবাড়ী সম্বলিত ছবির
মত সুন্দর সুন্দর জনপদ চোখে পড়ছে । দেখে ত চাঁহ মুগ্ধ । বলল—
“এসব দেখে মনে হচ্ছে—যেন ইয়োরোপের ছোট ছোট শহরের ভিতর
দিয়ে যাচ্ছি । সেখানেই ঠিক এই রকমের বাড়ী ঘর দোকান পাট ।
আর কী সুন্দর সাজানো ! প্রাকৃতিক পরিবেশকে তারা এতটুকু নষ্ট
করে নি, যথাসম্ভব অবিকৃত রেখেছে । তাই এত সুন্দর ।”

শুনে পিণ্টু বলল—“তার কারণ এখানে যারা থাকে তারা ত নরওয়ে
সুইডেন বা জার্মানী থেকেই এসেছে ।”

এখানকার গ্রামে গঞ্জে কেমন একটা আলসেমি ভরা ছায়াচ্ছন্ন সবুজ মায়া জড়ান। বেশ কয়েকটি জনপদ পেরিয়ে আমরা এবার পাহাড়ী এলাকা দিয়ে চলেছি। ছোট ছোট পাথরের টিলা,—তার মাঝখান দিয়ে পাথর কাটা রাস্তা তৈরী হয়েছে, জায়গায় জায়গায় সাবধান বাণী—“গড়িয়ে পড়া পাথর থেকে সাবধান”।

অর্থাৎ উপর থেকে পাথর খসে মাঝে মাঝে গড়িয়ে পড়তেও পারে তাহলে।

ভীতিপ্রদ বটে, তবুও কী সুন্দর ঘন সবুজ এই পরিবেশ! বৃক্ষশ্রেণী রাস্তা থেকেই পাহাড়ের গা বেয়ে বেয়ে পাহাড়ের চূড়ায় উঠে গেছে যেখানে আকাশের ঘননীল আর মেঘের শুভ্রতা।

নদীর বৃক্কে যন্ত্রচালিত, পালচালিত, পালবিহীন রকমারি নৌকার স্বচ্ছন্দ বিহার চলছে। ছুঁচর জন উৎসাহী যুবক নদীর বৃকে বড় বড় পাথরের চাকড়ের উপর বসে মাছ ধরছে। প্রকৃতির সঙ্গে মানুষের একটা লেনদেন এখানে সর্বক্ষণ। সামাজিক জীব আমরা, একটুতেই মানুষের সঙ্গ ছাড়া হাঁকিয়ে উঠি। তবুও একথা ত মিথ্যে নয় যে প্রকৃতির শাস্ত সমাহিত সৌন্দর্য উপভোগ করতে হলে সে সৌন্দর্য খুঁজতে হবে নির্জনে একান্তে।

পাহাড়ী রাস্তার একটা বাক্রে এসে পিন্টু গাড়ী দাঁড় করাল। চারদিকে চোখ মিলে তাকিয়ে এই দ্বিপ্রহরের রোজেও আমরা একেবারে ‘Moon struck’—পাগল দিশাহারা। কী অপূর্ব সুন্দর দৃশ্য!

দক্ষিণ-বাহিনী সেন্ট ফ্রান্স নদীটি এখানে প্লথগামিনী, তার তরীনিভ ক্ষীণ কটি এখানে বিপুল। প্রোটা উইসকনসিন হুহিভাদের মত! নদীর বৃকে ছোট মাঝারি অনেক দ্বীপ; তাদের তরঙ্গঘাতভগ্ন তটভূমিতে ঢেউ-এর মাথায় মাথায় সাদা কেনা, আর শীর্ষদেশে নীল আকাশের পরিপ্রেক্ষিতে পাইন বনানী চিরহরিৎ লাবণ্য। এটি ক্যানডার সেন্ট লরেন্স নদীর বৃকে সহস্রদ্বীপ-এর ছোট সংস্করণ ঘন। দক্ষিণ আকাশের দিকে চাইলে মনে হয়—ঘন ছবি দেখছি। উপরে ঘননীল আকাশে

শুভ্রমেঘের পুঞ্জ, নীচে নদীর নীল জলধারা,—তার বুকে অজস্র দ্বীপ ; তাতে চিরহরিৎ পাইনবনানী শীর্ষ সবুজ প্যাগোডার মত আকাশের পটে আঁকা । দুই তীরের সবুজ পাহাড়ের সারি যেন চেউ এর পর চেউ তুলে নীল আকাশকে স্পর্শ করতে ছুটেছে । এমন সুন্দর জায়গা ছেড়ে যেতে কি প্রাণ চায় ।

তবু যেতে হয় । ঘড়ি ঘড়ি তাড়া দেয় বলে এ যুগে সব কিছুই তড়িৎঘড়ি করতে হয় । হৃৎকণ্ড নির্ভেজাল আলসেমি করে পদ্মভুক (lotus eater) এর অভিনয় করার জো নেই । তাই বাচ্চা নিয়ে সবাই আবার গাড়ীতে চড়ে বসল । কিছুদূর এগিয়ে দেখা গেল—হুঁচর জন কৃষক আনাছ তরকারী নিয়ে পথের ধারে বসে আছে । তাদের কাছ থেকে শুনা গেল এ অঞ্চলে টেলারের প্রপাত (Taylor's falls) নাকি একটি বিশেষ দ্রষ্টব্য স্থান ।

পথের সন্ধান সংগ্রহ করে গাড়ীত ছুটে চল্ল, কিন্তু পথ আর ফুরাতে চায় না । অবশেষে বহুদূরে গিয়ে যথত জায়গাটাতে পৌঁছান গেল—তখন জানা গেল—এখানে প্রপাত টপাত কিছু নেই । তাহলে Taylor's falls নয়—Taylor's false ! নিতাস্তই বাজে রসিকতা ।

কিন্তু এখানে অজস্র গাড়ী দাঁড়িয়ে আছে কেন ? দ্রষ্টব্য তাহলে নিশ্চয়ই কিছু আছে । নেমেই দেখা যাক না । গাড়ী থেকে নেমে গিয়ে দেখি—সামনে সবুজ ঘাসে ঢাকা বিরাট মাঠ ; তাতে অজস্র গাছ, বাগানের মত সাজান, বহু ওক, পাইন, সিডার, মেপল আর পপলারের সবুজ অঙ্ককার । মাঝে মাঝে বসবার জন্ত পাইন গাছ চেরা কাঠে তৈরী বেঞ্চ ও টেবিল, চারপাশের রং-এর সঙ্গে রং মিলিয়ে সবুজ রং করা । সবুজ ঘাসে ভরা মাঠের মাঝে মাঝে লোহার উম্মন, চড়ুইভাতি প্রেমিকরা যাতে সহজে সন্তুষ্টসিত মাংস রুটীসহ উপভোগ করতে পারেন । অদূরে সেন্টক্রস নদীর নীল জলধারা, পরপারে উইসকনসিন । সেখানে ও এমনি সাজান বাগান,—সারি সারি সবুজ বেঞ্চ আর টেবিল । দেখতে পাচ্ছি সেখানেও এখানকারমত দর্শনার্থীর ভিড় ।

একট বৃদ্ধ ওক গাছের নীচে পিণ্টু ও চাঁদু একটি টেবিল ও দুটি বেঞ্চ বয়ে নিয়ে এল। মহিলারা ক্রিগ্রহস্তে টেবিলে খাবার দাবার সাজিয়ে সকলকে পরিবেশন করলেন এবং দুটি বাচ্চাকে কিছু খাওয়াতে গিয়ে দুই মা হিমসিম খেতে লাগলেন। ওদের খাওয়া ত মাথায় থাকল,— দুই শিশু কোন সুযোগে পিণ্টুর ছিপের দুই অংশ দখল করে নিয়ে খেলায় মত্ত :—বেচারি পিণ্টুর এবারও মাছ ধরা হল না।

চায়ের কাপে চুমুক দিচ্ছি আর এখানকার নদীর বৃকে নৌকা-বিহারের ঢালাও ব্যবস্থা লক্ষ্য করছি। নৌবিহাররত দুটি ভারতীয় পরিবার নয়ন গোচর হল। তাঁরাও আমাদের দেখতে পেয়েছেন ও ভারতীয় বলে চিনতে পেরেছেন মনে হল। চিনতে অনুবিধার কথাও নয়,—গাত্রবর্ণ ও পরিহিত শাড়ীতে ভারতীয় বলে সনাক্ত করা ত সহজ। নদী বৃক থেকে স্মিতহাস্তে হাত নেড়ে জানালেন যে ‘দেশওয়ালী’ বলে আমাদের মেয়েদের ওঁরা চিনতে পেরেছেন।

দুপুর গড়িয়ে এখন বিকেল ;—সঙ্গে দুটি বাচ্চা, পথও অনেকটা। পথ বিজন তিমির সঘন ‘কানন কন্টক তরুগহন’ এবং ‘আঁধার ধরণী’ ত হতেই পারে। তাই পিণ্টু ফিরবার কথা উত্থাপন করতেই সবাই উঠে দাঁড়ালাম এবং সেন্ট্রাল নদীকে শেষ বারের মত বিদায় জানিয়ে মাল পত্র সহ গাড়ীতে গিয়ে বসলাম।

এবার অশ্রু রাস্তায় আমরা ফিরছি। ক্ষেত-খামার তৃণভূমি আর নীল জলে আলোর ঝিলিক দেখতে দেখতে মিনিসিপি নদীর কূল পেরিয়ে এক সময় মেন্টলগ্রোভের বাড়ীর দরজায় পৌঁছে যেতে চাঁদু পিণ্টুকে ধন্যবাদ জানিয়ে বল্ল “খুব সুন্দর জায়গা দেখিয়ে আনলে, তোমার স্থান নির্বাচনের সুখ্যাতি করতেই হয়।” সবাই এক বাক্যে সায় দিয়ে বল্লাম—“হাতের কাছে এত সুন্দর জায়গা ছিল অথচ এতদিন দেখা হয়নি। তাগে আজ দেখালে; না হলে আমেরিকা দর্শন সম্পূর্ণ ই হত না।’ ইত্যাদি ইত্যাদি।

এবার কিন্তু ‘আমার কথাটি’ সত্যই ফুরাল,—নটের গাছের যা হবার হবে,—বর্ষা পেলে আবার ঝাঁকড়া হয়ে উঠবে ‘খন’। ইতি,

তোমাদের

